



შოთა რუსთაველის ქართული ლიტერატურის ინსტიტუტი

Shota Rustaveli Institute of Georgian Literature

**Vazha-Pshavela 150**

**Anniversary Collection**

Tbilisi 2011

ვაჟა-ფშაველა 150  
საიუბილეო კრებული

თბილისი 2011



შოთა რუსთაველის ეროვნული სამეცნიერო ფონდი  
Shota Rustaveli National Science Foundation

აღნიშნული პროექტი (N ვეფ/1/1 – 20/11). განხორციელდა შოთა რუსთაველის ეროვნული სამეცნიერო ფონდის ფინანსური მხარდაჭერით. წინამდებარე პუბლიკაციაში გამოთქმული ნებისმიერი მოსაზრება ეკუთვნის ავტორს და შესაძლოა, არ ასახავდეს ფონდის შეხედულებებს.

This project has been made possible by financial support from the Shota Rustaveli National Science Foundation (Grant N ვეფ/1/1 – 20/11). All ideas expressed herewith are those of the author, and may not represent the opinion of the Foundation itself. [www.rustaveli.org.ge](http://www.rustaveli.org.ge)

### უფასო გამოცემა

რედაქტორი  
ირმა რაჭიანი

სარედაქციო კოლეგია:  
ამირან არაბული  
მაკა ელბაქიძე  
ნანა ფრუიძე

ტექნიკური რედაქტორი  
მირანდა ტყეშელაშვილი

კომპიუტერული უზრუნველყოფა  
თინათინ დუგლაძე

მხატვარი  
ნოდარ სუმბაძე

ISBN 978-9941-0-3970-6

© შოთა რუსთაველის ქართული ლიტერატურის ინსტიტუტი, 2011

## შინაარსი

წინათქმა.....	7
<b>ნაცილი  </b>	
შემოქმედის ერთი ტექსტი	
ვაჟა-ფშაველა შვლის ნუკრის ნაამბობი.....	11
<b>Vaja-Pchavéla</b>	
Le récit d'un chevreuil (Traduction Gaston Bouatchidzé).....	20
<b>Vazha-Pshavela</b>	
The Story Told by a Fawn (Translated by Mary Childs) .....	29
<b>ნაცილი   </b>	
ვაჟა-ფშაველა 150	
ზაზა აბზიანიძე	
ვაჟა-ფშაველა (ლიტერატურული პორტრეტი) .....	39
ელისო კალანდარიშვილი	
ბიბლიური პარადიგმატიკისა და სახისმეტყველების თავისებურებანი ვაჟა-ფშაველას შემოქმედებაში.....	63
თამარ ბარბაქაძე	
ვაჟა-ფშაველას „ლამე მთაში“ და „ვეფხისტყაოსანი“ (პოეზიის ბუნებრიობის საკითხისათვის).....	76
მანანა კვაჭანტირაძე	
შეხვედრის კონცეპტი ვაჟა-ფშაველას პოემებში.....	83
მანანა კვაჭანა	
ლოგოსის პარადიგმატიკა და ვაჟა-ფშაველას ფენომენი.....	104

<b>ნონა კუპრეიშვილი</b>	
ვაჟას „სულეთი“, როგორც	
ცირკულარული დროის ტოპოსი.....	116
<b>რუსულან ცანავა</b>	
არქაული რიტუალის ასახვა	
ვაჟა-ფშაველას პოემებში.....	126
<b>ეკა ჩხეიძე</b>	
ფაუსტური პარადიგმა ხალხურ ეპოსში „ეთერიანი“	
და ვაჟა-ფშაველას პოემაში „ეთერი“.....	144
<b>ამირან არაბული</b>	
მთის, არწივისა და არაგვის რეალური და	
სიმბოლური განზომილებანი ვაჟა-ფშაველას	
მხატვრულ ნააზრევში.....	151
<b>ლევან ბრეგაძე</b>	
რაინერ კირში ვაჟა-ფშაველას შესახებ.....	169
<b>გიორგი ცოცანიძე</b>	
კვლავ დიალექტიზმების საკითხისათვის	
ვაჟა-ფშაველას შემოქმედებაში.....	179
<b>ესმა მანია</b>	
საარქივო-პერსონიფიცირებული	
ინფორმაცია — ვაჟა-ფშაველას	
ფსიქოლოგიური პორტრეტის კვლევის წყარო.....	195
<b>ეთერ ქავთარაძე</b>	
ვაჟა-ფშაველას არქივი	
ხელნაწერთა ეროვნულ ცენტრში.....	207
<b>როსტომ ჩხეიძე</b>	
მინდია — ბედი შემოქმედისა.....	214
<b>ნაცილი III</b>	
რჩეული ანოტირებული ბიბლიოგრაფია.....	245
პირთა საძიებელი.....	322

## წინათქმა

ვაჟა-ფშაველა არის „გენიოსის“ კლასიკური ნიმუში, ის უნიკალური შემთხვევა, როდესაც ადამიანის დაბადებასა თუ არსებობაში განლმრთობილობის დიდებულება იგრძნობა. ჩარგლის მთებში ჩაკარგული, ნახევრად გადაქცეული სადგომის კედლებში ლუქმა-პურისათვის მებრძოლი და შრომისაგან დაკოურებული ხელებით დაწერილი „კოსმოპოლიტიზმი და პატრიოტიზმი“ ისეთივე შესაძლებელი შეუძლებლობით ელვარებს, როგორც დაყრუებული ბეთხოვენის მიერ განყობილი „მთვარის სონატა“. როგორ ხდება ეს? სად არის აქ ლოგიკა? ან ლირს კი ლოგიკის ძიება იქ, სადაც დგთიური პრევალირებს?

ვაჟა-ფშაველას დაბადებიდან ხანგრძლივი 150 წელი გასრულდა, მისი შემოქმედების მნიშვნელობა კი წლიდან წლამდე იზრდება და საზღვრებს იფართოვებს: ის არის შეუცვლელი ნიშანსვეტი ქართული კულტურისა და აზროვნების ისტორიისა, რომლის ღვაწლიც, მისივე სიტყვებით რომ ვთქვათ, იმდენადვე სასარგებლოა კაცობრიობისათვის, რამდენადაც სასარგებლო და გონივრულია სამშობლოსათვის („კოსმოპოლიტიზმი და პატრიოტიზმი“). ვაჟა-ფშაველამ იცხოვრა და იღვანა არა მარტო თავისი ქვეყნის კულტურისა და ლიტერატურის, არამედ — მსოფლიო კულტურისა და ლიტერატურის საკეთილდღეოდ; მისი ნააზრევი ერთნაირად საინტერესო და მნიშვნელოვანია ქართველისა თუ არაქართველისათვის, ამ სამყაროში მცხოვრები ყოველი ადამიანისათვის, ვისაც კი ჰუმანიზმის, ზნეობრიობის, ადამიანის ბუნებასთან თანაზიარობის, სარწმუნოებრივი სიმტკიცის, ნაციონალური და ინტერნაციონალური ინტერესების ლირებული ინტეგრაციისა სწამს და სჯერა. ვაჟა-ფშაველას ფენომენი აზრის სრულიად განსხვავებულ შენაკადებს ამთლიანებს, უამრავ ჭრილსა და წახნაგს მოიცავს, განფენილს პრობლემებისა და საფიქრალის უკიდეგანო სივრცეში. ვაჟა-ფშაველა ქართველი გენიოსია — მსოფლიო კულტურული აზროვნების ქართული ლანდშაფტი, რომელთა წარმოდგენაც უერთმანეთოდ შეუძლებელია!

სწორედ მას ეძღვნება შოთა რუსთაველის ქართული ლიტერატურის ინსტიტუტში მომზადებული საიუბილეო კრებული, უკვე მესამე ამ სერიაში („ილია ჭავჭავაძე 170“, „სულხან-საბა ორბელიანი 350“). კრებული ორიგინალური კონცეფციითა და სტრუქტურით გამოირჩევა — ის სამი მნიშვნელოვანი მონაკვეთისაგან შედგება: ნაწილი I. „შემოქმედის ერთი ტექსტი“, რომელშიც პირველად ქართველი მკითხველის წინაშე, ვაჟა-ფშაველას შედევრის — „შვლის ნუკრის ნაამბობი“ — ორიგინალურ ტექსტთან ერთად ნარმოდგენილია მისი ფრანგულ და ინგლისურენოვანი თარგმანები, შესრულებული, შესაბამისად, ბატონ გასტონ ბუაჩიძისა (საფრანგეთი) და ქალბატონ მერი ჩილდსის (აშშ) მიერ; ნაწილი II. „ვაჟა-ფშაველა 150“, რომელშიც მწერლის ცხოვრებისა და შემოქმედების შესახებ ნარმოებული თანამედროვე სამეცნიერო კვლევებია განთავსებული; ნაწილი III. „ვაჟა-ფშაველას რჩეული ანოტირებული ბიბლიოგრაფია“, რომელიც მოიცავს ანოტირებულ ჩამონათვალს როგორც ვაჟა-ფშაველას გამოქვეყნებული თხზულებების, ისე — მის შესახებ დაწერილი სხვადასხვა ხასიათის გამოკვლევებისა.

კრებულის შემდგენლები და ავტორები მიზნად ისახავდნენ ვაჟა-ფშაველას შემოქმედების წარდგინებას თანამედროვე ეპოქის მკითხველისათვის, რომელსაც უთუოდ დააინტერესებს მწერლის აღიარებული ტექსტის ახალი თარგმანები, როგორც საუკეთესო გზა ინტერკულტურული კომუნიკაციების გაღრმავებისაკენ, და თანამედროვე ფილოლოგიური სტანდარტებით შესრულებული სამეცნიერო კვლევები, რომლებიც ავლენს დღევანდელი ქართული ლიტერატურათმცოდნეობითი სკოლის ფართო შესაძლებლობებს.

იმედს ვიტოვებთ, რომ კრებულის თითოეული მონაკვეთი მკითხველის ყურადღებასა და მოწონებას დაიმსახურებს, ხოლო ვაჟა-ფშაველას ცხოვრებისა და შემოქმედების ინტერპრეტაციის ისტორიას კიდევ ერთი საგულისხმო ნაშრომი შეემატება.

ირმა რაჭიანი

ნაცილი |

შემოქმედის ერთი ტექსტი



## შვლის ნუკრის ნაამბობი

|

პანაწა ვარ, ობოლი. ბედმა დამიბრიყვა: ცუდ დროს დავობლდი. ტანზედ მაცვია პატარა, მოკლებენვიანი, თეთრის თვლებით მოწინ-ნკლული თხელი ქათიბი. ჯერ რქები და კბილები არ ამომსვლია, ჩლი-ქებიც არ გამმაგრებია.

გზადაკარგული დავდივარ. აი, დახედეთ ჩემს სისხლიანს ფეხსა, — ეს, ნყლის დასალევად რომ ჩავედი ხევში, მაშინ ვიტკინე... გული მი-ნუხს... გული... საბრალო დედაჩემი! მანამ დედა მყვანდა ცოცხალი, სულ ალერსში ვყვანდი: ძუძუს მაწოვებდა, მიალერსებდა, მაფრთხი-ლებდა. რაღა მეშველება მე საბრალოს ეხლა! ძუძუს აღარა ვწოვ, მხო-ლოდ ბალახის ნამსა ვსუტავ დილით და საღამოთი, როდესაც ნამია, და რძის ნდომას იმითი ვიკლავ. უპატრონო რომ ვარ, სულ მეშინიან, ვკან-კალებ, მუდამ დღე სიკვდილს ველი, გზაარეული დავეხეტები... ლმერ-თო, რამდენი მტერი გვყავს!

წელან ველის პირად გავედი დაღონებული... იქით-აქეთ თვალს ვავ-ლებდი. უცებ ჩემს თავზედ ჭექა გაისმა. ავიხედე მაღლა: მხრებშეკუმ-შული, ნისკარტდაღებული, უზარმაზარი ლეგა ფრინველი მოდიოდა პირდაპირ ჩემკენ. მე, შეშინებული, ტყეში გადავხტი. წამოვიდა ის წყე-ული ფრინველი, ტანი ვეღარ შეიმაგრა და ჩემს ნადგომ ადგილს და-ეცა. ურუანტელი მივლის, როდესაც იმისი მოკაკული ნისკარტი და ალ-მასივით ბრჭყალები მაგონდება. პირდაპირ მოვიდა და, იქ რომ არ დავხვდი, ბალახებზედა და მაყვლოვანზედ მხრებით ტყლაშუნი გაადი-ნა. მიავლ-მოავლო საზარელი ყვითელი თვალები, ეწყინა ჩემი გაქცე-ვა, აინია, ძლივს განთავისუფლდა, კინალამ მაყვლებში ჩაება. მე ერთს ხეს ვეფარე და იქიდამ გულის ფანცქალით ცალის თვალით გავყურებდი.

გენაცვალე, ტყეო! შენ ბევრს მშველი, თორემ აქამდის ჩემის ქათი-ბის ბეწვიც არ იქნებოდა! გული მეუბნება, მტრის მსხვერპლად გავ-ხდები. ჯერ მე გამოუცდელი ვარ, მხოლოდ ერთი კვირა ვიყავი დედას-თან. ის მასწავლიდა, ვინ იყო ჩემი მტერი და ვინ მოკეთე. ეხლა ვინდა მასწავლის? სულ შამბში ვწვები, ვიმაღები, მუმლისა და კოლოებისა-გან მოსვენება აღარა მაქეს. დედასთან კარგად ვცხოვრობდი, თავი-სუფლად ვსუნთქავდი...

მე და დედაჩემი, აგერ ტყიანი სერი რომ წამოწილილა და აქეთ-იქით ხევები ჩაუდის, იქ ვცხოვრობდით, მუდამ დაჩრდილულნი გაბუ-რულის ტყით; უხვედრი იყო ჩვენი ბინა. დედაჩემი დაწვებოდა ხოლმე გორაკზე, მე გვერდით მოვუწვებოდი. სამივე მხრიდამ ხეები გვეფარა, — მეოთხეს თითონ გაიყურებოდა. ხანდახან ყურებს დააცქვეტდა, მე შევყურებდი და ვბაძავდი იმის ქცევას, ჩემს პატარა ყურებსაც ავ-ცქვეტდი. სამჯერ უჩვეულებრიო ხმაურობა შემოგვესმა: ის არა ჰგვანდა არც წყლის ჩხრიალს, რომელიც მუდამ მესმის, არც შაშვის ფაჩუნს, არც კოდალას რაკუნს, არც კიდევ ხმელის ხის წვერიდამ ჩა-მოვარდნილ ტოტის რახუნს და არც ნიავისაგან გაშრიალებულ ფოთ-ლების ხმას... ეს შევნიშნე მე: რაწამს ამ უცხო ხმას გაიგონებდა დედაჩემი, ზე წამოვარდებოდა და მეტყოდა: „შვილო! მომყე, მე მომ-ყეო!..“ გაიქცეოდა და მეც მივხტოდი, რაც ძალი და ღონე მქონდა; არც ვიცოდი და არც მესმოდა, თუ ვის უფრთხოდა. ეხლა კი ვიცი... ოჳ, რამ-დენი მტერი გვყავს! ოჳ, ადამიანო!.. რატომ არ გებრალები მე, პატა-რა? რატომ არ მაძლევ თავისუფლებას, რომ გულდასვენებულმა თავი-სუფლად ვიარო, ვთელო ლამაზი მწვანე ბალახი, გადავდგე სერზედ და დავსტკბე საღამოს ნიავის სიოთი?!

ვერ გავცილებივარ ტყეს. თუ გავედი ველად, უნდა ტყის პირს არ მოვსცილდე, — მაშინაც წახევარი სიცოცხლე მაკლდება! სულ აქეთ-იქით უნდა ვიყურო, ვეფარო ხეებს, კლდეებს, ბალახებსა და კანკალით ვჭამო საჭმელი, შიშისაგან ზეზეურად უნდა დავდნე!.. რას გიშავებ, ადამიანო, მითხარი, რას? რა დაგიშავა საბრალო დედაჩემმა, რა შეგისვა, რა შეგიჭამა, რომ მოჰკალი და უპატრონოდ დამაგდე, დამა-ობლე?! ოჳ, ადამიანებო! თქვენ ხერხსა და ღონეზე ხართ დაიმედე-

ბულნი და ჩვენი ჯავრი არა გაქვსთ... არა ჰერძნობთ, რომ ჩვენც გვიყვარს თავისუფლება, არა ჰერძნობთ თქვენის შეუბრალებელის გულით, რომ ჩვენც გვიყვარს სიცოცხლე, ბუნება: ფოთლის შრიალი, წყლის ჩქრიალი, რომელსაც სულგანაბული ეგრე ხშირად ყურს ვუგდებ ხოლმე, ბალახის ბიბინი და ტყის ცხოველებთან ერთად ნავარდობა... შენ კი, ოჟ, ადამიანო!.. თვალებდასისხლიანებული, გაფაციცებული დამეძებ მე და ჩემს ფერს სუსტსა და უპატრონოს ათასს სხვას... იარაღი გაქვს, მოგვეპარები, მუხთლად გვკრავ ტყვიას და გამოგვასალმებ წუთისოფელს...

## II

როგორ არ უნდა მეშინოდეს?.. ჯერ სულ ერთი კვირაა, რაც მე წუთისოფელს ვხედავ, და რამდენი შიში და ვაება გამოვიარე! გუშინწინ წვიმიანი დღე იყო. სიცოცხლითა და სიმშვენიერით აღსავსე დედაჩემი წიფლის გვერდზედ იდგა და გემრიელად იცოხნებოდა... მეც გვერდით ვუდექი, მიხაროდა დედასთან დგომა, მტერი და სიკვდილი არც კი მაგონდებოდა დედის იმედით. ხშირის ფოთლებიდამ წვიმის ნამი კამკამით ჩამოდიოდა... მე თავს ვუშვერდი, რომ სასიამოვნო წვეთებს გავეგრილებინე.

— არ გიამა, შვილო? — მკითხავდა დედა.

მე თავს ვუქნევდი და ვხტოდი, ხან ძუძუებში ვბურჩიდი.

ჩვენ წინ ერთ ხმელ ხეს გარშემო კოდალა ევლებოდა და ისე მაგრა უკაკუნებდა, რომ მიკვირდა, — დედაჩემი ამოდენაა და არ შეუძლიან ეგრე ტყის გახმაურება, როგორც ამ პატარა ჩიტს-მეთქი! უვლიდა გარშემო ხეს ფეხების ფხაუნით და ხან ერთსა და ხან მეორე ადგილას ჩაჰკრავდა ნისკარტს... კოდალას ცელქობას მე სიხარულით შევყურებდი; უცებ „ჩხი!“ „ჩხი!“ მომესმა. მოვიხედე გვერდზე: თავზედ ერთი ჩხიკვი გვევლებოდა. „თავი მომაფარეო, — მითხრა დედაჩემმა: — თორემ ჩხიკვი თვალებს დაგთხრისო!..“ მე თავი მოვაფარე. დედაჩემი იგერიებდა თავით იმ საძაგელს. ჩხიკვი ჩემპკენ იწევდა; ბევრი იცოდვილა, მერე დაგვანება თავი, თავმოკატუნებული წიფლის ტოტზე შეს-

კუპდა და მოჰყვა კნავილს. იმისი ხმა სწორედ ჩემს ხმასა ჰგვანდა.  
დედას გაეცინა და მითხვა:

— დიდი ეშმაკი რამეა, შვილო, ეგ ჩხიკვი, გაუფრთხილდი!.. შენის-  
თანა პატარა ნუკრებს ძლიერ ემტერება, შვილო... კრუსუნსა და კნა-  
ვილს მოჰყვება და ახლო-მახლო რომ შენისთანა ბრიყვი და გამოუც-  
დელი ნუკრი შეხვდეს, ბანს მისცემს, გადაეძრახნება. მაგასაც ის უნ-  
და: მიახტება და თვალებს გამოსჩიჩნის!..

მე ტანში ურუანტელმა დამიარა...

— ხმასაც არ გავცემ, დავემალები მაშინათვე!

— ჰო, ეგრე, ეგრე, შვილო! მანამ დედა ცოცხალი გყავს, ნუ შე-  
გეშინდება; როცა მე აღარ გეყოლები, მაშინ სიფრთხილე გმართებს!  
ოჳ, რამდენი გამოცდილება მაკლია ჯერ კიდევ მე, საცოდავსა!..

### III

ერთხელ ძლიერ დაცხა. დედაჩემი საწოლიდამ ადგა და მითხვა,  
წყალზე წავიდეთო. წავედით, დავყევით წვრილიანს სერს, ჩავიარეთ  
შამბზე და ჩავედით ხევში. ხევი ღრმა იყო, მზის სხივები ვერ ჩას-  
წვდომოდა, აქეთ-იქით ნაპირებზე ხევი ერთმანეთზე გადაკვანძული-  
ყო წვერებით. ხის ძირებზე, იქვე ხევის პირად, უოლის ფეხები იყო ამო-  
სული, წითლად თავი დაეხარათ და გადმოჰყურებდენ წყლის დენას.  
ცივი, ანკარა ხევი მოჩუხჩუხებდა გალიპულს ქვებზე, ერთის კლდიდამ  
მეორეზე გადადიოდა და გუბდებოდა. დედაჩემი მივიდა და ჩადგა შიგ  
გუბეში. მე ძლივს დავდიოდი ქვებზე, ჩლიქები მტკიოდა.

— მოდი, შვილო, ჩადექ წყალში, საამურია სიცხეში წყალში დგომა.

მე მივიდი და კრძალვით ჩავსდგი ჯერ ერთი ფეხი; წყალი საშინლად  
ცივი იყო და გადმოვხტი ისევ უკან.

— ცივია, არ შემიძლიან დგომა.

— არაფერი გიშავს, უნდა ეხლავე შეეჩივიო, შვილო!

ცოტა ხანი დავდექი წყალში და მერე გამოვბრუნდით უკან. ჩვენს  
ზევით ნაკაფიანებში ხმაურობა ისმოდა.

— ეგ საშიში ხალხი არ არის, — მითხრა დედამ: — ერთი დედაკაცი და პატარა ბალლია. ჩვენი მტერი ეგრე არა ყვირის. ჩვენ მაინც სიფრთხილე გვმართებს: ესე წვრილიანზე ავიაროთ, ველის პირად ნუ გამოვჩნდებით, ნუ დავენახვებით.

დედაჩემი წინ წავიდა. მე გულმა არ მომითმინა და გავხედე; ტანი დავმალე, მხოლოდ თავი გამოვაჩინე. ამ დროს ქვეიდამ ხმა მომესმა: „ვაი, ვაი, დედილო, მგელი, დედილოჯან, მგელი!“

— ნუ გეშინიან, შვილო, გენაცვალე. აბა, სად არის, დამანახვეო? — ჰკითხავდა დედა.

— აგე, ყურები არ გადმოუცქვეტია, ადამიანო, ტყიდამ! — თვალ-ცრემლიანი უჩვენებდა ბავშვი თითით ჩემზე.

— უი, შენ კი გენაცვალოს დედა, მგელი კი არ არის, შვლის ნუკრია, შვილო! ქა, რა ლამაზია!

— დავიჭიროთ, შენი ჭირიმეო, — ეუბნებოდა პატარა დედას და თან მოუთმენლად ემზადებოდა ჩემკენ გამოსაქცევად.

— არა, გენაცვალოს დედა, ცოდოა, შვილო, როგორ იქნება, განა მაგას არა ჰყავს დედა! ხომ უნდა იტიროს იმან თავის შვილზედ!

მე სულგანაბული ყურს ვუგდებდი და მიამა, რომ გავიგონე ერთად-ერთი სიტყვა ჩვენის შებრალებისა. მე კიდევ მინდოდა ყური მეგდო, მაგრამ დედაჩემი დაბრუნებულიყო, მოირბინა და მითხრა:

— ჰაი, შე ბრიყვო, გჯერა, რასაც ეგენი ამბობენ?! რას უყურებ იქა? წავიდეთ ჩქარა, მომყე! ეგენი წავლენ, ასწავლიან მონადირეს ჩვენს ბინას და გამოგვასალმებინებენ სიცოცხლეს.

საბრალო დედაჩემი წინათვე ჰგრძნობდა, რომ ისე იქნებოდა.

#### IV

შეკუნტრუშდა დედაჩემი, შევკუნტრუშდი მეც და გავსწიეთ ზეით-კენ სკუპ-სკუპით. სულ ბოლო დროს მხოლოდ ესლა გავიგონე: „უი, დედაც იქა ჰყოლიაო!“

შევუდექით შამბიანს, ბუერიანს გვერდობს. ბუერის ძირები ცივის წყაროებით იყო მორწყული. აქა-იქ ლაფზე ეტყობოდა ჩემსაებ პატარა

ნუკრის ნაფეხურები. საშინლად ცხელოდა. ვსწუხდით. დაგწექით ბუ-ერებში. იმისი განიერი ფოთლები არ გვაკარებდენ მწვავე მზის სხივებს. უცებ გარეშემო შემორტყმულ მთების წვერებიდამ ამოცვივდენ ღრუბლები, შეიყარნენ ერთად. ცამ დაიგრიალა, იჭექა, ელვა გაიკლაკნა.

წვიმა სვეტ-სვეტად ჩამოდგა გაღმა სერებზე, მალე ჩვენს გარეშე-მოც ხის ფოთლებსა და ნამეტნავად ბუერებზე დაიწყო ტლაშა-ტლუში. ისეთი ხმაურობა დადგა, თითქოს ტყე და მთა-პარი იქცეოდა. ყველა სულდგმულმა ხმა გაკმინდა: ჩიტები ვეღარ ჰბედავდენ ჭიკჭიკს, ცელ-ქობას... საძაგელი ჩხიკვი, რომელიც ისე მაშინებდა წინად, ეხლა სრუ-ლებით არ მეჩვენა ისე საზარელი; დამჯდარიყო წიფლის შიმელაზე, მიეხუჭა თვალები და ნისკარტიდამ ცინგლი ჩამოსდიოდა, მხრები სა-ცოდავად ჩამოეშვა. იმის ახლოს იჯდა გულწითელი ჩიტი, „წიფლის-ჩიტა“, „უწყინარი, უვნებელი, ღაბუა. მშვენივრად მიეხუჭა თვალები! მოფრინდა „წიპრანა“ და „წრიპ, წრიპ!“ შესძახა. ჩხიკვს შეეშინდა, გაახილა თვალები, გაუსკდა გული, მიასკდა ხან იქით, ხან აქეთ, უშნო „ჩხიი, ჩხის!“ ძახილით. მე გამეცინა. წინათ უველაზედ ღონიერი ის მე-გონა, ეხლა კი გავიგე, რაც შვილი ბრძანებულა.

გადაიქუხა. ჩიტებმა მორთეს ერთხმად სიმღერა. ბალახებმა და ხის ფოთლებმა სიხარულის ცრემლს დაუწყეს ფრქვევა. დედაჩემს ნაწვიმ-ზე სიარული უყვარდა... წავიდოდა ველად და მეც თან გამიყოლიებდა. ეხლაც წავედით, შევუდექით ველის პირებს, გავსწიეთ მთისკენ, ტკბილი ხმა ისმოდა სალამურისა. მთის ძირზე გამლილიყო ცხვარი და ტკბილად სძოვდა ახლად დანამულს ბალახს. მზე გორის პირას იყო ჩამალული ნახევრამდე. იმისი მკრთალი სხივები მხოლოდ მთებისა და ტყის წვერებს ეთხოვებოდა.

გორის პირზე ზევით მხრივ იჯდა ნაბადნამოხვეული მეცხვარე და შეექცეოდა სალამურს. იმის გვერდით წამოყუნტებულიყო ბანჯლვლი-ანი, საზარელი შესახედავი ძაღლი; ცოცხლად აყოლებდა თვალებს ცხვრის ფარას და ხანდახან აჩერდებოდა ალერსიანად თავის პატრონს.

— ცუდს ადგილას მოვედითო, — მითხრა დედაჩემმა, — მეცხვარე უიარალოა, იმისი ნუ შეგეშინდება, მაგრამ ის ძაღლი დაიყრის ჩვენს

სუნს, და იქნება გამოგვეკიდოსო. მობრუნდი უკან. თვალი გეჭიროს: თუ ჩვენსკენ გამოიქცა, მე დავენახვები და შენ ბალახებში ჩაიმალეო. — ჩვენს დანახვაზე ცხვარი წაფრთხა და დაიწყო ჩვენკუნ ყურება. მე ხშირისა და დაბერებულის არჯაკელის გროვაში ჩავიმალე და არ ვაშორებდი თვალს იმ კუდბუთქვა ძაღლს... ცხვრის დაფრთხობა და ძაღლის ნებუტუნი ერთი იყო. სცქვიტა ყურები და გამოექანა ჩემკენ...

მეცხვარემ დაგვცა კივილი. მე ავკანკალდი. დედაჩემს შეასწრო თვალი და გაექანა იმისკენ. დედაჩემი გასრიალდა და ერთს წამს დამეკარგა თვალიდამ. ცრემლი მომერია, გული მომიკვდა; ვაიმე, დედავ, თუ დაგიჭიროს მაგ წყეულმა! დიდი ხანი მესმოდა ბრაგა-ბრუგი და ხევიდამ ქვების ჩხრიალი.

ვაიმე, თუ დაიჭირა დედაჩემი და თავის ალმასის კბილებით სწენს! დაბინდდა. მეცხვარემ მოუსტვინა ცხვარს და შეაყოლა ბინისაკენ. გულის ფანცქალით ვადევნებდი თვალს იმის მოძრაობას. საწყალს ცხვრებს სცემდა ზოგს დიდის კომბლით და ზოგს ქვებს ესროდა. ერთს პატარა ჩემოდენა ბატყანს მიარტყა ქვა, საბრალო წაიქცა და საცოდავად დაიწყო ფეხების ქნევა. მეცხვარე ავიდა ზევით და დაუწყო ძახილი „ყურშიას“. ცოტახანს შემდეგ ცის ტატანზე\* დავინახე, რომ იმისი ყურშია, წითელ-ენაგადმოგდებული, ედგა პატრონს გვერდით.

მე მეშინოდა: ვინ იცის, ჩემი დედის სისხლით აქვს-მეთქი გამურული ლაშ-პირი. დაბნელდა, დაუკუნეთდა. ხმაურობა აღარსაიდამ ისმოდა. რა იქნა დედაჩემი? იქნება ველარ მიპოვოს, თუ ცოცხალია?

ცოტა ხანს შემდეგ ხავილი შემომესმა. დედიჩემის ხმასა ჰგვანდა. მეც გავეხმაურე. საბრალო აფორთქლებული მოიჭრა ჩემთან.

— აქა ხარ, შვილო? ნუ გეშინიან, შენი დედა ცოცხალია. ძაღლი და მგელი ვერაფერს დააკლებენ... ცოცხალი ხარო? — მკითხავდა.

— ცოცხალი ვარ, — ვუპასუხე მე.

მიალერსა დედამ... ნეტა ვის შევტირო, ვის შევეხვენო, ვინ არის ისეთი ძალუმი, რომ დედიჩემის თვალებში ჩამახედოს, დამატებოს იმის ალერსით.

\* პორიზონტს ეძახის ხალხი.

როგორ უნდა მოვინელო ეს ჯავრი? ნეტა სისხლის მსმელს მტერს  
მეც მოვეკალი! რისთვის დავრჩი მე ცოცხალი?!

წინადღეს ცოცხალს, მშვენებით სავსეს ჩემს ნუგეშს შევსტრფოდი,  
და რა მომაგონებდა, თუ მეორე დღეს დამეკარგებოდა სამუდამოდ!

## V

მთელი ლამე დავდიოდით ველზე. აღარ გვეშინოდა; გავედით სვილ-  
ში და ტკბილად შევექცეოდით. თენება დაიწყო, მივიქეცით ტყეში. წყე-  
ული იყოს იმ დღის გათენება! ველზედ სქლად იწვა ბალახი. ველში  
იდგა ორი-სამი ძირი ბალი; ჯგუფ-ჯგუფად ეხვეოდენ ჩიტები, შაშვები;  
ჟივილ-ხივილი ისმოდა; ზოგნი მოდიოდენ და ზოგნი მიდიოდენ, მიეზი-  
დებოდენ შვილებისთვის საზრდოს. დედამ გამაფრთხილა და მითხრა:  
საშიშია ამ დროს სიარული, ჩვენი მტერი ნაწვიმზე დაგვეძებს, აქეთ-  
იქით თვალი გეჭიროსო.

ეს იყო უკანასკნელი გაფრთხილება დედიჩემისაგან. დედაჩემი  
სწუხდა, თითქოს სიკვდილსა ჰგრძნობდა. მოჰკვნეტდა ერთს ფო-  
თოლს და გაუყუჩდებოდა.

ჩვენს ზევით იყო დგნალები, ერთმანეთზე მიწყობით ამოსული.  
იმათ წინ იდგა სამი თუ ოთხი შეკუმშული და აწურნუტებული არყო.

უცებ, როგორც ცის ჭექამ, იგრიალა თოვმა, იმის ხმამ დაიარა  
მთები და კლდები. ხის ფოთლებმა და მცენარეებმა კანკალი დაიწყეს,  
ბოლი გაერთხა ნამიანს ბალახზე. დედაჩემი ერთი კი ამოიკვნესა და  
წაიქცა. ვაიმე! მე იქვე გავისხიპე. დედაჩემი მიგორავდა, ვხედავდი,  
თავევე და სისხლიანს კვალს სტოვებდა ბალახზე. არყების უკანიდამ  
გამოხტა ახალგაზრდა ბიჭი, ლეგა ჩოხის კალთები აეკვალთა. „გა-  
უმარჯოსო!“ დაიძახა და სასწრაფოს წკრიალით გამოეკიდა დედაჩემს  
უკან. საწყალი დედაჩემი ცდილობდა ადგომას, წამოიწევდა ხოლმე,  
მაგრამ ისევ ჩაიხვეოდა მუხლებში, დაეცემოდა და გაგორდებოდა. მე  
მოვკვდი, ტანში დავიშალე, როდესაც შეჩვენებულმა მონადირემ ამო-  
იძრო პრიალა ხანჯალი და გამოუსო დედას ყელში. სისხლმა იფეთქა  
და გადაერწყია ხეებზე. ვაჰმე! სულ ცხადად ვხედავდი, მაგრამ რითი

ვუშველიდი მე, საცოდავი?! აგერ ძუძუებზე, იმ ძუძუებზედ, რომლებ-  
საც მე ვწოვდი, დაუსო ხანჯალი და გამოშეშხა. შეიდო კისერზედ და  
გასწია. მე დავწიყე ტირილი. გული შემიწუხდა. მას აქეთ ცოცხალ-  
მკვდარი ვარ; ვტირი და ეს არის ჩემი ნუგეში; დავდივარ და შევსტირი  
ხეებს, მთასა და კლდეებს, დავსტირი წყალსა და ბალახს, მაგრამ ჩემ-  
თვის დედა არა ჩნდება, დედაჩემს ვეღარა ვხედავ, ვარ ობოლი და, ვინ  
იცის, ვინ დამეპატრონება, ვინ შეიღებავს ჩემის სისხლით ხელებს?!

[1883 6.]

**Le récit d'un chevreuil**

|

Je suis petit, orphelin, malmené par le sort: resté seul à la male heure. Je porte un justaucorps fin, aux poils courts, moucheté de blanc. Je n'ai encore ni dents, ni cornes, et mes sabots n'ont pas eu le temps de durcir.

J'erre au hasard. Regardez mes jarrets ensanglantés. En descendant au bord de la rivière pour boire de l'eau, je me suis fait mal... Mon cœur se consume... Ah, mon cœur, pauvre maman ! De son vivant maman me cajolait : elle m'allaitait, m'adressait une parole tendre, me mettait en garde contre le danger. Que deviendrai-je à présent, moi qui n'ai pas de chance ! Je ne tête plus son sein, je me contente, matin et soir, de boire la rosée sur l'herbe, et je trompe ainsi mon envie d'avoir du lait. Resté sans ma protectrice, j'ai sans cesse peur, je tremble, j'attends ma mort et j'avance à l'aveuglette... Mon Dieu, que d'ennemis autour de nous !

Le cœur triste, je viens de traverser le champ... en regardant sur les côtés. Le tonnerre retentit soudain dans le ciel. Je levai la tête : un énorme oiseau gris, ailes pliées et bec ouvert, fonçait sur moi. Effrayé, je me réfugiai d'un bond dans la forêt. Le maudit volatile ne put retenir son élan et tomba à l'endroit même que je venais de quitter. Je tremble encore en me souvenant de son bec tordu et de ses griffes tranchantes comme des diamants. Il atterrit à pic et, ne me trouvant pas au but, alla s'écraser sur le flanc dans l'herbe et les mûriers. Le rapace promena alentour le regard effrayant de ses yeux jaunes, se fâcha de m'avoir manqué, puis se releva et se dégagea avec peine: il avait failli rester pris dans les ronces. Dissimulé derrière un arbre, je suivais d'un œil ses mouvements.

Chère forêt ! ton concours m'est précieux. Sans toi, il y a belle lurette que j'aurais perdu le dernier poil de mon justaucorps ! Mon cœur me dit que je finirai par tomber victime de l'ennemi. Encore inexpérimenté, je n'ai passé qu'une

petite semaine auprès de maman. Elle m'apprenait à distinguer amis et ennemis. Qui le fera désormais à sa place ? À tout instant, je me couche dans les herbes folles, je me tapis, harassé par les moucherons et les moustiques. Que je vivais bien près de ma maman ! Je respirais librement...

À l'ombre de la forêt vierge, maman et moi, nous habitions là où la montagne boisée se prélassait couchée sur le côté et baignée sur ses deux flancs par des rivières. Notre logis était inaccessible. Maman se couchait sur un tertre, et je m'étendais près d'elle. Des trois côtés des arbres nous protégeaient. Maman surveillait l'accès dégarni. Parfois elle dressait les oreilles, et, l'observant de près, je faisais comme elle. À trois reprises, nous entendîmes un bruit insolite : il ne me rappelait ni l'écoulement de l'eau que j'entends constamment, ni le chant du merle, ni le martèlement du pic, ni le craquement d'une branche tombée d'un arbre sec, ni le bruissement de la brise dans le feuillage...

Je remarquai une chose : à peine maman entendait-elle ce bruit étrange, qu'elle se dressait sur ses pieds et me disait : «Suis-moi, mon enfant, suis-moi !» Elle partait en courant, et je sautillais derrière, rassemblant mes forces. Je ne savais ni ne comprenais qui elle craignait. À présent je sais... Oh, combien d'ennemis avons-nous ! Oh, homme ! pourquoi ne me plains-tu pas, moi si petit ? Pourquoi ne m'offres-tu pas la liberté de me promener en paix, le cœur tranquille, de fouler l'herbe verte, d'admirer, penché au bord d'un sommet, le frôlement de la brise du soir ?

Je n'ose quitter la forêt. Si je passe dans le champ, je m'astreins à suivre la lisière du bois. Encore ne puis-je m'y hasarder qu'au prix d'une bonne moitié de mon existence ! Je dois constamment regarder à gauche et à droite, me cacher derrière les arbres, les rochers, me coucher dans l'herbe et manger debout, sur le qui-vive ! Dis-moi, homme, quel mal ai-je pu te faire ? Et quelle perte ma pauvre maman a-t-elle pu t'infliger ? Boire ta boisson ou manger tes denrées ? Pourquoi l'avoir tuée, me privant de ma protectrice et me réservant le sort d'un orphelin ? Ah, hommes ! sûrs de votre dextérité et de votre force, peu vous chaut ce qu'il advient de nous... Vous ne sentez pas que nous aussi nous aimons la liberté, votre cœur implacable ne vous dit pas que nous aussi nous aimons la vie,

la nature : le bruissement des feuilles, le roulement de l'eau \_ que j'écoute si souvent en retenant le souffle, l'ondoiement de l'herbe et les ébats en compagnie de la faune sylvestre... Or toi, homme, les yeux injectés de sang, tu me traques sans merci, moi et mille de mes semblables: les faibles et les délaissés ! Armé, tu t'approches de nous en cachette, tu nous terrasses perfidement d'une balle et tu nous arraches à ce monde fugitif...

## II

Comment ne pas avoir peur ?... Cela fait à peine une semaine que je contemple ce monde, et pourtant combien d'alarmes en si peu de temps ! Avant-hier il a plu. Près d'un hêtre, pleine de vie et rayonnante de beauté, maman brouait avec appétit... Moi, je goûtais à la joie d'être à ses côtés. Confiant en maman, je ne pensais ni aux ennemis, ni à la mort. Les gouttes irisées de la pluie se détachaient du feuillage touffu. Je me délectais de leur fraîcheur et je leur offrais mon museau.

- N'est-ce pas que cela te fait du bien, mon enfant ? me demandait maman.

J'acquiesçais de la tête et je sautais en l'air ou je mordillais ses mamelles.

Devant nous un pic faisait le tour d'un arbre sec et le frappait si fort de son bec que je m'étonnai. Je me dis que maman, qui pourtant était si grande, ne pouvait néanmoins remplir la forêt d'un fracas comparable à celui produit par ce petit oiseau de rien du tout ! S'agrippant de ses pattes à l'écorce, le pic faisait donc le tour du tronc et l'entamait de son bec ici ou là... J'observais avec joie les polissonneries du pic.

Entendant soudain un *cui-cui*, je me retournai et je vis un geai qui tournoyait au-dessus de nous. Maman me dit: « Cache-toi derrière moi, sinon ce geai va te crever les yeux !... ». Je me cachai. Maman para de sa tête aux attaques de ce vaurien. Le geai voulait s'approcher de moi. Echouant dans ses manœuvres réitérées, il finit par nous laisser en paix, sauta sur les branches d'un hêtre incliné

et se mit à piauler. Sa voix grêle ressemblait drôlement à la mienne. Maman me dit en riant:

- C'est un grand malin que ce geai, sois toujours sur tes gardes ! Il s'acharne surtout sur de petits chevreuils comme toi, mon bambin... Pour commencer, il piaule et piaille. Alors si un benêt inexpérimenté comme toi se trouve là, il répond à ses avances et s'en approche. C'est ce que le geai attend : il se jette alors sur sa victime et lui crève les yeux !...

Je tremblai de tout mon corps...

- Je ne lui adresserai jamais la parole, je me cacherai à son apparition !

- Voilà, c'est bien comme ça, mon enfant ! Tant que ta maman est en vie, tu n'as pas à avoir peur de quoi que ce soit. Quand je ne serai plus auprès de toi, tu devras être prudent !

Hélas ! pauvre malheureux que je suis ! il me manque encore beaucoup d'expérience !

### III

Une fois il fit très chaud. Maman se leva de sa couche et me dit : « Allons au bord de l'eau ».

Nous y allâmes en descendant la montagne couverte de baliveaux. Nous traversâmes les folles herbes et nous pénétrâmes dans le défilé. Le défilé était profond et les rayons du soleil n'y parvenaient guère. Les arbres qui le bordaient des deux côtés entremêlaient leurs sommets. Des framboises perçaient au pied des arbres et, leurs têtes rouges penchées, elles observaient l'écoulement de l'eau. La rivière froide et transparente coulait sur les pierres lisses, passait de rocher en rocher pour rassembler plus loin ses eaux dans un bassin. Maman s'approcha de la rivière et entra dans l'eau. Moi, j'avais du mal à sauter sur les pierres et mes sabots me faisaient mal.

- Viens, mon enfant, entre dans l'eau, sa fraîcheur fait du bien par cette chaleur !

Je m'approchai et, pour commencer, plongeai avec précaution un pied dans la rivière. Comme l'eau était horriblement froide, je rebondis aussitôt en arrière.

- L'eau est froide, dis-je, et je n'arrive pas à y rester.
- Ce n'est rien, mon enfant, tu dois t'y habituer dès maintenant.

Je rentrai de nouveau dans l'eau, j'y patientai quelque temps, puis en ressortis. Des bruits nous parvinrent du taillis d'au-dessus.

- Ceux-là ne sont pas dangereux, me dit maman, c'est une femme avec son enfant. Nos ennemis ne crient pas de la sorte. Pourtant, nous devons toujours être sur nos gardes. Repassons par les baliveaux, évitons de nous montrer à la lisière.

Maman me précéda. Aiguillonné par la curiosité, je dissimulai mon corps, mais je sortis le bout de mon museau de derrière les arbres pour regarder. Au même instant j'entendis une voix qui montait d'en bas:

- Oh, ma p'tite maman, le loup, le loup !
- N'aie pas peur, mon enfant, mon chéri ! Montre-moi un peu où tu vois le loup ? demanda la mère à son fils.

Les yeux en larmes, l'enfant me désignait du doigt:

- Ah, mon enfant, ce n'est pas un loup, mais un chevreuil ! De plus, qu'il est beau !

- Attrapons-le, maman, disait le petit, impatient de courir vers moi.

- Non, chéri, ce serait dommage ! car lui aussi, il doit avoir sa maman ! Tu t'imagines ce qu'elle pleurerait si son petit venait à disparaître !

Retenant mon souffle, j'écoutai ces propos et je me réjouis d'entendre au moins une manifestation de compassion. Même, j'aurais aimé apprendre la suite de la conversation, mais maman se retourna, accourut vers moi et me dit:

- Petit nigaud, tu crois ce qu'ils disent ? As-tu fini de regarder par là ? Suis-moi, et vite ! Ces deux-là signaleront aux chasseurs notre présence, et les chasseurs ne manqueront pas de nous priver à jamais de ce monde.

Pauvre maman, son appréhension allait bientôt se confirmer !

## IV

Maman bondit et je bondis à sa suite. Nous escaladâmes la pente en sautillant. Juste avant de partir, des bribes de paroles mé parvinrent :

- Oh, il a sa mère près de lui !

Nous avançâmes dans les herbes folles et les bardanes. Des sources froides abreuvait les racines des bardanes. Par endroits, sur la terre glaise, je distinguais les traces de sabots d'un petit chevreuil comme moi. Il faisait une chaleur insupportable. Nous en souffrions. Nous nous couchâmes dans les bardanes. Leurs feuilles larges nous protégaient des rayons brûlants du soleil. Soudain, partis des sommets des montagnes voisines, des nuages envahirent le ciel, avant de se rassembler non loin de nous. Le tonnerre retentit et l'éclair traversa le ciel en zigzag.

Sur les sommets d'en face la pluie s'abattit en colonnes d'eau. Bientôt elle se déversa autour de nous, en faisant bruire les feuilles de bardanes. Il se fit un tel vacarme qu'on aurait dit que la forêt, les montagnes et la vallée allaient s'effondrer. Les êtres animés suspendirent leur souffle : figés, les oiseaux n'osèrent plus chanter. Le vilain geai qui tout à l'heure m'avait fait si peur, ne me paraît plus aussi effrayant. Les ailes pitoyablement baissées, assis sur une branche de jeune hêtre, il avait fermé les yeux, et la salive lui coulait du bec. Un rouge-gorge, dit *oiseau du hêtre*, au cou garni de plumes, gentil et inoffensif, avait pris place à côté du geai. Ses yeux superbement fermés. Un serin arriva et lança de petits cris. Le geai eut peur et ouvrit les yeux. La frayeur dans le cœur, il se cogna à droite et à gauche en poussant des cris rauques. Je pouffai de rire. Tout à l'heure je me l'étais imaginé le plus fort de tous, mais à présent je voyais bien à quel sacré oiseau j'avais affaire !

Le tonnerre passa. Les oiseaux chantèrent en chœur. Les brins d'herbes et les feuilles des arbres versèrent des larmes de joie. Maman adorait marcher sur l'herbe mouillée par la pluie... Elle gagnait le champ, et je l'y accompagnais. Il en fut de même cette fois-ci. Longeant le champ, nous nous dirigeâmes vers la montagne. On entendait le son doux du chalumeau. Un troupeau de moutons

broutait avec délice l'herbe aspergée de gouttelettes d'eau sur le flanc de la montagne. Le soleil s'était à demi caché derrière la montagne. Ses rayons pâles prenaient congé des montagnes et des sommets des arbres de la forêt.

Dominant son troupeau, un berger revêtu d'un manteau de feutre jouait du chalumeau. Un chien affreux et poilu se tenait à ses côtés. Il suivait d'un œil attentif les déplacements du troupeau, tout en fixant de temps en temps d'un regard affectueux son maître.

- Nous voici mal venus dans ces endroits, me dit maman. Tu n'as pas à craindre le berger qui n'a pas d'arme, mais le chien sentira notre odeur et il se peut qu'il se mette à nous poursuivre. Fais demi-tour. Ne le quitte pas des yeux. S'il court vers nous, j'irai au-devant de lui, et tu pourras te cacher dans les herbes.

En effet, à notre apparition les moutons s'effarouchèrent et nous fixèrent des yeux. Je me cachai dans les broussailles sans perdre de vue le chien à la queue touffue. Le chien grogna en même temps que les moutons s'effrayèrent. Dressant les oreilles, il s'élança vers nous...

Le berger poussa des cris. Je tremblai. Attiré par maman, le chien se dirigea vers elle. Maman glissa, et durant un moment, je la perdis de vue. Les larmes obstruaient ma vue, mon cœur était meurtri. Pauvre maman, si cette maudite bête réussit à s'emparer de toi! Pendant longtemps j'entendis résonner les sabots et les pierres rouler au fond du précipice.

Malheur à moi s'il s'est emparé de maman et s'il est en train de la dévorer de ses dents affilées comme des diamants.

Le soir arriva. Le berger siffla et rentra les moutons. Le cœur battant, je suivais du regard ses mouvements. Tantôt il frappait les pauvres moutons d'un gros gourdin et tantôt il leur jetait des pierres. L'une d'elles atteignit un petit agneau de mon âge. Le pauvre tomba à la renverse et agita piteusement ses pattes. Le berger gravit la pente et appela son Noiraud. Peu de temps après j'aperçus à l'horizon Noiraud, sa langue ensanglantée pendait de sa gueule, effondré aux pieds de son maître.

La frayeur me saisit : s'il se trouvait que sa gueule était tachée du sang de maman ?

L'obscurité se fit. On n'entendit plus un bruit. Où était maman ? À supposer qu'elle soit en vie, il se peut qu'elle ne réussisse pas à me retrouver.

Peu de temps après j'entendis un bruit assourdi qui ressemblait à la voix de maman. Je lui répondis. Alarmée, maman accourut vers moi.

- T'es ici, mon enfant ? N'aie pas peur, ta maman est vivante. Ni le chien, ni le loup ne peuvent rien contre elle... T'es vivant ? me demanda-t-elle.

- Je suis vivant, lui répondis-je.

Maman me caressa... À qui puis-je adresser mes pleurs et mes supplications ? Qui a le pouvoir de me permettre de regarder encore une fois au fond des yeux de maman, de me replonger dans ses caresses ?

Comment faire face à ce chagrin ? Si seulement notre ennemi sanguinaire nous avait tués tous les deux d'un seul coup ? Pourquoi suis-je resté en vie ?

La veille, j'avais été heureux d'avoir retrouvé ma consolation pleine de beauté. Qui aurait pu me dire que le lendemain je la perdrais à jamais ?

Nous passâmes la nuit à marcher dans les champs. Nous n'avions plus peur. Nous pénétrâmes dans un champ de seigle et nous nous régalaimes. À l'aube nous regagnâmes la forêt. Maudite soit l'aurore de ce jour ! Deux ou trois cerisiers, entourés d'herbe drue, s'élevaient au milieu du champ. Des merles tournoyaient en volée autour d'eux. Une grande animation régnait. Les uns partaient, d'autres venaient s'approvisionner pour leurs petits. Maman me prévint :

- Ce n'est pas le moment de se promener. Notre ennemi nous cherche sur le sol mouillé de la pluie. Alors regarde bien de tous les côtés.

Ce fut le dernier avertissement de maman. Maman était mal dans sa peau, comme si elle avait le pressentiment de la mort. Elle entamait une feuille sur un arbre, et s'immobilisait aussitôt.

Au-dessus de nous, des osiers s'alignaient sur le flanc de la montagne, précédés par trois ou quatre bouleaux élancés.

Soudain, comme le tonnerre des cieux, un coup de fusil partit. L'écho de la détonation fit le tour des montagnes et des rochers. Les feuilles des arbres et les

plantes tressaillirent, la fumée se coucha sur l’herbe couverte de rosée. Maman poussa un cri et s’effondra. Malheur à moi ! je restai figé sur place. Je voyais maman rouler, la tête en bas, et laisser sur l’herbe une trace sanglante.

Un jeune garçon surgit de derrière les bouleaux, les pans de sa tchoka retroussés. « Victoire ! » cria-t-il et courut de toutes ses jambes après maman. Ma pauvre maman s’efforçait de se relever, mais à chaque tentative ses genoux pliaient, elle retombait et roulait de nouveau.

Je crus mourir, me décomposer, lorsque le maudit chasseur sortit une dague affilée et la passa sur la gorge de maman. Le sang jaillit et éclaboussa les arbres. Malheureux, je voyais tout sans pouvoir intervenir. Et le chasseur de passer sa dague sur les seins de maman, sur les mamelles qui m’avaient allaité, de vider son corps.

Il la posa sur ses épaules et s’en fut.

Le cœur me brûlait.

Depuis, je ne suis ni mort, ni vif. Les larmes sont ma seule consolation. J’adresse ma plainte aux arbres, à la montagne et aux rochers, je pleure sur l’eau et sur l’herbe. Mais maman ne renaît pas, je ne la reverrai plus. Me voici orphelin. Qui se rendra maître de moi, qui teindra ses mains de mon sang ?

Traduction **Gaston Bouatchidzé**

(Traduction parue dans la revue *Missives*, 1998,  
numéro spécial consacré à la littérature géorgienne.

Texte revu et corrigé, novembre 2011)

### The Story Told by a Fawn

I

I am very, very small, an orphan. Fate has been cruel to me. I've become an orphan at a bad time. My fur is still thin, and the light spots scattered on my short hair are like small, white eyes. My antlers and teeth haven't come in yet, and my hooves have not yet grown hard.

I make my way with difficulty, like one who's lost his way. Just look at my bloody feet - here, when I went down to the ravine to drink water, I got hurt. I feel so sad...my heart... My poor mother! While my mother was alive, she was always so kind to me: she nursed me, caressed me, and warned me about danger. What will happen to me now, poor me! I no longer nurse at her breast, I only suck the dew from the grass in the morning and evening, when there is dew, and I am dying from the desire to drink milk. Since I have no one to take care of me, I'm always afraid, I tremble, and wander about aimlessly, constantly expecting death... oh Lord, how many enemies we have!

Not long ago, distraught, I went to the edge of the meadow...I was looking all around. Suddenly, I heard a thundering noise above my head. I looked up – an enormous grey-black bird, its wings tucked in and its beak gaping, was swooping straight toward me. Frightened, I jumped back into the forest.

The accursed bird was aiming directly at me. It couldn't hold itself back, and fell on the very spot where I'd just been standing. I tremble all over when I remember its curved beak and its claws, sharp like uncut diamonds. It headed straight toward me, and when it didn't find me, thwacked its wings over the grasses and the blackberry bushes. Looking everywhere with its frightful, yellow eyes, it was offended by my escape. It rose up, barely able to free itself from the blackberry bushes. I hid behind a tree, and watched from there, squinting with one eye, my heart beating.

My dear forest! You help me so much, and if you didn't, I wouldn't have a single hair left on my fur coat. My heart tells me I will become the victim of my

enemies. I am still inexperienced; I was with my mother for only a week. She taught me who my enemy was, and who was my friend. But now who will teach me? I always lie in the reeds, hiding, and have no peace from the gnats and mosquitoes. With my mother, I lived well and breathed freely...

My mother and I lived over there, on the hilly ridge, with small mountain rivers flowing on both sides, in the shadowy mists of the forest. Our home was difficult to reach. My mother would lie on the edge of the hill, and I would lie next to her. The trees hid us from view on three sides, and mama herself would look out from the fourth. From time to time she would raise her ears. I would look at her, and imitating her, would perk up my small ears. Three times we heard an unusual noise – it wasn't like the roaring of the water, which I heard all the time, or the clatter of a blackbird, or the knocking of a woodpecker. It wasn't even like a branch crashing down from the top of a dry tree, or the sound of the leaves rustling in the wind. I noticed that whenever my mother heard this unfamiliar sound, she would jump to her feet and say to me: "My child! Come, follow me!" She would run away, and I, too, would jump up with all of my strength. I had no idea, couldn't understand at all whom she feared. But now I know...Oh! How many enemies we have! Oh, man! Why do you feel no pity for me, small as I am? Why don't you let me be, so I can walk freely, and with a peaceful heart tread on the beautiful, green grass, stand on the top of the ridge, and enjoy the light evening breeze?!

I can't stray far from the forest. If I go out into the meadow, I have to stay near the edge of the forest – if I didn't, I would die! I constantly have to look all around, hide behind the trees, near boulders, in the grass. I eat my food, and shuddering from fear, I can barely stand! What harm do I do to you, oh man, tell me, what harm? What harm did my poor mama do to you, what did she drink that was yours, what did she eat of yours that made you kill her and leave me with no one to care for me, and make me an orphan?! Oh, humans! You depend on your wiles and strength, and aren't at all concerned about us. You don't feel that we, too, love freedom. With your merciless heart, you don't feel that we, too, love life and nature: the rustling leaves, the water's roar, which I hear so

often with silent, bated breath, the waving grass, running and playing together with the beasts of the forest... But you, oh, man! Nervous, your eyes bloodshot, you search for me, and a thousand others like me, weak and without protection. You have weapons, you sneak up on us, kill us treacherously with bullets, making us say farewell to this earthly life...

## II

How can I not be afraid? It's barely a week since I first looked upon this world, and how much fear and suffering I've experienced already! The day before yesterday was rainy. Beautiful and full of life, my mother stood next to a beech tree, and was chewing with gusto...and I was standing next to my mother, taking joy at being with her. Trusting in my mother, I gave no thought to enemies and death. Raindrops were falling from the dense leaves...I put my head under them, so these pleasant drops could refresh me.

"Isn't it lovely, my child?" my mother asked me.

I nodded and jumped about, sometimes knocking my head against her teats.

In front of us a woodpecker was inscribing a circle around a dead tree, and rapping so loudly that I was amazed \_ my mother was so large, and she yet couldn't make the forest as noisy as this small bird! It went around the tree trunk, scraping with its feet, pecking first at one place, and then another...I watched the woodpecker's playfulness with joy. Suddenly I heard "Chkhi! Chkhi! Chkhi!" I looked to the side: a jay was circling above us. "Hide behind me," my mother said, "or the jay will pluck out your eyes!" I hid. My mother shook her head, and chased away this vile bird. The jay flew towards me, made many attempts, but then left us in peace. Pretending to be innocent, it settled on the branch of a beech tree, and began to meow. Its voice sounded just like mine. My mother laughed involuntarily, and said, "It's very sly, that jay. My child, be careful! It preys on small fawns like you, my child...it moans softly and starts to meow, and if a foolish and inexperienced fawn like you is near, it calls to you. And this is just what it wants – to jump out and snatch your eyes away!"

A shudder passed through my body...

I didn't utter a sound, and hid immediately!

“Yes, yes, it's so, my child! As long as your mother is alive, don't be afraid; when I am no longer around for you, then you must be cautious!”

Oh, how inexperienced I am, poor me!

### III

Once it was very hot. My mother got up from her bed and suggested we go to the stream. We went out, and made our way down a slope covered with small trees. We passed through the reeds and reached the river. The ravine was so deep the sun's rays couldn't reach the bottom. The trees, stretching from both banks, were woven together like the ends of a rope. At the base of the trees, blackberry roots grew out over the riverbank, their red heads bent, looking at the flowing water. The cold, limpid water gurgled along the glistening boulders, pouring over one rock and then another, and formed into pools. My mother came up and stood directly in a pool. My hooves were hurting, and I could barely walk on the rocks.

“Come here, my child, step into the water, it's pleasant to stand in the water in hot weather.”

I went down and cautiously put one foot in the water. It was terribly cold, and I jumped back right away.

“It's cold, I can't stand here.”

“Nothing horrible will happen to you, you need to get used to this now, my child!”

I stood in the water a short while, and then we turned back. We heard a sound above us in a clear-cut area of the forest.

“That's not frightening,” my mother said to me. “It's a mother and a small child. Our enemy doesn't cry like that, but still, we need to be careful.” We climbed up through the thicket, so we wouldn't be visible at the edge of the forest, so no one could see us.

My mother walked on ahead. My heart couldn't stand it, and I looked back. I hid my body, revealing only my head. Then, I heard a sound from below: “Oh, mommy, mommy, a wolf, mommy, a wolf!”

"Don't be afraid, my child, my dear. But where is it, can you show me?" his mother asked him. "Look over there, don't you see its ears sticking up from the woods, mama!" The child pointed to me with tears in his eyes.

"Ooh, oh my dear, dear child, that's not a wolf, it's a fawn, my child! Oh, how beautiful it is!"

"Let's catch it, darling mama," the small child said to his mother. And at the same time, impatient, he was ready to run towards me.

"No, my dear child, it's a sin, my child, you know it has a mother! She would certainly cry about her child!"

I held my breath and listened, pleased to hear a word of pity for us. I even wanted to listen more, but my mother returned, and ran up to me, saying:

"Hey, you silly child, do you really believe what they're saying?! Why are you looking over there? Let's go, quickly, follow me! They'll go away, but they'll tell the hunters about our home and then *they'll* make us say goodbye to life."

My poor mother sensed beforehand that this is what would happen.

#### IV

My mother jumped up, and I did too, and we bounded up the hill. At the very last moment, this was all I heard: "Ooh, its mother is there, too!"

We entered an area at the edge of the ridge that was overgrown with reeds and covered with butterbur, whose roots were moistened by the cold springs. Footprints of a small fawn like me were visible here and there on the mud. It was frightfully hot. We were worried. We lay down in the butterbur, and its wide leaves protected us from the rays of the burning sun. Suddenly, the clouds lifted from the mountain peaks surrounding us, and gathered together. The sky rumbled, thundered, and there was a flash of lightening.

Heavy rain fell on the opposite cliffs, and soon all around us the leaves of the trees and the butterbur became so noisy it sounded as if the forest, the mountains, and valley were all collapsing. Every living creature fell silent. The birds no longer dared to chirp or hop around playfully. The loathsome jay, who had frightened me so much earlier, now didn't seem so completely terrifying. It was sitting on a beech sapling, with its eyes closed and mucous running down

from its beak, its shoulders sagging pitifully. A red-breasted bird, the “beech-tree bird,” inoffensive and harmless with its soft downy neck, was sitting near it. How it closed its eyes! A siskin flew towards me and cried out, “Tsrip, tsrip!” The jay was startled, opened its eyes, took a deep breath, and turning here and there, cried out awkwardly, “Chkhii, chkhii!” I found it funny. Before, I’d thought it was so strong, but now I understood it was really just a child.

The thunder moved away. The birds broke out in song, all at once. The grass and the leaves on the trees began to shed tears of joy. My mother loved to walk after the rain... She would walk along the meadow and take me with her. And now, too, we made our way along the meadow’s edge, heading towards the mountains. We heard the sweet sound of a salamuri.\* A flock of sheep was spread out at the base of the mountain, munching happily on the fresh, dewy grass. The sun was half hidden behind the edge of the mountain, its pale rays reaching only the tops of the hills and the trees.

A shepherd sat above us on the hillside. He was wrapped in his nabadi\*\* and playing the salamuri. An enormous, terrifying dog with long, thick hair was squatting next to him, watching the flock of sheep with its quick eyes, and from time to time glancing lovingly at its master.

“We’ve come to a bad place,” my mother said to me, “The shepherd is unarmed, you don’t need to be afraid of him, but that dog will bark at our smell and may chase after us. Let’s go back. Watch it closely – if it starts running in our direction, I’ll show myself, and you hide in the grass.” The flock was startled when it saw us, and began to look in our direction. I hid in a thick, impenetrable mass of vetchling and didn’t take my eyes off the dog with its wagging tail...The flock grew frightened and at the same time, the dog began to whimper. It raised its ears, and rushed in my direction...

The shepherd began to shout. I started to shake. The dog immediately caught sight of my mother, and rushed towards her. My mother slipped, and in a second she disappeared from view. Tears rushed to my eyes, I was sick at heart.

---

\* salamui – a shepherd’s reed pipe

\*\* nabadi – a large, wool felted coat

Oh lord, mama, if this cursed dog catches you! For a long time I heard her hooves crashing, and from the ravine, the clatter of stones.

Oh lord, if it catches my mother and tears her to pieces with its diamond-sharp teeth! Twilight fell. The shepherd whistled to his sheep and drove them towards their fold. With pounding heart, I observed his movements. He beat some of the miserable flock with his long staff, and threw stones at others. A rock hit one lamb, small like me. The poor thing fell and its legs started to shake pitifully. The shepherd set off, and began calling to Q'urshia. Soon, I saw it on the horizon – Q'urshia was standing by its owner's side, its red tongue hanging out of its mouth.

I was afraid. Who knows, whether or not its lips and mouth were covered with my mother's blood. It grew dark. Nothing was visible, not a sound was heard anywhere. What had happened to my mother? Maybe she couldn't find me, if she's still alive?

Soon, I heard a loud croaking. It sounded like my mother's voice. I called back to her. Agitated, the poor thing rushed towards me.

"Are you here, my child? Don't be afraid, your mother is alive. No dog or wolf can destroy her...are you alive?" she asked me.

"I am," I answered her.

My mother caressed me...Oh, to whom can I weep and cry now, with whom can I plead? Who is powerful enough to let me look into my mother's eyes again, to enjoy her caress! How can I survive this sorrow? If only this bloodthirsty enemy would kill me, too! Why am I still alive?!

Yesterday, I watched my mother, my solace, alive and full of splendor, and how could I have thought that the next day I would lose her forever!

## V

We walked through the meadow the entire night, no longer afraid. We entered an alpine squill and ate the grass with pleasure. It began to get light, and we headed towards the forest. Accursed was the dawn of this day! In the meadow, the grass grew thick. In the meadow stood two or three wild cherry trees. Blackbirds flocked around them, and we heard their lively chatter. Some flew up, others flew away, carrying food off to their children. My mother cauti-

oned me, saying: “It’s dangerous to be out walking right now, our enemy will be searching for us everywhere after the rain.”

This was my mother’s last warning. My mother was worried, as if she felt death near by. She would pull off a single leaf, and stand completely still.

Above us, goat-willows were growing close to one another. In front of them stood three or four dense, rustling birch trees.

Suddenly, like a clap of thunder from the sky, a rifle gave a deafening roar, and the sound ricocheted around the mountains and cliffs. The leaves on the trees and the plants all shuddered, smoke spread out across the dewy grass. My mother groaned once, and fell. Oh lord! I froze on the spot. I watched as my mother rolled, head down, and left a bloody trace on the grass. A young boy jumped out from behind the birch trees, the hem of his dark silver-grey chokha\* tucked up to his waist. “Victory!” he shouted, and with a quick, high-pitched warble he chased after my mother. My poor mother tried to stand up, to step forward, but her knees gave out again, she fell and rolled. I died. I was destroyed when the cursed hunter took out his glinting kinjal\*\* and cut my mother's throat. Her blood gushed out and poured over his hands. Oh me! I saw everything clearly, but how could I help her, wretched as I was?! Right there, on her breasts, those very breasts on which I used to suck, he made a cut with the kinjal and opened up her insides. He threw her around his neck, and set off. I started to wail. I fainted. Since then, I've barely been alive. I weep, and this is my consolation. I walk, weeping and crying to the trees, the mountains and the cliffs. I wail and cry to the stream and the grass, but my mother does not come to me. I no longer see my mother, I am an orphan, and who knows who will take care of me, who will dye his hands with my blood?!

Translated by **Mary Childs**,  
with **Aida Abuashvili Lominadze**  
November 20, 2011

---

\* chokha – an outer coat

\*\* kinjal – a short, sharp knife, carried in one's belt

ვაჟა-ფშაველა 150



**ვაჟა-ფშაველა  
(ლიტერატურული პორტრეტი)**

1922 წელს, შვიდი წლის შემდეგ ვაჟას გარდაცვალებიდან, პაოლო იაშვილი წერდა: „...გულშემზარავი იყო ბედი ვაჟა-ფშაველასი. ვაჟა-ფშაველაზე ძლიერი პოეტური სტიქია არ ახსოვს საქართველოს. ვაჟამ პირველმა მისცა იმედი ქართულ სიტყვას. მას ჰქონდა ღმერთების ენა და ჰომეროსის ნოყიერება. მაგრამ არნივად წოდებული საქართველოში დადიოდა, როგორც „ჩხიკვი ზაქარა“, თვალმოხეული, ყველის სუნით გაულენთილი, დაკონკილ ჩოხით, ფრჩხილებში მიწა გამოგლესილი, ნარმის საცელებში, დასული სოფლის მეწვრილმანის ვაჭრობამდის, მიუღებელი, უგვირგვინო. ის ჭლექით დააკვდა საავადმყოფოს ლოგინს, ისე ვით უბინაო და ქუჩის მათხოვარი“ (იაშვილი 2004: 255).

ჩვენ იშვიათად ვიხსენებთ ამ სიტყვებს — იმიტომაც, რომ მათში მნარე საყვედური ჟლერს, იმიტომაც, რომ სიმართლის მოსმენა არ გვიყვარს და კიდევ იმიტომ, რომ საკუთარი პრობლემებით დალლილნი, ვცდილობთ არ ვიფიქროთ სხვის ტკივილსა და გაჭირვებაზე — არც ამდღევანდელზე და არც ასი წლის წინანდელზე...

და მაინც, ვაჟა შეგვახსენებს ხოლმე თავს, შეგვახსენებს, როდე-საც ერთადერთი მწვანე ტოტით სიცოცხლეს ჩაჭიდებულ ხეს ან ქუჩაში მოძრუგდუგე სამფეხა ძალლს, ერთი ნამით, მისი თვალით შევხედავთ და გაგვახსენდება მისგანვე შთანერგილი აზრი, რომ ჩვენგან დასახირებული ბუნება იმ სულიერი სიმახინჯისა და იმ დაუნდობლობის ანარეკლია, რომელიც, თუ მიუშვით, გაუსაძლისა გახდის ცხოვრებას ამ ქვეყანაზე.

ბუნების პირისპირ ამპარტავნად მდგარ ადამიანს ვაჟამ მუხლი მოადრეკინა ამ მარადიული სასწაულის წინაშე და პირიქით, ცხოვრებისაგან თუ ხელისუფალთაგან დაჯაბნილსა და დაჩოქილ თვისტომს

ხელი შეაშველა, ფეხზე წამოაყენა, ღირსების გრძნობა და მომავლის რწმენა შთაუნერგა.

იგი თვითონ იყო ამ ბუნების ღვიძლი შვილი, მის კალთაში გაზრდილი და რძესთან ერთად თავისუფლების გემოს ნაჩვევი...

ლუკა რაზიკაშვილი, რომელიც შემდგომში ვაჟა-ფშაველას სახელით გახდა ცნობილი, 1861 წლის 14 ივლისს დაიბადა სოფელ ჩარგალში, ფშავში პავლე და გულქან რაზიკაშვილების ოჯახში. „დედა ჩემი იყო ივრელი ქალი, სოფელ სხლოვანიდან, ფხიკლიანთ გვარისა, სადაც მოსახლობენ დღესაც მისი ნათესავნი“, — წერს ვაჟა თავის ავტობიოგრაფიაში „ჩემი წუთისოფელი“ და განაგრძობს, — სათემო გვარი ფხიკელაშვილებისა არის გაბიდაური. ღვიძლი ბიძა დედაჩემისა პარასკევა პირველი მოლექსე იყო ფშავში. იმან შექმნა სატირული ლექსები და დღესაც ყველა ფშაველი იმის ჰანგზე „ლექსობს“. საუბედუროდ, წერა-კითხვა სრულიად არ სცოდნია... წერა-კითხვა არც დედაჩემმა იცოდა, თუმცა ბუნებით ფრიად ნიჭიერი იყო, შესანიშნავი მეოჯახე და მოწყალე, გლახის გამკითხველი, მეზობლის დამხმარე; დედა-ჩემის ქველობა დღესაც სამაგალითოდ არის დარჩენილი. ისე ჩავიდა საფლავში, რომ ერთს არავის ახსოვს იმას გაეჯავრებინოს...“ (ვაჟა-ფშაველა 1961ე: 434).

ახლა ვაჟასავე თვალით დანახული პორტრეტი მამამისისა, პავლე რაზიკაშვილის: „მე როცა მამა-ჩემი ვიცანი მამად, მაშინ იგი მთავარ დიაკვანად იყო სოფ. მაღაროსუარში, ს. ჩარგალზე რვა ვერსზე დაშორებით. როცა კი შინ იმყოფებოდა, მუდამ მიამბობდა მოთხრობებს ძველი საღმრთო ისტორიიდან, წერა-კითხვას მასწავლიდა ძველებურს წესზე. ჩაუჯდებოდა ხორცს ხინკლისთვის საკეპლად ფიცარზე, იქვე ტახტზე მეც დაუჯდებოდი პირდაპირ და ვუგდებდი ყურს იმის ტკბილ საუბარს...“ (ვაჟა-ფშაველა 1961ე: 436).

პავლე და გულქან რაზიკაშვილები 1890 წლის შემოდგომაზე გარდაიცვალნენ. წესის ასაგებად შეკრებილმა შვილებმა გადაწყვიტეს, რომ უფროსი ძმა — გიორგი თიანეთში დაბრუნდებოდა, სადაც იგი ვექილობდა; მომდევნო — ვაჟა ჩარგალში რჩებოდა; ნიკო (შემდგომში ბაჩანას სახელით ცნობილი), ფშავიდან გაცლას ამჯობინებდა, რად-

გან თავისი წანალი ჰყავდა ცოლად შერთული და თემის ადათის დამ-რღვევად ითვლებოდა; ამიტომაც იმხანად ხევსურეთში, ბარისახოში მასწავლებლობდა; მასწავლებლობდა აგრეთვე თეძოც -ხელთუბანში, გორის მახლობლად; ამათი უმცროსი ძმა — სანდრო, ჯერ კიდევ სწავლობდა და უფროსი ძმები ინანილებდნენ სწავლის ხარჯებს. რაზიკაშვილებს ჰყავდათ უფროსი დაც — მართა, ყვარელში გათხოვილი.

ნიკო და თედო რაზიკაშვილებმა, როგორც მოგეხსენებათ, მწერლობას მიჰყვეს ხელი და თავდაპირველად ვაჟას მეტოქეობას არა მარტო თიბვაში, ნიშანში სროლაში და ჭიდაობაში უწევდნენ. თვრამეტი წლის ბაჩანამ ვაჟაზე ადრე გაითქვა სახელი მშვენიერი ლექსით — „მუხას”, მაგრამ ამ ნაადრევმა პოპულარობამ მას დათვური სამსახური გაუწია — ბოლომდე მეტოქედ თვლიდა ვაჟას.

რაზიკაშვილთა ახლო მეგობრის, ივანე ბუქურაულის თქმით, ბაჩანა ლვარძლიანი და დამცინავი იყო, ამასთანავე ფხუკიანიც, ხუმრობას ვერ იტანდაო. ძმები ხშირად კამათობდნენ ლიტერატურის გარშემო. ეს არცაა გასაკვირი. გასაკვირი უფრო ისაა, მით უმეტეს ქართული ტრადიციის გათვალისწინებით, რომ ლიტერატურულმა პაექტობამ ვაჟასა და ბაჩანას შორის პრესის ფურცლებზე გადაინაცვლა.

რაზიკაშვილთა ოჯახში ძმებს შორის ურთიერთობებს, როგორც ეტყობა, მაინც უფრო ვაჟა წარმართავდა. ვაჟას დისშვილი, მიხა რაზიკაშვილი იგონებდა, რომ როდესაც ბიძამისს „საზოგადოებაში ლექსის თქმას სთხოვდნენ, ჯერ ბაჩანას „მუხას“ იტყოდა და შემდეგ თავის „არწივსო“ (ყუბანებიშვილი 1937: 272).

მოდით, ერთი წამით თხრობა შევწყვიტოთ და ჩვენც გავიხსენოთ „არწივი“ — ჩვენი სიყმანვილის უცილობელი თანამგზავრი: ასზე მეტი წელი გავიდა ამ ლექსის დაწერიდან. როდესაც მას სკოლაში ვსწავლობდით და ვიზეპირებდით (ჩემს თაობას ვგულისხმობ), უკვე დროუამით დანისლული და ისტორიის საკუთრებად ქცეული ქვეყნის სიმბოლოდ აღვიქვამდით ვაჟას არწივს და მხოლოდ დღეს, მართლაც „ფრთამოტებილი და გულისპირს სისხლმოცხებული“ ქვეყანა რომ შეგვრჩა, თვალი აგვეხილა, — თურმე როგორ ჰყავს ერთმანეთს ჩვენი და ვაჟას გულისწადილი:

არწივი ვნახე დაჭრილი,  
ყვავ-ყორნებს ეომებოდა,  
ენადა ბეჩავს ადგომა,  
მაგრამ ვეღარა დგებოდა.  
ცალს მხარს მინაზე მიითრევს,  
გულისპირს სისხლი სცხებოდა.  
ვაჲ, დედას თქვენსა, ყოვებო,  
ცუდ დროს ჩაგიგდავთ ხელადა,  
თორო ვნახავდი თქვენს ბუმბულს  
გაშლილს, გაფანტულს ველადა!

(ვაჟა-ფშაველა 1961: 60)

ისე მგონია, ამ „ყვავ-ყორნების ველად გაფანტული ბუმბულის“  
ნახვის იმედი კაცს თუ არა აქვს, მის ქართველობას ის ერთი ფერმენტი  
აკლია, საუკუნეობით რომ განასხვავებდა ქართულ ეროვნულ ხასიათს.

„არწივი“ 1887 წლითაა დათარიღებული. 26წლის ვაჟა იმ დროს სო-  
ფელ დიდ თონეთში მასწავლებლობდა, მანგლისის მახლობლად და ეს  
წარუმატებელი მასწავლებლობა მისი პირველი და უკანასკნელი სამ-  
სახური იყო. მთელი დანარჩენი ცხოვრება მან უბრალო ფშაველი  
გლეხეკაცის ცხოვრებით იცხოვრა.

მასწავლებლობის უფლებას ვაჟას აძლევდა გორის საოსტატო სე-  
მინარიის დიპლომი. აქვე უნდა ითქვას, რომ გასხვავებით თელავის  
სასულიერო სასწავლებლისა და თბილისის ორკლასიანი სამოქალაქო  
სასწავლებლისაგან, სადაც მანამდე მოუწია სწავლამ, გორის საოსტა-  
ტო სემინარიას ვაჟა განსაკუთრებული სითბოთი იგონებდა.

სწორედ გორში სწავლისას (ეს 1879-1882 წლებია) გამოიკვეთა  
ვაჟას პირვენული იერიცა და მისი ლიტერატურული ინტერესებიც: აქ  
დაუმეგობრდა იგი შიო მღვიმელს, ნიკო ლეონიძეს (მამას გიორგი  
ლეონიძისა), ლადო ალნიაშვილს. გორში იმხანად ხალხოსნური წრე  
ყალიბდებოდა — სოფრომ მგალობლიშვილი, მიშო ყიფიანი — მფარ-  
ველი და საყვარელი მასწავლებელი ვაჟასი.

ვაჟას განსაკუთრებით მფარველობდა აგრეთვე სემინარიის დირე-  
ქტორი დიმიტრი სემიონოვი. სწორედ მან უთხრა ალექსანდრე ხახა-

ნაშვილს, შემდგომში ცნობილ ლიტერატორს, ყმაწვილი ვაჟას წარ-დგენისას: „Запомните! Это высшая поэтическая натура!“ (ყუბანეიშვილი 1937: 111).

სემიონოვისავე ხელშეწყობით გამოდიოდა სემინარიაში ხელნაწე-რი უურნალი — „რიურაუი“. ბაჩანამ, რომელიც ამავე სემინარიაში სწავლობდა, საგულდაგულოდ გადაწერა „რიურაუის“ ათი ეგზემპლი-არი. ერთი ეგზემპლიარი აქედან მოწაფეებმა ილიას გაუგზავნეს, ერ-თი კიდევ — სერგი მესხს გაზეთ „დროებაში“.

ვაჟას ყმაწვილური დებიუტი „რიურაუი“ — ჯერ კიდევ გაუბედავი კალმით ნაწერი ლექსი „ყარსის ბრძოლა“ მაინც არ დარჩენილა ყუ-რადღების გარეშე — უურნალმა „იმედმა“ გამოაქვეყნა 1881 წელს. ამ დროისათვის ვაჟას ამავე უურნალში კიდევ ორიოდე ლექსი აქვს გამო-ქვეყნებული, ხოლო გაზეთ „დროებაში“ — რამდენიმე კორესპონდენ-ცია ფშავ-ხევსურეთიდან.

ვაჟასთან გორში დამეგობრებულ ალექსანდრე გარსევანიშვილს ასე დამახსოვრებია თავისი ფშაველი ამხანაგი: „რამდენადაც მე შე-ვამჩნიე, ლუკა რაზიკაშვილი მეტად მგრძნობიარე პიროვნება იყო. სულიერი განცდა ხშირად ეცვლებოდა. ხან იყო მეტად მხიარული და საუბრის მოყვარე, ხან სულ ოცნებობდა და ასეთ დროს ლაპარაკიც ერიდებოდა, ხან ბრძოლას ნატრულობდა და ყველიერში კრივშიც მო-ნაწილეობას იღებდა. ამხანაგებს ხან ლმობიერად ექცეოდა, ხან და-ცინვაც იცოდა“ (ყუბანეიშვილი 1937: 128).

ლუკა რაზიკაშვილის სიყმანვილის დროინდელი ლექსები იმჟამინ-დელი ქართული პოეზიის ჩვეულ კალაპოტს მიჰყვებიან:

როდის იქნება, შეევიკრიბოთ, ძმანო, ერთადა  
და დავაყვიროთ კიდით-კიდეს მკვნესი ნადარა,  
მის ტკბილსა ხმაზედ მხიარულად, გიუმაურადა,  
თავისუფლადა ვთამაშობდეთ აღმარ-დაღმარა?!

(ვაჟა-ფშაველა 1961ა: 419)

ეს პირველი სტროფია უურნალ „იმედში“ 1882წელს გამოქვეყნებუ-ლი ვაჟას ლექსისა „როდის იქნება“.

გადის რამდენიმე წელი და რაღაც ნათელხილვის წამს ვაჟა მიხ-  
ვდება: ის, რისი თქმაც მას უნდა, უურნალ-გაზეთებში ამოკითხული  
ლექსების ენით არ ითქმის, სხვაგვარად უნდა ითქვას, აკვანში რომ  
ჩაესმოდა ფანდურზე ნამღერი ლექსები, სწორედ იმ ენით, იმ ინტონა-  
ციით, იმ ხმოვანებით უნდა ამეტყველდეს... მაშინ მისი „ცვალებადი  
ხასიათიც“ უკეთ გამჟღავნდება და მისი ჩაგუბებული განცდებიც უფ-  
რო იოლად გამოითქმის:

თუ მამკლავ, ისევ შენ მამკლავ,  
ქალავ, თავდახრით მცინარო,  
დღეს ჩემის პირის მკოცნელო,  
ხვალ სხვისთვის ძუძუს მჩინარო.  
წყეული იყოს დვთისაგან  
ის დღე, როდესაც ვნახეო  
შენი ფოფინა თვალები  
და მოელვარე სახეო!...

(ვაჟა-ფშაველა 1961ა: 51)

„ათი წლისა უკვე შეყვარებული გახლდით, — წერდა ვაჟა თავის  
დაუმთავრებელ ავტობიოგრაფიულ ნარკვევში, — მაგრამ რამდენა-  
დაც ძლიერი იყო ეს ჩემი სიყვარული, იმდენად, გაუბედავი, დამალუ-  
ლი, უსიტყვო, ისეთი, რომ ვგონებ ვინც მიყვარდა იმანაც არ იცოდა;  
მე კი თუ მუდამ დღე არ მენახა თვალით, მოვკვდებოდი, რის გამოც,  
როცა დროს ვიხელთებდი, უნდა გავქცეულიყავი იქ, საცა ჩემი „სატ-  
როფი“ მეგულებოდა, რომ თვალით დამენახა, დავმტკბარიყავი მისი  
ცქერით. ჩემი სიყვარულისა მევე მრცხვენოდა, ეს სიყვარული დანა-  
შაულად მიმაჩნდა და როგორ განუცხადებდი ჩემს სატრფოს,... ვიდრე  
არ დავვაჭკაცდი და იმისა, ვინც მიყვარდა, ცოლად შერთვა არ გან-  
ვიზრახე, ვერც სიყვარულის გამოცხადება გავტედე...“ (ვაჟა-ფშაველა  
1961ე: 439).

ის, ვისი ცოლად შერთვაც განიზრახა და სიყვარული გამოუცხადა  
25 წლის ვაჟამ, ეკატერინე ნებიერიძე გახლდათ — უკანონო შვილი  
თავად ოთარ ამილახვარისა, ადრე გათხოვილი და ადრევე დაქვრივე-

ბული. ამ გარემოებას ხელი არ შეუშლია კეკესათვის, როგორც მას შინაურები ეძახდნენ, ბავშვივით ხალისიანი და გულლია დარჩენილიყო. ტანადაც პატარა ყოფილა და ვაჟას ძმები, რომლებასაც კეკე ძალზედ უყვარდათ, ხელში აყვანილს თოვინასავით ათამაშებდნენ თურმე.

კეკე ვაჟამ ამილახვრების ოჯახში გაიცნო, ოთარაშენში, გორის მახლობლად. დაქვრივებული კეკე აქ მიბრუნდა, რადგან სხვა პატრონი არ ჰყავდა. კაცმა რომ თქვას, ვაჟაც უსახსრობამ მიიყვანა ამილახვრების ოჯახში შინამასნავლებლად. ახლადდაბრუნებული იყო პეტერბურგიდან, სადაც უნივერსიტეტში სწავლის ხარჯებს ვერ გასწვდა და ეტყობა, სწორედ ამილახვრებთან ერთგვარი შესვენების დროს აპირებდა სამოშავლო გზის არჩევას.

განგების ნებით, ერთი მთავარი არჩევანი მას სწორედ ამ ოჯახში ელოდა. მთელი შემდგომი თხუთმეტი წლის განმავლობაში კეკეს ხალისი და სითბო შეჰქონდა ჩარგალში გამომწყვდეული „რაზიკაანთ დევის“ არცთუ იოლ ცხოვრებაში.

ვაჟა არ მიეკუთვნებოდა მამაკაცის იმ ტიპს, რომელსაც გული არ შეეკუმშება ლამაზი ქალის დანახვისას. პირიქით, ადვილად აალებადი და ეტყობა, ზოგჯერ ძნელი მოსათოკიც ყოფილა. ისე რომ, კეკეს უთუოდ გაუქრებოდა ხოლმე მისთვის ჩვეული მხიარული გამომეტყველება, როდესაც ხატობაზე ან დღეობაში (წირვა-ლოცვაზე ვაჟა არ დადიოდა) ქმრის მრავლისმეტყველ მზერას გააყოლებდა თვალს, ანდა შუბლშეჭმუხვნილი კითხულობდა მის გრძნობამოძალებულ სტრიქონებს და ვერ დაედგინა, მისდამი იყო მიძღვნილი ეს ლექსი, თუ ფარული მოქიშპე ჰყავდა და მეტი სიხიზლე მართებდა:

შენმა სურვილმა დამლია,  
შენზე ფიქრმა და სევდამა,  
შორს ნასვლამ, ხშირად გაყრამა,  
გულის თვალებით ხედვამა;  
მაოცებს შენი გამზრდელი,  
ვინც შენ გაგზარდა დედამა...  
(ვაჟა-ფშაველა 1961ა: 92)

ეს ლექსი, „სიყვარული“ 1891 წელსაა დაწერილი. ვაჟა ამ დროს ოცდათი წლისაა: სისხამ დილით, მხარზე ცელგადებული მიდის იგი კურდლელანთ-სულის გორაზე — სათიბაგად, ხოლო ღამ-ღამობით, ჭრაქის შუქზე პატარა საწერ მაგიდას უბრუნდება, სადაც განგების მადლიანი ხელი ატარებს მის კალამს.

სწორედ ამ კალმით გაკვალულ გზას მივადევნოთ თვალი.

როგორ უნდა იცხოვროს ადამიანმა ქვეყანაში, რომელიც სიყალ-ბეზე და ძალმომრებაზეა აგებული; როგორ უნდა იცხოვროს, რომ სულში სიკეთისა და თანაგრძნობის ნაპერწკალი შეინარჩუნოს; როგორ უნდა იცხოვროს, რომ წაქცეულის მიშველიებისას თვითონაც არ წაიქცეს; რომ სისუსტის წამს, ძლიერთა ბანაკს არ შიეკედლოს — მათ მიტაცებულ ნადავლს დახარბებული; როგორ უნდა იცხოვროს, რომ შთამომავალთ არ რცხვენოდეთ მისი სახელის და შორიდან არ უვლიდნენ მის საფლავს? — ამ კითხვებითაა დასერილი ვაჟას „ჩემი ვედრება“.

მეცხრამეტე საუკუნის ქართული პოეზიის თემებისა და პრობლემების პოლიფონიაში სულ უფრო და უფრო მკვეთრად გაისმოდა ეს მარადიული კითხვები. კითხვები, რომელთათვისაც პასუხის გაცემას თვით ცხოვრება მოითხოვდა ადამიანისაგან, ხოლო ეს ადამიანი, თავის მხრივ, სულ უფრო და უფრო ხშირად ხელოვნებას, პოეტს აკყრობდა მზერას.

ამ კითხვებზე დაფიქრებისას, პოეტი უკვე ვეღარავის მიმართავდა დასახმარებლად. მხოლოდ ღმერთი თუ იქნებოდა მისი შემწე. ეგების, სწორედ ამიტომ, ვაჟა-ფშაველას ეს ლექსი სწორედ ღმერთისადმი მიმართვის ფორმითაა დაწერილი.

„ჩემი ვედრება“ აერთიანებს ვაჟას პიროვნულ და შემოქმედებით იდეალს; მისი კონცეფცია აქ მნიშვნელოვანნილად იმეორებს ილიასა და აკაკის მოქალაქეობრივ მიმართებას, მაგრამ, ამასთანავე, არის ერთი, წმინდა ვაჟასეული შტრიხი „ჩემ ვედრებაში“, რომელიც ესოდენ განსხვავებულ ელფერს აძლევს მის პროგრამულ ლექსს: ეს გახლავთ საგანგებოდ ხაზგასმული (მესაძლოა, ილიასა და აკაკის კონცეფცი-

ასთან რამდენადმე შინაგანად დაპირიპირებულიც კი) პოზიცია „უჩინარი“ და „თავმოდრეკილი“ შემოქმედისა.

პროგრამულ ლექსში ვაჟამ არ ისურვა ერის მოძღვარის პიედესტალზე მდგარიყო. არა მხოლოდ იმიტომ, რომ ეს პიედესტალი უკვე დაკავებული იყო; სხვათა შორის, ვგონებ, არც იმიტომ, რომ არანაირი ამბიცია არ გააჩნდა (ასე რომ იყოს, უფრო მარტივი სურათი იქნებოდა). ვაჟამ თავისსავე შინაგან ბუნებასთან მისადაგებული გზა აირჩია: სწორედ აქედან მოდის „ჩემი ვედრების“ თავმოდრეკა, „ბალახად ყოფნის“ სურვილი. რელიგიის რანგში აყვანილი ეს უპრეტენზიო რწმენა, ხელოვნებისათვის (და მოყვასისათვის) უჩინრად მსახურების მოწოდება იშვიათ და სამუდამოდ დასამახსოვრებელ ელფერს აძლევს ამ უსევადო სატევარივით სადა, მაგრამ უანგმიუკარებელ სტრიქონებს:

ღმერთო, მიიღე ვედრება,  
ეს ჩემი სათხოვარია:  
არ დამეკარგოს გულიდამ  
მე შენი სახსოვარია!  
გულს ნუ გამიტეს ტანჯვაში,  
მამყოფე შეუდრკელადა;  
ვფხიზლობდე, მუდამ მზად ვიყო  
დაჩაგრულების მცველადა.  
ბალახი ვიყო სათიბი,  
არა მწადიან ცელობა;  
ცხვრადვე მამყოფე ისევა,  
ოლონდ ამშორდეს მგელობა;  
არ წამიხდინო, მეუფევ,  
ეს ჩემი წმინდა ხელობა!  
მაშრომე საკეთილოდა,  
თუნდ არ მოვიმკო ნაყოფი,  
შვილთ საგმოდ არ გამიხადო  
ჩემი მუდმივი სამყოფი.  
.....  
(ვაჟა-ფშაველა 1961ა:110)

— აი, ერთი იმ ლექსთაგანი, ჭრაქის შუქზე რომ იწერებოდა ფშაური ლამის სიჩუმეში, რომელშიც მხოლოდ ვაჟას მძინარე ცოლ-შვილის მშვიდი სუნთქვა მოისმოდა და დროდადრო, შორიდან — ტოტია-მგლის გაბმული ყმუილი...

ეს ყმუილი თუ დაუფრთხობდა ძილს რომელიმე ბავშვთაგანს, გა-სუსული რომ ინვა და ჭრალი საბნის ქვეშიდან ცნობისმოყვარე თვალს არ აცილებდა პოეტ მამას.

ვაჟას უფროსი ქალიშვილი, თამარი იგონებდა: „ერთ ლამეს გვი-ანობამდე არ დამეძინა. ჩუმად ვადევნებდი თვალყურს მამაჩემის წე-რას. ვხედავდი: ადგებოდა, ხან ერთ კედელს მიაჩერდებოდა, ხან მეორეს. მიმოდიოდა ოთახში: მივიდოდა, დასწერდა, კვლავ გაივლ-გამოივლიდა. ხან ფანდურს ჩამოილებდა კედლიდან, დაუკრავდა და დაამლერებდა:

თავის პატრონი ენაცვლოს,  
თავის თვალყვითელ ციცასა...  
(რაზიკაშვილი 1961: 69)

გვიან ლამით, როდესაც უკვე ცნობისმოყვარე თამარიც კარგა ხნის ჩაძინებული იყო, ხოლო თვალყვითელა ციცა-კატა ჩოჩხონია დამბა-ლი ხაჭოთი გამასპინძლებული, ვაჟა საწოლს მიაშურებდა.

„მამას საწოლზე დათვის ტყავი იყო გადაფარებული, — იგონებ-და თამარი, — დათვის ტყავზე ნაბდის ქეჩა ეფინა. ქეჩაზე ვეფხვის ტყავი ეხატა. საწოლის თავთან კედელზე მიკრული იყო ირმის და ჯიხ-ვის რქები. აგრეთვე არწივის მხრები, ბრჭყალები ეკიდა. იქვე, კედელ-ზე ჩამოკიდებული იყო ფარ-ხმალი, ორი თოფი: ერთი ბერდანკა და ერთიც აინალი. კედელზე ეკიდა დიდი ფანდური“ (რაზიკაშვილი 1961: 68).

კეკეს, ვაჟას ცოლის, პატარა ტახტი, ფშაური ადათის მიხედვით, ცალკე უნდა მდგარიყო. და იყო კიდეც მოპირდაპირე კედელთან მიდგმული.

დილით, როცა მზის პირველი სხივი დაეცემოდა ივლიანთ გორას, ვაჟა პირზე წყალს შეისხამდა, თაფლისფერ წვერზე გადაისვამდა

ხელს და გახედავდა ჩარგლულას ხეობას, სამების მთას და სარაყდრის გორს — რამდენჯერ ჩასძინებია მის კალთაზე ხევსურეთიდან მობრუნებულს... მერე, ჩაფიქრებული, თავისთვის ჩაიდუდუნებდა:

მთას ვუცქერ ყელ-მოლერებულს,  
მთელის ხმელეთის მფლობელსა,  
თვის დღეში ცრემლ-დარდ უნახველს,  
არვისთვის არრის მთხოვნელსა...

იმეორებს ვაჟა ამ ლექსს და „ამჟამინდელი ხედვის სიამე“ მომავალზე ფიქრით ეწამლება — „რით დასრულდება სიტურფე სიცოცხლის, მთისა, ბარისა?“ — მერე, თითქოს გაურბის ამ კითხვას, თავის-სავე თავს უბრუნდება, თავის მრნამსა და მიზანს:

... ოღონდ მე ჩემი წადილი  
და მღელვარება გულისა  
ვასრულო, აზრს ვემსახურო,  
ერთგული ვიყო რჯულისა:  
ვაკეთო, რაცა მწადიან,  
რაც მიყვარს, რაცა მწყურისა...  
(ვაჟა-ფშაველა 1961ა: 169-170)

ეს ლექსი — „მთას ვუცქერ ყელმოლერებულს“ XIX საუკუნის მიწურულსაა დაწერილი — 1899 წელს. ვაჟა უკვე აღიარებული პოეტია და ამ აღიარებაში დიდი წვლილია ილია ჭავჭავაძისა.

იაკობ მანსვეტაშვილს ჩაუწერია „ივერიის“ რედაქციაში ვაჟას სტიქიური „ლიტერატურული საღამოს“ (თავის „მოხუცის ნათქვამს“ კითხულობდა თურმე) იღიასეული შეფასება: „— არა, ჩვენ ძველებმა ახლა კალამი უნდა ძირს დავსდვათ! გზა ვაჟას უნდა დავუთმოთ!“ (მანსვეტაშვილი 1936: 107).

არტურ ლაისტიც იგივეს წერდა თავის „საქართველოს გულში“: „...იღიას ჩემთვის უთქვამს: “ვაჟა-ფშაველა არის გენიალური ფიგურა და ყველაფრით განირჩევა თანამედროვე პოეტებისაგანო.“ (ლაისტი 1963: 76).

ამ დროისათვის ვაჟას უკვე დაწერილი აქვს „გოგოთურ და აფ-შინა”, „ალუდა ქეთელაური”, „ბახტრიონი”, „სტუმარ-მასპინძელი”...

„შვლის ნუკრის ნაამბობის” და „ქუჩის” გამოქვეყნებისთანავე თავისი ერთგული მკითხველი გაუჩნდა ვაჟას მოთხოვნებსაც. იმ მოთხოვნებს, ლექსებთან და პოემებთან

ერთად ხურჯინით რომ ჩამოჰქონდა ჩარგლიდან თბილისში. აქ ან პირდაპირ „ივერიის” რედაქციას მიადგებოდა, ან იოსებ იმედაშვილს ააკითხავდა მთაწმინდაზე. საღამოს კი მლეთის ქუჩისაკენ გასწევდა, სადაც ჩვეულებრივ ჩერდებოდა ხოლმე თავის უმცროს ძმასთან — სანდროსთან.

იოსებ იმედაშვილი ასე აღწერდა ვაჟას იერს: „შუა ტანისაზე უფრო მაღალი, წელში აშოლტილი, სახე გამხდარი, უფრო ხმელი, ბოლო ხანებში ციმბირის წყლულით ცალთვალატირებული, დინჯი, დარბაისელი, თავაზიანი. ხანდახან იფეთქებდა ხოლმე, მაგრამ სულის სიმშვიდეს მუდამ ინარჩუნებდა, არ ვიცი რათა, მაგრამ ვაჟას მიხრა-მოხრასა და ლაპარაკს რომ ვუკვირდებოდი, უნებლიერ ზეზვა, ლუხუმი და სხვა მსგავსი გმირნი წარმომიდგებოდნენ ხოლმე.

მეტად სადად იცვამდა, უბრალო, სოფლელი ფშაველი გლეხისაგან ვერ გაარჩევდით. მუქი ფერის მოშავო ან მოყავისფრო ჩოხა, შალის საკანჭები, უყელო

ჩუსტები, ტყავის ქამარი, გალიბანდის ქუდი, მოყვითალო ყაბალა-ხი, — აი, მისი მორთულობა, განუშორებელი ნაბდითა და ხანჯლით.

თბილისში ჩამოსვლისას, ყელზე მოგდებულ მაუდის ყაბალახში განუშორებლად ელაგა ღორის ლურთი, ხმიადის ღორის ქონიანი ნატეხი, სარედაქციოდ დაწერილი ლექსები, პოემები, წერილები და ლესინგის „ლაოკონი“. (იმედაშვილი 1978: 209).

თბილისში ვაჟა მეტწილად შობა-ახალწლებზე და სააღდგომოდ ჩამოდიოდა. ზოგჯერ, განსაკუთრებულ შემთხვევაში, ამა თუ იმ მწერლის, მსახიობის იუბილეზე ან დაკრძალვაზე. დედაქალაქში მას თავისი წრე ჰყავდა მეგობარ-ამხანაგებისა: ივანე ბუქურაული, ნიკო კურდლელაშვილი, შიო მღვიმელი, იროდიონ ევდოშვილი... თავშეყრა ისეთ სარდაფში უყვარდათ, რომელსაც უფრო უბრალო ხალხი ეტა-

ნებოდა — მირიანაშვილისა მაგალითად, ან „ქოსებთან”. აქ, კახური ლვინით შემთბარნი, ხან ქალაქის ამბებს უყვებოდნენ ვაჟას, ხან კი, თუ ძალიან ჩააჯინდებოდნენ, თავის რომელსამე ახალ ლექსსაც წა-აკითხებდნენ:

სიტყვა გადვაგდე ერშია,  
სიტყვა, რა სიტყვა? — ეული,  
ტანჯულის გულის ნაცრემლი,  
ვარმით ნაკვები, სნეული,  
გულ-გაგმირული, ბეჩავი,  
თავს მანდილ-ჩამოხეული!  
ასე წვა-დაგვით გაზრდილმა,  
რას ვიფიქრებდი, იხარა...  
წვერს მარგალიტი მოისხა,  
ტანი ზურმუხტით იფარა...  
(ვაჟა-ფშაველა 1961ა: 128)

ვაჟა ლექსის კითხვას რომ ჩაამთავრებდა და პირველი აღტაცება ჩაცხრებოდა, ერთ-ერთი მის მეგობართაგან, უთუოდ, კითხავდა ეშმა-კური ლიმილით: „კაცო, შენ ის ვაჟა-ფშაველა არა ხარ, ამ ორი წლის წინ „ივერიის“ რედაქციის რომ მისწერეს — რა გააჭირეთ საქმე თქვენი ვაჟა-ფშაველათი, არ აჯობებს არტემ ახნაზაროვის ლექსები ბეჭდოთო?“

ახლა თვითონ ვაჟასაც ეღიმებოდა ამ ანონომიურ წერილზე, მაგრამ უკანასკნელ ხანს „ივერიის“ თანამშრომლებს რაღაც გულგაცი-ებას აშკარად ატყობდა: რამდენიმე შეთავაზებული ნაწარმოები არ გამოუქვეყნეს, გამოქვეყნებულში — ფული არ მისცეს... და, ამასთან ერთად, კიდევ საჯაროდ ჭკუას ასწავლიდნენ — პეტერბურგში სტუ-დენტური სალაროს ვალი რომ გადევს, რატომ არ უბრუნებო?

იცოდნენ კი, რომ რედაქციებიდან აღებული ათი თუ თხუთმეტი მანეთი ნავთსა და მარილზე ძლივს ყოფნიდა, ცოლ-შვილი ჩაუცმელ-დაუხურავი დაუდიოდა, თვითონ, რაც ეს წყეული ციმბირის წყლული შეეყარა — ჩამოხმა, გვერდს იტკიებდა და ძველებური ჯანი აღარ მოსდევდა...

არაა გასაკვირი, რომ ასეთ გუნებაგანწყობილებაზე დაწერილი ლექსი — „ნუგეში მგოსნისა“ ვაჟას „ივერიის“ რედაქტორიში აღარ მიუტანია, უურნალ „მოამბეში“ გამოაქვეყნა:

ვნუგეშობ სწორედ სანუგეშოცა:  
გულზე მედება ცეცხლის გენია,  
ქვეყნის სარგოდა ფიქრით გამსჭვალულს  
ავი მე არა ჩამიდენია;  
ვინ რას გაიგებს, ან ვინ რა იცის,  
რამდენჯერ ცხარე ცრემლი მდენია?!  
(ვაჟა-ფშაველა 1961ა: 129)

წყენა და გულისტკივილი აწერინებდა ვაჟას ამ სტრიქონებს. რამდენიმე კაცს ამაგს როგორ დაუკინწყებდა — ილიას, იოსებ იმედაშვილს, მარიამ დემურიას... მაგრამ სხვანი?.. იმ ცალი, საღი თვალით შეუნიშნავს: — როგორ აწრიალდებოდნენ ხოლმე მასთან შეხვედრისას, როგორ ცდილობდნენ ჩქარა გასცლოდნენ — ეშინოდათ მათთვის გული არ დაემძიმებინა.

ისევ მეგობარ მწერალს თუ შესჩივლებს: „ქართული ლიტერატურა აპა როგორ უნდა განვითარდეს, როცა მწერლებს ლუკმა-პურის ძებნაში სული ამოსდით, ჩემი დღენია ვწერ და რამდენადაც ვიცი, ქართულ საზოგადოებას მოსწონს ეს ჩემი ნაწერები, მაგრამ რა გამოვიდა, სული კბილით მიჭირავს. ჩემს ნივთიერ გაჭირვებას და შევიწროებას ბოლო არ უჩანს, ნავთი და მარილი რაა, ოჯახში თავისუფლად და გაბედვით ვერ შემომიტანია. მზის ჩასვლისას ქათამსავით თვალებს ვხუჭავ და ლოგინს თავს ვაფარებ. ცეცხლი არაა, ლობიოსათვის მარილის შოვნაც გეძნელებოდეს, ასეთ პირობებში ვის სცალია ლიტერატურის განვითარებაზე იფიქროს. ზოგჯერ დიდი სურვილი მაქვს ჩავიმუხლო და რაიმე დავწერო, მასალა ბლომად მომეპოვება, მაგრამ განა შემიძლია გულდამშვიდებით ვწერო, როცა თვალწინ სახრჩობელასავით მეხატება ჩემი ნივთიერი უმწეო მდგომარეობა, ჩემი ცოლშვილის ლუკმა-პურის მოსაპოვებლად ყოველდღიურად ტანჯვა და ვაება. განა ვაჟა ასეთ რამეებზე უნდა ფიქრობდეს, ასეთ წვრილმან

საქმეებში უნდა აპანდებდეს თავის თავისუფალ დროსა და მოცალეობას! “ (ალექსანდრე მიქაბერიძის მოგონებიდან).

საკუთარი სულმოკლეობის შეგრცხვება კაცს, ვაჟას ამ სიტყვებს რომ უსმენ. ამასთანავე როცა იცი, როგორ ახერხებს „რაზიკანთ დევი“ მაინც ჩაიმუხლოს ლექსის საწერად, სძლიოს დალლას, შიმშილს, სიცივეს, სიბნელეს და კვარი აანთოს, რათა ზეშთაგონებით სულეთიდან გამოხმობილმა გმირებმა ადვილად მიაგწონ მის განათებულ სარკმელს...

ხანდახან, ძალზედ იმედგადაწურული რომ უყურებდა თავის თანამედროვეთ, ვაჟა იმასაც ფიქრობდა, ვერც ვერანაირი სასწაული, ვერც მითოლოგიური წარსულიდან გამოხმობილი რაინდები, „პიროვლიანები“, როგორც მათ ფშავში უნოდებდნენ, ვერც საკუთრივ მისი ჭირთათმენის მაგალითი, ვერ უშველიდა თავთავიანთ ნიჟარებში ჩამალულ ამ პატარა ადამიანებს, ვერ გააერთიანებდა, ვერც კაცური და ვერც ეროვნული ღირსების გრძნობას ვერ შთაუნერგავდა.

აკი წამოიწყებს კიდეც თავის სიმღერა-მოთქმას:

ბედს მომლოდინე უბედო დავრჩი,  
გამწარდა ჩემი სიცოცხლე-ყოფა.

და უნუგეშოდ ასკვნის:

რა მივუტანო ამბავი გმირთა?  
რით ვანუგეშო სამშობლოს მცველი?  
ნუთუ ის ვუთხრა: ძლეულ ვიქმენით,  
საქართველოზე ხარობენ მტერნი?!  
ვაი, რა ცუდ დროს ჯანლი დაგვეცა,  
ვაი, რა ცუდ დროს გაგვიტყდა გემი;  
ვაი, რა ფუჭად გული ვაძგერე,  
უკვალოდ რჩება ნავალი ჩემი!  
(ვაჟა-ფშაველა 1961ა: 156)

ამ, ბოლო სიტყვების, მე მგონი, თვითონ ვაჟასაც არ სჯეროდა: შეიძლება იმიტომაც არ შეიტანა ეს ლექსი — „ბედს მომლოდინე უბედო დავრჩი” თავის თხზულებათა პირველ კრებულში, რომელიც ქართველთა შორის წერა-კითხვის გამავრცელებელმა საზოგადოებამ 1899 წლის დეკემბერში გამოსცა.

კარს იყო მომდგარი ახალი, მეოცე საუკუნე, ახალი, მომავლის იმედით თვალანთებული თაობა მოდიოდა და ვაჟა, რაღა თქმა უნდა, გრძნობდა, რომ სწორედ ამ თაობას სჭირდებოდა ახლა სხვაზე მეტად მისი შავქარქაშიანი ხანჯლით გამოთლილი სიტყვაც და მისი ქედმოუხრელი ცხოვრების მაგალითიც.

ახალ, 1900 წელს და ახალ, მეოცე საუკუნეს თბილისი საზეიმო პარაკლისითა და მთავარმმართებლის სასახლეში გამართული მეჯლისით შეეგება. ჩარგალში, ახალი წელი, ცხადია, გაცილებით უფრო მოკრძალებით აღინიშნებოდა: პატარა ტაბლაზე ეწყო ხინკალი, ფრინველი, თევზი, ქადა, თხილი, პანტა, თედოს გამოგზავნილი თაფლი, დამბალი ხაჭო და ხავინი — ვაჟას საყვარელი კერძები, ვაჟასსავე გამოხდილი პანტის არაყი...

ტაბლას ოთხნი უსხდნენ: ვაჟა, კეკე და მათი უფროსი ქალ-ვაჟი-თამარი და ლევანი. უმცროსს — მარიამს უკვე ეძინა. ლევანს და თამარს ეამაყებოდათ, რომ საახალწლო სუფრასთან დასვეს და ცდილობდნენ არ ჩაეთვლიმათ. კეკეს ლამაზ სახეს დაღლილობა ემჩნეოდა — მთელი დღის ნაჯაფი იყო და ამასთანავე მეოთხე ბავშვზე ორსული.

ადათის გათვალისწინებით, რამდენიმე სადღეგრძელო შეისვა. კეკეს და ბავშვებს ქუთუთოები დაუმძიმდათ, სტუმარი მეზობელთაგან ჯერ არ ჩანდა. და ვაჟა თავის საფიქრალს მიეცა: „ამ ახალ-წლის დამდეგს ეს ფიქრი მოდის ძალა-უნებურად, რომ ყველამ მოინანიოს წარსულის წლის შეცოდებანი და ახალს წელს მივეგებნეთ ახლის ძალით, მხნეობით, გულ-წრფელად და ჩავიჭიდოთ ღრმად გულში ეს მცნება: საცა ვცხოვრობთ, და რომლის ქვეყნის შვილებიცა ვართ, რომელი ქვეყნის პურით, ღვინით, წყლით და ჰაერით ვსაზრდოობთ, იმას ვარგოთ რამ, ვაკეთოთ იმის სასარგებლოდ ჩვენის ძალ-ღონის

დაგვარად რაც-კი შეგვიძლიან, რომელი ასპარეზიც უნდა იყოს...”  
(ვაჟა-ფშაველა 1961ე: 409).

ეს ნაწყვეტი თავისი საახალწლო წერილიდან ვაჟას ზეპირად ახ-  
სოვდა და ფიქრობდა, რომ მომავალში ლევანს აუცილებლად წაკი-  
თხებდა თავის ჩანაწერებს...

კიდევ კარგი, ვაჟა ისე წავიდა ამ ქვეყნიდან, რომ არ მოსწრებია  
მისი ვაჟიშვილის დახვრეტას 1923 წელს, ქაქუცა ჩოლოყაშვილისა და  
მისი რაზმელების ხელშეწყობის ბრალდებით.

ვაჟას უმცროსი ქალიშვილი გულქანი, სწორედ იმ 1900 წელს და-  
ბადებული, შემდგომში, უკვე ხანდაზმულობისას მოთქმით ყვებოდა:  
„არც ერთ ქვეყნას არა ჰყავო, იციან, ეგეთი ბუნების მგოსანიო. ჰო-  
და, ერთი ვაჟიშვილი ჰყავნდა და ისიც თავის ქვეყანამ მოუკლა  
ვაჟასა, ისიც ქართველებმა...“ (რაზიკაშვილი 1991: 62).

აეკე გულქანის შემდგომ ფეხმძიმობას გადაჲყვა, — 1901 წლის  
მიწურულს. თივის ბულული მოუკიდებია ზურგზე და მუცელი  
მოშლია...

ვაჟა ამ დროს ყვარელში იყო დასთან და სიძესთან: იმედი ჰქონდა,  
რომ სანოვაგესა და ღვინოს წამოიღებდა საშობაოდ და ნათლობისათ-  
ვის, თან მოინადირებდა რასმე... სწორედ წადირობის დროს შეატყო-  
ბინეს კეკეს ამბავი.

ცოლის დასაფლავებას ვაჟამ ვერ მოუსწრო და ეს დანაშაულის  
გრძნობაც ზედ ერთვოდა მის ელდას და ტკივილს, რამდენიმე ხნის  
შემდეგ ცრემლნარევ სტრიქონებად გამოთქმულს:

იას უთხარით ტურფასა:  
მოვა და შეგჭამს ჭიაო,  
მაგრე მოხდენით, ლამაზო,  
თავი რომ აგილიაო!  
შენ თუ გგონია სიცოცხლე  
სამოთხის კარი ღიაო;  
ნუ მოხვალ, მიწას ეფარე,  
მოსვლაში არა ყრიაო.  
ნუ წახავს მზესა, ინანებს,

განა სულ მუდამ მზეაო!  
მიწავ, შენ გეპარებოდეს  
ეს ჩემი ტურფა იაო,  
შენ უპატრონე, ემშობლე,  
როგორაც შენი ზნეაო.  
(ვაჟა-ფშაველა 1961ა: 202)

იდგა თავჩაქინდრული ვაჟა კეკეს ობოლ საფლავთან და ათასი რა-  
მე აგონდებოდა: როგორ გაბმით კიოდა კეკე, ოთარაშენიდან ჩარგალ-  
ში რომ მოჰყავდა მაყრიონს და გზად ვაჟას ჩხუბი რომ შეემთხვა (მა-  
შინ იყო, ვიღაცამ უწმაწურად წამოიწყო — „უჩიტელს მოჰყავს ქა-  
ლიო...“); ახსენდებოდა მისი ხალისიანი სიცილი და მრავლისმეტყველი  
ამოხედვა... რაღაც, ძალზედ სუფთა და კარგი, ძალზედ სათუთი სამუ-  
დამოდ წავიდა მისი ცხოვრებიდან. ორმოცდაორი წლისა არც იყო და  
ისეთი შეგრძნება ჰქონდა, რომ ცხოვრება დამთავრდა და ეს ოთხი,  
საცოდავი ბავშვი რომ არა, ამ პატარა ბორცვთან თვითონაც სამუ-  
დამოდ მიიძინებდა...

ცხოვრება კი თავისას მოითხოვდა — სულ უფრო ჭირდა უდი-  
ასახლისო ოჯახის გაძლოლა. დროდადრო მაღაროსკარიდან ბაჩანა  
ამოაკითხავდა — აი, მაშინ გენახათ ბავშვების სიხარული — ანებივ-  
რებდა ობლებს; ხან რომელიმე მეზობელი დატრიალდებოდა სახლში.  
მაგრამ ერთხელ, კეკეს გარდაცვალებიდან ორი წელი რომ იყო გასუ-  
ლი, ვაჟა, თითქოს იმ ქვეყნიდან უჩინარი დასტური მიიღო, სასაფ-  
ლაოდან რაღაც განსხვავებული ნაბიჯით მობრუნდა და თავისი ცხე-  
ნის — ნიკორის შეკაზმვას შეუდგა.

გეზი გუდამაყრისაკენ ეჭირა, სოფელ ხორხისაკენ. ერთი იქაური  
ახალგაზრდა ქალი ეგულებოდა, ქმართან უბრად მყოფი — თამარ  
დიდებაშვილი და ახლა უნდოდა მამამისს მოლაპარაკებოდა. ბაჩანაც  
თან ახლდა. „დიდებათ გიორგის“ — თამარის მამას, გუდამაყრული  
სიჯიუტით რომ გამოიჩინდა, არც ამჯერად უღალატნია თავისი თა-  
ვისათვის: ფშაველებს რამე არ შეეშალოთ, აქედან ქალს არავის არ  
ვატან, თან ასეთ მეოჯახესო! მაგრამ ცოტა უიპიტაურმა ქნა თავის

საქმე, ცოტა ბაჩანას დიპლომატიამ და, მოღაპარაკებისამებრ, მეორე ჩამოსვლაზე ფშაველმა სასიძომ ქალი თან გაიყოლა.

თამარი კი მართლაც კარგი მეოჯახე გამოდგა. ოღონდ, კეკესაგან განსხვავებით, უტეხი ხასიათისა იყო, ვერავინ დაჯაპნიდა და დრო-დადრო ვაჟას ისეთივე საყვედურების მოსმენა უწევდა, როგორც მისი პოემის — „გველის-მჭამელის“ გმირს — მინდიას, თავისი ცოლისაგან.

ახლა, ალბათ მართლაც დროა გავიხსენოთ ეს პოემა — „ვაჟა-ფშაველას ქმნილებათაგან ყველაზე მეტად ღრმა და მშვენიერი“, — როგორც გრიგოლ რობაქიძე წერდა, გავიხსენოთ, რა დაგვიხატა ისე-თი ამ „განმჭვრეტმა მწყემსმა“ და „მკვდრეთით აღმდგარმა ძემ მითო-ლოგიური წარსულისა“, XX საუკუნის ზღურბლზე, რომ მთელი სა-უკუნეა, სულგანაბულნი ჩავცქერით მის სილრმეს და ბოლომდე ვერ ამოგვიხსნია მის ფსკერზე გამოსახული იდუმალი ქარაგმა...

დღეს, როდესაც ადამიანმა გარშემო მიმოიხედა, უეცრად აღმო-აჩინა, რა უქნა გარე სამყაროს: როგორ გაჩეხა და ამობუგა ტყეები, დაღარა და დასერა მთის კალთები; სიცოცხლე ჩაკლა იმ ტბებში და მდინარეებში, რომელთა ამოშრობაც ვერ მოასწრო; გამოფიტა და მოწამლა ის მიწა, რომლის მადლითაც აქამდე არსებობდა; დაბოლოს — გაწყვეტის პირამდე მიიყვანა ყოველივე სულიერი, რაც კი დარბოდა, ცურავდა თუ დაფრინავდა ამ მიწაზე, ამ წყალსა და ჰაერში.

კაცობრიობის დიდ მასწავლებელთაგან მხოლოდ რამდენიმემ იწი-ნასწარმეტყველა, რომ ბუნება როდესმე სამაგიეროს გადაუხდის თავის ყოვლისშემძლეობით გაამპარტავნებულ ადამიანს და მარტოდ-მარტოს დატოვებს ცხოვრების დამშრალი მდინარის უსიცოცხლო, უხმო და უჩრდილო ნაპირზე...

ქართველი კაცისათვის ასეთი მასწავლებელი ვაჟა-ფშაველა იყო.

ვაჟამ „გველის-მჭამელში“ იქადაგა, რომ ბუნება — ღვთაებრივი ჰარმონიის გამოვლინებაა, ადამიანი კი — ამ ჰარმონიის ნაწილი და როგორიც არ უნდა იყოს მისი საამწუთიერო ინტერესები, იგი საბო-ლოოდ განწირული იქნება, თუ ბუნების გრძნეულ ენას არ მიუგდებს ყურს, მის უხილავ სულიერებას არ იწამებს და მის ტკივილს არ გაიზიარებს.

ვაჟა არ მოითხოვდა მინდიასთან აბსოლუტურ მსგავსებას: სხვა რომ არაფერი იყოს, თვითონ უბადლო მონადირე იყო. მინდია — ესაა სახე-იდეა, მიუღწეველი ზნეობრივი მწვერვალი, რომლის წარმოსახულ არსებობასაც კი გარკვეული, ეთიკური განზომილება შემოაქვს გარემოსადმი ჩვენს მიმართებაში.

ასევე ალიქმება მთელი წყება ვაჟას ისტორიული და მითოლოგიური გმირებისა — იმედი საზიკაული, გიგი, ხუზაურ გოგოლაური, ხირჩლა ბაპურაული, ხიმიკაური, ლაჭაურა, სუმელჯი წონქოლაური... — „კაი ყმის“ სახელით გაერთიანებული ძველი ყაიდის რაინდები, ხატობაში „საკარგყმო“ ლუდს პირველებს რომ მიართმევენ და ვაჟასათვის მთელი მისი ცხოვრების განუშორებელ იდეალს რომ წარმოადგენენ:

კარგ ყმად ვინა ვსთქვათ, ვაჟებო,  
ნათქვამი არა გვცხვენოდეს,  
მსმენლის გულს აბორგოვებდეს,  
არავის არა სწყენოდეს?  
(ვაჟა-ფშაველა 1961ა: 282)

ვაჟამ „კაი ყმაში“ დასმულ ამ კითხვაზე მთელი თავისი ცხოვრებით გასცა პასუხი: ადვილია სამართლიანობაზე აბსტრაქტულად წერა, მაგრამ ვინ გაბედავდა, ვაჟას მეტი, სასამართლო დარბაზში მსაჯულის მიკერძოებით აღშფოთებულს, მისთვის სკამი გაექანებინა, ბოქაულისათვის სილა გაეწნა, გზირ-ნაცვალ-მამასახლისისათვის მედლები აეყარა, მაზრის უფროსს არ შეპუებოდა... მაშინდელი უფროსები ეგერი იყვნენ და იქით ეშინოდათ, რამით არ გაეწაწყენებინათ ვაჟა. მათაც გაუგებს კაცი — აბა, მიდით და გაანაწყენეთ ასეთი დევგმირი: „ცხენზე იჯდა წყლისფერ ჩიხაში გამოწყობილი მხარბეჭიანი ვაჟეცი, თოფით და ხმალ-ხანჯლით შეიარაღებული. მკერდზე უბის მასრები ეკეთა და თავზე მაღალი ფაფახი ეხურა“.

ახლა ხასიათს თუ იკითხავთ: „სოფელს მისი შიშით ვერავინ დაჩაგრავდა, მით უმეტეს ჩვენ, ახლო მეზობლებს, — იგონებდა ერთი მისი მეზობელთაგანი, — კატო ცქიფამვილი, — ჩვენს ახლოს, ლუკას ში-

შით, ვერც ტყისმცველი გაივლიდა. ლუკა მთელი სოფლის იმედი იყო. ლუკას ხათრით ვერც მომიჯნავე სოფლები გვედავებოდნენ სათიბ-სახნავებს.

სამართლიანი იყო და უსამართლობას არავის მოუთმენდა, დაჩაგვრას არავის „შეარჩენდა“ (ყუბანეიშვილი 1937: 382).

ვაჟას ჯერ თვითონ რა ჰქონდა, მაგრამ თხოვნაზე უარის თქმა არ იცოდა და მომხდარა, რომ გარდაცვლილი მეზობლის ქვრივისათვის თავისი ერთადერთი გამოსასვლელი ტალავარი — ჩოხა-ახალუხი მიუცია, ზედ პური, ფული, სასუდრო დაუმატებია და ისე გაუსტუმრებია — „აპა, წაიღე, შე ბეჩავო. იმ კაცს ტიტველს ნუ დამარხავთო“.

ახლა წარმოვიდგინოთ, როგორ დალოცავდა ვაჟას ის მეზობლის ქვრივი, წარმოვიდგინოთ ვაჟასავე ეთნოგრაფიული ჩანაწერის მიხედვით: „შენამც შეგენევა მამის სალოცავი, შენამც გიშველის ღმერთი. აგებ ღმერთმა გიცოცხლოს ცოლ-შვილი. ისრე გიცოცხლოს, როგორც შენს გულს უნდოდეს. საცა გაიარო, ყველგან გამარჯვება მოგცეს. შენი ამჯობინოს შენის მტრისასა, ნურავისი თვალი და გული მოგერიოს. ჩვენის შველისადა ღმერთმა გიშველოს, ხელ-მხარი მშვიდობაში მოგახმაროს. ჩვენის დახედვისადა, მოხედვისადა, ღმერთმა კეთილად გადამახდევინოს. ღმერთიმც შაეწევა შენს ჯანსა. ღმერთიმც გიშველის — „აიქამც გაგემარჯვება, საცა ხმალნ იქმენ გელგასა, მოციქულობენ ისარნი, შუბნი იქნევდენ ენასა...“ (ვაჟა-ფშაველა 1961: 61).

მაგრამ ვაჟას მისამართით სხვა სიტყვებიც გაისმოდა: ასე მაგალითად, 1907 წელს ვინმე კაპიტანი სამონოვი, ფშავ-ხევსურეთში პოლიტიკური სიტუაციის დასაზვერად მეფისნაცვლის კანცელარიიდან წარგზავნილი, წერდა, რომ „ვაჟა-ფშაველა, როგორც ჭკვიანი და მოქმედი კაცი, რომელიც განუსაზღვრელი გავლენით სარგებლობს მაღაროსკარელთა შორის, რევოლუციური სიტუაციის შექმნას უწყობს ხელს და როგორმე უნდა უვნებელვყოთო“ (ყუბანეიშვილი 1937: 399).

თუ კარგად დავუფიქრდებით, რას ნიშნავს ეს „უვნებელყოფა“, როდესაც ხელისუფლებას ვინმე ძვალივით ჰყავს ყელში გაჩერილი, მაგრამ დაჭერაც არ უნდა, ხმაური რომ არ ატყდეს, — 1907 წელს ვაჟა

„შემთხვევით“ ტყვიას ან სხვა რამ ფათერაკს გადარჩენილად შეგვიძლია ჩავთვალოთ...

1905-1907 წლები — ის დროა, როდესაც ვაჟა, რომელიც არც მაინცდამაინც მალემრნმენია და არც პოლიტიკურ ვნებათაღელვებს ჩაუთრევია ოდესმე, მომავალი გამარჯვების იმედით განიმსჭვალა და ბრძოლასმოწყურებული ინტონაციით კითხულობს ლექსს, რომელსაც „მხედართა ძველი სიმღერა“ ცენზურის თვალის ასახვევად ჰქვია:

მიტომ გაგვზარდა დედამა,  
მისთვის გვეტყოდა ნანასა —  
ტანზე აბჯარი ავისხათ,  
მუდამ ვლესავდეთ დანასა,  
რომ შიშს ვუგდებდეთ გულშია  
მეზობელს მეტიჩარასა.  
(ვაჟა-ფშაველა 1961: 224)

სულ ორი წელი დასჭირდა ვაჟასა და მისებრი რომანტიკოსების ილუზიების გაფანტვას: ცხოვრება თავის კალაპოტს დაუბრუნდა — ნასაკირალიდან მაღაროსკარამდე.

დაუბრუნდა ცხოვრების ჩვეულ ნირს ვაჟაც — ოღონდ ახლა ცოტა მეტს მიმოდიოდა — ლიტერატურულ საღამოებზე — ფოთში, გორში, ჭიათურაში, ქუთაისში; ილიას, აკაკის, ლადო ალექსი-მესხიშვილის იუბილეებზე... ილიას დაკრძალვაზე საგანგებოდ ჩამოვიდა თბილისში და იშვიათი ტკივილითა და მღელვარებით გამსჭვალული სიტყვით დაემშვიდობა საქართველოს სულიერ მამას, თავის უფროს მეგობარსა და მფარველს.

თვითონ ვაჟასაც გადაუხადეს იუბილე სახაზინო, დღევანდელ ოპერის თეატრში, 1915 წლის 23 მაისს, მაგრამ, ისედაც ფერდატკიებული, სწორედ იმღამინდელ ვახშამზე გაცივდა და მას შემდეგ მხოლოდ ორი თვე იცოცხლა...

ინვა ვაჟა წმინდა ნინოს ლაზარეთში (იქ, სადაც ახლა თბილისის უნივერსიტეტის პირველი კორპუსია), მარტოდმარტო დარჩენილი

თავის მწარე ფიქრებთან: თავისუფლებისმამკვიდრებელი ილუზიები ხომ დაემსხვრა, თითქოს რაღაც მუხტი გამოეცალა მის ბოლოდროინ-დელ ნაწერებსაც და ამას თვითონაც გრძნობდა: „ალუდა ქეთელა-ური“ ოცდაექვსი წლისამ დაწერა; „გველის-მჭამელი“ — ორმოცისამ, მაგრამ ეს პოემა მისი უკანასკნელი ეპიური შედევრი იყო. ბოლო ათი-თხუთმეტი წლის განმავლობაში დაწერილმა ლექსებმა კი გერონტი ქიქოძეს ათქმევინეს: „ნელნელა კომპოზიციის და რითმის გრძნობა დაჰკარგა. ლექსის ვირტუოზი არასოდეს არ ყოფილა: შალაშინი ყო-ველთვის აკლდა, არასოდეს არ ჰეგვანებია ზოგიერთ თანამედროვე მგოსანს, პირნმინდათ გაპარსულს, თმადახუჭუჭებულს, პარფიუმე-რიით გამსჭვალულს, მაგრამ უკანასკნელ დროს უკიდურესობამდე მიიყვანა ტეხნიკური ხალვათობა“ (ქიქოძე 1915).

1915 წელს დაწერილ ამ წერილში კიდევ უფრო მწარე სიტყვებიცაა ნათქვამი, მაგრამ აქ ციტირებას შევწყვეტ — როგორლაც ყურს გჭრით. და იმიტომ კი არა, რომ უსამართლოა — განვლილმა საუკუ-ნემ განსაკუთრებულ კვარცხლბეჭებზე აიყვანა ვაჟა და დღეს ჩვენ თით-ქმის ვეღარც ვამჩნევთ მისი ლექსების დიდი ნაწილის პოეტიკურ ხალვათობასა თუ გაუმართაობას. ის, რაც დარჩა ვაჟასი, იმდენად გვხიბლავს და გვაღელვებს, რომ სწორედ ამ მწვერვალებს შევყუ-რებთ და არა მათ ძირში განვენილ უსწორმასწორო ბორცვებს.

ჩაკვირვებით ვუცქერით ჩვენ ვაჟას შინაგანად გაუბზარავი ცხოვ-რების იშვიათ მაგალითს, ჩავცქერით იმ ფოტოებს, რომლებმაც ახო-ვანი, იარაღასხმული „რაზიკანთ დევი“ აღბეჭდეს. მაგრამ არის ერთი ფოტო, იშვიათად სულისშემძვრელი: ესაა სურათი სიცხით გათანგუ-ლი, ფილტვებშეშუპებული ვაჟასი, წმინდა ნინოს ლაზარეთში გადა-ღებული 1915 წლის ივლისში: ფოტოკამერის ულმობელმა თვალმა ყველაფერი აღნუსხა — სასოწარკვეთაც, გადარჩენის იმედიც, მი-უსაფრობაც საბედისწერო უამს ცოლ-შვილს მოცილებული ადამიანი-სა, მეტწილად მოწყალების დის ხელს რომა ჩაჭიდებული და სწორედ ამით უთქმელად ითხოვს შველასაც და თანალმობასაც...

ვაჟას სურვილი იყო ჩარგალში დაემარხათ, მაგრამ იგი ჯერ დი-დუბეში დაკრძალეს, ხოლო ოცი წლის შემდეგ — მთაწმინდაზე. ჩარ-

გალში მისი დაობლებული სახლი დარჩა. სადღაც იქვე, უთუოდ, ტრიალებს მისი სულიც, როგორც მფარველი და დარაჯი უკეთესი მერმინის მოლოდინით დაღლილი მისი ქვეყნისა...

**დამოწმებანი:**

**ვაჟა-ფშაველა 1961ა:** ვაჟა-ფშაველა. თხზულებათა სრული კრებული ხუთ ტომად. ტ. I, თბ.: „საბჭოთა საქართველო“, 1961.

**ვაჟა-ფშაველა 1961ბ:** ვაჟა-ფშაველა. თხზულებათა სრული კრებული ხუთ ტომად. ტ. II, თბ.: „საბჭოთა საქართველო“, 1961.

**ვაჟა-ფშაველა 1961გ:** ვაჟა-ფშაველა. თხზულებათა სრული კრებული ხუთ ტომად. ტ. III, თბ.: „საბჭოთა საქართველო“, 1961.

**ვაჟა-ფშაველა 1961დ:** ვაჟა-ფშაველა. თხზულებათა სრული კრებული ხუთ ტომად. ტ. IV, თბ.: „საბჭოთა საქართველო“, 1961.

**ვაჟა-ფშაველა 1961ე:** ვაჟა-ფშაველა. თხზულებათა სრული კრებული ხუთ ტომად. ტ. V, თბ.: „საბჭოთა საქართველო“, 1961.

**იაშვილი 2004:** იაშვილი პ. საიუბილეო-საარქივო გამოცემა ორ წიგნად. წიგნი პირველი, თბ.: 2004.

**იმედაშვილი 1978:** იმედაშვილი ი. ჩემი ცხოვრების წიგნი (მოგონებები). თბ.: „ხელოვნება“, 1978.

**ლაისტი 1963:** ლაისტი ა. საქართველოს გული, თბ.: “ლიტერატურა და ხელოვნება”, 1963.

**მანსვეტაშვილი 1937:** მანსვეტაშველი ი. მოგონებანი. თბ.: „ფედერაცია“, 1936.

**რაზიკაშვილი 1991:** მამა ლმერთს ჩამაჯყარა სახელი. „გულეან რაზიკაშვილის ნაამბობი. ჩანერილი ეთერ თათარაიძის მიერ“. თბ.: „გულანი“, 1991.

**ქიქოძე 1915:** ქიქოძე გ. „ვაჟა-ფშაველა“. გაზ. „სახალხო ფურცელი“, 1915 წ., 6 სექტ.

**ყუბანეიშვილი 1937:** ყუბანეიშვილი ს. ვაჟა-ფშაველა (დოკუმენტები და მასალები). თბ.: „სახელგამი“, 1937.

## ბიბლიური პარადიგმატიკისა და სახისმეტყველების თავისებურებანი ვაჟა-ფშაველას შემოქმედებაში

ბიბლიური სახისმეტყველება ამოსავალია ყოველი ქრისტიანი ერის ლიტერატურულ-სააზროვნო გამოცდილებისა. უნივერსალობისადმი სწრაფვა წარმოშობს სახე-სიმბოლოთა ისეთ სისტემას, რომელიც სამყაროს ერთიანობაში, მთლიანობაში მოიაზრებს და არა დანაწევრებულად, სეკულარულად. იქმნება გარკვეული არქეტიპული მოდელები, რომლებიც, ერთი მხრივ, მკაცრად რეგლამენტირებულია, თუმცა, მეორე მხრივ, ღია და ინვარიანტულია. სწორედ ეს სინთეზი აყალიბებს მათ მსოფლმხედველობრივ და ესთეტიკურ ბუნებას.

შეცწობლისა და შეცნობადის, მდგრადისა და მედინის, წარუვალისა და სასრულის ანტინომიური შეერთების საფუძველზე აღმოცენდება ერთიანი ხედვის, მიმართულების მქონე მსოფლგანცდა, უზენაესს დამორჩილებული სუბიექტი ბაძვა-ზიარების გზით უნდა დაუპრუნდეს პირველსაწყისებს, მასში უნდა აღდგეს პირველქმნილი, იდეალური ჰარმონია.

ბიბლიური სახისმეტყველება განმსაზღვრელია არა მხოლოდ შუა-საუკუნეობრივი მსოფლხედვისა, არამედ მთელი შემდგომი ლიტერატურული ეპოქებისა. ის თანდათან აზროვნების წესად იქცევა. მართალია, თანამედროვე პერიოდში ცნობიერების მიზანმიმართული ინტენსივობა იცვლება, მაგრამ ბიბლიური განსაზოვნების ფორმები ავთენტური თუ ტრანსფორმირებული გზით უდავოდ განსაზღვრავს ლიტერატურულ-სააზროვნო პროცესის მიმდინარეობას ყველა ჟანრში.

არქეტიპულ-პარადიგმული აზროვნება ქართული სასულიერო და საერო მწერლობის საფუძველთა საფუძველია. მითოლოგიური და აღთქმისეული სიმბოლიკა განსაზღვრავს კონცეპტუალურ მახასიათებლებს, კოგნიტურ ასპექტებს, ესთეტიკურ მრწამსს. ქართული სახისმეტყველებითი სისტემის სააზროვნო წესი ცხადად ვლინდება როგორც

XIX, ისე XX-XXI საუკუნეების ეპოქათა ფილოსოფიურ მსოფლგან-ცდასა და მხატვრულ-ესთეტიკურ პრინციპებში.

ვაჟა-ფშაველას შემოქმედების მსოფლმხედველობრივი და სახეობრივი გამოხატვის თავისებურებანი სწორედ ბიბლიური სახისმეტყველების არქეტიპულ-პარადიგმულ წიაღთან მისი ორგანული, სილრმისეული კავშირით იხსნება. ამასთანავე, სპეციფიკურია ის, რომ განსახოვნების კლასიკურ ფორმებს აქ ერწყმის მითოლოგიურ, წინარექრისტიანულ წარმოდგენათა არქეტიპული მოდელები, რაც ახლებურ ხედვას ბადებს. შემდგომი ტრანსფორმაციის გზით მითოლოგიური, დემონური, ზღაპრულ-ფანტასტიკური წარმოდგენები სიმბოლურ-ესთეტიკურ ფუნქციას იძენს და ორგანულად ეწერება ქრისტიანულ ცნობიერებაში, იმ მრავალფეროვან და დახვენილ სივრცეში, რომელსაც ვაჟა-ფშაველა ქმნის.

ვაჟა ახალ, უცხო „ქრონოტოპს“ ქმნის. მასში სამყაროს სასრულობაც, ვექტორულობაც მოიაზრება და წრებრუნვაც, ზედროულობაც და ზესივრცულობაც, რომელთაც ერწყმის ლოკალიზმი და გრავიტაციულობა. ამ თავისებური ქრონოტოპის მოქმედების არეალი კი, უპირველესად, ადამიანის სულის წიაღია.

ვაჟა-ფშაველას პერსონაჟთა ყველაზე თვალშისაცემი თავისებურებაა მათი აზროვნების პარადოქსულობა. ამ მხრივ ისინი სრულიად ახლებური და განსხვავებული ცნობიერების დამამკიდრებელი არიან XIX საუკუნის ქართულ ლიტერატურაში. პრობლემები, რომელთაც ეს პერსონაჟები წამოჭრიან, მწვავე მსოფლმხედველობრივი ჭიდილის შედეგად იშვება როგორც საკუთარ თავთან, ისე გარემომცველ სამყაროსთან, საზოგადოებასთან. მათი ახალი იდეები პარადოქსულია საყოველთაოდ დამკვიდრებული აზროვნების ფონზე. ეს თავისებური „აღმოჩენებია“, რომელიც ხშირად ინტუიციის წიაღში იღებს სათავეს და თანდათან ცნობიერ, გააზრებულ, ნათელ პრინციპებად ყალიბდება. ამ გზით კი ხდება გმირის მეტამორფოზა, ფერისცვალება.

ვაჟა-ფშაველას პერსონაჟთა აზროვნების პარადოქსულობას, ვფიქრობთ, საფუძვლად ედება ქრისტიანული მოძღვრების პარადოქსული ბუნება. ქრისტიანობის წიაღში ტრადიციული აზროვნების საყო-

ველთაოდ გავრცელებული მოდელი ძირეულად იცვლება. ეს ცვლილებები ხელს უწყობს ცნობიერების ახალი, ძველისგან სრულიად განსხვავებული ტიპის ჩამოყალიბებას. იმანე ოქროპირის განმარტებით, ქრისტეს მცნებები და მის მიერ ნაქადაგები ახალი პოსტულატები ენინააღმდეგებოდა მთელ სამყაროში გავრცელებულ აზრებსა და შეხედულებებს. სწორედ ამით ხსნის წმინდა მამა იმ უჩვეულო რეაქციას, რომელიც მოჰყვა ებრაელთა წინაშე მაცხოვრის ქადაგებას. იმ საზოგადოებაში, რომლის მოქმედების მთავარი პრინციპი იყო: „თუალი თუალისა წილ და კბილი კბილისა წილ“, იესო ამკვიდრებს პარადოქსს — „არა წინააღმდეგომად ბოროტისა“. ის მრევლის თვალწინ ცვლის ძველი ეთიკის ნორმებს ახლით, ძველი აღთქმის კანონის იმპერატიულ მოთხოვნებს — მადლის განსაკუთრებული, უჩვეულო პრინციპებით: „რომელმან გცეს ყურიმალსა შენსა მარჯუნესა, მიუპყარ ერთკერძოიცა“, „აკურთხევდით მაწყევართა თქუენთა და კეთილს უყოფდით მოძულეთა თქუენთა“. ეს არის ახალი, უცნაური ლოგიკის მქონე, მაგრამ ერთადერთი და უზენაესი ჭეშმარიტება, რომელმაც უნდა შვას ახალი ადამიანი, ნათლობით მოქცეული, სულიერი ფერისცვალებით გასხივოსნებული.

ძველი ადამიანის სიკვდილი და მისსავე წიაღში „ახალი კაცის“ ჩასხვა, რასაც პავლე მოციქული განსაკუთრებულ მნიშვნელობას ანიჭებს, ვაჟა-ფშაველას პერსონაჟთა სულიერი მეტამორფოზის უმთავრესი გზაა. ამას კი ისინი სწორედ აზროვნებისა და ქმედების პარადოქსულობით აღნევენ. ისინიც, მაცხოვრის მსგავსად, ცვლიან ძველ ნორმებს ახლით. ეს ახალი პრინციპები კი მაღლს ეფუძნება და არა ნორმატულ კანონს. ამით ვაჟა ბიბლიური ჭეშმარიტების დამამკვიდრებელთა ფუნქციას ანიჭებს თავის გმირებს.

უნდა შეიცვალოს სამყარო, ძველი წესით ცხოვრება მიუღებელია — ასეთია ვაჟას სულისკვეთება, მას არ სურს თვისტომთა შორის, რომელიც საოცრად ეძვირფასება და თითქმის აღმერთებს, ბატონობდეს არასწორი აზროვნება, ყავლგასული შეხედულებები სამყაროსა და ადამიანზე. არადა მთის ადათთაგან საკმაოდ ბევრს ხედავს ისეთს, რომელიც ერთ დროს, ალბათ, გარკვეულ ფუნქციას ასრულებდა,

მაგრამ ვაუას თანამედროვე ეპოქაში სრულიად გამოეცალა წიადაგი. მწერალი განსაკუთრებით გამოყოფს იმ ჩვეულებებსა და წესებს, რომელთაც შურისძიების, სისხლის აღების მოტივი უდევს საფუძვლად. ერთ-ერთი ასეთია „უპატრონო მკვდრის“ მოვლის ადათი. უპატრონოდ ითვლება მიცვალებული, რომლის სისხლის აღება, სამაგიეროს გადახდა ნათესაობამ ვერ მოახერხა, ანუ ვერ უპატრონა. ასეთ მკვდარს საიქიოს მოსამსახურედ ვერავინ დაუდგება, „უმცროსი“ არ ეყოლება. ამ შეხედულების პრიმიტიულობას და შეზღუდულობას განსაკუთრებით ამძაფრებს ის განსხვავება, რომელიც ამავე საკითხის ქრისტიანულ გააზრებასა და მთაში დამკვიდრებულ ცნობიერებას შორის არსებობს. ქრისტიანული მოძღვრება სრულიად გამორიცხავს გრძნობად-კონკრეტულ რეალობებს იმქეყნიურ, საიქიო არსებობაში. ჯოვანეთიც და სასუფეველიც თავიანთი არსით სრულიად გამორიცხავენ გრძნობისმიერ, ადამიანური სამყაროსთვის დამახასიათებელ, ხელშესახებ მოვლენებს. პავლე მოციქულის განმარტებით, იმ სამყაროში არც ქორნინდებიან, არც განქორნინდებიან, სულს არ სჭირდება არსებობის მიწიერი, ხილული ფორმები. ამდენად, საიქიო ცხოვრების შესახებ გრძნობად-კონკრეტული წარმოდგენები მხოლოდ ცრურწმენის სფეროს განეკუთვნება. სწორედ ასე აღიქვამს ვაუა-ფშაველა მთის იმ ადათ-წესებს, რომელიც ადამიანის ცნობიერების ისტორიის დაბალგანვითარებულ ეტაპზე შემუშავდა გარკვეულ გარემოებათა შედეგად, შემდგომში კი ყოველგვარი საფუძველი გამოეცალა და უშინაარსო, უფრო მეტიც, მახინჯ, არაპუმანურ ცრურწმენად იქცა. სწორედ ამას აღმოაჩენენ მისი პერსონაჟები. აღუდა ქეთელაური მკლავის მოჭრის მიზანშენილობაზე რომ დაფიქრდება, ჯერ საკუთარი სულის წიაღს უკვირდება, „პირს დაწოლია ნისლები“. სანამ თემს გაანდობს თავის ახალ მსოფლმხედველობას, ის ჯერ თვითონ იცნობიერებს, რა მოხდა მუცალთან შებრძოლების შემდეგ, რატომ ულრღნის გულს აქამდე უცნობი განცდა. პოემის II თავი აღუდას სულიერი მეტამორფოზის, მისი სულის წიაღში „ახალი კაცის“ ჩასახვის ცხადი სურათია. სავლეს პავლედ ქცევის პარადიგმა აქ თავისებური ტრანსფორმაციით იჩენს თავს. აღუდა ნაბიჯ-ნაბიჯ მიდის ახალ ჭეშმარიტებამდე. მკლავის

მოკვეთის ერთ კონკრეტულ ადათში დაეჭვებას საყოველთაოდ სისხლისღვრის მიზანშეწონილობაში დაეჭვება მოჰყვება. „ვისაც მტერობა მოსწყურდეს“... — იწყებს ვაუა და ყველა სიტყვა, რაც ამის შემდეგ ითქმება, რაღაც მისტიკური, მაგიური ძალით ზეატყორცნის თხრობას. ეს აზრისა და გამომსახველობის მწვერვალია, მაქსიმალურად გამძაფრებული ემოციური მუხტის შემცველი. წყევლის ფორმულები: „სისხლ დაიგუბოს კერაში“, „სისხლშია ჰქონდეს ქორნილი“, „იქვე საფლავი გათხაროს“ — შემაძრნუნებელი დაბეჯითებით ამხელს გმირის ცნობიერებაში ძრულ ახალ იმპულსს — ჩვენ სისხლში ვარსებობთ, რაც ჩემთვის მიუღებელია. სწორედ ეს აღმოჩენა აძლევს ალუდას ძალას, ემსხვერპლოს თავის ახალ მრნამსს, არაფერი დათმოს, მეტიც — მაქსიმალური მოითხოვოს. პირველად, როცა ცხოვრების ფილოსოფია დააფიქრებს და იკითხავს — „მარტოთ ჩვენ გვზდიან დედანი?“ რასაც ურჯულოთა ცხონებაზე ფიქრიც მოჰყება; მეორედ კი ხატობაზე, მუცალის სულის საპატრონოდ მისული, დაუინებით რომ ევედრება ბერდიას, დაუურვოს მკვდარი ქისტის სულს და ამით მასაც სული მოათქმევინოს. პარადოქსია, ამიტომაც ყველასათვის გაუგებარი და მიუღებელი, ისევე, როგორც ახალი წელთაღრიცხვის, ახალი ჭეშმარიტების დაბადების პირველ დღეებში თქმული — „გიყვარდეს მტერი შენი“. ქრისტეს გზაზე მდგარი ალუდა, ჭეშმარიტი მარტვილივით გულდინჯად იცავს თავის ახალ მრნამსს, ამბოხისა და საბოლოოდ ჰარმონიის, თვინიერების („თემს წუ სწყევთ“) მოპოვებით წმინდა მსედარივით უშეცდომოდ გაივლის გზას და „სრბას აღასრულებს“, თვითონაც ეზიარება ახალ ჭეშმარიტებას და მთელ სამყაროსაც აზიარებს.

ვაუა-ფშაველას ზნეობრივ მრნამსს საფუძვლად უდევს ქრისტიანული ბაძვა-ზიარების პრინციპი, რომლის თანახმადაც ზეციური და მიწიერი იერარქიის ყოველი ქვემდგომი არსება უნდა მიემსგავსოს ზემდგომს. ეს ზესწრაფვა განაპირობებს მის საფეხურებრივ სვლას ღვთისკენ, ანუ ზნეობრივ დახვენასა და განწმენდას. ქვემდგომთა ბაძვა იწვევს დაცემას, დაკნინებას. მხოლოდ ზესწრაფვით ეზიარება არსი თავის უმაღლეს „მეს“. იერარქიის სათავეში დგას უზენაესი არსება, ღმერთი. ადამიანს განლმრთობის გზა თვით უფალმა დაუსახა,

მას ძალუძს საკუთარ თავში აღადგინოს ხატი ღვთისა, განიწმინდოს და ღმერთშემოსილი გახდეს.

ვაჟა-ფშაველას სამყაროში არა მხოლოდ ადამიანი, არამედ ბუნების ყველაზე უმნიშვნელო სუბიექტიც კი ესწრაფვის შემოქმედთან გამთლიანებას, მის მაღლთან ზიარებას. ისინი მხოლოდ სამშვინველის ძალით როდი მოქმედებენ, არამედ უკვდავი გონის კარნახით. ამიტომაც ბუნების გასულიერება ვაჟასთან მხოლოდ მხატვრული პირობითობა კი არ არის, არამედ ღრმა ფილოსოფიურ-რელიგიური კონცეფციის ნაწილი, რომლის თანახმადაც სამყაროში არაფერია შემთხვევითი და იმპულსური, ყოველივე ემორჩილება გარკვეულ კანონზომიერებას. ბუნებას აქვს გონი — ის, რაც წესით მხოლოდ ადამიანს უნდა ჰქონდეს, ღვთის ხატად შექმნილ არსებას. გონის არსებობა კი თავის-თავად გულისხმობს ზნეობის ფენომენსაც.

ვაჟასთან ბუნებას თავისი ზნე აქვს, ზოგჯერ ადამიანთა მსგავსი, ზოგჯერ კი მათზე ამაღლებულიც კი. უფრო მეტიც, ცოცხალი თუ არაცოცხალი ბუნების სუბიექტთა მიერ ადამიანთა ქცევის შეფასება, მათი ქმედების მორალურ-ეთიკური კუთხით განსჯა ვაჟას შემოქმედების თანმდევი პრინციპია. ამის მაგალითი მრავლადაა მის პროზასა და პოეზიაში. თვალსაჩინოებისთვის მოვიხმობთ ერთ მათგანს. მოთხოვთაში „კლდემ მხოლოდ ერთხელ სთქვა“ წარმოჩენილია ადამიანთა ორპირობა, სიტყვისა და საქმის ურთიერთდაპირისპირება, თვალთმაქცობა. კლდე მართლისმთქმელია, მამხილებელია. ის კაცთა ავზნეობას სულის სიღრმემდე განიცდის და ცდილობს ახსნას ამის მიზეზი. ადამიანის სიცოცხლე ცოდვისა და მონანიების უწყვეტი ჯაჭვია. ეს სამწუხარო კანონზომიერებაა. კლდეც კი, უსულო კლდე, გულისტკივილით შენიშნავს: „ეგ ზნე რომ არ ვიცოდე კაცისა, დღესვე მთელი ქვეყნის თვალწინ გავფენდი, რაც შეცდომა მოჰსვლია, რაც საცოდაობა დატრიალებულა დედამიწის ზურგზე, მაგრამ ამაო შრომა იქნებოდა: კაცმა უნდა სცოდოს, კიდევ შეცდომა ჩაიდინოს, რომ მერე ინანოს, შემდეგ ისევ ეცადოს, შეცდომა გაასწოროს, ესაა მისი სიცოცხლე, დიალ, დავანახვებდი ყველა მის გონების, გრძნობის უსუსურობას, ამას რომ არ ვხედავდე, და მეც დავიფუშებოდი. აღარ მინდოდა მას

შემდეგ სიცოცხლე, აღარც იყო ჩემი ყოფნა საჭირო, გულდამშვიდებით, ბედნიერად დავხუჭავდი თვალს და მოვისვენებდი“ (ვაჟა-ფშაველა 2002:168).

საკუთარი არსების მსხვერპლად გაღების, მაღალი იდეალებისთვის თავგანწირვის მაგალითები ვაჟას სხვა თხზულებებშიც მრავალგზის იჩენს თავს.

ვაჟა-ფშაველას შემოქმედებაში შესაძლებელია თვალი გავადევნოთ ადამიანის სულიერი განვითარების გზას. თვითგანწმენდის სურვილი პერსონაჟში აღძრავს ზნეობრივ იმპულსს, რაც ხდება საწინდარი მისი შინაგანი აღმასვლისა. ამ პროცესს საფუძვლად ედება სხვადასხვა მოვლენა; ზოგჯერ მეტამორფოზა გამოწვეულია ობიექტური, გარეშე მიზეზით, ყოფის ლოგიკით, გმირისგან გაუცნობიერებლად. მინდია ქაჯთა ტყვეობაში თავის მოკვლის მიზნით ჭამს გველის ხორცს, ფიქრობს, რომ ამით დასრულდება მისი უსაზღვრო ტანჯვა. მან არ იცის, რომ ამ აქტით სულიერი თვალი აეხილება, ახალ სულს ჩაიდგამს, ახალ ხორცს შეისხამს. მინდიას ბუნებასთან წილნაყარობა უთუოდ გულისხმობს ღმერთან თანაზიარობას. ამის დასტურია ღვთისგან მინიჭებული კურნების უნარი, რომელიც სასწაულქმედების ერთ-ერთი სახეა. მაცხოვრის მინიერი მოღვაწეობაც ხომ ორ საწყისს ეფუძნებოდა: ქადაგება და საკვირველთქმედება.

ქრისტიანული სინანულის მოტივი ძალზე ორგანულია ვაჟას შემოქმედებისთვის. ეს ბუნებრივიცაა. სინანული უდიდესი საიდუმლოა. იგი მსჭვალავს მთელ „ახალ აღთქმას“. იოანე ნათლისმცემელი არის პირველი მქადაგებელი ქრისტიანული სინანულისა. მას წმინდა მამები ასეც უწოდებენ: „ქადაგი სინანულისა“. ნათლისმცემელი წინ უსწრებს იესო ქრისტეს, რათა მოუწოდოს ხალხს, განამზადონ გზანი უფლისა. იოანე ოქროპირის განმარტებით, იუდეველნი ამ დროს ცოდვის ტყვეობაში იყვნენ, თუმცა ვერ გრძნობდნენ ამას და თავიანთ თავს უბინო, მართალ ადამიანებად მიიჩნევდნენ. და აი, მოდის იოანე ნათლისმცემელი, რათა ებრაელებს თვალი აუხილოს ცოდვებზე, რადგან საკუთარ სულიერ მანკიერებათა შეუცნობლობა მათ ჭეშმარიტების გზიდან განაგდებდა. ნათლისმცემლის მოვლინების მიზანი ის იყო, რომ ხალხს

თავისი ცოდვები შეეცნო და სინანულისკენ მიღრეკილიყო, მაგრამ ამ ცოდვათა გამო ადამიანები კი არ უნდა დასჯილიყვნენ, არამედ მონანიების გზით უნდა შეეძინათ თავმდაბლობა, განესაჯათ საკუთარი თავი და მიეღოთ შეწყალება. სინანულს უნდა მოჰყვეს თვალის ახელა, ძველი გზიდან გადადგომა და ნათლისძების ძალით ჭეშმარიტებაზე მოქცევა. სინანულს ქადაგებს თვით მაცხოვარიც. „შეინანეთ“ — ეს არა უბრალო მიმართვაა, რომელიც ადამიანმა შეიძლება შეასრულოს ან არ შეასრულოს, არამედ აუცილებელი, გარდაუვალი მოთხოვნა მათვის, ვინც მზადაა აღიაროს იგი ერთადერთ და უტყუარ ჭეშმარიტებად, დათმოს, რაც აქამდე იყო და ყველაფერი თავიდან დაიწყოს.

ქრისტიანული სინანულის მოტივი უდევს საფუძვლად ვაჟას შესანიშნავ პოემა „გოგოთურ და აფშინას“. პიროვნული განვითარების გზას აქ სწორედ სინანულის მძაფრი განცდა განსაზღვრავს.

თ. ჩხერიმელის დაკვირვებით, ვაჟას პერსონაჟთაგან ზოგი ზეაღმავალია, ზოგიც — ქვედალმავალი. ზეაღმავალია ალუდა, რადგან ის პრინციპთა შინაგანი შენარჩუნებით უმაღლეს იდეალთა ერთგული რჩება; ქვედალმავალი გმირია მინდია, რომელმაც ვერ შეძლო ლვთის ნიჭის დატევნა საკუთარ თავში (ჩხერიმელი 1989:51).

ზეაღმავალ გმირთა კატეგორიას განეკუთვნება აფშინა. მისი გზა, მართლაც, გამორჩეულია კონტრასტულობის ნიშნით: შარაგზის ყაჩალობიდან — ხევისბრობამდე. გოგოთური ლალი სულის მქონეა, აფშინა შინაგან თავისუფლებას მოკლებული, შებოჭილი პიროვნებაა. მათ ხასიათს განსაზღვრავს მათივე ზნეობრივი ორიენტირები. გოგოთური ლირებას ემსახურება, აფშინა — უღირსობას.

ზნეობრივი მუხტი, რომელიც მსჭვალავს გოგოთურის საქციელს მათი შებრძოლების ჟამს, არის ის ბიძგი, რომელმაც უნდა მოიტანოს აფშინას ფერისცვალება. ამ შემთხვევაში იმპულსი გარედან მოდის, მაგრამ სიღრმისეული შთაბეჭდილების ძალას იძენს. აფშინას გარდაქმნა უცებ ხდება, ეს არ არის მტანჯველი პროცესი, როგორც სხვა შემთხვევაში (ალუდა, მინდია). პერსონაჟთა სამოქმედო სივრცე არ სცდება ბრძოლის ველს. მოდელი მარტივია: შეხვედრა, მხილება, აღიარება. თუმცა ხანგრძლივი და მტანჯველია შემდეგი ეტაპი — საკუთარ

თავთან მარტო დარჩენა. გოგოთურისგან შენდობილი აფშინა გულის წყლულს მაინც ვერ ირჩენს. ის უკვე ხევისბერია, სხვათა სულებზე ზრუნავს, თვით შეუნდობს ცოდვებს მონანიეთ, მაგრამ მძიმე და დამ-თრგუნველი დარღი ღრღნის მის შინაგან არსებას. ჭეშმარიტი სინანული ხანგრძლივი და მტანჯველია, განწმენდისკენ მიმავალი გზა ეკლიანია. იგი თვითდაეჭვებას, სულიერ გაორებას, შინაგანი წონასწორობის დარღვევას იწვევს. ლოგინად ჩავარდნილი აფშინა იმ ცოდვებს ინანიებს, რომელთა გააზრებაც ღმერთმა დააკისრა. პოემის ფინალში აფშინას თითქოს დაძლეული აქვს საკუთარი ცოდვის შეგრძნება, იგი ხევისბრობს, ხალხს არიგებს, მოძღვრავს, მაგრამ სულიერ მშვიდობამ-დე ჯერ შორსაა — ღამ-ღამობით ცხარე ცრემლით ტირის, ალბათ, სი-ცოცხლის ბოლომდეც იქვითინებს, რადგანაც სულის განსპეტაკების გზა ტანჯვასა და სულიერ ჭიდილში გამოჩნდება. აფშინას სული ბრძოლის ველია, არანაკლებ მძაფრი ბრძოლისა, ვიდრე გოგოთურთან ფიზიკური დაპირისპირება იყო. ხმლითა და იარაღით ამ ომს ვერ მოიგებ; ის სულიერი თვალის ახელას და ზეამაღლებას, ღვთიურისკენ სწრაფვას მოითხოვს.

განსაკუთრებული მნიშვნელობა ენიჭება ვაჟა-ფშაველას შემოქმედებაში ხილვა-ჩვენებებს, ზეცნობიერ, მიღმიერ, ზებუნებრივ მოვლენებს. ეს ნაკადი იმდენად მძლავრია, რომ ვაჟას მკვლევართა უდიდესი ნაწილი საგანგებოდ შეისწავლის მას (გრ. კიკნაძე, გ. ასათიანი, თ. ჩხერიძელი, რ. სირაძე, რ. თვარაძე, ზ. კიკნაძე, ი. ევგენიძე, თ. შარაბიძე და სხვ.). ხილვა-ჩვენებანი განხილულია როგორც მსოფლმხედველობრივი, ისე მხატვრულ-ესთეტიკური ფუნქციის თვალსაზრისით.

ხილვა გამოცხადების ერთ-ერთი შინაფორმაა. ის საფუძვლად უდევს როგორც წინარექრისტიანულ, ისე შუასაუკუნეობრივ წარმოდგენებს სამყაროზე. მასში მუღავნდება ამა თუ იმ ეპოქის, ხალხის აზროვნებისა და ხასიათის თავისებურებანი. არსებობს მითოსური ხილვა-წარმოდგენები, რომელიც აერთიანებენ ტომებს, ერებს და კოლექტიური ხასიათისაა სულიერი მოღვაწეობის ერთობლიობის თვალსაზრისით. ეს წარმოდგენები დროისა და სივრცის მიღმაა და გარკვეული ამორფულობითაც ხასიათდება.

ხილვა-ჩვენებანი ქრისტიანულ აზროვნებაშიც დიდ როლს ასრულებს. ძველაღთქმისეულ ისტორიაში ბიბლიურ პატრიარქთა და წინასწარმეტყველთა ხილვები ღვთისჩენის (თეოფანია) რანგშია აყვანილი. უზენაესი ეცხადება მოკვდავს ხილული რეალობის სენსუალური ნიშნით (კვამლი, ცეცხლი, ბურუსი, წყვდიადი) აღბეჭდილი, თუმცა მისი მიღმიერი, არაგრძნობადი საწყისი მუდამ აქცენტირებულია.

ახალაღთქმისეულ სამყაროში ხილვა-ჩვენებანი უფლის დიდების, მისი სუფერის წარმომჩენია. გამოცხადება ადამიანს სულიერი გამოცდილების დახვეწის, შინაგანი ჭვრეტის განვითარების გზას უხსნის. ამის ყველაზე თვალსაჩინო გამოვლინებაა წარმართი სავლეს გარდაქმნა პავლე მოციქულად. სწორედ გამოცხადების ძალით იღვიძებს მის არსში მოვლემარე იმპულსი ნათლისა, ჭეშმარიტებისა. სავლე უნდა დაბრმავდეს, იქ, დამასკოს გზაზე უნდა დატოვოს ძველი არსი და თვალი უნდა აეხილოს მხოლოდ როგორც პავლეს, ახლად შობილს, ახალი არსით, ახალი ჭეშმარიტებით.

გამოცხადების უმაღლესი ფორმაა აპოკალიფსური ხილვა იოანე ღვთისმეტყველისა. ეს არის მასშტაბური, გლობალური ჭვრეტა სამყაროს აღსასრულისა და მისი თანმდევი მოვლენებისა. პატმოსის ჭალაში იოანეს მიერ განცდილი იმდენად მისტიკურია თავისი არსით, რომ მისი აღნერა მხოლოდ სიმბოლოებით, მინიშნებებით, მეტაფორებით თუა შესაძლებელი. ესქატოლოგიური ტრაგიზმი სდევს თხრობას, თუმცა ზეციური იერსუალიმის საბოლოო სუფერის პერსპექტივას ამაღლებული, ნუგეშისმცემელი ინტონაციაც შემოაქვს.

ვაჟა-ფშაველა თავის თხზულებებში მიმართავს როგორც მითოლოგიურ, ისე აღთქმისეულ ხილვა-ჩვენებებს. აღსანიშნავია, რომ მითი მისთვის ძვირფასია, როგორც ხალხის წიაღში წარმოქმნილი, მისი შემოქმედებითი უნარის წარმომჩენი მოვლენა. მითი ხომ ცხადად ავლენს ადამიანის გონებისა და გარე სამყაროს დაკავშირების უნარს, რაც, თავისთავად, ფანტაზიის, ოცნების, სასურველის იმპულსებს შეიცავს და შემოქმედებითი აზროვნების ჩამოყალიბებას უწყობს ხელს. „მითები ის საშუალებებია, რომლებითაც არქეტიპები, არაცნობიერის არსებითი ფორმები ვლინდება და ცნობიერ გონებას უკავშირდება. არქე-

ტიპები ინდივიდთა სიზმრებში ვლინდება და, ამდენად, სიზმრებს შე-იძლება პერსონალიზებული მითები, ხოლო მითებს დეპერსონალიზებული სიზმრები ვუწოდოთ“ (ლომიძე 2008: 218).

ხილვა-ჩვენებანი ვაჟას პოემებში სხვადასხვა ფუნქციას ასრულებს. ესენია: ამა თუ იმ ფაქტისა და მოვლენის წინასწარმეტყველება; არარეალურის ვიზუალიზაციით უმთავრესი კონცეფციის გამოკვეთა; გმირის ინტუიციისა და ნათელზილვის უნარის აქცენტირება; ქვეცნობიერის, ცნობიერისა და ზეცნობიერის ურთიერთგანსაზღვრულობის, ან, პირიქით, გამომრიცხავობის ჩვენება კონკრეტულ შემთხვევებში; ადამიანის სულის წიაღში ჩაღრმავება და მისი უაღრესი მხარეების ამოცნობა, ანუ „სულის წაკითხვა“; უფლის თვითჩენის (თეოფანიის) მისტიკური ხატებისა და პიროვნებასა თუ ჯგუფზე მათი ზემოქმედების, განმწმენდი ფუნქციის ცხადყოფა.

უნდა აღინიშნოს, რომ ვაჟა მითოლოგიური ხილვა-ჩვენებების, ლეგენდებისა და ზღაპრულ-ფანტასტიკური არსებების (დევები, ალქაჯები, ჭინკები) ტექსტებში აღნერისას არასოდეს მიმართავს მტკიცებით, იმპერატიულ ინტონაციის. მან კარგად იცის, რომ ყოველ მითს, ლეგენდას ორი შრე აქვს: რეალური, ანუ სარწმუნო და ირეალური, ანუ დაუჯერებელი. ამიტომაც მას ხილვა თუ ჩვენება ყოველთვის შემოაქვს არა როგორც ობიექტური, დამტკიცებული ფაქტი, არამედ როგორც გონიერის დაშვება, სავარაუდო რეალობა. ამიტომაც ის არასოდეს არ წერს, ზუსტად ასე მოხდათ. მითურ და ლეგენდარულ ეპიზოდს ყოველთვის ახლავს სიტყვა ან ფრაზა, რომელიც მას მტკიცებულების სახეს უკარგავს. ვაჟა წერს: „ამბობენ“, „ხედავენ“, „უნახავთ“, „სმენიათ“, „იტყვიან“, „ძველად გაგონილი“ და ა.შ. ამ გზით ის თითქოს ჩვენგან აუცხოებს ფაქტს, რათა მიგვანიშნოს, რომ ეს არაა ობიექტური რეალობა, მომხდარი და აღსრულებული, მაგრამ არც უსაფუძვლო, შეუძლებელი, დაუშვებელი ფანტასმაგორიაა. ასე იწყება „ბახტრიონის“ საოცარი ფინალი, რომელშიც გველის მიერ ლუხუმის ხსნისა და აღდგინების ამბავია გადმოცემული. ეპიზოდი ასე იწყება: „იტყვიან, მაღლის მთის ძირსა... შემდეგ კი ამას მოჰყვება ნახევრად ლეგენდური თხრობა. ვაჟა არსად გვაძალებს დავიჯერებელი, არ

გვიმტკიცებს, რომ ეს ფაქტი მას თავად აქვს ნანახი ან ნაგრძნობ-გან-ცდილი. ის ფრთხილად, ფაქტზე მიგვანიშნებს, იტყვიანო და დანარ-ჩენს ჩვენ მოგვანდობს. ამით ის ძალზე ახლოს დგას სახარებისეულ ინტონაციასთან. ცნობილია, რომ მაცხოვარი თავის მოძღვრებას აყა-ლიბებს არა შეგონებათა ან ბრძანებათა, არამედ „ნეტარებათა“ სახით. ის როდი ამბობს, მხოლოდ ასეთი ადამიანი იქნება ნეტარიო, არამედ ქადაგებს, ყველა, ვინც მოისურვებს ასე მოქცევას, ნეტარი იქნებაო. მაცხოვარი არავის აძალებს, დაიჯეროს მის მიერ აღსრულებული სას-წაულები. ვისაც მალემრწმენის თვალი და ყური აქვს — ირწმუნებს, ვისაც არა — ის მადლის გარეშე დაიტოვებს თავს.

„ბახტრიონის“ ბრძოლის წინ მეომრებს წმინდა გიორგი ეცხადება. ვაჟა აღნერს ამ ხილვას, თვით მხედართა თვალით დანახულს. ოთხი მეომრიდან თითოეული წმინდანს სხვადასხვა ასპექტით აღიქვამს — ერთი მის ბრწყინვალებას უსვამს ხაზს, მეორე — ლვთიურობას, მე-სამე — მტრედისფრად აღიქვამს, მეოთხე — ველის ყვავილს ადარებს. ეს სუბიექტურ განცდაში მოქცეული რეალობაა, რომელსაც ემოციის მაქსიმალური მუხტით აღვსება მოსდევს. ამის შემდეგ ლაშქარი წმინდა მხედრობად აცხადებს თავს. რეალობა აქაც ამქვეყნიურისა და მიღმიერის ზღვარზეა.

ვაჟა-ფშაველას პოემებში ხილვა-ჩვენებები რომ გარკვეული პირო-ბითობის შემცველია, ეს სამეცნიერო ლიტერატურაშიც არის აღნიშ-ნული. რ. სირაძე „სტუმარ-მასპინძლის“ ფინალის ანალიზისას წერს: „ამ შემთხვევაში მითოსური ხილვის შემოტანა გამართლებულია იმით, რომ მაღალი იდეალები მოითხოვს ამ იდეალთა განხორციელებას, თუნდაც ილუზიური ფორმით. აქაც ვაჟა ავტორისეული დანართებით მიგვითითებს შემოტანილი მითოსური ხილვის პირობითობაზე: „ლამ-ლამ ხედავენ სურათსა“ — აქაც გაცნობიერებაა იმისა, რომ ეპიზოდი პირობითი ხასიათისაა, პირობითობის ფუნქციაზე გვაფიქრებს. მისი ფუნქცია კი ესთეტიკურია. იგი სახის განზოგადებას ემსახურება, ემ-სახურება პოემის ძირითადი იდეის ამოცნობას“ (სირაძე 1975:46).

ვაჟასთან მითოსი გაქრისტიანებულია, ახალ რჯულზეა მოქცეული. ამის უპირველესი ნიშანია პიროვნულობის, ინდივიდუალობის წინ წა-

მოწევა, ასევე ღირებულებათა იმ სისტემის გაზიარება, რომელიც ქრისტეს მოძღვრებას უდევს საფუძვლად. ხილვა-ჩვენებათა ფუნქციაც თავისებური და განსაკუთრებულია; მაგალითად, სიზმარი წინასწარმეტყველებასაც შეიცავს და ზნეობრივ სწავლებასაც; ის ხან მწყობრი და გამჭვირვალეა (კვირიას სიზმარი „ბახტრიონიდან“, მზიას სიზმარი „გველისმჭამელიდან“), ხან კი ძნელად ამოსაცნობი და დასაფიქრებელი (ალუდას სიზმარი „ალუდა ქეთელაურიდან“).

ამრიგად, ბიბლიური პარადიგმატიკისა და სახისმეტყველების გათვალისწინების გარეშე ვაჟა-ფშაველას შემოქმედების შესწავლა ცალმხრივი და არასრულყოფილია. ქრისტიანული ცნობიერება განსაზღვრავს მის პერსონაჟთა ზნეობრივ სახეს, თხზულებათა მხატვრულესთეტიკურ ბუნებას.

#### დამოწმებანი:

**ვაჟა-ფშაველა 2002:** ვაჟა-ფშაველა. პოემები. თბ.: „დია“, 2002.

**ლომიძე 2008:** ლომიძე გ. „პრაღის სკოლა“. ლიტერატურის თეორია. XX საუკუნის მეთოდოლოგიები. თბ.: ლიტერატურის ინსტიტუტის გამომცემლობა, 2005.

**სირაძე 1975:** სირაძე რ. „მითოსურ ხილვათა და ჩვენებათა ფუნქცია“. ვაჟა-ფშაველას ხუთი პოემა. თბ.: „საქართველო“, 1975.

**ჩხერიძე 1989:** ჩხერიძე თ. მშენებირი მძღვარი. თბ.: 1989.

## თამარ ბარბაქაძე

### ვაჟა-ფშაველას „ღამე მთაში“ და „ვეფხისტყაოსანი“ (პოეზიის ბუნებრიობის საკითხისათვის)

ვაჟა-ფშაველა, როგორც „ვეფხისტყაოსანის“ მკითხველი და ინტერ-პრეტატორი, ქართული ლიტერატურათმცოდნეობისათვის უცნობი არ არის, თუმცა მაინც შეიძლება ბევრი რამ ახალი შევნიშნოთ და გავი-აზროთ ამ მხრივ.

ერთ-ერთი პირველი, ვინც გასული საუკუნის სამოციან წლებში რუსთაველისა და ვაჟა-ფშაველას შაირი შეადარა ერთმანეთს, დიმიტ-რი ბენაშვილი იყო (ბენაშვილი 1961: 515-516), თუმცა სტრუქტურის მიღმა საზრისის ერთიანობის თაობაზე ნაკლებად შეხვდებით მსჯე-ლობას ამ ნაშრომში. სამეცნიერო ლიტერატურაში უფრო მეტად არის გამოკვლეული ვაჟა-ფშაველას შეხედულებანი „ვეფხისტყაოსანსა“ და მის ავტორზე; კარგად არის შესწავლილი ვაჟას პოლემიკა ა. ხახანაშ-ვილთან, ასევე, მისი კამათი ნ. მარსა და მის მიმდევრებთან. ვაჟა-ფშაველას სიცოცხლეშივე, 1911 წელს, აღიარა გრიგოლ რობაქიძემ: „ვაჟა დედაბობია ქართული რაინდული პოეზიისა“ და ამით, ერთგვა-რად, მიანიშნა მკითხველის „ვეფხისტყაოსანთან“ ვაჟა-ფშაველას შე-მოქმედების ნათესაობაზე.

ჩვენ მიზნად არ ვისახავთ ვაჟა-ფშაველას ლირიკისა და „ვეფხის-ტყაოსნის“ კომპარატივისტულ ანალიზს; ამჯერად მხოლოდ მათ შო-რის ერთი საინტერესო თანხვედრის შემთხვევაზე გვინდა საუბარი: დისპარმონისა და ჰარმონის, დაპირისპირებული ძალების ჭიდილზე, დემონური, ქაჯური საწყისის ძლევაზე ღვთიური ძალისა და რაინდე-ბის მეშვეობით.

ვაჟა-ფშაველას ფილოსოფიურ ლექსში „ღამე მთაში“, ბუნებისა და ადამიანის ერთიანობის ფონზე, დახატულია ქარიშხლის სურათი, ავი, სტიქიური საწყისის აბობოქრება:

უეცრად შუალამისას,  
ცას ჯანღი დაეფარება,  
შავი ზღვის შავი ვეშაპი  
პირლია დაგველირება  
ჩვენ, მოსვენებით მძინარეთ  
საჭმელად დაგვეპირება  
მოჰსექდება ქარი და **ლვარი\***  
სდგას ლენვა-მტერევა ბრძოლისა,  
დროება ჩამოვარდნილა  
დიდი შიშის და ძრწოლისა.  
მთელი მთა-ბარი იქცევა  
მეორმოსვლაა სწორედა  
მოჰკაწრავს **ლვარი** ტყე-კლდეებს  
მოაქვს და მოსდგამს ყორედა.

დაბალი შაირით (5/3) დაწერილი ეს მონაკვეთი უნებურად გვახსენ-დება, როდესაც „ვეფხისტყაოსანში“ ტარიელის თათბირისას პოეტის შეფასებას ვკითხულობთ (1418-1419-ე სტროფები):

ჩემი ან ესე ნათქევამი მათი სახე და დარია:  
რა ზედა წვიმდეს ღრუბელნი და მთათა ატყდეს **ლვარია**,  
მოვა და ხევთა მოგრაგნის, ისმის ზათქი და ზარია,  
მაგრამ რა ზღვათა შეერთვის, მაშინ ეგრეცა წყნარია.

თუცა ფრიდონ და ავთანდილ სიკეთე — მიუწვდომნია,  
მაგრა ტარიას შეპმანი არვისგან მოსანდომნია,  
მზე მნათობთაცა დაპფარავს, არცალა ნათლად ხომნია  
ან იყურებდით, მსმენელნო, გესმნეს ფიცხელნი ომნია!

ეს მონაკვეთი, შესაბამისად, დაბალი შაირით (53//53) შესრულებული, მსმენელს, მკითხველს აფრთხილებს და განუმარტავს სათქმელის ორმაგ მნიშვნელობას: ქაჯეთის ციხის აღების სურათის ხატვისას ავ-

---

\* ხაზგასმა ჩვენია — თ.ბ.

ტორი, გარდა ბრძოლის გრანდიოზულობით მიღებული შთაბეჭდილებისა, მის სიმბოლურ-ალეგორიულ მნიშვნელობასაც ხსნის („სახე“ და „დარია“ უნდა გავიგოთ, როგორც: „სახე“ და „ხატი“). ფიცხელი, ხმაურიანი, ზათქიანი ომის ფონზე ღვთაებრივი წესრიგის აუცილებელი აღდგენის სურათი უნდა დავინახოთ. აქამდე სუსტი და უძლური ტარიელი უნდა ამოქმედდეს და კუთვნილი ადგილი დაიჭიროს სამყაროში. „მისი რუსთაველი“, ანუ ტარიელის თაყვანისმცემელი რუსთაველი, ბუნების ჰარმონიას აღადგენს, როდესაც მთავარი მნათობის ადგილს აკუთვნებს პოემის გმირს: „სიტყვა „მისსა“ აქ უაზროდ, წინასწარ განუჭვრეტლად, მოუფიქრებლად და ლექსის გულისათვის არ გახლავთ ნახმარი. ამ სიტყვაში ღრმა აზრია დამარხული, სახელდობრ ისა, რუსთაველს ან თავის-თავი ჰყავს გამოყვანილი ტარიელად, რადგან ტარიელი მისია (რუსთაველისა) და იგი (რუსთაველი) ტარიელისა და, თუნდაც ტარიელი ზღაპრული გმირი იყოს თავისი ტემპერამენტით, თავისი პსიხიით, თავის ღვაწლმოსილობით სიყვარულის ოკეანეში, თავის მსგავსად ჰყავს ავტორს“, — წერდა ვაჟა-ფშაველა სტატიაში „ფიქრები ვეფხისტყაოსნის შესახებ“ (ვაჟა-ფშაველა 2011: 265).

ლექსში „ღამე მთაში“ აღწერილია ღვთიური, ციური და ქვესკნელის, ვეშაპის შერკინების სურათი, თუმცა, როგორც აღნიშნავენ, თვით ბუნება ამაღლებულია „ავისა“ და „კეთილის“, „თეთრისა“ და „შავის“ მარადიულ ბრძოლაზე (განერელია 1974: 416). ბუნება, როგორც სამარადეამო მეთვალყურე ამ დაპირისპირებისა, ძალას აძლევს პოეტს, რათა მან დაინახოს და აღწეროს მსგავსება, ნათესაობა სტიქიისა და ადამიანური ვნებებისა. ვაჟა-ფშაველა ფიქრობდა, რომ გენიოსი პოეტი ბუნებრივად, ორგანულად არის დაკავშირებული მშობელი ხალხის შემოქმედებით სტიქიასთან: „შოთას ახალი ენა შეაქვს მწერლობაში და ეს ენა წმინდა ხალხური ენაა. გასაოცარი მსგავსებაა, როგორც თვით ენაში, ისე ლექსნიყობაში ფშაურ ენასთან და მის კილოსთან“ (ვაჟა-ფშაველა 2001: 265).

რევაზ სირაძე თავის ნაშრომში „ვეფხისტყაოსნის“ მკითხველის ისტორიისათვის (მასალები ნარკვევისათვის)“ თერთმეტ ეტაპს გამოჰყოფს. VII ეტაპზე, მკვლევარის აზრით, ძლიერდება XIX საუკუნის შუა

წლებიდან (ი. ჭავჭავაძე, ა. წერეთელი, ვაჟა-ფშაველა და სხვანი) ეროვნული და ზოგადსაკაცობრიო თვალთახედვანი (სირაძე 2010: 81).

ვაჟა-ფშაველას მიერ წაკითხულ „ვეფხისტყაოსანში“, როგორც უკვე ვთქვით, რუსთაველის ხატი ტარიელია. ეს წაკითხვა სრულიად განსხვავებულია XIX საუკუნის I ნახევრის, ანუ VI ეტაპის (რომანტიკული თვალთახედვით) წაკითხვისაგან. როგორც რ. სირაძე აღნიშნავს, ალექსანდრე ორბელიანის ლექსში „რუსთაველი“ (1852 წ. აღგეთის ხეობა, წმინდა სამების მთა), რუსთაველის პირველსახე ავთანდილია, ანუ გამოკვეთილია მისი კონცეფცია: „ვეფხისტყაოსანში“ ავთანდილის პირველსახე თვით რუსთაველია“ (სირაძე 2010: 93).

რევაზ სირაძის უაღრესად საყურადღებო გამოკვლევაში ცალკე არ არის განხილული ვაჟა-ფშაველას მიერ წაკითხული ვეფხისტყაოსანი, მაგრამ აღ. ორბელიანის ლექსის „რუსთაველის“ ანალიზი კი, რომლის ვრცელი ვარიანტი ჩვენთვის ცნობილია 1997 წლის პუბლიკციით (სირაძე 1997: 76) ადასტურებს, რომ აღ. ორბელიანის მიერ „ვეფხისტყაოსანი“ რომანტიკული პატრიოტიზმით არის წაკითხული.

... „ღამე მთაში“ კი ვარსკვლავების შუქზე იკითხება. ცა დაჰყურებს მიწას და მათი ერთიანობა ბუნებრივი და აუცილებელია სამყაროს არსებობისათვის; როდესაც ვაჟა-ფშაველა წერს ლექსს „რუსთაველის ნეშტს“ (1909 წ.), ტარიელს სახავს იდეალურ გმირად. ახალი თაობის რაინდთა პირველსახედ:

ნამოგვეზარდნენ ჭაბუენი,  
ჰნახო, სცნობ არწივ-ქორადა  
თავს სწირვენ ნესტანისათვის  
ტარიელივით ლომადა

.....  
აღვსდეგით, ცამდე ავმაღლდით,  
ნათქვამნი ჩასაქოლადა.  
(„რუსთაველის ნეშტს“,  
ვაჟა-ფშაველა 1979: 346)

ტარიელი გამორჩეულია ვაჟა-ფშაველასათვის ლექსშიც: „ერთხელ კი ჩვენაც ვყოფილვართ“ (1896):

შევტრფი შუბლ-შეკრულ შოთასა  
თვალებს მარიდებს რადღაცა,  
მებუზღუნება ცოტასა,  
ვენაცვლე იმის კალამსა,  
მის გმირთ ხმალთ სალტე-კოტასა,  
სატრფოსთვის ხელსა ტარიელს,  
ავთანდილთ-ფრიდონთ ყოფასა...  
(ვაჟა-ფშაველა 2011: III, 32)

„ვეფხისტყაოსნის“ ჩვენ მიერ საანალიზოდ მოხმობილ ფრაგმენტშიც და ვაჟა-ფშაველას ლექსებსა და წერილებშიც მკაფიოდ არის გამოკვეთილი ტარიელის უპირატესობა, მისი არსისა და მოქმედების სანიმუშო ძალა. ტარიელს ემორჩილებიან, მისი დასახული გზით, გეგ-მით მიდიან ავთანდილი და ფრიდონი ქაჯეთის ციხის აღების დროს, ისევე, როგორც ზღვას ერთვიან, ერწყმიან და მშვიდდებიან მდინარენი, ხევის წყალნი, სტიქით მოხეთქილი „ლვარი“ (ვაჟა) (შდრ. „ვეფხისტყაოსანს“: „მთათა ატყდა ლვარია“). ვარსკვლავები (ცაში) და ზღვა (ხმელეთზე) სულისა და ხორცის მთლიანობის აღეგორიად გვევლინება ვაჟა-ფშაველას სხვა ლექსშიც („ჩემი ვედრება“):

თევზი — წყალს, ცასა — ვარსკვლავი,  
შვილი — დედას და მამასა.

რევაზ სირაძე ზემოხსენებულ ნარკვევში იმოწმებს გასტონ ბაშლიარის აზრს: „პოეზია წამიერი მეტაფიზიკააონ“; ვფიქრობთ, სამყაროსა და „ვეფხისტყაოსნის“ ზნეობით კანონზე ორიენტირებული ქართველი მკითხველი, კერძოდ, ვაჟა-ფშაველა ინტუიტურად წვდება იმ ზნეობრივ გზას, რაც ჰარმონიის, უფლის წიაღში დასაბრუნებლად მიემართება.

„ვეფხისტყაოსნის“ მთავარი გმირის „ტარიელის“ სახელს იუსტინე აბულაძე იკავშირებს მარიამ დედოფლისეულ „ქართლის ცხოვრებაში“

მოხსენიებულ სახელს ირანელი ერისთავის „და:რელ“ (აბულაძე 1967: 24), ხოლო ზვიად გამსახურდია სახელ „ტარიელს“ (სტარ — ვარსკვლავი, ელ — უფალი) ვარსკვლავეთის უფალს, სამყაროს მეფეს, პანტოკრატორს, ვასკვლავეთისმიერ მაცხოვარს უკავშირებს (გამსახურდია 1991: 243).

ღვთაებრივი ლოგოსის უზენაესის ნების გამოხატულება ამქვეყნად ღვთიური გონის მორჩილებაა, შეგნებული აუცილებლობით მოპოვებული თავისუფლებაა, რაც „ვეფხისტყაოსანში“ ქაჯური, დემონური საწყისების ძლევითა და ღვთაებრივი წესრიგის აღსრულებით მყარდება, ხოლო ლექსში „ღამე მთაში“ ჰარმონიისა და დისპარმონიის შეჯახების შედეგად ყალიბდება ბუნების საყოველთაო კანონი:

ბუნება მბრძანებელია,  
იგივ მონაა თავისა...

ვაჟა-ფშაველას სალიტერატურო წერილებში („სად არის პოეზია?“ „ფიქრები „ვეფხისტყაოსანში“ შესახებ“, „PRO DOMO SUA“, „ფიქრები“ და სხვ.) განსაკუთრებული პრინციპულობით მსჯელობს ბუნებისა და პოეზიის კანონების მსგავსებასა და მთლიანობაზე; იგი ფიქრობს, რომ „ვეფხისტყაოსანის“ გენიალობისა და უკვდავების მიზეზი პოემის ბუნებრიობაა. „უწესო, ბუნების წინააღმდეგი იქ არაფერი მოიპოვება... ვიდრე ბუნებაა თავისი ძალით მმართველი კაცთა სიცოცხლისა, „ვეფხისტყაოსანიც“ იქნება ჩვენთვის გონების მმართველი“, — გვარნმუნებს ვაჟა-ფშაველა წერილში „სად არის პოეზია?“ (ვაჟა-ფშაველა 2011: 57).

**დამოწმებანი:**

**აბულაძე 1967:** აბულაძე ი. რუსთველოლოგიური ნაშრომები. თბ.: 1967.

**ბენაშვილი 1961:** ბენაშვილი დ. ვაჟა-ფშაველა — შემოქმედი და მოაზროვნე. თბ.: „საბჭოთა მწერალი“, 1961.

**გამსახურდია 1991:** გამსახურდია ზ. ვეფხისტყაოსნის სახისმეტყველება. თბ. „მეცნიერება“, 1991.

**ვაჟა-ფშაველა 1979:** ვაჟა-ფშაველა. ოხზულებანი ორ ტომად. ტ. I. ლექსები. პოემები. თბ.: „საბჭოთა საქართველო“, 1979.

**ვაჟა-ფშაველა 2011:** ვაჟა-ფშაველა. ხუთტომეული. ტ. V. თბ.: „პალიტრა“, 2011.

**განერელია 1974:** განერელია ა. ვაჟა-ფშაველა. — ქართული ლიტერატურის ისტორია. ექვს ტომად. ტ. IV. თბ.: „საბჭოთა საქართველო“, 1974.

**სირაძე 2010:** სირაძე რ. „ვეფხისტყაოსნის“ გუითხველის ისტორიისათვის. მასალები ნარკვევისათვის. — ლიტერატურული ძიებანი, XXI. თბ.: ლიტერატურის ინსტიტუტის გამომცემლობა, 2010.

**სირაძე 2010:** სირაძე რ. „ხული დავნებული ხურვილთა“ (ა. ორბელიანის ლექსი „რუსთაველი“). — კრებული მიეძღვნა ალ. ორბელიანის ხსოვნას. თბ.: „ლომისი“, 1997.

## შეხვედრის კონცეპტი ვაჟა-ფშაველას პოემებში

„შეხვედრა ნიშნავს, აირჩიო და  
იქნე არჩეული, ტანჯვას და ქმედებას“.

მარტინ ბუბერი

ვაჟა-ფშაველას პოემებში („ალუდა ქეთელაური“, „სტუმარ- მასპინძელი“, „გოგოთურ და აფშინა“) შეხვედრა ატარებს ეგზისტენციალურ დატვირთვას. იგი ერთდროულად ეკუთვნის შემთხვევითობასაც და აუცილებლობასაც და ჩანწერია ყოფიერების ერთიან სტრუქტურაში. შეხვედრის სივრცეში, სადაც ერთმანეთს ხვდებიან ოპოზიციური მეწყვილეები — მტერი და მოყვარე — ოპოზიცია რადიკალურად ტრანსფორმირდება: მტერი იქცევა მოყვრად, „სხვაგვარი“ — „დაგვარად“. შეხვედრა, როგორც სტრუქტურის ცვლილება, განასახიერებს სიცოცხლის მასტიმულირებელ ინტენციას — ყოფიერებისა და ცნობიერების (მათ შორის, უპირველესად, ეთიკური ცნობიერების) განვითარების აუცილებელ პირობას.

ოპოზიციური სტრუქტურის ამ ცვლილებას მოსდევს ახალი ოპოზიციის გაჩენა: თემი (საზოგადოება, სოციუმი), რომელსაც „ალუდა ქათელაურისა“ და „სტუმარ-მასპინძლის“ პროტაგონისტები უპირისპირდებიან, იკავებს უცხოს, მტრის ადგილს, თუმცა პერსონაჟების მხრიდან ესაა იძულებითი დაპირისპირება, რომელსაც განაპირობებს: ზოგად პლანში — სიცოცხლის დიალექტიკური განვითარების აუცილებლობა; ინდივიდუალურ პლანში — მოპოვებული ზნეობრივი სიმაღლის დათმობის შინაგანი შეუძლებლობა.

სემანტიკური შესაბამისობის კოდის (რელევანტურობის კოდი) რღვევა ახალი შესაბამისობის დასამკვიდრებლად მეტაფორულ პროცესში ანა/ჰომოლოგიურია საზოგადოებრივი (თემის) ნორმებიდან გადახვევისა ახალ ნორმათა დასამკვიდრებლად. აქედან, მეტაფორული

პროცესის უწყვეტობა ვაჟას პოეტურ მეტყველებაში და რეალური პლანის მოძრაობა მითოსურ-იდეალური პლანისაკენ სიუჟეტურ და მსოფლმხედველობრივ დონეებზე. ექსტენსიონალთა შერევა და „გა-დატანა“ მეტაფორაში ავსებს სემანტიკურ ლაკუნას (ცარიელ ადგილს) და ამ აზრით, ემსახურება მეტყველების ეკონომიის (შევსებისა და მოწესრიგების) პრინციპს. ანალოგიურად, ცვლილება პიროვნების სუ-ლიერ სფეროში, თანაგრძნობის გადატანა მტერზე, უცხოზე ავსებს ზნეობრივ ლაკუნას და ემსახურება სოციალურ ურთიერთობათა მო-წესრიგების, ადამიანთა მშვიდობიანი თანაცხოვრების პრინციპს.

შეხვედრის, როგორც მეტაფიზიკური აქტის წინარე საფეხურია გამოცნობა.

ჯოყოლა და ზვიადაური ერთმანეთში მსგავსს, დაგვარს გამოიცნობენ ისევე, როგორც ალუდა და მუცალი. აფშინა დარღობს, რომ გოგოთური ვერ იცნო, რადგან გამოცნობა მოხდა გვიან, მას შემდეგ, რაც გოგოთური აფშინას იარაღს დაუბრუნებს. გამოცნობა ვაჟასთან ან მყისიერი აქტია, ან რთული, პერიპეტიიებით სავსე პროცესია. პირველის მაგალითია „სტუმარ- მასპინძელი“, მეორისა — „ალუდა ქეთე-ლაური“. ალუდა მუცალს ორი რამით გამოიცნობს: ნატყვიარში ბალანის ჩაფევით და თოფის დატოვებით. „სტუმარ მასპინძელში“ გამოცნობა ხდება იმთავითვე, „ინტუიტიურ დონეზე, მიემართება რთული გზით (სტუმრის დალატში დაეჭვება ხმაურის გაგონებისას, ზვიადაურის ვინაობის შეტყობისას) და საპოლოოდ მთავრდება ჯოყოლას მიერ ზვიადაურის სრული აღიარებით აღაზასთან საუბარში: „დიაცს მუდა-მაც უხდება გლოვა ვაჟკაცის კარგისა“.

ზვიადაურისა და ჯოყოლას შეხვედრა თითქოს არ უნდა შედგეს, რადგან ზვიადაურს მასპინძლის ძმის სისხლი მართებს. ლოგიკის მიხედვით, ჯოყოლამ არ უნდა უმფარველოს ხევსურ სტუმარს მას შემდეგ, რაც მის ვინაობას შეიტყობს, მაგრამ შურისძიება არ ღვივდება. სწორედ ლოგიკის ამ უეცარი „გაჯიუტების“ შეფასებაა მუსას მიერ ჯოყოლასთვის ნათქვამი „შტერო“ და „ჭკვათხელო“. რიგ სხვა გარემოებებთან ერთად, როგორიცაა ჯოყოლას ღირსების შელახვა — მისი კაცობის, ოჯახისა და სტუმარ-მასპინძლობის ტრადიციის შეურაცხ-

ყოფა — სტუმრისადმი ჯოყოლას ამ უცნაურ დამოკიდებულებაში გადამწყვეტი მნიშვნელობა ენიჭება ზვიადაურის ხიბლს, რომლის განსაკუთრებულ ხარისხზე ვაჟა სხვაგან აღნიშნავს: „...ცით ჩამოსული სვეტადა“.

არც ალუდას ეთმობა მუცალი. იგი სიკვდილის მერეც ცდილობს თავისიანთა რიგებში შემოიყვანოს ქისტი გაპატიოსნებით, კურატის შეწირვით, მხოლოდ იმიტომ, რომ თავისი „ლამაზი“, მაგრამ „მოუნათლავი“ ძმა შეახვენოს თავის „ბატონს“, ანუ თავისიანდ აღიარებინოს და ამ აღიარებას ლეგიტიმურობა მიანიჭოს. შეხვედრის მეტაფიზიკურ არსზე მიგვანიშნებს ისიც, რომ გამოცნობისა და შეხვედრის მომენტში ორივე პოემის პროტაგონისტები ისე იქცევიან, თითქოს კანონი არ არსებობს, თითქოს იმ სივრცეში, სადაც თემი მრისხანედ გრგვინავს, არავინ არაა, სიცარიელეა, თითოს იქ მხოლოდ ფიზიკური დაბრკოლებაა, რომელიც უნდა მოიშორო. ამ „მოშორების“ აქტია მუსას მკვლელობაც და კურატის შეწირვაც, რომელსაც სახეზე მგლისფერდადებული ალუდა კანონიკური რიტუალის სრული იგნორირებით, საკუთარი ხელით აღასრულებს და „ჯაგარაშლილი“ ხევისბერის რისხვასაც დაიმსახურებს.

შეხვედრისას გადამწყვეტი მნიშვნელობა ენიჭება შეხვედრის ინიციატორს, აქტანტს. თოფის გადაგდების წამიდან ალუდა უკვე რჩეულია მუცალისაგან, აღიარებულია თავისიანად, მსგავსად, თუმცა მანამდე არაფერი ჩანს ისეთი, რაც ამ არჩევანზე მიგვანიშნებდეს. ამ აღიარების მერე ალუდა უკვე მუცალის არჩევანის ტყვევა და ბოლომდე რჩება ამ მდგომარეობაში — „ტყვეობის თავისუფლებაში“, ანუ თემის კანონისაგან თავისუფალ, მის უგულვებელყოფელ, მაგრამ იმავდროულად, მუცალთან შეხვედრის მეტაფიზიკურ ძალასა და საკუთარ ზნეობრივ არჩევანს დამორჩილებული. რას ნიშნავს ქისტისგან იარაღის დატოვება? მისი ჩაუდენელი გმირობების, ვაჟკაცური საქმეების, ერთი სიტყვით, ალუდას ტყვიით შეწყვეტილი, მუცალის მთელი დარჩენილი სიცოცხლის ვალად დადებას ალუდასათვის. როგორც მუცალის არჩევანი შემოსაზღვრავს ალუდას ნებას, ისე ჯოყოლას არჩევანი — ზვიადაურისას. დავაკვირდეთ: ორივე შეხვედრის ინიციატორები

„სხვები“, „უცხოები“ არიან. იმპულსი და სტიმული მოდის სხვისგან, ქისტისგან ანუ მტრულად აღქმული მხარისგან. ორივე შემთხვევაში ზუსტად ის ხდება, რასაც ბუბერი უწოდებს „შე“-ის შეხვედრას „ჩემთან“ — თანაც სწორედ აღნიშნული თანმიმდევრობით. ჯოყოლას ინიციატივაა არა მხოლოდ ხევსურისთვის ნანადირევის შეთავაზება და სახლში მიპატიუება, არამედ საკუთარი გადაწყვეტილების დაცვის განსაკუთრებული, ქისტებისთვის სრულიად აუხსნელი და მიუღებელი ნება (სხვათა შორის, ამ ნების „წინაპირობას“ ვაჟა ქისტების შეფასებაში ახსენებს: „ეხლაც მასხარად აგვიგდო, / წინად ხომ ბევრჯელ აგვრია“). ზვიადაურის ვაჟკაცურ სიკვდილში გადამწყვეტ მნიშვნელობას იძენს მის თვალწინ გათამაშებული სცენა: ჯოყოლას დაპირიპირება თემთან და მუსას მკვლელობა. ასე რომ, არა მხოლოდ ზვიადაურია განსაკუთრებული, არამედ ჯოყოლაც ასეთია და ეს განსაკუთრებულ-თა შეხვედრაა.

თოფის გადაგდება აღმოჩნდა ის უესტი, რომელმაც შეარყია ალუ-დას ბუნება. იარაღი მათი მსგავსი კაცობის სიგნალია. ესაა მტრისგან წამოსული, ალუდასათვის სრულიად მოულოდნელი და მკაფიო ნიშანი მსგავსებაზე (არაცხად, ოდენ არაცნობიერი თანაგრძნობის გამომწვევ სიგნალად აღიქმება მუცალის მიერ ჭრილობაში ბალახის ჩაფევა). ამ ეპიზოდში ერთმანეთს ხვდება ორი, არა მხოლოდ სიმაღლით და ვაჟკაცობით ერთგვარი ადამიანი, არამედ ხორციელდება ალუდას შეხვედრაც სიკვდილთან და შესაბამისად, სიცოცხლესთანაც, თავის ფარულ „მე“-სთან. ალუდა ისე გააპატიოსნებს და დაიტირებს გარდაცვლილ მუცალს, როგორც დაიტირებდა საკუთარ თავს, მკვდარი რომ ენახა.

### შეხვედრისას ხდება „მე“-თა გაცვლა.

ამის დადასტურებაა ალუდასა და მუცალის შეპასუხებები ბრძოლის დროს, რომელიც მიმდინარეობს ქვაზიდიალოგის სახით, ნაწილობრივ — ნათქვამის უკან დაბრუნების, ანუ ექოს რეჟიმში („რჯულ-დალლო“). სივრცე თითქოს სარკისებურად აირეკლავს მოწინააღმდეგის სიტყვას დაპირისპირებულთა სრული მსგავსების გამო. დიალოგში სიტყვა ეკუთვნის წარმომთქმელს. ჩვენს შემთხვევაში ერთი და იგივე გამოთქმა ეკუთვნის ორივეს. თუკი ნებისმიერი ენობრივი მოდელი

მოსაუბრის ცნობიერების რეპრეზენტაციაა, გამოდის, რომ ალუდაც და მუცალიც ერთი ტიპის ცნობიერებას განასახიერებენ. ეს ტიპოლოგიური მსგავსება რადიკალურ ურთიერთსიძულვილში გამოიხატება, ანუ ისინი არა მხოლოდ ვაჟკაცობით, არამედ სიძულვილითაც გვანან ერთმანეთს. ეს მსგავსება იმდენად თვალსაჩინოა, შეიძლება ითქვას, რომ მუცალი ქისტი ალუდაა და პირიქით.

მუცალის სიკვდილის შემდგომი სცენა წარმოგვიდგენს ალუდას ცნობიერების განსაკუთრებულ მდგომარეობას — მზაობას ნამდვილი დიალოგისთვის. და ალუდა მიმართავს უკვე მოკლულ მუცალს: „ვაჟკაცო, ჩემგან მოკლულო“... დიალოგური იმპულსის გაჩენა, თავის მხრივ, იმაზე მიგვანიშნებს, რომ უკვე შე-ძრულია ალუდას ბუნება, დაძრულია ღირებულებები და მუცალის ადგილი ალუდას გვერდითაა და არა მის პირისპირ. ყველაზე ღრმა ურთიერთობა ყალიბდება მუცალის სიკვდილის შემდეგ. სწორედ მაშინ, როდესაც ადამიანს, რომელსაც ალუდა მიმართავს, არ ესმის მისი.

მუცალთან დაკავშირებულ წარმოდგენათა სიცხადე — სიზმარშიც და რეალობაშიც ( ჭრილობაში ბალახის ჩაფევა და სხვ.) — ალუდას აიძულებს, დარჩეს აწმყოში, წარსული შეიგრძნოს, როგორც ჯერაც არდასრულებული აწმყო. აქედან, მისი ტკივილის სიმძაფრე და სურვილი, რაიმე გააკეთოს მოკლული ქისტისთვის. ცნობილია: ადამიანი უბრუნდება წარსულს იმიტომ, რომ ცხოვრობს გამოცდილებით. ალუდა-მუცალის შეხვედრა აწმყოში რჩება, რადგან ალუდამ ვერ აღიქვა მუცალის სიკვდილი, როგორც ჩვეულებრივი გამოცდილება. მისი სიკვდილით გამოწვეული ტრავმა იმდენად მძაფრია, რომ ალუდას უჩნდება სურვილი, „აცოცხლოს“ მუცალი რაღაც სხვა, ოღონდ აუცილებლად „თანასწორ“ განზომილებაში, საკუთარი ფიქრით შექმნილ ყოველდღიურობაში. ეს, მისთვის მანამდე უცნობი გამოცდილება აიძულებს განუწყვეტელ ფიქრსა და მოქმედებას, როგორც ეს აწმყოში გადაუჭრელი, ცოცხალი პრობლემის შემთხვევაში ხდება, ანუ იქ და მაშინ, როცა ყველა ნაცნობი გამოცდილება დავიწყებულია.

მაინც რაში სჭირდება გარდაცვლილ მუცალს სხვისი ღმერთისგან ცხონება? ეს სჭირდება ალუდას. ამით აპირებს იგი გადალახოს ყველა-

ზე ძლიერი განსხვავება, რაც ქისტისგან აშორებს, რადგან სხვა ყველაფერი გადაღახული აქვს. საოცარია ალუდას სიმართლის ძალა და სიმაღლე, როცა თემს უპირისპირდება. ამ სიმართლის ძალა აიძულებს, შეუძლებელი მოითხოვოს თემისგან. თითქმის აუხსნელია, რატომ სთხოვს ბერდიას, გაუგოს? ბერდიას სიტყვებიც — გონს მოდიო — ამ შეუძლებლობაზე მინიშნებაა. ასეთი რამ ხდება მხოლოდ მაშინ, როცა ადამიანი იმდენადაა დარწმუნებული საკუთარ სიმართლეში, რომ ვერ ხედავს სხვა სიმართლეს, რადგან იმ სივრცეში, სადაც მისი სიტყვა ხმიანობს, სხვა სიმართლის ადგილი არაა. ალუდას მიერ შეძენილი გამოცდილება იმდენად ღირებულია, რომ, ალუდას რწმენით, მისი გაუზიარებლობა შეუძლებელია.

მომხდარის გაცნობიერება, მისი ეთიკური შეფასება, დაბოლოს, ქისტის სოციოკულტურული და რელიგიური კანონიზაციის სურვილი — ამ გზას გადის ალუდა, სანამ თემს რადიკალურად დაუპირისპირდებოდეს. სწორედ შეხვედრიდან წამოსული მეტაფიზიკური იმპულსი აძლევს ალუდას ძალას ამ რთულ და უჩვეულო გზაზე. იგივე ძალა უპირისპირდება თემის ყოველდღიური ცხოვრების ავტომატიზმს. არ შეიძლება მტრობა და სისხლისღვრა მონოტონურ ყოველდღიურობად იქცეს — სწორედ ამის გაცნობიერება იწყება მუცალთან შეხვედრის შემდეგ („ვისაც მტერობა მოსწყურდეს“), ამიტომ ბერდიასათვის ნათქვამი ფრაზა: „მითომ ერთნი ვართ, ბერდიავ“... — ერთიანობის შეხსენებაზე მეტად, ახლადაღმოჩენილ განსხვავებულობაზე მინიშნებაა. თემისა და ალუდას ურთიერთობა უკვე „ვითომ ერთობაა“, მას აღარაფერი კრავს. ალუდა „სხვაა“, თემისგან გამოსხვავებული და ამ ნაბიჯისთვის დასჯილი და მოკვეთილიც.

**ცვლილება ალუდასთან ხდება უცებ,** ერთბაშად. „უცებ“ აღსრულდება „მცირე დროში“, მაგრამ თავისი ეგზისტენციალური დატვირთვით ეკუთვნის „დიდ დროს“. დროსთან ასეთივე ამბივალენტურ მიმართებაშია „ერთხელ“ („ერთხელ მაუნდა ალუდას, ერთხელ მაბრუნვა თავისა“) — **ერთხელ, და სამუდამოდ.** „უცებ“ ცვლილება ეკუთვნის ყოფიერების მარადიულ სტრუქტურას ისევე, როგორც „ერთხელ“ ეკუთვნის დიდ დროს, მარადისობას. ეს „ერთხელ“ პოემის ბოლოს სა-

ხიერდება დროის სივრცულ სურათში, რომელსაც გამოთხოვების, უკანასკნელად თვალის შევლებისა და მარადიული დამახსოვრების ფუნქცია აკისრია. ალუდას თავის მობრუნების პლასტიკა სწორედ ამ ვიზუალურ-ემოციური ხატის შენახვას ემსახურება. „ერთხელ“-ში მარხია ის ეგზისტენციალური მუხტი, რომელიც ახლავს სიცოცხლეს-თან დამშვიდობებას. ეს „უცებ“ და „ერთხელ“ ტოლფასი სულიერი მდგომარეობები და მარადისობის სიგნალებია. პოემაში ისინი ორ ადგილას ჩნდება: ალუდას მიერ სიკედილის შეცნობაში — მუცალის სიცოცხლესთან დამშვიდობების წამს და ფინალში — თავის სასიცოცხლო გარემოსთან ალუდას გამოთხოვების ეპიზოდში. ეს უკანასკნელი წარმოადგენს შეხვედრის სივრციდან გასვლას, მის იძულებით მიტოვებას.

ახალი სულიერი გამოცდილება უცნობი გზებით შემოდის ალუდაში, ჩანს მხოლოდ შედეგი: მოულოდნელად ალუდაში, ამ მრისხანე და დაუნდობელ ხევსურში ადამიანის ჩვილი, მგრძნობიარე ბუნება ალაპარაკდება. შეფასებით-ენობრივ დონეზე ვაჟა ამ ცვლილების რადიკალურობას გამოხატავს ქალი/კაცის ოპოზიციური სტრუქტურის შემოტანითა და წევრების ადგილშენაცვლებით („...ატირდა როგორც ქალიო“). ალუდას ისევე „გამოეცვალა გუნება“, როგორც „კაცობრიობის მტერს“ (გველს) — ლუხუმის ნახვისას „ბახტრიონში“, როგორც მინდიას — „გველისმჭამელში“. ვაჟა ხედავს, როგორ იცვლება ადამიანის არსი და ამ ცვლილებას მსხვილი პლანით, თანდათანობით, დანაწევრებულად აღნერს: ალუდა ჯერ თოფზე ამბობს უარს, მერე ტირის, მერე მიცვალებულსაც გააპატიოსნებს ხმამაღალი მოთქმით, ნაბდის დახურვით, გასწორებით, თავთან იარაღის დადებით, ერთი სიტყვით, დატირების მთელი რიტუალის ჩატარებით. ცნობილია, გულჩვილობა მთაში „ქალურ“ საქციელად ითვლება და გაკიცხვას ან დაცინვას იმსახურებს. გავიხსენოთ: „ბახტრიონში“ ზეზვა გაფრინდაული ლუხუმს მტრის სიბრალულს უნუნებს და არგუმენტად უფლის განჩინებას ასახელებს: „ვისაც ჩვენ არ ვებრალებით, /ჩვენ შევიბრალოთ რისადა, სიკვდილი თვითონ უფალსა/ გაუჩენია მტრისადა“, მაგრამ ისიც ცხადია, რომ სწორედ ამ განსაკუთრებული სიკეთის გამო პატრონობს ლუხუმს „კაცობრიობის მტერი“. ზეზვა ვაჟას საყვარელი, თითქმის

იდეალური გმირია. მისი პირით ვაჟა ხალხის მებრძოლი და შეურიგებელი ნაწილის სიტყვას ახმოვანებს. ამისდა მიუხედავად, სამყაროს ეთიკურ ჰარმონიას სწორედ ლუხუმი აღადგენს. **ზეზვასნაირები ქმნიან ისტორიას, ლუხუმისნაირები ქმნიან მითს.**

აქ არის კიდევ ერთი ეპიზოდი, რომელიც მკვლევართა განსხვავებულ შეფასებას იწვევს. საქმე ესება მუცალის ძმის მკლავის მოჭრის ეპიზოდს, რომელიც სიუჟეტურ დროში გამოტოვებულია. თამაზ ჩხენაკელის აზრით, მუცალის ძმას ალუდა მკლავს მუცალის დატირების შემდეგ აჭრის (ჩხენკელი 1989: 244). მაინც როდის ხდება ეს? დრო უცნობია, თუმცა მკლავის წამოლების ფაქტით ვაჟა აშკარად მიგვანიშნებს რაღაცაზე. ერთი ვერსია ტრადიციულია და სავსებით გასაზიარებელი: ვაჟა ამით მუცალის მიმართ ალუდას განსაკუთრებულ დამოკიდებულებას უსვამს ხაზს. ეს დამოკიდებულება სხვა ქისტებზე არ ვრცელდება, მათ შორის, არც მუცალის ძმაზე. ვფიქრობ, ეს ვერსია მაინც ვერ ხსნის ბოლომდე ამ ეპიზოდის „მიუმაგრებლობას“ პოემის სიუჟეტურ დროსთან: ვაჟას ალუდას „ნადავლი“ მხოლოდ მას შემდეგ ახსენდება, რაც მძიმე და უპასუხო კითხვებით აფორიაქებული და გულმოკლული ალუდა შინ ბრუნდება. ნაკლებად სავარაუდოა, რომ მუცალის სიკვდილით შეძრული ალუდა მის ძმას მკლავის მოსაჭრელად მიბრუნებოდა. უფრო სავარაუდოა, რომ ეს მოხდა მანამ, სანამ მუცალსა და ალუდას შორის ორთაბრძოლა დაიწყებოდა, მაგრამ ვაჟამ გამოტოვა ეს ეპიზოდი, რადგან მუცალის ძმის მკლავის მოკვეთის ლოგიკურ-დროითი მიზანშენონილობა ამ მომენტში მისთვის ნაკლებად სააინტერესოა. მას „ეჩქარება“ ალუდასა და მუცალის ორთაბრძოლაზე გადასვლა, მთლიანად მოცულია იმ შეხვედრით, რომელიც უნდა შედგეს. ვაჟას აინტერესებს მხოლოდ ამ შეხვედრის დრო და არა ის, რაც მანამდე ხდება, რადგან ეს „მანამდე“ ჩვეულებრივი დროა, ყოველდღიურობა, სადაც ალუდა თემის სასახელო, თუმცა ერთი რიგითი წევრია, თემის კანონის, და არა საკუთარი ნების აღმსრულებელი. ის, რაც მუცალის შემთხვევაში ხდება, დროის მიღმა დგას, „ზღვრული წერტილია“, საიდანაც ალუდას ახალი გზა უნდა დაიწყოს, საკუთრივ მისი გზა. სოფლისკენ მობრუნებული ალუდა ჯერ მხოლოდ ამ გზის

დასაწყისშია და ვაჟას სურს, გზის დასასრულს მიღწეული სულიერი სიმაღლის უკეთ შესაფასებლად, ქეთელაური ამ საწყის წერტილში მთელი თავისი ცოდვა-ბრალით ვიხილოთ, მეტი სიზუსტისა და რეალურობისთვის კი — ცხენზე ქისტის მოჭრილი მკლავიც უნდა იყოს გადაკიდული.

დავაკვირდეთ: მუცალის შეუპოვარი წინააღმდეგობა ვერ იქნება ის მიზეზი, რომელსაც ალუდაში ასეთი რადიკალური ცვლილების გამოწვევა შეეძლო. ალუდა ბევრი ბრძოლის გადამტანია და მისი ვაჟვაცობა, ცხადია, მხდალების დამარცხებით კი არ ვანიზომება, არამედ თანასწორებთან გამარჯვებების რიგით. ეს, უპირატესად, ცხადი და შესაბამისად, ნაკლებად მნიშვნელოვანი არგუმენტია. თოფის გადაგდება — აი, უესტი, რომელმაც ერთიანად შეძრა ალუდას არსება. მუცალმა სიკვდილის წინ ერთხელ კიდევ აღიარა განსხვავება („ახლა შენ იყოს, რჯულძალლო“...), მაგრამ აღიარა, იმავდროულად, მსგავსება და პატივისცემა მოწინააღმდეგის ვაჟვაცობის მიმართ („ხელთ არ ჩავარდეს სხვისასა“), და, რაც ყველაზე არსებითია, ამ აღიარებას თვით იმ ფაქტმაც არ შეუშალა ხელი, რომ სწორედ ამ კაცის ხელით მოესწრაფა სიცოცხლე მასაც და მის ძმასაც. აი, სწორედ აქ იგრძნო გაუცნობიერებლად ალუდამ მუცალის უჩვეულო სიმაღლე.

თოფის გადაცემით კაცობის სიმბოლოს გადაცემა ხდება და ამ სიმბოლოს ამიერიდან მოუცილებლად ახლავს მისი პატრონის ხსოვნაც. ალუდა იღებს ესტაფეტას. ალუდას განცდათა ვიპრაცია ამ მომენტიდან უკიდურესად დაძაბული და ნერვიულია. იგი ჩაინიშნავს როგორც ბრძამით წყლულის ჩაფევას, ისე თოფის გადაგდებას. აქ ხდება შეხვედრაც: ალუდა საკუთარ თავს ხვდება მუცალში, საკუთარ სიცოცხლეს ეთხოვება და საკუთარ სიკვდილს ჩახედავს თვალებში. აქაა, შეიძლება ითქვას, „თავზარდაცემა შეცნობისაგან“, ცნობით შეძრა, სულისა და გონის შემძვრელი ნაცნობობა, რომელიც „ლამაზი ძმის“ აღიარებით მთავრდება. თუკი იესო „თვისთა თანა მივიდა და თვისთა თანა იგი ვერ იცნეს“ (იოანე 1, 10-11), მუცალი მტერთა თანა მისული, მტერმა მისმა იცნო.

ალუდასა და მუცალის შებრძოლება მტრობის თითქმის იდეალური, უნაკლო სურათია. რომ არა ეს სისრულე, „ავსებულობა“ მტრობით, შეიძლება ითქვას, რომ ვერც ასეთი სწრაფი განმუხტვა მოხდებოდა. რჩება შთაბეჭდილება, რომ ცვლილების ასეთი მომენტალურობა სტიქიურია, იმ ბუნებითი არსის გამოხატულებაა, რომელიც ერთნაირია მთელ ყოფიერებაში ადამიანისთვისაც და ბუნებისთვისაც. როგორც მაღალი ძაპის სადენების შეხებისას ხდება ენერგიისგან დაცლა, ისე უბაუზოდ, პირდაპირ გადადის ალუდა საპირისპირო მდგომარეობაში.

თანასოფლელებთან მობრუნებული ალუდა ამბის მოყოლას პირდაპირ მუცალის შეფასებით იწყებს და ამთავრებს („იმ ცხონებულსა მუცალსა“...). თითქოს მასთან შებრძოლების ფაქტს კი არ ანიჭებს მნიშვნელობას, არამედ თავის სულში მომხდარი ცვლილების რეფლექსირებას ახდენს („გული გამინყრა, არა ჰქნა, / რაც საქნელია ძნელადა“). თითქოს ალუდა თავისი წარმატებული ბრძოლის ამბავს კი არ უყვება მსმენელს, რომლებიც სწორედ ამას ელიან მისგან, არამედ – მუცალის ამბავს. ისე ყვება, როგორც დამარცხებული მოყვება მოწინააღმდეგის გამარჯვების ამბავს, რადგან ალუდასათვის სწორედ ესაა შემთხვევის ფარული სიმართლე, რომელიც ალუდასათვის დღესავით ნათელია, შატილიონებისთვის კი – გაუგებარი და მიუწვდომელი.

შინაარსობრივ და სიუჟეტურ დონეზე შეხვედრის მიზანია შეცვალოს ჩვენი წარმოდგენა მოვლენათა განვითარების შინაგან კანონზომიერებებზე, მიგვინიშნოს მათ მეტაფიზიკურ არსზე. შეხვედრის კონცეპტუალიზაციის ეს გზა ჰომოლოგიურია განსხვავებულ სემანტემათა შეხვედრისა მეტაფორულ პროცესში, რომლის მიზანია გვიჩვენოს აზრი, მიანიჭოს მას სივრცულ- ვიზუალური და ემოციური განზომილება. ისევე, როგორც ენობრივ დონეზე მეტაფორის შექმნა ნიშნავს შეიცნო მსგავსება, მსოფლმხედველობრივ-ეთიკურ დონეზე შეხვედრა ნიშნავს უცხოში, სხვაგვარში იპოვო მსგავსი, „დაგვარი“, დაინახო მეწყვილე განსხვავებულში. შინაარსის დონეზე ორივე პოემაში შეხვედრა სრულდება განსხვავებულთა შორის მსგავსების აღმოჩენით და მეგობრობა-ძმობის აღიარებით ( „...ჩემი ლამაზი ძმისთვინა“; „...ძმობის და ერთობისასა“), ენობრივ დონეზე იგი გამოიხატება მეტაფორული

პროცესის უწყვეტობაში და რეალური პლანის მოძრაობაში მითოსურიდეალური პლანისკენ.

თავდაპირველად მეტაფორული პროცესი ეპიფორულ, ანუ განვრცობის ეტაპს გადის. მსგავსება ოპოზიციურ ძალებს შორის ძლიერდება დაპირისპირების მთელ მანძილზე — გადაადგილებით, მოძრაობით, ჟესტებით, თანაბარი რაოდენობის სროლებით (სამ-სამჯერ), ერთნაირი შეპასუხებებით, დაბოლოს, ყოველ ჯერზე განმეორებული „რჯულძალოთი“. ყველაფერი, რაც ალუდაში ამის შემდეგ ხდება, ესაა მეტამორფოზის აქტი, ხოლო უოლეს სტივენსის განმარტებით, მეტაფორა სხვა არაფერია, თუ არა „მეტამორფოზის სიმბოლური ენა“ (თეორია... 1990: 83). სემიანტიკური მეტამორფოზაც სწორედ მსგავსების აღმოჩენის გზით მიდის და მეტაფორით — სემიანტემათა ურთიერთშეჯრით, ანუ მნიშვნელობათა შეხვედრით სრულდება. რაც უფრო მაღალია სემიანტიკურ გარდაქმნათა ხარისხი, მით უფრო სრულყოფილია მეტაფორა. მნიშვნელობები, მათ შორის ფარული კავშირის აღმოჩენის მიზნით, გარდაქმნის პროცესში სულ უფრო მეტი სიღრმისაკენ მოძრაობენ. სწორედ ესაა მეტაფორის უმთავრესი მახასიათებელი. სწორედ ამითაა, როგორც ბარტი ამბობს, იგი უძირო ნიშანი. სწორედ ამ ფარული სიღრმისაკენ ნიშანთა მოძრაობას ახლავს შეუცნობლის გამონათების, რაღაც ახალი, დაფარული კავშირისა და ცოდნის აღმოჩენის ხიბლი მეტაფორაში. სიღრმისაკენ ლტოლვით შეპყრობილ ნიშანთა გასვლა სასაუბრო ენის კონვენციური ველიდან, ანუ ავტომატიზმისაგან თავისუფალ, ახალ შეხვედრათა სივრცეში ფუნქციური ანალოგიაა ჯოყოლას, აღაზას, აღუდას შეუცნობელი სულიერი მოძრაობისა საკუთარი „მე“—ს სიღრმეებისაკენ, ან, გნებავთ, ადამიანობის მწვერვალებისაკენ. წარმოსახვაში მიმდინარე ეს ერთდროული აქტი განვრცობისა და შეკავშირებისა, სწორედ ეს ორმაგი მოძრაობა წარმოადგენს და გამოხატავს მეტაფორული პროცესის არსს. ესაა, უილრაიტის აზრით, მეტაფორული თხზვის ორი მთავარი ელემენტი (თეორია... 1990: 83).

შეხვედრის მეტაფიზიკური არსი ანიჭებს ფილოსოფიურ და პოეტურ განზომილებას, ერთი შეხედვით, ჩვეულებრივ ამბებს. **შეხვედრა**

არ განეკუთვნება ყოველდღიურობის, სადაგის სფეროს. იგი განსაკუთრებული აქტია, რომელიც სამყაროს ცვლის. ვერც ქისტების, ვერც ხევსურების თემი ამიერიდან ვეღარ იქნება ისეთი, როგორიც გუშინ იყო და ეს ცვლილება ალუდა-მუცალისა და ჯოყოლა — ზვიადაურის შეხვედრის შედეგია. შეხვედრის იდუმალი მატერია ცხადდება ორივე პოემის ფინალურ სცენებში: „სტუმარ-მასპინძლის“ ბოლოს დახატული იდილიური სურათი უცებ იფარება ბნელით („მაგრამ წამოვა ჯანლი რამ...“). რეალობის პირველადი, ველური მატერია შლის სამთა ამ ამაღლებული სულიერებით შემკულ სურათს, რათა მეორე დღეს ისევ გათამაშდეს. გამეორება ნათელი-ბნელის მონაცვლეობაში დახატულ ამ შეხვედრას მითოსურ, ციკლურ დროში მოაქცევს და ამ გზით იდეალურ განზომილებაში, „დიდ დროში“ განათავსებს. პოემის ფინალში მითის ჩართვით, ამბის გადატანით რეალურიდან მითოსურ პლანში ვაჟა კონკრეტული ფიზიკური დროის საზღვრებს აფართოებს, ერთმანეთთან აახლოებს რეალურ და იდეალურ განზომილებებს. დაახლოების მიზანი ყოფიერების „ფიზიკისა“ და მეტაფიზიკის შეხვედრის პოეტური აქტის განხორციელებაა.

მითსა და რეალობას ვაჟა გამიჯნავს სიტყვით „ამბობენ“. ესაა დიდ დროზე ორიენტირებული ვერბალური ნიშანი, ამბის განსაკუთრებული ლეგიტიმურობის აღმნიშვნელი, აპელირება მარადისობასთან, რომელსაც ზურგს თაობათა მეხსიერება უმაგრებს. „ამბობენ“ — სიტყვის ის ინსტანციაა, რომელიც ყოველდღიურობისგან განსხვავებულ, მეგაგანზომილებაში იკითხება, იქ, სადაც, გრიგოლ რობაქიძის სიტყვით, ერთ მთლიანობაში ჩანსათქმელად მიისწრაფის ყველაფერი, რათა კვლავ დაბრუნდეს, განმეორდეს. ვაჟა სწორედ ამ განზომილებას უცქერდა და, როგორც ჩანს, ამიტომაც არ აღიქვამდა თავისი ეთნიკური სივრცის სიპატარავეს, ამიტომაც ხატავდა გეოგრაფიულად „ვიწრო“ გარემოში ასე ბუნებრივად უძლიერეს ადამიანურ ვნებებს და ესოდენ მონუმენტურ ხასიათებს.

ჰეგელისაგან განსხვავებით, რომლის აზრითაც, შემთხვევა ამახინჯებს სამყაროს მოწერიგებულ სურათს, ვაჟასთან იგი ყოფიერების ერთიანი სტრუქტურის ნაწილია და წარმოადგენს სიცოცხლის მასტი-

მულირებელ ინტენციას — მისი განვითარების აუცილებელ პირობას ყველა დონეზე: ბიოლოგიურიდან სოციალურამდე, ვიტალურიდან — ეთიკურამდე.

დაპირისპირებულთა შეჯახება და შეხვედრა, ოღონდ ყოფიერების მთლიანობის შენარჩუნების პირობებში არღვევს ყოველდღიურობის (ანალოგიურად — სასუბრო ენის) მონოტონურობას და განსაკუთრებულ ხიბლს ანიჭებს ყოფიერების (სიცოცხლის) სტრუქტურას.

ისევე, როგორც მეტყველების აქტისთვის მეტაფორა არის გრამატიკული და ლოგიკური ნორმიდან გადახვევა, რათა შეიქმნას ახალი მნიშვნელობები და გან-სახოვნებული აზრი (მნიშვნელობის პედალი-რების ესთეტიკურ-ემოციური და ვიზუალური გზა), ისე ოპოზიციური მეწყვილეების შეხვედრა ქმნის ზნეობრივი და სოციალური თვალსაზრისით ახალ ერთობას. უცხო-ჩემიანის, მტერ-მოყვრის ოპოზიციაში ალუდას ცნობიერებას კორექტივი მხოლოდ მას შემდეგ შეაქვს, რაც ალუდა-მუცალის შეხვედრა შედგება. ალუდას შინაგან ცვლილებებს ასახავს ფრაზა „არ ეწონების თავია“ და უკვე განზოგადებული სახით — „ვისაც მტერობა მოსწყურდეს“... სწორედ ამ ეტაპიდან ალუდაში ჩნდება შინაგანი მზაობა, დაუპირისპირდეს თემს.

მეტა-ფორა (გა, გადა, მიღმა + მოძრაობა) სხვა არაფერია, თუ არა ენის, სიტყვის მოძრაობა სემანტიკურ სივრცეში სხვა მნიშვნელობებთან შესახვედრად. ეს შეხვედრა ხდება ენის მიერ შექმნილ, წარმოსახვით სივრცეში. ეს შეხვედრა ისევე, როგორც მითი, რეალობის მიღმა, მის მეორე მხარეს ხორციელდება და გვატყობინებს იმ შესაძლებლობებზე, რომელიც რეალობამ დაკარგა, რეალობაში ვერ განხორციელდა („სტუმარ-მასპინძლის“ და „ბახტრიონის“ ფინალი).

მეტაფორის წევრებს შორის ურთერთობა მყარდება არა იმდენად მსგავსების, რამდენადაც ემოციური შესაბამისობის საფუძველზე. სწორედ ასეთ შესაბამისობაზე შეიძლება ვისაუბროთ ჯოყოლასა და ზვიადაურის შეხვედრისას, როცა ბნელ ღამეში, ორი, ერთმანეთის-თვის სრულიად უცნობი ადამიანი სტუმარ-მასპინძლობის სოციალურ ურთიერთობას ამყარებენ. ის, თუ ტრადიციით დადგენილი დაცულობის მიუხედავად, რა ხიფათს შეიცავს ასეთი ნდობა, პოემიდან აშკარაა.

მაგრამ შეხვედრა გარდაუვალია და ამ შეხვედრის საფუძველი ინტუ-იცით შეგრძნობილი, ემოციურ შესაბამისობაზე დამყარებული მსგავ-სების შეცნობაა. ესაა ის, რაც რადიკალურად ცვლის როგორც ჯო-ყოლას ოჯახის, ისე ქისტებისა და ხევსურების ცხოვრებასაც (ხევსურ-თა ლაშქრობა ქისტებზე და ამ ბრძოლის შედეგი).

გარდა იმისა, რომ ზვიადაური მალავს თავის ვინაობას, ანუ ცრუობს, რაც ვაჟკაცისთვის და, მით უფრო ზვიადაურისთვის, არაფ-რით არ ჩაითვლება ჩვეულებრივ საქციელად, ვერც ზვიადაურისადმი ეს უცწნური ნდობა ჩაითვლება ჩვეულებრივ მოვლენად იმ კაცისაგან, რომელიც ძმის მკვლელთან შეყრის ყოველწამიერი მოლოდინით ცოცხლობს. მეტიც, რომ არა ძლიერი სიმპათიკური განცდა და მსგავ-სის ამოცნობა შემთხვევით გადაყრილ უცნობში, არც ჯოყოლა უმ-ფარველებდა ძმის მკვლელს თემის ნების საწინააღმდეგოდ მას შემ-დეგ, რაც მისთვის სტუმრის ვინაობა უკვე გაცხადდა. მიუხედვად იმისა, რომ თემისადმი წინააღმდეგობას პიროვნული ღირსების დაც-ვის აუცილებლობაც წარმართავს („გის სტუმარს ბოჭავთ“..., „დღეს სტუმარია ეგ ჩემი“...), მაინც ცხადია, რომ აქ კიდევ არის რაღაც, რაც ჯოყოლას ქმედების ფარულ მოტივაციას ქმნის. სწორედ ამ მოტივა-ციის გამო აკლდება სიმყარე კანონის ავტორიტეტს. სწორედ შეხვედ-რის მეტაფიზიკური დეტერმინაცია იწვევს ჯოყოლაში იმ აზრის პრო-ვოცირებას, რომ თემი უსამართლო და მოძალადეა. უსამართლო კანო-ნი კი მოკლებულია ლეგიტიმურობას და შესრულების აუცილებლობას.

სხვათა შორის, ასეთსავე ემოციურ შესაბამისობას ემყარება ზვიადაურის ვაჟკაცობის აღიარებაც სისხლმოწყურებული ბრძოს მი-ერ, როცა ყველაზე მოულოდნელ ადგილას მყისიერად იფეთქებს სიბ-რალულის, შემდეგ კი სირცხვილის განცდაც. აქ შესაბამისობა მყარ-დება ზვიადაურის ფარულ, მხოლოდ ხევსურებისთვის ნაცნობ „ნა-თელ“ ბუნებასა და ქისტების მოულოდნელად გაჩენილ თანაგრძნობას შორის. ზვიადაურის დასახასიათებლად მოტანილი ფრაზა — „ცით ჩამოსული სვეტადა“ — კონტაციურ დონეზე (სინათლის, სითბოს, სიმაღლის ასოციაციები) აბსოლუტურად გამორიცხავს ძალადობის, მტრობის მნიშვნელობებს, თუმცა მას რჩება ძალის, ზემოქმედების

კონფაცია და სწორედ მისი საშუალებით მყარდება კავშირი სიბრა-ლულის, თანაგრძნობის სემანტიკულთან.

დავაკვირდეთ: ზვიადაურმა იცის, რომ ქისტები „მტრობით“ იცნობენ. მაშ, რატომ მოდის ქისტან სტუმრად? იმიტომ, რომ ასეთია ბედისწერის ნება, ეს ნაბიჯი ბედისწერითა განსაზღვრული და ამიტომ საღი აზრი დუმს. ამის პასუხი უნდა ამოვიკითხოთ ჯოყოლას შეკითხვაშიც ზვიადაურისადმი: „მაშ თუ ეს ესე არ არის, / რად შემეფეთე ამ დროსა?“ ბედისწერის ნებით ხდება შეცდომა, გადაცდომა და ხდება იმიტომ, რომ შედგეს შეხვედრა. შეხვედრა კი, თავის მხრივ, თუნდ სიკვდილის ფასად, ამ საბედისწერო სცენის მონაწილეებს შესაძლებლობას აძლევს, განახორციელონ თავიანთი, მანამდე უხილავი არსი.

ბედისწერას ვაჟა ორჯერ ახსენებს: დასაწყისში, ზვიადაურის და ჯოყოლას პირველი შეხვედრისას და ფინალურ სცენაში („წერა-მწერელის ნერითა“). დროის ცვლას ვაჟა გრძნობს, როგორც შეხვედრასა და გაყრას, როგორც შეხვედრის დასაწყისა და დასასრულს, როგორც სინათლესა და სიბნელეს, დღესა და ღამეს, სიკვდილსა და სიცოცხლეს. როგორც ტოპოსს, სადაც ოპოზიციური მეწყვილეები ერთიანდებიან, ერთობები კი იშლებიან ოპოზიციებად. ეს გადასვლა და ადგილმონაცვლეობა ბუნების კანონის ანალოგიურია. არსებობს ინსტანცია, რომელიც ამ ყველაფერზე მაღლა დგას და შეხვედრის შემფასებელია — დრო. ამ ინსტანციაში იპატება თქმულება, მითოსი. ალუდას უკანასენლი გზა თითქოს მისი ამბის მითში გადასვლის უვერტურაა. აქ კიდევ ერთი ნიშნით ძლიერდება მისი სულიერი სიმაღლე, მისი მზაობა იდეალური როლისათვის: „...თემს ნუ სწყევთ“. რას ნიშნავს თემის-განვე უსამართლოდ მოკვეთილი კაცის ეს სიტყვები? ეს მიმტევებელი, ჭირთამთმენი, სულიერად ამაღლებული და ბრძენი კაცის პოზიციაა, რომელმაც იცის, რომ თემისათვის საკუთარი კანონის დაცვა თვითგადარჩენის ერთადერთი პირობაა, მაგრამ იცის ისიც, რომ მხოლოდ პიროვნებას ძალუბს და ევალება უმაღლესი ადამიანური კანონის ალსრულება.

მითის ზედროული ინსტანცია იქ იღებს სათავეს, სადაც ლოგიკა უძლურია და ჩუმდება, სადაც აპელაცია მხოლოდ მუდმივობასთან შეიძლება: „ვის გაუყიდავ სტუმარი, ქისტეთს სად თქმულა ამბადა?“ — არ თქმულა, მაშასადამე, პრეცედენტი არ არსებობს. მაგრამ არსებობს თუ არა იმის პრეცედენტი, რომ ქისტს ძმის მკვლელის დასაცავად თავისიანი გაეწიროს, ან მისგანვე მოკლული ქისტი ხევსურს ქრისტიანულად დაემწყალობებინოს? ვაჟა ამ პრეცედენტებს ქმნის და თავის ლიტერატურულ პერსონაჟებს ამითიურებს, თუმცა მანამდე რეალობაში განათავსებს და უჩვეულო მატერიალურობით შემოსავს. ამიტომაა, რომ მისი დაუვიწყარი სახეები რეალურობასთან ერთად, მარადიული ნაცნობობის ბეჭედსაც ატარებენ. ისინი გვახსენებენ იმას, რაც მუდამ იყო, არის და იქნება, ან ცოტა სხვაგვარად: „ეს არაოდეს ყოფილა, ოღონდ ყოველთვის არის“ (ქართველი...2003: 203). არის და კვლავაც იქნება მითში, მაშინაც კი, როცა რეალობაში მათი არსებობის ნიშნები თითქოს არსად ჩანს, გამქრალია. ვაჟა ამ გამქრალი, ჯანდაფარებული სამყაროდან გამოხმობილ აჩრდილებს აცოცხლებს და მათი საშუალებით ახდენს აპელაციას მუდმივობასთან. „დიაცს მუდამაც უხდება გლოვა ვაჟკაცის კარგისა“ — „მუდამ“ ის ინსტანციაა, რომელთან მოსატანიც არაა ჯოყოლას ვარაუდი, შეხედულება, ეჭვი. ამიტომ ეუბნება ცოლს ამ ერთადერთ, ბეჭედივით მტკიცე ფრაზას და დუმდება. ცოლის დაგვიანებით აფორიაქებული, თითქოს საკუთარ ეჭვიან კითხვებსაც პასუხობს ამ ფრაზით, რათა ეჭვი აღკვეთოს, გონებას სინათლე დაუბრუნოს.

დავაკვირდეთ: პოემაში არ ჩანს, რას აკეთებს ჯოყოლა ზვიადაურის წაყვანის მერე. ვაჟას იგი თითქოს „ავიწყდება“. ზვიადაურის დასჯის მერე შინ დაბრუნებულ ცოლს იგი ფეხიფეხზეგადადებული, „კერის პირს“ მჯდომი უხვდება (ღრმად ჩაფიქრებული ადამიანის პოზა). აღაზა, როგორც ჯოყოლას მგრძნობიარე და ემოციური იპოსტასი — აგრძელებს ზვიადაურის თანაგრძნობას, მისი კაცობის დაფასებას, მისით აღფრთოვანებას ანუ იმ ყველაფერს, რისი შესაძლებლობაც ჯოყოლას არ ეძლევა. სავარაუდოა, რომ ძმისმკვლელით მეტისმეტი აღფრთოვანება უთუოდ დააზიანებდა ჯოყოლას სახეს და ზვიადაურ-

თან მის დაძმობილებას — შემთხვევითობის წყალობით ასე დამაჯერებელს — საეჭვოდ აქცევდა. ამიტომ ვაჟამ ეს ხაზი აღაზაში განავითარა, ჯოყოლას კი საბოლოო შეფასების უფლება მისცა იმის აღიარებით, რომ ზეიადაური „კარგი ვაჟკაცი“, ანუ „კაი ყმა“ იყო — ლაკონურად და ორმად, სულ ერთი ნინადადებით. სცენა მეტ რეპლიკას არ საჭიროებს, თუმცა არის რაღაც, რაც აღაზას ანუხებს და აფიქრებს, სავარაუდოდ, ჯოყოლასაც. ჯოყოლამ უკვე მისცა შეფასება ამ „რაღაცას“, როცა თქვა ფრაზა „დიაცს მუდამაც უხდება...“ აღაზა ხვდება, რომ ეს „რაღაც“ უფრო მეტია, ვიდრე უცხო ვაჟკაცის ტრადიციით ნებადართული გლოვა (პირზე ბალნის აჭრა, სხეულზე დამხობა, ეროტიული შეფერილობის დატირება), ხვდება, მაგრამ თავსაც ვერ უტყდება. ეს „რაღაც მეტი“ მხოლოდ ზეიადაურისთანა ვაჟკაცთან შეხვედრისას ჩნდება და იმის ნიშანია, რომ ეს შეხვედრაც შედგა — ჭეშმარიტი ქალისა ჭეშმარიტ ვაჟკაცთან. ჯოყოლაც ხომ ასევე უცნაურად იხიბლება ზეიადაურით. ვაჟა შეხვედრის მეტაფიზიკურ ხასიათს იმითაც უსვამს ხაზს, რომ შემთხვევის წყალობით შეყრილი, სამივეს ბედი ისე გადაეჯაჭვა ერთმანეთს, რომ მათი სიკვდილ-სიცოცხლეც განსაზღვრა.

არსებობს მოსაზრება, რომ ჯოყოლასა და ზეიადაურის დაძმობილება „იოლად ხდება“ და „მხატვრულ ავანსად“ შეიძლება ჩაითვალოს: „ერთობ იოლად ხდება ჯოყოლას და ზეიადაურის დაძმობილება. იაფად უჯდება მნერალს მათი შეთვისება (იაფად მხატვრული საშუალებების ხარჯვის თვალსაზრისით)…“

იოლად მოხდა ზეიადაურის, ჯოყოლასა და აღაზას გაცნობა, დაახლოება და ურთიერთშეთვისება.

მიუხედავად ჩვენი უდიდესი მოწინებისა ვაჟა-ფშაველას უბადლო ნიჭის წინაშე, უნდა ვთქვათ, რომ პოემის სიუჟეტის გაშლის ამ ეტაპზე მწერლის ფანტაზია უსათუოდ თავისი გმირების შინამყარზე ცურავს“ (ჭეიშვილი 1955: 282-283). დიახ, ასეა, მაგრამ სწორედ რეალობის განსაკუთრებული, სიღრმისეული ხედვა კარნახობს ვაჟას ამ „სიიოლეს“. მას არ სჭირდება „მხატვრულ საშუალებათა განსაკუთრებული ინტენსივობით ხარჯვა“ სწორედ იმიტომ, რომ ეს მხატვრული სიჭარბე, ინტენსივობა, ხერხების მობილიზება, მოკლედ, მტკიცების ფორმა და-

აზიანებდა შეხვედრის მეტაფიზიკურობის აღქმას. ვაჟას ამ „სიიოლეს“ ცხოვრების, ადამიანის ღრმა ცოდნა და მეტაფიზიკური ყოფიერების სიგნალების ინტუიტიური წვდომა კარნახობს. ეს შეხვედრა სწორედ ასეთი უნდა იყოს — „პრმა“ და „იოლი“, რადგან იგი „ვითარებათგან ხდომილია“, ანუ ბედისწერის ნება და სურვილი.

აქ უთუოდ უნდა მივიღოთ მხედველობაში, რომ პოემის თემა სტუ-მარ-მასპინძლობაა, მთამი კი „სტუმარი ღვთისაა“. ჯოყოლა ასეც ეუბ-ნება ცოლს: „ღვთის წყალობაა ჩვენზედა“. სტუმრობით ჯოყოლას თა-ვიც ეწონება, რადგან „საუფლო წესს“ ასრულებს. თავისი სტუმრობით ზვიადაური ღმერთის გზავნილია, ამიტომ ჯოყოლასგან ამ შეხვედრის, როგორც ხვედრის გარდაუვალობაში ეჭვის შეტანა შეუძლებელია. როგორც ზემოთაც ვთქვით, ქისტი თავიდანვე შენიშნავს ამ გარდა-უვალობას, რაც მის დაცვასაც ავალებს. თუ დაძმობილების სიიოლეს მეტაფიზიკური დეტერმინაციით ავხსნით, იგი იქცევა აუცილებლო-ბად, რომლის წინაღდგომა არც ერთს არ შეუძლია: ზვიადაურმა უნდა იცრუოს, დამალოს თავისი ვინაობა, ანუ ჩაიდინოს მისთვის უჩვეულო საქციელი, ჯოყოლამ კი მასში ვერ უნდა იცნოს მტერი. **როცა შეხ-ვედრა ხდება**, ყველაფერი კარგავს მნიშვნელობას, რათა გზა გაუხსნას ბედისწერას, ყველაფერი გადაიდება, დავიწყებაში იძირება, ისიც, რომ ქისტეთში ზვიადაურს შეიძლება ხიფათი შეემთხვეს და ისიც, რომ გზად შემთხვევით შემოყრილი უცნობი შესაძლოა, შენი ძმის მკვლელი აღმოჩნდეს. როგორც ზემოთაც ვთქვით, ვაჟა სწორედ ძმისმკვლელ-თან ანგარიშსწორების ამ განუწყვეტელ, დაძაბულ და ყოველნამიერ მოლოდინს უსვამს ხაზს, როცა პოემის დასაწყისშივე, შეხვედრამდე სულ რამდენიმე წუთით ადრე შეგვახსენებს: „ძმის მკვლელის სისხლი სწყურია, კაცი რომ მიდის გზაზედა“. ესაა არაშემთხვევითი ფრაზა, ვაჟას მიერ ნათქვამი შეხვედრის მეტაფიზიკურობის აღქმის შესამზადებლად.

ვაჟა მოყვრობისა და მტრობის ამბავს გვიამბობს, სადაც მეტი-ოდაა გამიჯნული მათი სუბსტანციები და ასახულია ამ სუბსტანციათა ურთიერთგადასვლა. მაგრამ არა მხოლოდ ეს. ვაჟასთვის უმთავრესი ამ სუბსტანციით სრული ავსებაა. სუბსტანციათა ცვლილება ხდება ვაჟაცობით, სიკეთითა და თანაგრძნობით სრული და მოულოდნელი

აესების შემდეგ. ამ ავსების დინამიკა იმდენად ხანმოკლეა, რომ პერ-სონაჟები თვითონვე ვერ აცნობიერებენ, რა ხდება მათ თავს. მთავარი კი ისაა, რომ მტრობას არ აღმოაჩნდება სუბსტანცია, მიუხედავად იმისა, რომ ორივე პოემაში მიზეზი (ტრადიცია) აუცილებლობის წესით მოითხოვს მტრობას. მტრობა არის თემის სულისკვეთების სუბსტანცია, მაგრამ არც ჯოყოლასთვის, არც ალუდასთვის მას ასეთი ძალა არა აქვს. ვაჟას მიხედვით, სწორედ მტრობის არასუბსტანციურობაა რელიგიური ნირმის — გიყვარდეს მტერი შენი, ვითარცა თავი შენი-ს შესაძლებლობის, შეიძლება ითქვას, პარადოქსული შესაძლებლობის საფუძველი\*.

ილიას „გულს გული იცნობს და ღონეს — ღონე“ ვაჟასთან ზნე-ობრივ ენერგიათა ურთიერთგაცვლით, მათი ზედდებით შექმნილი სი-სავსეა. ალუდა ამიტომაც ვერ გრძნობს საფრთხეს, არაფერი აფერ-ხებს მუცალის აღიარების გზაზე. ვერც ჯოყოლა ჩერდება. ისინი უგუ-ნურებიც კი ჩანან თავიანთი „მორჩილებით“ შეხვედრის ეგზისტენცი-ისადმი. სისავსისაკენ ეს დინებაც ბუნების თვისებაა და ვაჟას გმირე-ბიც ბუნების ნაწილი არიან. ამიტომ გლოვობს ბუნება ზვიადაურსაც, გიგლიასაც. ამიტომ „ეცვლება გუნება“ და ამიტომ პატრონობს ლუხუმს „კაცობრიობის მტერი“.

**შეხვედრა წარმოადგენს ხვედრთა შერევას, ურთიერთკვეთას, შე-ჯახებას. „ხუედრს“ სულხან-საბა განმარტავს, როგორც „წილად ხვედ-რებულს“, „გინა ვითარებათ განხდომილს“.**

შე-ხვედრა ესაა შე-მთხვევა, რომლის ფარული აზრი საკუთარ „მე“-სთან, ადამიანურ არსთან და-მთხვევაა. ესაა, როგორც მამარდაშვილი იტყოდა, „მე“-ს მიღწევა „მე“-მდე, რომელსაც აქ თემის ზოგადი კანო-ნი ეღობება. შეხვედრა ადამიანური კოსმოსის ცვლილების, მოწესრი-გების წამი, მთლიანობის დროებით აღდგენის შესაძლებლობაა. ამ შეხვედრისას ხდება მათი ვაჟუაცობის თანხვედრა, ზედდება, გაძლი-ერება. ეს წყვილები, სამტროდ მოვლენილნი სოციალურ ცხოვრებაში,

\* თამაზ ვასაძე წერს: ალუდა „უახლოესი ადამიანივით შეიყვარებს მტერს და შეძ-ლებს თავისებურად შეასრულოს განსაკუთრებით ძნელად შესასრულებელი ცნება „გიყვარდეთ მტერი თქვენი“ (ვასაძე 2010: 90).

იმ თავდაპირველ ერთიანობაში ჩაბრუნდებიან, რომელსაც ჰაიდეგერი პრესოციალურს უწოდებს და შემდეგნაირად განსაზღვრავს: „ჩვენ ყველანი ერთნაირად ვართ შეტრიალებულნი ყოფიერებისკენ“. ამ დროს ოპოზიციურობა იშლება და ადამიანური კოსმოსის დაზიანებული ფრაგმენტი აღდგება. სახეზეა ცვლილების სოციოფიზიკა და მეტაფიზიკა.

**შე-ხვედრა** სხვა არაფერია თუ არა ხვედრის აღ-სრულება. სიუჟეტის კომპოზიცია ემსახურება არა იმდენად ალუდას ფერისცვალების ლოგიური მიზეზ-შედეგობრიობის ჩვენებას, რამდენადაც მისი თავდაპირველი იმპულსის სრული სტიქიურობისა და სიძლიერის, სულიერი სტრუქტურის მოულოდნელი და გარდაუვალი ცვლილების ჩვენებას, რომლის ნინაშეც ყოველგვარი რაციონალური აზრი უძლურია. ამ ალოგიკურობის, იმპულსურობისა და მოულოდნელობის მიღმა ალუდა ასახიერებს ადამიანის სულის მუდმივ, უცვლელ ინტენციას – ცვლილების, გარდაემნის აუცილებლობას კანონის აუცილებლობის ნინააღმდეგ, ინდივიდუალური ამბოხის მარადიულ ლტოლვას: „მაინც ხომ სულის ბუნება მონა როდია მიწისა, თავისი სამფლობელო აქვს, თავის გზა კარგად იცისა“ („უიღბლო იღბლიანი“). შეხვედრა ამ მუდმივი სუბსტანციის დროსივრცული წერტილია.

შეხვედრა სხვა არაფერია, თუ არა სოციალურ რეალობაში მეტაფიზიკურის „შემოჭრის“ ქრონოტიპოსი. კაცობრიობის არსებობის მარადიული მორფოლოგია სწორედ განსხვავებულთა შეხვედრისა და ამ შეხვედრით გამოწვეულ ცვლილებათა დინამიურ რიგს ეყრდნობა და მასში გამოიხატება.

ორივე პოემის სიუჟეტი მსხვილ პლანში ვითარდება, რადგან ასეთი პლანი მეტაფიზიკური შეხვედრის განსაკუთრებულობის სტრუქტურულ-არქიტექტურული ანალოგიაა (იგივე მასშტაბური პლანი ეპოსური უანრის ნიშანიცაა).

მტერ-მოყვარენი ყოველთვის ერთმანეთის პირისპირ დგანან. ჯოყოლასა და ზვიადაურის პირისპირ დგომა და დიალოგი სხვა არაფერია, თუ არა ერთმანეთისათვის საკუთარი თავის წარ—დგენა|წარდგომა — ასეთია შეხვედრის პლასტიკური კომპონენტი. ამ დგომისას

ალუდა და მუცალი იბრძვიან და ტყვიებს და მტრულ სიტყვებს უც-ვლიან ერთმანეთს, ზვიადაური და ჯოყოლა კი — მეგობრულს. ორივე შემთხვევაში დგომის, ქცევის, მოქმედების მონუმენტურობა თვალში-საცემია. ვაჟას პოემების მცირერიცხოვანი პერსონული იკავებენ პო-ემის მთელ წარმოსახვით სივრცეს და უჩვეულო მასშტაბურობას აღ-ნევენ ისევე, როგორც აჩრდილთა გამოსახულებები აღემატებიან სა-კუთარ რეალურ ორეულებს თავიანთი ზომებით.

შინაარსისა და ასახვის პლანების სტრუქტურული კორელაცია წარმოადგენს ვაჟას მსოფლმხედველობრივ-ესთეტიკური სისტემის ერთიანობისა და სიმყარის გამოხატულებას. დაპირისპირებულთა ურ-თიერთშეესების ეს რეჟიმი, რომლის რეპრეზენტაციასაც ახდენს ვაჟას პოეტური ცნობიერება, „ასწორებს“ დროით, რეალობით, სოცი-ალური ურთიერთობებით დაზიანებულ კავშირებს და თავს ავლენს იშვიათად ბუნებრივი, პირველქმნილი სახით. ამრიგად, „შეხვედრა“ ორივე — შინაარსისა და ასახვის — დონეზე არღვევს ყოველდღიური არსებობის (=სასაუბრო ენის) ავტომატიზმს და ჯერ ერთი, ბადებს ყო-ფიერება-ცნობიერების სტრუქტურული მთლიანობის განცდას, მეორე — ათვალსაჩინოებს მხატვრულ-ესთეტიკურ და ეთიკურ განზომი-ლებათა ფარული სინთეზის გზას.

#### დამოწმებანი:

**ვაჟა-ფშაველა 1961:** ვაჟა-ფშაველა. თხზულებათა სრული კრებული ხუთ ტომად. ტ. II. პოემები. თბ.: 1961.

**ვასაძე 2010:** ვასაძე თ. ლიტერატურა ჭეშმარიტების ძიებაში. თბ.: 2010.

**ქართველი... 2003:** ქართველი მწერლები ვაჟა- ფშაველას შესახებ. თბ.:თსუ გამ-ბა, 2003.

**ჩხერიელი 1989:** ჩხერიელი თ. მშვენიერი მძლევარი. თბ.: 1989.

**ჭეიშვილი 1955:** ჭეიშვილი ა. ნარკვევები, წერილები. თბ.: 1955

**თეორია 1990:** თეორია მეტაფორი. მ.:1990.

## ლოგოსის პარადიგმატიკა და ვაჟა-ფშაველას ფენომენი

ვაჟა-ფშაველას მსოფლგანცდის ასპექტებისა და შემოქმედებითი იმპულსების კვლევა მრავალმხრივ მიდგომას ითხოვს, რადგან ის, „მარგალიტების მთესველი“ პოეტი, აღიარებულია ახალი კოსმოგონიის შემქმნელად, ქართული მითოლოგიის ულრმესი ფენებიდან რომ იღებს სათავეს. შემოქმედის უნიკალური ნიჭი ღრმა ერუდიციას ერწყმის: ვაჟას გათავისებული ჰქონდა როგორც ძველ, ისე მის თანამედროვე მოაზროვნეთა მემკვიდრეობა. „ვაჟა-ფშაველას თავისებურებათა ჩვენება გულისხმობს მის სახელთან უმუალოდ დაკავშირებული თემებისა და მოტივების გათვალისწინებას.. აუცილებლად უნდა დავახსიათოთ გარე და შინა სამყაროსადმი მისი მიდგომის თავისებურება, ანუ ვაჟასებური ხილვის არსი; ვაჟას შესწავლა გულისხმობს მისი ყოფითი და პოეტური არსებობის წარმოსახვას და იმის ცხადყოფას, თუ რანაირად გამოვლინდა ვაჟა-ფშაველა, რა შექმნა მან, რა პოეტური მოვლენები ეკუთვნის მას“ (კიკნაძე 1966: 1).

ჰუსერლის აზრით, წმინდა ფენომენის კვლევა გულისხმობს საგნის თუ მოვლენის რაობის განმსაზღვრელი უნივერსალური არსებითობების სისტემის წარმოჩენას, რაც განსაზღვრავს ამ საგნისა და მოვლენის რაობას (რატიანი 2008: 84). ფენომენის მოპოვების ერთ-ერთ ღირებულ გზად მას მეთოდოლოგიური ეჭვი ესახება, რაც მიზნად ისახავს არა „ყოფისა“ და „არსებობის“, არამედ თავად „არსის“ დეფინიციას (ფენომენოლოგიური ეპოქე). ცნობილია ჰუსერლის პრინციპი: „დავუბრუნდეთ საგნებს, როგორც თავისთავადობებს!“ ვაჟას ფენომენის კვლევა მის „არსთან“ მიახლებასაც გულისხმობს.

თამაზ ჩხერკელის ხაზგასმით, ვაჟა-ფშაველა ყველაზე იდუმალი და, ამავე დროს, ყველაზე თვითმყოფადი მოვლენაა, რომელიც ყოველგვარი სკოლებისა და მიმართულებების გარეშე დგას (ჩხერკელი 2009: 11). მისი შემოქმედების ფესვების წვდომა ჩვენი ეროვნული

იდენტობის სათავეების წვდომაცაა, რადგან „ქართული პოეზიის წაკითხვა ქართული სულის წაკითხვას ნიშნავს“ (ჯ. ღვინჯილია).

ვაჟას კულტს, უფრო ზუსტად, მისი მსოფლგანცდისა და შემოქმედებითი ენიგმის კვლევას 1909 წელს წაკითხული ლექციით სათავე დაუდო გრიგოლ რობაქიძემ, რომელმაც „ურმენშული გამოხედვის“ პოეტს „ქართული გენის ნატეხი“ უწოდა, მისი ფენომენი კი განსაზღვრაფორმულით: „ლოგოსი – აი, სათავე ვაჟა-ფშაველას გენისა“.

ზემოხსენებულ ლექციაში მწერალს აღუნიშნავს: „შემოქმედი შეცნობა ვაჟა-ფშაველასი მითოლოგიურია უთუოდ. ბუნების მოვლენამ და მგოსანმა საიდუმლო შეხვედრის უამს ერთიმეორე იცნეს. აქ არის სათავე პანთეიზმისა. იგი არ არის პანთეისტი ფიგურალურად. თავის პანთეისტობაში ნამდვილი მისტიკოსია. ბუნება მისთვის ცოცხალი არ-სია, რომელიც ჰლამობს თავის სრულობას“ (რობაქიძე 2005: 184-185).

ამ ფრაგმენტის კომენტირებისას ი. ევგენიძე შენიშნავს, რომ მსოფლმხედველობა გაცნობიერებულ შეხედულებებს გულისხმობს და მოიცავს, მრნამსი კი — „მართალი სარწმუნოებაა“ (საბა), ე.ი. რისამერწმენას ნიშნავს, გრ. რობაქიძე კი ამ ცნებებს მკაცრად არ მიჯნავს. ხოლო ის, რომ ვაჟას აზროვნების ქვაკუთხედი პანთეიზმია, ჯერ კი-დევ ილიას შეუნიშნავს (ევგენიძე 2005: 194). საყურადღებოა ჯუმბერჭუმბურიძის დაკვირვება: ვაჟას პანთეისტად „გამოცხადებას“ ისიც უშლის ხელს, რომ პანთეიზმი ზნეობრივი პრინციპებია უარყოფილი.

ვაჟა-ფშაველას ფენომენის შეფასებისას ყურადღებას იქცევს რობაქიძის ორიგინალური თეზა: „ლოგოსია სათავე ვაჟას პოეტური გენისა! ლოგოსის გარეშე მისი პოეტური სიტყვა მხოლოდ „ჭრელი სიტყვა“ იქნებოდა. ამას ნათლად ამართლებს მისი პოემა „გველის მჭამელი“, — „ნამდვილი სხეულება ქართველთა სულიერი ენერგიისა, მისი საუკეთესო ნაყოფი“. ამ დებულებას ავტორი ამგვარად ხსნის: სასწაულებრივად სახეცვლილი სულთამხილავი მინდია მსოფლიო ენას სწვდება, „ყოველი არსი მისთვის მეტყველია ნამდვილი და მის შემოქმედის წარმოდგენაში მსოფლიო იშლება, როგორც ცოცხალი სხეული, საცა ყოველი ნაწილი ავსილია თვისი აზრით, საცა ყოველს მონადას აქვს საკუთარი ენა“ (რობაქიძე 2005: 186). შესაბამისად, დას-

კვნა ასეთია: მინდია შემოქმედი ლოგოსის ნატეხი სხეულებაა. იგი ზესთაადამიანია, მაგრამ არა ინდივიდუალისტი, ნიცშესეული გაგებით, არამედ რელიგიური უნივერსალისტი. ის ერთვის მსოფლიოს სულს, მსოფლიოს ზიარებული, და გრძნობს, გრძნობა გამახვილებული. მინდია ბუნების ნამდვილი გენიოსია, მან შეიცნო ქვეყანა და შეიყვარა იგი. ლეონარდო და ვინჩის საიდუმლო თქმით კი, ცოდნა შეიქმს სიყვარულსა.

მინდიას ტრაგედიის მიზეზი ისიცაა, რომ, ამავე დროს, ის „განიცდის“, მსოფლიო კი ტრაგიკულია თავისთავად და ის, მარტო კაცი, მას ვერ იხსნის. მინდიამ მიიღო მსოფლიო და აქვე საფრთხეც გაჩნდა: ოჯახურ გარემოში მოქცეული გმირის სულში საშინელი ომია ვიწროპირადულსა და ზესთა-პირადულს შორის, ის ნელ-ნელა ემორჩილება ცხოვრებას, ქრება სიყვარული და მას ცნობის, ცოდნის ძალაც წაერთვა, რადგან, პავლე მოციქულის სიტყვით, სიყვარული შეიქმს ცოდნასა, ე.ი. ცოდნა და სიყვარული ერთი და იგივეა. რობაქიძის დასკვნით, მინდიას დანაშაული არ არის მისი პირადი დანაშაული, მასში მთელ მსოფლიოს უდევს წილი.

აკაკის დილაზე წარმოთქმულ მოხსენებაში გრიგოლ რობაქიძეს ერთმანეთისათვის დაუპირისპირებია გენია და ქაოსი, ასევე, პატარა გონება, რომლისათვის ისტორიაში ყოველი შემთხვევითი და წარმავალია და დიდი გონება, რომლისათვის ისტორიაში ყველაფერს თავისი აზრი აქვს: „ლოგოსი – გენის სათავეა და გენია ამოტებს ხოლმე იქაც კი, საცა ფერფლის მეტი არა დარჩენილა რა“ (რობაქიძე 2005: 194). ქართული გენის ნატეხებად თვლის გრ. რობაქიძე ბარათაშვილს, ილიას, ყაზბეგს, ვაჟა-ფშაველას, აკაკის, რომელთა შემოქმედებამ, მისი აზრით, ქაოსს სძლია.

ოსვალდ შპენგლერს უთქვამს, ისტორიაში არ არისო ლოგოსი, ისაა „ვლენა მოვლენის — და მეტი არაფერი“, რასაც გრიგოლ რობაქიძე არ იზიარებს: „თუ ლოგოსი არ არის, მაშინ არ არის თვითონ ისტორიაც. ისტორია არ არის უბრალო ცვლა. იგი ვითარებაა, ვითარებაში კი აუცილებელია საზრისი“ (რობაქიძე 1989: 38).

ამგვარი საზრისით — ლოგოსით — ხსნის მწერალი ვაჟას არაორ-დინარულ ფენომენისაც. ფშაველი გენიოსის პოეზიის პირველსაფუძველად მითოსი ითვლება, მითოსი, რომელიც, თავის მხრივ, კულტურის შინაგანი განახლებისა და გამძლეობის საფუძველიცაა. ლევისტროსის ხაზგასმით, მითი ყოველთვის დაკავშირებულია წარსულთან. გარკვეულ მომენტში მომხდარი ეს ამბები ქმნიან მუდმივ სტრუქტურას, რომელიც შესაბამისდროულია როგორც წარსულისათვის, ისე ანტყოსა და მომავლისათვის. ამდენად, მითს ორმაგი სტრუქტურა აქვს: ისტორიული და ზეისტორიული, ანუ დროული და ზედროული (ჩენკელი 2009: 23). მითი თავისუფალი გამონაგონი არ არის, იგი დაწურული ფორმით მოცემული მსოფლიოს სურათია და ეს სურათი ადამიანებისათვის გაშინაგნებული სამყაროს მოდელს ასახავს. ვფიქრობთ, ლოგოსის უნივერსალური კონცეპტიც ამგვარ კონტექსტში უნდა განვიხილოთ.

განსაკუთრებით ახლოა ვაჟა მის ანტიკურ, კერძოდ, ჰერაკლიტე-სეულ გაგებასთან, რომლის თანახმად, კოსმიური ლოგოსის ჭრილში სამყარო ჰარმონიული ერთიანობაა, მის შიგნით ყველაფერი მდინარებს, საგნები და სხვა სუბსტანციები ერთმანეთში გადადიან, ლოგოსი კი საკუთარი თავის ტოლი (იგივეობრივი) რჩება. ე.ი. დინამიური სამყარო სტაბილურობასა და ჰარმონიას სწორედ ლოგოსში ინარჩუნებს.

სერგი დანელიას თქმით, ვაჟა შლის პირველყოფილი აზროვნების ორიგინალურ სურათს. ამ მხრივ მას ძველი საბერძნეთის უპირველეს ფილოსოფოსთა ნაწერები თუ შეედრება. „რაკი მთელი ბუნება სიცოცხლისაგან არის შემდგარი, ცხადია, მას თან ახლავს ცვლილება. სიცოცხლე ცვალებადია. მყარი ბუნებაში არაფერია. ყოველივე იცვლება. „პანტა რეი“ — აი, რა შეეძლო ეთქვა ვაჟას ჰერაკლიტეს მსგავსად. მაგრამ მსგავსება ვაჟასა და ჰერაკლიტეს შორის კიდევ უფრო შორს მიდის. როგორც ჰერაკლიტეს, ისე ვაჟასაც კარგად ესმის, რომ ამ საგანთა ცვლილებას საბაბად აქვს ბრძოლა მოვლენათა ურთიერთაშორის. ყველაფერი. ჩაბმულია ამ უნივერსალური ბრძოლის ფერხულში“ (დანელია 1998:22).

ჰერაკლიტეს მსოფლმხედველობის უმთავრესი მომენტები შემდეგია: სამყარო და მისი მრავალფეროვნება ყოველთვის არსებობდა; სამყარო ერთია, მისი წარმოქმნის არსების საფუძველში ძევს გარკვეული წესრიგი (ლოგოსი, ცეცხლი, სამართლიანობა და ა.შ.); ერთ-ერთი საფუძველი დაპირისპირებაა, მუდმივი ბრძოლა ერთმანეთთან, მაგრამ მაინც ერთიანობა; ეს წინააღმდეგობანი ერთმანეთში გადადიან, მოძრაობები, ისევე, როგორც მოძრაობს სამყარო.

ბროკაუზ-ეფრონის ენციკლოპედიური ლექსიკონი საშუალებას გვაძლევს, თვალი გავადევნოთ ლოგოსის ცნების ტრანსფორმაციას სხვავადასხვა ეპოქაში (ბროკაუზ-ეფრონი 1908: 900-992). ამ ძველბერძნულ სიტყვას ენის, მეტყველების, ფილოსოფიაში კი თადაპირველად მსჯელობის, განსჯის გაგება ჰქონდა. ამ ცნების დამკვიდრებას ჰერაკლიტე ეფესელს მიაწერენ.

მისი მოძღვრებით, მთელი ბუნება მოწყობილია „ჭეშმარიტი მსჯელობის“ თანახმად, ლოგოსი კი სამყაროს გონიერი საფუძველია. ელე-ელებს სინამდვილე ტყუილად მიუჩნევიათ. მათ საპირისპიროდ, ჰერაკლიტემ სინამდვილე მიიღო არა როგორც აბსოლუტური ტყუილი, არამედ როგორც დიდი გამოცანა, რომელსაც თავისი გონიერი გადაწყვეტა, თავისი სიტყვა აქვს. მასთან ჭეშმარიტება თვით სიცოცხლეა, რომელიც მარად მოძრაობს, იბადება, ყალიბდება. მარად მიმდინარე ცხოვრება ჰერაკლიტესათვის ყოველივე არსებულის უმაღლესი კანონია. ღმერთი (აბსოლუტური) თავად გადადის დაპირისპირებულიდან დაპირისპირებულში. ბრძოლა, ისევე როგორც ჰარმონია, შინაგანად ახასიათებს ღმერთს, საგანთა საწყისს, ამიტომ ის მათში ცხადდება. ყოველივე არის და არც არის. ყველა საგანი იცვლება, ხილული ყოფიერების ყოველი მომენტი უკვე ჩავლილი მომენტია. ყველაფერი მოძრაობს, ჩვენი გრძნობებიც, აღქმანი. მოძრაობს, იცვლება ჩვენი ცნობიერება, ჩვენი სხეული. გარდუვალი ცვლილებების სისწრაფე ხან აგროვებს, ხან განფანტავს ნივთიერებას, ერთსა და იმავე დროს ყველაფერი იქმნება და ინგრევა, მოდის და მიდის. ერთის სიკვდილი მეორის დაბადებაა. ბრძოლის გარეშე არაა დაპირისპირება, დაპირისპირების გარეშე — ჰარმონია.

ხილულ დაპირისპირებაში, ბუნების უაზრობაში, სტიქიის, ხალხთა, ადამიანური ვწებების ბრძოლაში იმალება უმაღლესი, ზეადამიანური გონიერება, აღმატებული ყოველ ადამიანურ ცნებას. სამყაროს გამოცანას აქვს თავისი სიტყვა, რომლის მიხედვითაც ყოველივე იქმნება, მით მოძრაობს, რადგან ის ყველაფერს ასხვავებს და ყველაფერს ათანხმებს. უნდა ვისწავლოთ ბუნებისაგან: გავიაზროთ იდუმალი თანხმობა ხილულ უთანხმოებაში, დაფარული ჰარმონია. ჩვენ ბუნებაში უნდა ვეძებოთ მისი კანონი, მისი ლოგოსი. ჰერაკლიტესთან პირველად ვხვდებით მსოფლიო ლოგოსის ანუ სიტყვის გაგებას, რომელიც თავის თავში მოიცავს პირველ მიზეზს და გონიერ საფუძველს. ლოგოსი ჰერაკლიტესთან ალნიშნავს მსოფლიოს კანონს, საგანთა საფუძველს, რომელიც ხსნის გამოცანას, ანუ ისაა აზრი, საზრისი სამყაროსი. ესაა გონებაც, სიმართლეც, ამავე დროს, აუცილებელი, საბედისნერო კანონი განსაზღვრავს სამყაროს მოძრაობას; იგი ყოვლისშემძლეა და ყველაფერს მართავს. ის ერთსა და იმავე დროს განხეთქილება და მშვიდობაა, ხოლო სამყარო უმაღლესი სიმართლეა, რომელიც ყველა საგანს აწესრიგებს. ყოველი გადახრა, ყოველი უკანონობა მის მიერ ისჯება. ეს ის კანონი ან წყობაა, არავის მიერ შექმნილი, რომელიც არის და იქნება ყოველთვის და განაპირობებს სამყაროს ცხოვრებას მის მდინარებაში. ამ ცეცხლოვან ლოგოსს ვერავინ დაემალება.

ამგვარად, ჰერაკლიტეს ლოგოსი, როგორც მსოფლიო წესრიგი (კოსმოსი) მეფობს სამყაროში და განსხეულდება მასში, ის, ბუნებრივია, თვით სამყაროს ბუნებასთან, მის სტიქიასთან — „მარად ცოცხალალთან“ იგივდება.

აზროვნების, მსოფლმხედველობის განვითარებასთან ერთად ლოგოსის ცნება სულ უფრო და უფრო განყენებული ხდებოდა.

სოფისტები უარყოფდნენ ყოველგვარ ობიექტურ ჭეშმარიტებას, როგორც თეორიულად, ისე პრაქტიკულად. სოფისტიკის დაძლევა ლოგიკით შეიძლებოდა.

სოკრატე მიუთითებდა, რომ ნორმა ან საწყისი თავად ლოგიკური აზრი, თავად ცნებაა. აქ მან დაინახა ობიექტური ცოდნის წყარო და კრიტერიუმები. სოკრატეს შემდეგ ლოგოსმა უმეტესად ცნების მნიშ-

ვნელობა მიიღო და მისი მიმდევარი მთელი ანტიკური იდეალიზმი ხასიათდება, როგორც ცნების ფილოსოფია.

არსებული იდეაა, ე.ი. შეცნობის ობიექტი — ამგვარია პლატონის სწავლება — სამყარო გრძნობიერი მოვლენაა, იდეის ანარეკლი. თავად აზრს არაფრის შეცნობა არ ძალუდს, აზრის გარდა. ყოველივე არსებული, რამდენადაც ის ჩვენ მიერ შეიმეცნება, განისაზღვრება, როგორც ობიექტური აზრი ან იდეა. ის, რაც განსხვავდება აზრის ან იდეისაგან, სრულიად შეუმეცნებელი და განუსაზღვრელი მატერიაა.

არისტოტელემ გარდაქმნა ეს სწავლება: მისთვის, პლატონის მსგავსად, ცნება ან ლოგოსი, რომლითაც განისაზღვრება ესა თუ ის საგანი, არის ჭეშმარიტი არსი ამ საგნისა, მისი ობიექტური ფორმა — მორფე, მაგრამ ნამდვილ არსს არ ძალუდს მის გარეშე ყოფნა, რისი არსიცაა. ლოგოსი არა მხოლოდ ფორმაა, გარეგნულად რომ განაპირობებს საგნებს, არამედ მათი შემქმნელი მიზეზი და, ამასთან, საბოლოო მიზანია, შინაგანად რომ განსაზღვრავს საგანთა გენეზისს, მათ ევოლუციასა და აგებულებას.

ამგვარად, არისტოტელეს მთელი სამყარო წარმოუდგება კანონზომიერად ერთიანად, რომელიც შემოქმედებითი აზრითაა გამსჭვალული. ლოგოსით, ცნებით განისაზღვრება ყველაფერი ის, რაც შემცნებადია სინამდვილეში — მისი ფორმა, მისი შემქმნელი მიზეზი, საბოლოო მიზანი. ამ შემოქმედებითი ძალის მიღმა რჩება ოდენ აბსოლუტურად განუსაზღვრელი საწყისი, რომელიც თითქოს შეცნობადი სინამდვილის მიღმა — ეს მატერიაა, განყენებული ყოველგვარი აზრისმიერი ფორმისაგან. დუალიზმი მისი ფილოსოფიისა, დამოკიდებულება მატერიალურ და იდეალურ საწყისს შორის, მიმართება ლოგოსსა და კონკრეტულ გრძნობიერ საგნებს შორის საბოლოოდ ვერ იხსნება.

სტოელებმა თავისებურად გადაჭრეს ეს წინააღმდეგობა და ორივე საწყისის ერთიანობა აღიარეს: იდეალური საწყისი, ფორმის განმსაზღვრელი, ან ცნება ნივთთა, მათი გენეზისი და საბოლოო მიზანი, და, ასევე თვით მატერიალური საწყისი. სტოელები ერთი ნაბიჯით წინავიდნენ: ლოგოსი რომ ყოფილიყო საგანთა არსის გამომხატველი,

მას უნდა მოეცვა თავის თავში მატერიაც. ამგვარად, ლოგოსი სტო-ელთა ფილოსოფიაში ყველაფერია: ღვთაება, ბუნება, გონება, სამყა-როს სტიქია. გრძნობასა და გონებას ერთი საერთო წყარო აქვს, სული ფიზიკური, სხეულებრივი ენერგია, მატერიალურო ბუნება კი — ცო-ცხალი, განსულიერებული სტიქია. როგორც არისტოტელესთან, ბუნე-ბა წარმოდგენილია კიბის ფორმით, მაგრამ ყველა ეს ფორმა, მეტად თუ ნაკლებად, უხეში ან ნაზი სხეულითაა შემოსილი: ყოველი ლოგოსი, განხორციელებული მატერიის უმდაბლეს ფორმებში, ცოცხალი და, ამავე დროს, მატერიალური თესლია. ბუნების კანონები გონიერი ღვთაებრივი კანონებია, ჭეშმარიტი აუცილებლობა პროვიდენციალუ-რია. სწავლება ლოგოსზე აქ პირველად იძენს რელიგიურ ელფერს, ხდება ზნეობრივ-საღვთისმეტყველო მოძღვრება საზრისზე, რომლის აღიარებით ფილოსოფიი უზავდება სიცოცხლესა და ბედისწერას.

სტოელთა მატერიალისტურმა პანლოგიზმმა უფრო გაართულა ანტიკური „ცნების ფილოსოფია“. ის გააკრიტიკეს ეპიკურეელებმა და სკეპტიკოსებმა, რომელთაც ძირი გამოუთხარეს სტიკური პანთეიზ-მის საფუძვლებს. ღმერთი, რომელიც მატერიალური სამყაროს იგივე-ობრივია, ღმერთი არ არის. ლოგოსი, გაიგივებული არაცნობიერ მა-ტერიასთან, არა ლოგოსი. სინამდვილე, როგორც ის არსებობს, არა იგივეობრივი ჩვენს ცნებებთან. ჭეშმარიტი ცოდნის კრიტერიუმი არც გრძნობებია და არც მსჯელობა. აქედან ერთი ნაბიჯი იყო რწმენის ფილოსოფიამდე.

ეს რელიგიური ფილოსოფია ძირითადად ალექსანდრიაში განვი-თარდა, სადაც დასავლური რელიგიური სწავლება აღმოსავლეთის რე-ლიგიურ იდეებს შეხვდა. რწმენის ფილოსოფია ჭეშმარიტ გნოზისს გამოცხადებაში ხედავდა. ფილონ ალექსანდრიელმა ბერძნული მსოფ-ლმხედველობის პოსტულატები მოსეს კანონებთან და ძველი აღთქმის გამოცხადებასთან გააერთიანა და ლოგოსის ცნება დაუქვემდებარა ერთიან, ზეგონიერ ღმერთს, ოდენ ექსტაზის გზით რომ შეიცნობა.

ლოგოსი ფილონთან არის: 1. თავად ღმერთის ძალა და გონება, მი-სი უშუალო ემანაცია; 2. სამყაროს იდეა; 3. შემოქმედებითი პირველ-

სახეების ერთობლიობა; 3. შემოქმედებითი ენერგია, რომელიც ქმნის და ანსულიერებს სამყაროს სტოლთა ლოგოსის მსგავსად.

სამყარო ქრისტეცნტრულია, თვლიან ქრისტიანები, ვინაიდან სიტყვა (ლოგოსი, ქრისტე) ღმერთია. იუდაიზმი და ქრისტიანობა ბიბლიას „ღვთის სიტყვად“, „ნმინდა წერილად“ თვლიან. ისლამის თანახმად, ყურანიც ღმერთის სიტყვაა, მუჰამედის მიერ გაცხადებული, ასევეა თორა და ფსალმუნთა წიგნიც.

სტოლთათვის სამყარო ცოცხალი ორგანიზმია, რომელსაც მართავს იმანენტური ღვთაებრივი კანონი — ლოგოსი. ადამიანური ბედისწერა ამ ლოგოსის პროექციაა, ამიტომ ბედს არ უნდა ედავო. სტოლთა თეოლოგიის ცენტრში ლოგოსია, ის განუყოფლად უკავშირდება მატერიას, გამსჭვალავს, ფორმას აძლევს მას და ამით ქმნის კოსმოსს. ყველგან გააზრებული წესრიგია, ღვთაებრივი ნების რეალიზაცია.

მათ დიდი გავლენა მოახდინეს ნეოპლატონიზმზე. ნეოპლატონიკოსები, რომელთაც სტოიციზმის თეორია განავითარეს, ლოგოსს აღწერენ, როგორც ემანაციას გონებით მისაწვდომი სამყაროსას, რომელიც ქმნის გრძნობიერ სამყაროს. მსოფლიო პირველსაწყისი იგივეობრივია ადამიანის შინაგან მე-სთან.

ლოგოსის კონცეპტი დაოს მსგავსიცაა. დაო — ბუნება, ობიექტური სამყარო, გზა, ასევე, საგანთა და მოვლენათა არსია. დაო ისაა, რაც საგნებს ამოძრავებს, მისი გზა გამოუცნობას.

ვაჟა-ფშაველა კარგად იცნობდა სხვადასხვა ეპოქის ცნობილ ფილოსოფოსთა მემკვიდრეობას. ამას მემუარული ლიტერატურაც მოწმობს. ალ. სალარიძის ცნობით, ვაჟამ შეისწავლა ჰერაკლიტე, სოკრატე, პლატონი, ეპიკურე, ბეკონი, კანტი და სხვ. აკაკი პაპავა მის ნიც-შესთან მიმართებაზეც წერდა. თავად გრიგოლ რობაქიძე, რომელიც 1908 წელს ვალერიან გუნიასთან, უურნალ „ნიშადურის“ რედაქციაში, შეხვედრია პოეტს, აღიარებს მის ფილოსოფიურ განსწავლულობას.

მეოცე საუკუნის ლიტერატურათმცოდნები ვაჟა-ფშაველას მსოფლგანცდის ჭეშმარიტი არსის წარმოჩენას კონიუნქტურის გამოხშირად გვერდს უვლიდნენ, ზოგჯერ ცნებათა და ტერმინთა აღრევაც ხდებოდა. რამდენიმე ცნობილი მკვლევარი გვსურს გვიხსენოთ.

დიმიტრი ბენაშვილი წერს: „ბუნების კანონებზე დაყრდნობამ ვაჟა, წინააღმდეგ მინდიასი, მიიყვანა დასკვნამდე, რომ ბუნების განუსაზღვრელ სამეფოში და ადამიანთა ცხოვრებაში მოქმედებს ერთი კანონი, რომელსაც მატერიის მოძრაობის დიდი კანონი ეწოდება. ჩვენი ცხოვრება სრული გამოხატულებაა ბუნებისა. ყველაფერი, რაც ხდება – მუდმივი ნგრევა და მუდმივი შენება — არის თანამგზავრი მატერიის მუდმივი მოძრაობის კანონისა“ (ბენაშვილი 1961: 489). ამასთან, მკვლევარი იძულებულია, ვაჟა-ფშაველას ათეიისტობა ამტკიცოს.

შესანიშნავი ნაშრომია სერგი დანელიას „ვაჟა-ფშაველა და ქართველი ერი“, სადაც ვკითხულობთ: „ვაჟა ბუნებაში სიცოცხლის გამოვლინებას ხედავს. ყველაფერი, რაც არის, სიცოცხლისაგან არის შემდგარი. აბსოლუტური რეალობა მხოლოდ სიცოცხლეს ეკუთვნის. სიკვდილი მხოლოდ სახის გამოცვლაა, ყოველი საგანი ცოცხალია. მთაც კი. ფესვებიც კი. ცოცხალია ცხოველები, დედამიწაც ცოცხალია, მას ჰყავს შვილები, ემუსაიფება კიდეც, მზე, მთვარე, ვარსკვლავები ცოცხლები არიან. ერთი სიტყვით, მთელი სამყარო ცოცხალია, ის მთლად სიცოცხლისაგან არის მოქსოვილი. სიკვდილი მოჩვენებითია“ (დანელია 1998: 20) ამავე დროს, გამოჩენილი ფილოსოფოსი დიდ ადგილს უთმობს ვაჟა-ფშაველას წარმართობის მტკიცებას.

ლეილა თეთრუაშვილი ერთმანეთს ადარებს ვაჟა-ფშაველასა და გოეთეს იდეურ-მსოფლმხედველობით მიმართებას და შენიშნავს, რომ ორივე შემოქმედის პოეტური სამყაროდან უზარმაზარი სასიცოცხლო ენერგია იღვრება. ამ ვიტალურ პოტენციას გამოხატავს გასაოცარი პოეტური ხილვები, რომლებიც მიკროკოსმოსის „სულის“ ულრმეს შრეებს გვაზიარებს. „ორივე შემოქმედისათვის სამყარო აღქმულია ერთიან, ცოცხალ, „დამოუკიდებელი ღირებულების მქონე“ დემიურგის სწორფერ ფენომენად, როგორც „რამედ“, ისევე „ვინმედ“. ორივე გენიოსისათვის სამყაროში მოქმედებს და მის „მომწესრიგებლად“ ვლინდება მარადიული ნგრევა-შენება, „თეთრი და შავი საქმე, „დაპირისპირება და ზეალსვლა“. რაც საფუძვლად ედება კოსმიური „მთელის“ უკვდავებას, მის თავბრუდამხვევ ფერადოვნებასა და ცხოველმყოფელ სიჭრელეს“ (თეთრუაშვილი 1982: 4).

ვფიქრობთ, დასახელებულ ნაშრომებში მკაფიოდ იკვეთება ლოგოსის კონცეპტის მახასიათებლები, თუმცა მათში ის პირდაპირ არაა ნახსენები.

ვაჟა-ფშაველას მსოფლმხედველობასა და მხატვრულ მეთოდზე არსებულ აზრთა სხვადასხვაობას თამარ შარაბიძე მწერლის მიერ ბუნების თავისებურ განცდასა და ამ განცდის სიტყვიერ გამოხატვას უკავშირებს. აგრეთვე, იმას, რომ „მწერლის მიერ შემოქმედებითად გარდაქმნილ-გადამუშავებული მითოლოგიურ ფოლკლორული მასალა და მწერლის იდეურ-ესთეტიკური სამყარო არ იქნა ერთმანეთისაგან განსხვავებული“ (შარაბიძე 2005: 7). გრ. კიკაძე კი თვლის, რომ კრიტიკოსთა შეცდომის სათავე ვაჟას მეტყველების ფორმისა და თვალ-საზრისის გაიგივებაში მდგომარეობდა.

ვაჟა-ფშაველას მსოფლგანცდის ჭეშმარიტ ფესვებთან მიახლების დასტურია თ. შარაბიძის წიგნი „ქრისტიანული მოტივები ვაჟა-ფშაველას შემოქმედებაში“, სადაც მართებული დასკვნაა: „ფოლკლორი და მითოსი მასალაა ვაჟას მხატვრული აზროვნებისათვის, ხოლო ქრისტიანობა მისი მსოფლმხედველობაა“ (შარაბიძე 2005: 92).

ლოგოსის კონცეპტი ერთ-ერთი ცენტრალურია ქრისტიანობისათვის. ამას ითანეს სახარების დასაწყისიც მოწმობს. ჩვენი დაკვირვებით, ვაჟა-ფშაველა ახლოა ლოგოსის როგორც ანტიკურ, ისე ქრისტიანულ გაგებასთან. ვაჟას მრავალნახნაგოვანი და ურთულესი მსოფლალქმის ერთ-ერთი გასაღები ამ კონცეპტის გააზრებაცაა, როგორც ამაზე ჯერ კიდევ 1909 წელს გრიგოლ რობაქიძემ მიუთითა.

**დამოწმებანი:**

- ბენაშვილი 1961:** ბენაშვილი დ. ვაჟა-ფშაველა – შემოქმედი და მოაზროვნე.  
თბ. „საბჭოთა მწერალი“, 1961.
- ბროკაუზ-ეფრონი 1908:** ბროკაუზ-ეფრონი. ენციკლოპედიური ლექსიკონი.  
ტ. 17, მოსკოვი-პეტერბურგი: 1908. რუსულ ენაზე.
- დანელია 1998:** დანელია ს. ვაჟა-ფშაველა და ქართველი ერო. თბ.:  
„ქრონიკაფი“, 1998.
- ევგენიძე 2009:** ევგენიძე ი. ნარკვევები ქართული ლიტერატურის ისტორი-  
იდან. ნ. 3. თბ.: 2009.
- კიქაძე 1966:** კიქაძე გრ. ვაჟას ფენომენი. — ვაჟა-ფშაველასადმი მიძღ-  
ვნილი საიუბილეო კრებული. თბ.: თსუ გამომცემლობა, 2009.
- თეთრუაშვილი 1982:** თეთრუაშვილი ლ. ვაჟა-ფშაველასა და გოეთეს იდეურ-  
მსოფლმხედველობრივი ურთიერთობისათვის. თბ.: მეცნიერება“, 1982.
- რატიანი 2005:** რატიანი ი. ფენომენოლოგიური კრიტიკა. — ლიტერატურის  
თეორია. თბ.: ლიტერატურის ინსტიტუტის გამომცემლობა, 2008.
- რობაქიძე 1989:** რობაქიძე გრ. ოსვალდ შპენგლერ (პუბლიკაცია მოამზადა ა.  
ჩხივიშვილმა). — ჟ. „საბჭოთა ხელოვნება“, № 1, 1989.
- რობაქიძე 2005:** რობაქიძე გრ. ვაჟა-ფშაველა. — ქართველი მწერლები ვაჟა-  
ფშაველას შესახებ (მემდგენლები: ი. ევგენიძე და ლ. მინაშვილი). თბ.: 2005.
- შარაბიძე 2005:** შარაბიძე თ. ქრისტიანული მოტივები ვაჟა-ფშაველას  
შემოქმედებაში. თბ.: 2005.
- ჩხენელი 2009:** ჩხენელი თ. ტრაგიკული ნილბები. თბ.: მემკვიდრეობა“, 2009.

**ვაჟას „სულეთი“, როგორც ცირკულარული  
დროის ტოპოსი**

ცნობილია, რომ კლასიკოსი მეტაფორაა, რომელიც სხვადასხვა საუკუნეში სხვადასხვანაირად ვლინდება. ვაჟას პოეტურ მემკვიდრეობასთან მიმართებით ჩვენ ლამის იყო დავარღვიეთ ეს კანონზომიერება. მიზეზებზე მე-20 საუკუნის ოციანი წლების თბილისში სტუმრად მყოფმა და მაშინდელი ჩვენი კულტურული ორიენტაციისადმი არც თუ ისე კეთილგანწყობილმა ოსიპ მანდელშტამმა ასე მიგვანიშნა: „(ვაჟა) სიტყვის ნამდვილი ქარიშხალია, რომელმაც ხეები ფესვებიანად ამოთხარა და ისე გადაიტანა იგი ახალგაზრდა ქართულმა პოეზიამ და ახლა არც იცის, რა უყოს მის დანატოვარს“ (მანდელშტამი 1922: 59). ამ სიტყვების ავტორს მხედველობიდან თითქოს მცირე დეტალი გამორჩა — ვაჟას ფენომენი მის გულისყურამდე სწორედ ახალგაზრდა ქართული პოეზიის ნარმომადგენლებმა მიიტანეს, რომელთა შორის უპირველესი, ცხადია, გრ. რობაქიძე იყო. 1908 წელს „ნიშადურის“ რედაქციაში ხანმოკლე შეხვედრისას რობაქიძე ვაჟას „ურმენშურ“ (ურმენშ — გერმ. პირვანდელი) გამოხედვასა და ფილოსოფიის, კერძოდ, ჰეგელის „ლოგიკის“ პრობლემატური საკითხებისადმი, ინტერესს აღმოაჩენს. ხუთი ათეული წლის შემდეგ სიმონ ჩიქოვანი, რომელიც გრ. რობაქიძისაგან განსხვავებით, როგორც თვითონ აღნიშნავს, „ქართულ მწერლობაში სრულიად სხვა კარიდან შემოვიდა“, ყურადღებას კვლავ ვაჟას აზროვნების მასშტაბურობაზე გაამახვილებს და მას, რუსთაველისა და ბარათაშვილის მსგავსად, „ფილოსოფიური მიდრეკილების მწერალს“ უწოდებს (ჩიქოვანი 1963: 275).

ვაჟას სამყაროსადმი დამოკიდებულება, სამყაროს სტრუქტურის მისეული ხედვა, მართლაც, სერიოზული კვლევის საგანია და იგი კულტურის მრავალ ფენომენთა (ენის, ისტორიული წარსულის, ზნე-ჩვე-

ულებების, მითოლოგიური წარმოდგენებისა თუ თქმულებების) ღრმად ორიგინალურ გადააზრებას ეფუძნება. განსაკუთრებულად ღირებული კი ისაა, რომ „ვაჟას პოეტური კოსმოგონიის რთული და ლოგიკური სისტემა“ ევროპული დეკადანის კონტექსტში იქმნებოდა და გენიოსისათვის დამახასიათებელი შეღწევადობით ამკვიდრებდა „ჭეშმარიტების, მშვენიერების, სოციალური ჰარმონიის, სიყვარულის, სიკეთის, ბედნიერებისა და თავისუფლების“ რწმენას. სწორედ ამიტომ „ფაუსტური პარადიგმების“ ავტორი, მიხეილ კვესელავა, ვაჟას პუმანისტური, ფაუსტური იდეების რეინტეგრატორს უწოდებს (კვესელავა 1961: 96). ვაჟას მიერ სამყაროს შეცნობა ბუნებასთან კონტაქტით იწყება. ბუნების უნიკალური წიგნის კითხვა იქცევა იმ უმნიშვნელოვანეს პროცესად, რომლის დროსაც ბუნებისავე მთლიანობის შეცნობა, მისი ღვთაებასთან შეთანადება და დიდი „თვალდამშეულობით“ მიღწეული განჯვრეტის საფუძველზე სამყაროსთან დამოკიდებულების ვაჟასეული კონცეფცია ყალიბდება: „ბუნება მბრძანებელია, იგივ მონაა თავისა“. ეს გარემოს, იგივე „ყოვლადობის“, არა მხოლოდ ესთეტიკური, არამედ მსოფლმხედველობრივი აღქმის შედეგად შეძენილი ცოდნაა, რომელიც სამყაროს მთლიანობის იმ ღვთაებრივი სიბრძნიდან იღებს სათავეს („...დიდება ქვეყნის შემოქმედს, რა კარგად დაუწერია...“), რომლის მიხედვით ყოველივე მარადიული განახლების, მარადიული წრებრუნვის, იმავე კოსმიური მთლიანობის პრინციპითაა ამოქმედებული (გოეთეს მსგავსადო, მიგვითითებს „ფაუსტური პარადიგმების“ ავტორი, „ყოველგვარი არსებობა მთლიანობის ფარგლებში მოქმედებს. მთლიანობა კი სხვა არაფერია, თუ არა თვითონ ბუნება, როგორც აბსოლუტურობა, რომლის გარეშე არავითარი არსებობა არ შეიძლება იყოს“ — კვესელავა 1961: 101). ამ პრინციპის ქვაკუთხედი ბოროტისა და კეთილის, როგორც დაპირისპირებულ ძალთა დიალექტიკური ერთიანობის, მათ შორის გამართული მარადიული ბრძოლის აუცილებლობაა: „მტვირთველი არი საქმის თეთრის და შავისა, საცაპირიმზეს ახარებს, იქვე მთხრელია ზვავისა“. გ. ქიქოძეც სწორედ ამ ერთიანობაზე მიგვანიშნებს, როდესაც წერს: ...ეს ბრძოლა სიკეთესა და ბოროტებას შორის კოსმოსური ხასიათისააო. კ. გამსახურდიას მი-

ერ თავის დროზე დეკლარირებული იმ დაკვირვების კვალდაკვალ, რომლის მიხედვითაც „ვაჟა თავისი მსოფლიო გაგებით გოეთეს მსოფლმხედველობას უახლოვდება“ (გამსახურდია, 1959: 173), გერმანისტ ლ. თეთრუაშვილის მონოგრაფიაშიც (თეთრუაშვილი 1982: 6) ვპოულობთ, იმავე გოეთესა და ვაჟას იდეურ-მსოფლმხედველობრივ დამთხვევათა საფუძველზე, ბუნების ორსახოვნების მოჩვენებითი ხასიათის დამადასტურებელ არგუმენტებს: ერთი მხრივაა, გოეთეს „თაურფენომენისა“ და „ერთია ყოველის“ (გერმ.Einheit des Alles; hen kai pan) რწმენა; მეორე მხრივ, ვაჟას მიერ უწყვეტ, მუდმივმოქმედ კანონზომიერებებს, მარადიულ წრებრუნვას დამორჩილებული ბუნების ციკლური მონაცვლეობა, რომელიც, როგორც ს. დანელია იტყოდა, „ვაიმარელი ბრძენის მსგავსად ჩარგლელ გენიოსშიც“ (დანელია 2008: 25).<sup>\*</sup> ბუნების კეთილ და ბოროტ საქმეებთან თანაბარი დამოკიდებულების უნარს“ ავლენს. ეს უნარი კი „იმავე ბუნების მაორგანიზებელი და განმსაზღვრელი ძალითაა განპირობებული. გოეთესთანაც ბუნებისა და ღვთაების დამთხვევა მათი იდენტობის შემოქმედებითი ტრანსფორმაციით მიიღწევა..., ანუ იკვეთება, რომ ღმერთი სამყაროს გარსია, ჩარჩოა, რომლის „შინაარსობრივი ფაქტორი ბუნებაა“. ამ უკანასკნელის პროპორციულობის, ბალანსირების დიად ნიჭს, ვაჟას აზრით, ადამიანმა, შესაბამისად კი საზოგადოებამაც, უნდა მიბაძოს (თეთრუაშვილი 1982: 46). საგულისხმოა, რომ გ. ასათიანი ბარათაშვილის „სულის ამბოხის“ იდეის ანალიზისას, მიუთითებდა, რომ თუ „მერანის“ ავტორი ხსნას ბედის სამძღვრის გადალახვაში, ე. ი. ტრასცენდენტურ სამყაროში ხედავს, ვაჟა მისგან განსხვავებით, ჰარმონიის მიღწევის შესაძლებლობად ბუნების ობიექტურ კანონზომიერებათა აქტიურ შეცნობასა და მისი წესრიგისადმი ერთგულებას მიიჩნევს. იგივე დამოკიდებულება მუდავნდება ხელოვნებისადმი, რომლის უმაღლეს

---

\* ს. დანელია იქვე შენიშნავს: „გოეთე ვაიმარში ცხოვრობდა და აღმოსავლეთის ქვეყნებში ის მხოლოდ ოცნებით მოგზაურობდა, ვაჟმ კი თავისი სიცოცხლე აღმოსავლეთის კარებთან გაატარა. გოეთე გერმანიის გენიოსია, ვაჟა საქართველოს გენიოსია. ოღონდ ჩვენ უმნიშვნელო ხალხი ვართ ჯერ და ჩვენს გენიოს მსოფლიო არ იცნობს“.

ამოცანად აღიარებულია ზომიერების განცდა, ის, რომ მხატვარმა „ბუნების კანონს არ უმტყუნოს“, „წრეს არ გადავიდეს“ (ასათიანი 1982: 118). თავის მხრივ, აქედან (ურთიერთმშრანებლობის, ურთიერთმონობის პრინციპიდან) იღებს სათავეს ბუნების მიბაძვით „ადამიანის მიერ საკუთარი თავის დამდაბლებით მიღწეული სიმაღლე“, ვაჟა-სეული ადამიანურობის კონცეპტი, რომელიც მის მსოფლმხედველობრივ არჩევანს გამოხატავს და რომელიც საგანგებოდ გაანალიზა მ. კვაჭანტირაძემ წერილში „ადამიანის კონცეპტი ვაჟა-ფშაველასა და რედიარდ კიბლინგის პოეტურ შემოქმედებაში“ (კვაჭანტირაძე 2011)

ერთ-ერთმა საუკეთესო ვაჟალოგმა თამაზ ჩხენკელმა ვაჟას ფილოსოფიური თვალთახედვის თანმიმდევრობა, სიღრმე და ორიგინალობა, უპირველეს ყოვლისა, მის მიერ მითოლოგიური და ფშავ-ხევსურული ფოლკლორული მასალის ათვისების ხარისხს დაუკავშირა. ბუნებრივია, კეთილისა და ბოროტის ამბივალენტურობა, მათ შორის ბრძოლის თავისთავად უნივერსალური კანონი სათანადოდ მთის ხალხის წარმოდგენებშიც აისახა. ვაჟამ ამ წარმოდგენების ფილოსოფიური და მხატვრულ-ესთეტიკური გააზრება მოახდინა, ანუ, თუ ისევ თ. ჩხენკელს დავესესხებით, აღნიშნული მასალა „გამოიყენა“ იმიტომ, რომ მისი „დაძლევა“ შეძლო (ჩხენკელი 1989: 221) ანუ, როგორც ა. განერელია აღნიშნავდა, „ფოლკლორული მასალა ინერტული მდგომარეობიდან გამოიყვანაო“ (განერელია 1965: 172). ნაკლებად ცნობილ პოემაში „კოპალა“ (და, ცხადია, სხვაგანაც) თ. ჩხენკელმა მითოლოგიური წარმოდგენებით ნასაზრდოები სამგანზომილებიანი სამყაროს სურათი დაინახა, ზესკნელის, ქვეყნისა და ქვესკნელის სახით, თანაც ისე, რომ მათი სიმბოლურ-მეტაფორული შესატყვისებიც წარმოგვიდგინა; „პოემაში განხმული სამი სკნელი — ზეცა, ქვეყანა და ქვესკნელი — კაცობრიული ცხოვრების სამ ელემენტს — ღმერთს, ადამიანსა და დიაბოლურ ძალებს გულისხმობს“. ამგვარი სივრცობრივი დასაზღვრის თვით პრინციპში პროეცირდება ვაჟასეული სამყაროს პარმნიულობის, ამასთან კი სოციალური პარმონიის სისტემა, რომლის მიხედვით, ადამიანი-კაცობრიობა, ერთი მხრივ, ღმერთი-ღვთისშვილების, იგივე ღვთაებრივი ძალების, ხოლო, მეორე მხრივ, ეშმაური ელე-

მენტების ანუ დევური ძალების მარადიული დაპირისპირებით ხასიათდება. ადამიანმა, რომელიც ერთ-ერთი უმნიშვნელოვანესი რგოლია ამ უწყვეტ ჯაჭვში, დედამიწაზე „ღვთაებრივი ბაძვის“ განმახორციელებლის, მისი ერთგვარი მოდერატორის როლი უნდა შეასრულოს, რისთვისაც გაგება-განჭვრეტასთან ერთად დიადი მოთმინებითაც (სწორედ ამგვარ მოთმინებას და არა მორჩილებას, მით უფრო გულგრილობას ან განურჩევლობას სწავლობს ვაჟა მთებისგან) უნდა აღიჭურვოს. საბოლოო და სანუკარი მიზანი კი ხომ სწორედ კაცობრიობის მტრების, დევების, სწრაფვის საწინააღმდეგოდ, ღვთისშვილთა მოძმეობა, ფშაური „დიდების“ თანახმად კი, მათი „მოდე-მოძმეობა და სტუმარ-მასპინძლობაა“ (ჩხერელი 1969: 77). გავიხსენოთ, ჯოყოლა და ზვიადაური ამ პრინციპით უკავშირდებიან ერთმანეთს და მათი ერთიანობის ხელყოფა ავტორის მიერ დესტრუქციულობის საშიშ გამოვლინებად, უზენაესი წესრიგის ხელყოფად აღიქმება.

სრულიად აშკარაა, რომ ვაჟას განსაკუთრებული „ვიზიონები და ინფერნალური ხილვები“, რომელთა გამოც გ. ქიქოძე მის რეალისტობას სერიოზული ეჭვის ქვეშ აყენებდა („მას არ შეეძლო დაწვრილებით რაიმე მოვლენის აღწერა, ან ყოველმხრივ რაიმე საგნის დახატვა, იმიტომ რომ ცხოველი და თავშეუკავებელი ფანტაზია სტანჯავდა“ — ქიქოძე 1928: 10), მკვლევართაგან ახალი მიგნებების, ახალი აზრობრივი შრეების გახსნას ითხოვდა და ითხოვს. ამ მხრივ ქართულ ლიტერატურისმცოდნებაში არაერთი მნიშვნელოვანი მოსაზრებაა გამოთქმული (გრ. რობაქიძე, ტ. ტაბიძე, გ. ქიქოძე, მ. კვესელავა, ს. ჩიქოვანი, ა. განერელია, რ. თვარაძე, გ. ასათიანი, გრ. კიკაძე და სხვ), რომელთა დიდი ნაწილი „შავეთ-სულეთის“ პოეტიკურ ახსნასაც ეძღვნება. სრულიად ლოგიკურად ამ უჩვეულო და აბსოლუტურად ზედროული სივრცის არსებობა ვაჟასეული ემპირიული და მეტაფიზიკური გამოცდილების სინთეზირების შედეგადაა მიჩნეული. სწორედ „შავეთის“ აქცენტირებით (ს. მაკალათია, როგორც ვიცით, ასე განმარტავს ამ ცნებას: „ცშაველების წარმოდგენით საიქიო ქვეყნის შუაგულშია და მას „შავეთს“ ეძახიან. შუაზე ხევი ჩამოუდის თურმე და შიგ ცეცხლმოდებული კუპრის მდინარე მოდის. მდინარეზე ბენვის ხიდია გადებული და

ხიდზე მართალი უვნებლად გადის, ცოდვილი კი ვარდება და კუპრში იწვის. საიქიოში კაცის მადლი არ იკარგება და იქ ყველაფერი ზომითა და წონით არის“ — მაკალათია 1934: 157) ნარმოდგენები ბუნების, მიწისა და ცა-მყარის შესახებ ვაჟას მიერ იმდენადაა გაფართოებული და რეორგანიზებული (ამასთან კი მატერიალიზებულიც, რასაც მანდელ-შტამი „განსაცვიფრებელ საგნობრიობას“ უწოდებდა), რომ მთელ რიგ ლექს-სიმღერებსა და პოემებში გამოკვეთილი მხატვრული ამოცანის გადაწყვეტის უნივერსალურ საშუალებად აღიქმება. თუმცა ამ შემთხვევაში მხოლოდ საკითხის ამ მხარის აქცენტირება ბოლომდე ზუსტი არ იქნებოდა, რადგან „სულეთი“ არა საგანგებო ვითარებისთვის შესაფერის მარადიულ, ამქვეყნიური ვწებებისგან დაცლილ, „ჩვენგან“ სამუდამოდ გამიჯნულ სულთა სადგურად, არამედ ფშაველი კაცის ეგზისტენციალური არსის ერთ-ერთ უმთავრეს, მეტიც, ორგანულ კომპონენტად, მისი „მყოფობის“ უცილობელ ელემენტადაა აღქმული. ამიტომაც ასე გამოეთქმის ვაჟას თავისი გულწრფელი დაფიცება დედის წინაშე: „...თუ გილალატო, დედაო, / ნუ დავიმარხო მთაშია, / ნუ დასდვან ვაჟის ფშავლისა / ხმალი სატირლის თავშია. / ნუ დამიტიროს ქალ-რძალმა / საკაცეზედა კარშია; შავეთ ში გამგზავრებადა, აქ სახეზეა არა მარტო ხალხური წარმოდგენებით, არამედ ქრისტიანობის გავლენით კავკასიელთა ცნობიერებაში დამკვიდრებულ შეხედულებათა გამოძახილი სამოთხისა და ჯოჯოხეთის შესახებ, რომელსაც აძლიერებს სასწაულმოქმედი ცხოველების (ვთქვათ, ცხენის), სხვაგან კი არწივის, უცხო ფრინველის (იგი ვაჟას განმარტებით არც არწივს ჰერაკლეს და არც ქორს, იხ. „მოფრინდა უცხო ფრინველი“) ან სამყაროს ხის შთამბეჭდავი სახეები. ეს თავისთავად. თუმცა არანაკლებ მნიშვნელოვანია თვით „სამზეოდან უჩინში და უჩინიდან სამზეოში“ ვაჟას მაგიური ცნობიერებით განპირობებული გადაადგილების ფანტასტიკური უნარი. ამ გადაადგილების საუკეთესო საშუალებად კი სიზმართან ერთად („სიზმარი სასოწარკვეთილისა“, ალუდას სიზმარი) ხილვაზმანება მოჩანს („დაუსრულებელი კვნესა“, „ძვალები“, „ზმანება“). ის, რომ ამ განზომილებაში დრო შეგნებულად აღრეულია (ა. განერელია,

თ. ჩხენკელი), გამოწვეულია არა მარტო დროთა კავშირის, წარსულის, ანმყოსა და მომავლის ერთიანობის, მათი ურთიერთგანპირობებულობის შეგრძნებით, არამედ იმ რეალობისადმი კრიტიკული დამოკიდებულებითაც, რომელშიც ვაჟას უხდებოდა ცხოვრება: „...გულზე მჭირს სამი იარა: / წარსულზე ფიქრი მანუხებს, / ანმყოში არა ყრია – რა / და მომავალის ფიქრებიც / არავინ გამიმზიანა!“ ან კიდევ: „არა თქვენ სადიაცენო, რო ძროხებივით სძლებითა“ და სხვ.

აქედან გამომდინარე ვაჟას საიქიო — შავეთი — სულეთი არა მატერიაში დანთქმის, მასში განზავების, გაქრობის (ეს მარადიული წრებრუნვის, მარადიული განახლების პრინციპის დარღვევაც იქნებოდა), არამედ მხოლოდ ფერისცვალებისა (შდრ. ქართ. „გარდაცვალება“) და, რაც მთავარია, ჩადენილი ცოდვა-მადლის მიუკერძოებელი „აწონვის“ ადგილიცაა: „...ვაი, რომ საიქიოსაც / განება დამიხვდებაო! / აქ ჩემი უქმად ცხოვრება / იქ თვალწინ დამიდგებაო...“ სულის უკვდავების იდეაზე დაყრდნობით ვაჟას მტკიცედ სჯერა, რომ ღვაწლმოსილი, „პიროფლიანი“ გმირები (რომელთაც იგი ხშირად „ლამაზებსაც“ უწოდებს) ბუნება-ღვთაების იდენტობის ნებელობით კი არ იკარგებიან, არამედ სწორედ „შავეთში“ ტრანსფორმირებულნი „ინახებიან“: „...მწამს, ფერფლნი კარგის გულისა, / ქარმ რო გაფანტოს ხმელადა, / თვითოში მაინც ენთება, / ტიალ-სურვილი ცხელადა.. / კარგ გულს არა ჰკლავს ბუნება, / თან დააქვს ძველის-ძველადა!..“ იქ არა მარტო მიდიან, არამედ იქედან გარდაუვალი გამთლიანების მოლოდინში მუდმივად გვაკვირდებიან, „საფლავებზე მავალთა ხმებს“ უსმენენ, ჩვენივე „გარჯის“ ადეკვატური წყლულებით გვაფასებენ, გვეგებებიან, მფარველობას გვიცხადებენ და ა. შ. იქნებ ამიტომაც ვაჟასთვის სამართლიანობის (ისევ იმავე სოციალური პარმონიობასთან ერთად) აღდგენის შესაძლებლობა არა მხოლოდ ყოველდღიურ ცხოვრებაში გამუღავნებულ შემართებას, „კაი ყმათა“ „ზნეობრივ თვალახელილობას“, არამედ მიღმური სამყაროდან მკვდრების (იმავე „კაი ყმების“, ბრძოლით ნაწილობი გვირგვინოსანი მეფეების თუ ტანჯული თანამოკალმეების) აღდგომას, „სულეთის“ შეშველებასაც უკავშირდება („კიდევაც ვნახავ გაზაფხულს“). სხვა გამოსავალი თითქოს არც ჩანს. ისტორიული კონ-

ტექსტიდან ამოვარდნილ ვაჟას თანამედროვე საქართველოში კულ-ტურულ პარადიგმათა ცვლილება, გ. ქიქოძის ზუსტი შენიშვნით კი, „სოვდაგრის მიერ რაინდის დამარცხება“, თითქმის ფორმალურად განხორციელდა, ოღონდ კი ისე, რომ „მოხერხდა“ ქართველთა პიროვნული მთლიანობის საგრძნობლად შელახვა (ამ თვალსაზრისით საინტერესო ჩანს ვაჟას ლირიკაში გამოკვეთილი ხმლისა და შამფურის ანტიონმია). მიუხედავად ამისა, მარადიული წრებრუნვის მოთაყვანე ვაჟას, „კარგი გულის“ უკვდავების მოიმედეს, არ სურს ერის ვითოშ სიჭაბუკის, სიმწიფისა და ხანდაზმულობის შემდეგ მისი გაქრობის, კვდომის (ივ. ჯაბადარი, ლ. ფრობენიუსი) მაშინაც და მოგვიანებითაც გავრცელებული იდეების გაზიარება. ამის მიზეზი ვაჟას მიერ მხატვრულად რეალიზებული და ნიცშეს „მარადიული დაბრუნების“ იდეით პროვოცირებული „ისტორიზმის“ გააზრების პრინციპია, რომლის თეორიულ დასაბუთებას ვხედავთ უკვე გრ. რობაქიძის ესეში „ოსვალდ შპენგლერ“. ისტორიის „სწორხაზოვანი“ განვითარების კონცეფციის უარყოფა (სხვათა შორის, ისევე როგორც ნიცშეს სამყაროს დესაკალიზაციისათვის გამიზნული ინტერპრეტაციებისა, რომლის კრიტიკა რობაქიძის გერმანულენოვან ფილოსოფიურ ესეში „პირველშიში და მითოსია“ გადმოცემული),<sup>\*</sup> რომელიც შპენგლერმა მე-19 საუკუნის ისტორიულ მეცნიერებათა სხვა ძირითადი პოსტულატების, ევროპო-ცენტრიზმისა და პანლოგიზმის, პარალელურად განავითარა, გრ. რობაქიძემ მყარი არგუმენტაცია დაუპირისპირა: „შპენგლერის ათვისებით ისტორიაში არ არის ლოგოსი. ვლენა მოვლენის და მეტი არაფერი. ეს შეხედულება თავისთავად მცდარია. თუ ლოგოსი არ არის, მაშინ არ არის თვით ისტორიაც. ისტორია არ არის უბრალო ცვლა. იგი ვითარებაა. ვითარებაში კი აუცილებელია საზრისი“ (რობაქიძე 1923: 2). სხვა სიტყვებით, დასავლეთის კულტურ-ფილოსოფიური აზროვნების მიერ „ლოგოსს მოკლებულ“, „ნმინდა წყლის სტრუქტურად“, „ცარიელ კარკასად“ განხილული „ისტორიზმი“ რობაქიძისთვის „ონტო-

---

\* იხ. ამის შესახებ კ. ბრეგაძე — „ნიცშეს მარადიული დაბრუნების იდეის კრიტიკა გრიგოლ რობაქიძესთან“. — ლიტ. ძეგბანი, 2011.

ლოგიურ რეალობად“ იქნა გამოცხადებული. ამ მოსაზრების საფუძვლად, ცხადია, რობაქიძის მიერვე მიგნებული ვაჟასეული „საქართველოს სულის სხეულებრივი განცდა“ იქცა (საგულისხმოა, რომ იქმნება შთაბეჭდილება, თითქოს თავის კრიტიკულ დამოკიდებულებას ნიცშეს მიმართ რობაქიძე სწორედ ვაჟას მსოფლმხედველობით კონცეფციაზე დაყრდნობით ავითარებს). თ. ჩხერიმელიც გვიდასტურებს: „ვაჟასთვის ერი უკვდავი ფენომენია. იგი შეიძლება შეთხელდეს, შემცირდეს ან დაკინძღეს, მაგრამ მის უღრმეს არსებაში ხელშეუხლებლად არის შენახული თავდაპირველი დვრიტა ანუ მოდელი, განახლებისა და აღდგომის დაუთრგუნველი პოტენცია“ (ჩხერიმელი, 1989: 227). მართალია, უკიდურესი სულიერი და მატერიალური შეჭირვების დროს ვაჟას რეალისტური აღქმა განსაკუთრებით უძლიერდება და შავეთ-სულეთის ხატიც თითქოს ხუნდება: „გადავისროლე ჩონგური, / ცრემლით მევსება თვალები, / ნეტავ რისათვის მახათრებს/ იმ მამა-პაპათ ძვალები?! / ან იმათ მოგონებაზე / რად ვხდები შასაწყალები?!“, მაგრამ ეს წუთიერი ადამიანური სისუსტეა. შთაგონება მას მალევე უბრუნდება, ე. ი. კვლავ გრძელდება დროითა და სივრცით დაუსაზღვრავი მოგზაურობა აწმყოს გავლით წარსულიდან მომავლისაკენ და პირუკუ. სწორედ ესაა ვაჟას მიერ „შავეთის“ ის „ცოცხლად მზერა“, რომელიც არა მარტო ქართული, არამედ მსოფლიო ლიტერატურის უნიკალური მოვლენაა.

**დამოწმებანი:**

- მანდელშტამი 1922:** MandelStam O. *Кое что о грузинском искусстве.* — избрание в двух томах, т. 2, 1922.
- კვესელავა 1961:** კვესელავა მ. ფაუსტური პარადიგმები. ტ. 2. თბ.: 1961.
- გამსახურდია 1959:** გამსახურდია კ. ვაჟა-ფშაველა. — რჩეული თხზულებანი. ტ. 2. თბ.: 1959.
- ჩიქოვანი 1963:** ჩიქოვანი ს. რჩეული წერილები. ვაჟა ფშაველას ცხოვრების ელფერი და მისი პოეტური შემოქმედება. თბ.: 1963.
- დანელია 2008:** დანელია ს. ვაჟა ფშაველა და ქართველი ერი. თბ.: 2008.
- რობაქიძე 1923:** რობაქიძე გრ. ოსვალდ ბერძლერი. გაზ. „ქართული სიტყვა“, № 1, 1923.
- ჩხერიელი 1989:** ჩხერიელი თ. მშენებელი მძღვარი. თბ. 1989.
- ქიქოძე 1927:** ქიქოძე გ. ვაჟა ფშაველა. — ვაჟას რჩეულ თხზულებათა ორტომეული. ტ. I. თბ.: 1927.
- კვაჭანტირაძე 2011:** კვაჭანტირაძე მ. ადამიანის კონცეპტი ვაჟა-ფშაველასა და რედიარ კიბლინგის პოეტურ შემოქმედებაში. — „კლასიკური რეალიზმის ეპოქა: მე-19 საუკუნის კულტურული და ლიტერატურული ტენდენციები“ (აკაკი წერეთლის დაბადებიდან 170-ე წლისთავისადმი მიღებილი IV სამეცნიერო სიმპოზიუმის მასალები). თბ.: ლიტერატურის ინსტიტუტის გამომცემლობა, 2011.
- მაკალათია 1934:** მაკალათია ს. „ფშავი“. 1934.
- ასათიანი 1982:** ასათიანი გ. სათავეებთან. თბ.: 1982.
- განერელია 1965:** განერელია ა. ვაჟა ფშაველა. — რჩეული ნაწერები. თბ.: 1965.
- თეთრუაშვილი 1982:** თეთრუაშვილი ლ. ვაჟა ფშაველას და ვოეთეს იდეურ-მსოფლმხედველობითი ურთიერთობისათვის. თბ.: 1982.

## რუსუდან ცანავა

### არქაული რიტუალის ასახვა ვაჟა-ფშაველას პოემებში

მოკლული მტრისთვის მარჯვენა მკლავის მოკვეთა ვაჟას რამდენი-  
მე პოემაში გვხვდება, ესენია: „ალუდა ქეთელაური“, „სტუმარ-მას-  
პინძელი“, „ბახტრიონი“, „გიგლია“, „სისხლის ძიება (ამბავი ჩერქეზთა  
ცხოვრებიდან)“, „გველის მჭამელი“, „ივანე კოტორაშვილის ამბავი“  
(ვაჟა-ფშაველა 1960).<sup>1</sup> ეს კი იმაზე მიუთითებს, რომ მკლავის მოკვეთის  
ადათი ვაჟასთვის კონცეპტუალური პრობლემაა, რომელსაც ღრმა  
ანალიზი სჭირდება.

ვაჟას პოემების მიხედვითაც ჩანს, რომ მოკლული მტრისთვის მარ-  
ჯვენა მკლავის მოკვეთა გავრცელებული ყოფილა კავკასიის მთელ  
მოსახლეობაში — ამერ-იმერში. ამას ადასტურებს ჩრდილოკავკასი-  
ელთა ცნობილი „ნართების ეპოსიც“ (დიუმეზილი 1976). ნართების  
ეპოსის ციკლები ჩაისახა ძვ. წ-ის I ათასწლეულში. მასში აისახა სკვი-  
თების, სარმატებისა და ალანების პრეისტორია. ამ ეპოსის ცნობილი  
მკვლევარის უ. დიუმეზილის დაკვირვებით, ნართების ეპოსის ძირითა-  
დი ბირთვები შექმნეს სკვითებმა და მათმა შთამომავლებმა; შემდეგ ეს  
თქმულებები გავრცელდა მთელ კავკასიაში. მისივე აზრით, „ნართებ-  
ში“ დადასტურებული მარჯვენა ხელის მოკვეთის ტრადიცია ეხმიანე-  
ბა ჰეროდოტეს ცნობას (ჰეროდოტე 1975: IV,62), რომ სკვითები ღვთა-  
ებისთვის მსხვერპლად შენირულ ადამიანებს მარჯვენა ხელს აჭრიდ-  
ნენ. დიუმეზილის აზრით, მარჯვენა მკლავის მოკვეთის ადათი საქარ-  
თველოში ჩრდილო კავკასიიდან გავრცელდა.<sup>2</sup>

თუ ამ ვარაუდს დავეყრდნობით, მარჯვენა მკლავის მოკვეთის  
ადათს შორეულ წარმართობაში მსხვერპლშენირვის რიტუალამდე  
მივყავართ. მე ვფიქრობ, რომ ეს კვლევის სწორი მიმართულებაა და  
შევეცდები მის დასაბუთებას.

მართალია, შორიდან მიწევს დაწყება, მაგრამ, მოკლედ მოვჭრი (უფრო ვრცლად იხ.: ცანავა 2005) მსოფლიოს სხვადასხვა ხალხებში გავრცელებული უძველესი და უნივერსალური წარმოდგენის მიხედვით, ადამიანი მოიაზრება, როგორც კოსმიური სხეული, სამყაროს მოდელი (მიკროკოსმოსი). პირველადამიანის სხეულის ნაწილებისგან წარმოიშვა სამყარო და პირველი საჭიროების ნივთები — პირველნივთები (მითები).<sup>3</sup> უძველესი წარმოდგენების მიხედვით, პირველადამიანები და ე.წ. „დანაწევრებული“ (ვნებული) ღმერთები 14 ნაწილად (ე.ი. 14 პირველნივთად) იგლიჯებიან. რიტუალურად დანაწევრებული მსხვერპლის ყოველი ნაწილი საკრალურია (წმინდაა), მაგრამ მათ შორისაც არის უფრო „ძლიერი“ ნაწილები. ამ საკითხს სერიოზული გამოკვლევა მიუძღვნა რ. ონიანსმა (ონიანსი 1999). მისი აზრით, სხეულის ნაწილებს შორის განსაკუთრებული მნიშვნელობა ენიჭება თავსა და ხელებს — თავი (ტვინი) განმკარგულებელია, ხელი — აღმასრულებელი. ორი ხელიდან კი უფრო მნიშვნელოვანია მარჯვენა (ჰერცი 1960) დაპირისპირება მარჯვენა — მარცხენა, და ამასთან, მარჯვენის უპირატესობის აღიარება უძველეს რელიგიურ და ყოფით წარმოდგენებს უკავშირდება. ამას, თავის მხრივ, მივყავართ დაპირისპირებამდე წმინდა — უწმინდური (კარგი — ცუდი). ე. ი. ერთ მხარეზეა ძალები, რომლებიც ანიჭებენ სიცოცხლეს, ჯანმრთელობას, გამარჯვებას; მეორეზე — ყველაფერი საპირისპირო. აქედან გამომდინარე, მარჯვენა ხელი აღჭურვილია საკრალური, შემოქმედებითი ფუნქციით. იგი შუბის, იარაღის მპყრობელი ხელია და ეძღვნება ომის ღვთაებას.

სიმბოლოების ლექსიკონებსა და ეციკლოპედიებში ვრცლად არის მიმოხილული ხელის ფუნქციები (ზიდერმანი 1999; ტრესიდერი 1999; ენციკლოპედია 1999). ხელი განასახიერებს ფიზიკურ ძალას, ძალაუფლებას, ძლიერებას, მოქმედებას, ბატონობას. ძველ ებრაულ ენაში ხელი და ძალაუფლება ერთი სიტყვით აღინიშნებოდა. მიაჩნდათ, რომ ხელს შეუძლია გადასცეს სულიერი და ფიზიკური ენერგია. იგი უძველესი დროიდან იქცა ძლიერ სიმბოლოდ. უკვე პალეოლითის ხანაში გვხვდება ხელის მტევნების გაშლილთითებიანი გამოსახულებები გამოქვაბულების კედლებსა და კლდეებზე. ხელი ბედისწერის მატარე-

ბელიცაა და იმქვეყნიურ სამყაროსაც უკავშირდება. უძველესი დრო-იდან არსებობდა რწმენა, რომ გამორჩეულ პიროვნებათა (მეფეთა, წინამძღვრთა, ბელადთა, რელიგიურ ლიდერთა) ხელებს სასწაულ-მოქმედი ძალა აქვთ. სიმბოლოების ენაზე მარჯვენა ხელი გამოხატავს აქტიურ საწყისს, მომავალს, სიმართლეს, ცოდნას. მარცხენა ხელი ასოცირებულია პასიურ საწყისთან, წარსულთან. მარჯვენით ლოცავ-დნენ, მარცხენით — წყევლიდნენ. რიტუალური დატვირთვა აქვს ხელის ჩამორთმევას, თავზე დადებას, ზე აღმართვას და ა.შ.

პირველყოფილი ადამიანები სამყაროს აღიქვამდნენ, როგორც ნივთების ერთობლიობას. ისინი ქმნიდნენ ცოცხალი ბუნების განვთებულ სახეებს. ამიტომ, მათი აზრით, შექმნილი ნივთიც „ცოცხალია“, იგი ლაპარაკობს, ცოცხლობს და მოქმედებს. მოვიგონოთ ე.ნ. „ჭკვიანი“ ნივთები მითებიდან და ჯადოსნური ზღაპრებიდან: მოლაპარაკე კარები, ძაფის გორგალი, სადგისი, ქოთანი, სუფრა, ხმალი, ბეჭედი, სარკე და სხვა. პირველი მოხმარების სამეურნეო და საბრძოლო იარაღები სხეულის ნაწილების ანალოგით შეიქმნა. ქოთანი (ქვაბი) საშოს იმიტაციაა; შუბი, მშვლდ-ისარი „დაგრძელებული ხელია“. ამ თვალსაზრისით არ შემიძლია, არ მოვიხმო ერთი პასაუი ვაჟას „ალუდა ქეთელაურიდან“, სადაც პოეტი, საოცარი ინტუიციის წყალობით, სადად და მარტივად ამბობს იმას, რასაც მეცნიერთა მრავალგვერდიანი ნაშრომები დასკვნების სახით გვთავაზობენ. ალუდა დაჰყურებს მოკლული მუცალის მოჭრილ მარჯვენას და ამბობს:

„რაად მინდარის, ვერ მიხმლობს,  
არ გამოდგება ფარადა,  
მთაში წავიღო, არ მითიბს,  
არც მარგებს თივის კავადა“.

სავსებით ნათელია, რომ ალუდა მოკვეთილ მარჯვენას სამეურნეო იარაღებს ადარებს — ხმალს, ფარს, ცელს, კავს. ალუდას ქვეცნობი-ერში ამოტივტივებული ეს ანალოგიები გარდა ზემოთ აღნიშნულისა, სხვა მიზეზითაც შეიძლება აღმოცენებულიყო. საქმე ისაა, რომ

ალუდას სოფელში (და ყველა სხვა თემში) მოკლული მტრების მარჯვენა ხელებს ან ქავზე (სახლის კარიბჭეზე) ან სახლის კედლებზე ამაგრებდნენ. სახლის კედლებზე კი, ჩვეულებრივ, საბრძოლო იარაღი და სამეურნეო ნივთებიც ეკიდა.<sup>4</sup> რატომ ინახავდნენ მოჭრილ ხელებსა და თავებს?

როგორც აღვნიშნეთ, ხელები (თავი) სხეულის „ძლიერი“ ნაწილებია. ამ ნაწილების ყოფილი პატრონების ძალა მათ ახალ მფლობელს შეემატება. აქედან გამომდინარე, საკრალურ ნივთებად ქცეულ სხეულის ნაწილებს დამცავის, ამულეტის ფუნქცია ეკისრება. ძველად ეგონათ, რომ საიქიოში სულები ისევე განაგრძობენ ცხოვრებას, როგორც სააქაოში. სამზეოდან „გაყოლილი“ მტრობა და მეგობრობა იმ ქვეყანაშიც გრძელდება. აქედან გამომდინერე, ხელმოკვეთილი მტერი მარადიულ ქვეყანაში საშიში აღარ იქნება. გარდა ამისა, მტრების მოჭრილი ხელები მათი მფლობელის სიმამაცის დასტური გახლდათ.

ჩვენ უკვე ვისაუბრეთ მარჯვენა ხელის ფუნქციებსა და რიტუალურ დანიშნულებაზე. ისიც ვთქვით, რომ ხელის მოკვეთა საკრალური დანაწევრების რიტუალში შედიოდა. ახლა უფრო დეტალურად შევჩერდეთ ამ საკითხზე. სხეულის საკრალური დანაწევრება უძველესი და უნივერსალური რიტუალია. რიტუალის დეტალებზე საუბრს აღარ გავავრცობ (ამაზე იხილეთ ჩემს მითითებულ ნაშრომში). ამჟამად ყურადღებას გავამახვილებთ ყველაზე მნიშვნელოვანზე — რატომ და როგორ დაკარგა ამ რიტუალმა საკრალური (წმინდა) ფუნქცია და როგორ გადაიქცა „სისხლის ძიებად“. საკრალური რიტუალი რომ განხორციელდეს, აუცილებელია რამდენიმე პირობის დაცვა: შესანირი მსხვერპლის მიმართ უნდა გამოირიცხოს ყოველგვარი აგრესია/რისხვა (წმინდა მსხვერპლი ეწირება დიად ღვთაებას. ამგვარი „შენირვები“, ძირითადად, ნებაყოფლობითია). მეორე — საკრალური მსხვერპლშენირვები ხორციელდება გარკვეული პერიოდულობით (სამეურნეო, სამონადირეო, თუ ამინდის მართვის რიტუალებისას; აგრეთვე ომისას). მაგრამ, რიტუალებს ახასიათებთ მიმეტიკურობა (მიბაძვის სურვილი). თუ ადამიანთა საზოგადოებამ ერთხელ მაინც დაუშვა საკრალური რიტუალის „შემოტრიალება“ საკუთარი მოტივაციით, იგი

მომენტალურად კარგავს ძირითად (საკრალურ) ფუნქციას. რა იგულისხმება საკუთარ მოტივაციაში? პასუხი ერთია — როდესაც რიტუალის შესრულებას საფუძვლად უდევს რისხვა/აგრესია/ძალადობა. აგრესია ყველა ტიპისა და კულტურის სხვადასხვა დონის ადამიანებში მსგავსია. არაფერი ისე არ ჰგავს გაალმასებულ კატას ან ადამიანს, როგორც მეორე გაალმასებული კატა ან ადამიანი. სწორედ აგრესის ჩართვა საკრალურ მსხვერპლშენირვაში იწვევს მის პროფანაციას. ამას ბუნებრივად მოსდევს მეორე ელემენტის მოშლაც — ირლვევა ყოველგვარი პერიოდულობა. მკვლელობა დანაწევრებითურთ ხორციელდება მაშინ, როდესაც შურისმაძიებელს ამისი შესაძლებლობა მიეცემა. ძალადობის სურვილის გაღვიძება ადამიანში იწვევს გარკვეულ ფიზიოლოგიურ ცვლილებებს, რომელიც პიროვნებას განაწყობს ორთაბრძოლისათვის. სპეციალისტთა განმარტებით, ძალადობის სურვილის დაოკება უფრო ძნელია, ვიდრე აღძვრა. ძალადობას ხშირად და სამართლიანადაც უწოდებენ ირაციონალურს. ჰერაკლიტე წერდა, რომ ძალადობა არის ყველაფრის მამა და მეფე. აგრესის რეალიზება ორგვარად შეიძლება: რისხვის გამომწვევი მიზეზის (პიროვნების) განადგურებით, რაც იწვევს შურისმიებათა დაუსრულებელ ჯაჭვს და მეორე — აგრესის ჩანაცვლებით (შეცვლით). ამ დროს რისხვის გამომწვევი არსება ჩანაცვლდება სხვით, რომელიც არაფრით იწვევს მოძალადის დარტყმას გარდა იმისა, რომ სუსტია (სწორედ ამ მეორიდან გამოდის ე.წ. „განტევების ვაცი“) (ჟირარი 2000).

როგორც ვხედავთ, საკრალურ მსხვერპლშენირვასა და სისხლის ძიებას შორის პრინციპული განსხვავებაა. რაც შეეხება მარჯვენის მოკვეთას, იგი საკრალური რიტუალის მიბაძვით ხორციელდება. მაგრამ დაკარგული აქვს „სიმინდის“ ფუნქცია. ეს არის პროფანირებული რიტუალი, რომლის დასაბამი არ ახსოვს არც თემს, არც ამ რიტუალის შემსრულებელს. იგი, უბრალოდ, ასრულებს დადგენილ ადათს. თემმა იცის, რომ წესია ასეთი. წესის ახსნა კი არა აქვს. როგორ შევამოწმოთ ჩვენი თვალსაზრისის სისწორე? საქმე ისაა, რომ, ერთი მხრივ, ჩვენ გვაქვს უნივერსალური წარმართული მსხვერპლშენირვის რიტუალის მეცნიერული აღწერილობა და ამაში ეჭვის შეტანის საფუძველი არ

არსებობს; მეორე მხრივ, გვაქვს “სისხლის ძიების” (blood feud) უამრავი მაგალითი რეალურ ცხოვრებაში, ფოლკლორსა და მხატვრულ ლიტერატურაში. გვაკლია მათი დამაკავშირებელი შუა რგოლი. როგორც აღვნიშნე, ვაუას პოემებში აღარავის ახსოვს, საიდან იღებს დასაბამს მარჯვენა ხელის მოკვეთის ადათი. ჩემი აზრით, მათი დამაკავშირებელი რგოლის ფუნქცია შეიძლება შეასრულოს ორმა კომპონენტმა: ძველბერძნულ ტრაგედიაში მოძიებულმა მასალამ და ალუდა ქეთელაურის სიზმარმა.

დავიწყოთ ტრაგედიით. თავიდან მინდა განვმარტო, რატომ შეიძლება ძვ. წ-ის V-IV სს-ის ტექსტები (ესქილეს, სოფოკლეს, ევრიპიდეს ტრაგედიები) გამოვიყენოთ რისამე დასადასტურებლად ან უარსაყოფად. ჯერ ერთი, უანრობრივად ვაუას პოემები („ალუდა ქეთელაური“, „სტუმარ-მასპინძელი“) თავიანთი სტრუქტურითა და კომპოზიციით უფრო დრამებია, ვიდრე პოემები.<sup>5</sup> მის თხზულებებში მონაწილეობს რამდენიმე პროტაგონისტი და ქორო (თემი). მოქმედება ვითარდება თემის ჩაკეტილ წრეში. პოემებში დასმულია პრობლემები, რომლებიც სიღრმითა და მნიშვნელობით თავისუფლად მიესადაგება ანტიკურ დრამას. ეს რაც შეეხება გარეგნულ მხარეს. ახლა უფრო ღრმად ჩავწვდეთ საკითხის არსს. დღეს აღარავინ დავობს, რომ ანტიკური დრამა რიტუალიდან აღმოცენდა. ბერძნული დრამის პერსონაჟებს ხშირად დიონისეს ნიღბებსაც უწოდებენ, იმიტომ რომ დიონისეს წინააღმდეგობებით აღსავსე ცხოვრებამ და მისმა დაგლეჯამ (მითი: დიონისე-ძაგრევსი დაგლეჯეს ტიტანებმა) წარმოშვა გარკვეული ყალიბი, რომლის საფუძველზეც შეიქმნა სხვადასხვა ასლი — ნიღაბი. დიონისესთან მისადაგებით, ძველბერძნული ტრაგედიის გმირები მოქმედებენ, ცხოვრობენ, უშვებენ შეცდომებს (ეს არ არის უბრალო ყოფითი შეცდომები; ეს „დიდი“ შეცდომებია: ღმერთის დაუმორჩილებლობა; ან რომელიმე რიტუალის დარღვევა; ან ფიცის გატეხა და ა.შ.) იტანჯებიან და (უმეტეს შემთხვევაში) იღუპებიან. როგორც აღვნიშნე, ბერძნულ ტრაგედიაში ჯერ კიდევ კარგადაა დაცული არქაული პლასტი „რიტუალური შრე“. ამიტომ, თუ ამ ტექსტებში აღმოჩნდა ჩვენთვის საინტერესო რგოლი, ეს გაამყარებს ზემოთ გამოთქმულ მოსაზრებას.

ჩემი აზრით, მსხვერპლშენირვის საკრალური რიტუალის პროფანაციის სურათი თვალსაჩინოდ აისახა ესქილეს, სოფოკლესა და ევრიპიდეს იმ ტრაგედიებში, რომლებშიც ტროას ომის გმირის, მხედართმთავარ აგამემნონის ტრაგიკული ალსასრულია მოთხრობილი. მოკლედ ვიტყვი: ტროაში გასამგზავრებლად აგამემნონმა დიდი მსხვერპლი გაიღო — საკუთარი ასული, იფიგენია, შესწირა ღმერთებს (ქალღმერთ არტემისს). აგამემნონის მეუღლის, კლიტემნესტრას აზრით, ეს მსხვერპლშენირვა არასწორად ჩატარდა (თავად კლიტემნესტრა პერას ტაძრის ქურუმი იყო და საკრალურ რიტუალებს განაგებდა). მან გადაწყვიტა, თავად შენირა მსხვერპლად ტროას ომიდან დაბრუნებული აგამემნონი და ეს გააკეთა კიდეც (ცანაგა 2005). ქურუმმა კლიტემნესტრამ ზედმინევნით ჩატარა მსხვერპლშენირვის რიტუალი, მსხვერპლს აბაზანაში დანით გამოსჭრა ყელი და შემდეგ კიდურები მოაჭრა. ამ რიტუალური ქმედების (მოკლული მსხვერპლისთვის კიდურების მოჭრის) ალსანიშნად ბერძენი მწერლები იყენებენ სპეციალურ რიტუალურ ტერმინს — „მასხალიძო“. ბერძნულ ტრაგედიაზე საუბარს აღარ გავაგრძელებ. ჩემი აზრით, რასაც ვეძებდით, ვიპოვეთ. კერძოდ: ქურუმი კლიტემნესტრა ატარებს მსხვერპლშენირვის რიტუალს — დანით კლავს და კიდურებს აჭრის აგამემნონს. ეს რიტუალი საკრალურად და სწორად ჩაითვლებოდა, კლიტემნესტრას მოტივაცია რისხვა რომ არ ყოფილიყო. კლიტემნესტრამ შური იძია იფიგენიას გამო (მას სხვა მიზეზებიც ჰქონდა, მაგრამ ამაზე საუბარი შორს წაგვიყვანს). აქედან გამომდინარე, კლიტემნესტრას საქციილს არც ღმერთები არც ადამიანები არ მიიჩნევენ საკრალურ მსხვერპლშენირვად. ეს იყო ტიპური შურისძიება, რის გამოც კლიტემნესტრაც დაისაჯა (იგი საკუთარმა ვაჟმა მოკლა). ამგვარად, ბერძნული ტრაგედიები თვალსაჩინოდ წარმოგვიდგენ მსხვერპლშენირვის საკრალური რიტუალის პროფანაციას.

მეორე რგოლი და ახსნა არის ალუდას სიზმარი „ალუდა ქეთელაურიდან“.

ალუდა ქეთელაური თავის თემში ვაჟკაცობით გამორჩეული „დავლათიანი“ კაცია. ის ზედმინევნით იცავს და ასრულებს თემის ტრადიციულ ადათ-წესებს. ერთ-ერთი ასეთი წესია მოკლული მტრისთვის

მარჯვენის მოკვეთა. მან „ბევრ ქისტს მაჭრა მარჯვენა“, მისი ქავის კარზე მტრის მოჭრილი „ხელებ ჯღრდებად ჰყიდია“. ერთ დღესაც ალუდამ მორიგი გმირობა ჩაიდინა; მოკლა სოფლის ჯოგის გამტაცებელი ქისტი მუცალი. მუცალთან ორთაბრძოლამ შეძრა და შეაძრნუნა ალუდა. გამარჯვებულმა გმირმა „ნესი“ დაარღვია და მარჯვენა არ მოსჭრა მოკლულ მტერს. წესის დარღვევამ სოფელი გაანაწყენა, ალუდა კი დააიქრა. ფიქრმა და წუხილმა ალუდა „ჩაითრია“. იგი უკვე ალარ ჰეგვს სხვებს, მაგრამ ვერც თავისი თავი შეუცნია, იგი იტანჯება. შეწუზებული ალუდა ხედავს სიზმარს, რომელსაც შეიძლება „დიდი“ სიზმარი ვუწოდოთ. იგი ინტუიციით მიჰყება საფიქრალს ძირისძირში.

მეცნიერებაში დავას არ იწვევს, რომ ე.წ. „დიდი სიზმარი“ ასახავს მითოსურ დროში განხორციელებულ მოქმედებას. სიზმრისეული დრო მითოსური დროის ანალოგიურია. ჩვენ აქ თავად სიზმრის ბიოლოგიურ მექანიზმზე არ ვისაუბრებთ, ამაზე ერთმნიშვნელოვანი პასუხი არც არსებობს; თან ეს არ შედის ჩვენი კომპეტენციის სფეროში. რაც შეეხება „დიდი სიზმრის“ ფსიქო-სოციალურ მხარეს, არტემიდოროსიდან იუნგამდე და მერეც, ერთმნიშვნელოვანად მიაჩნიათ, რომ ეს სიზმრები ადამიანის გამოუვლენელი შესაძლებლობებისა და გონებით მიუწვდომელი მახსოვრობის თავისებური ასახვაა, კოლექტიური ქვეცნობიერის ფანტასტიკური გამოვლენაა. ასე რომ, ალუდას სიზმარი, რომელიც ტიპური „დიდი სიზმარია“, თავისუფლად შეიძლება დადგეს მითის სიბრტყეზე.

ახლა ვცადოთ ამ სიზმრის სტრუქტურაში გარკვევა. ჩვენი აზრით, აქ სამი მონაკვეთი გამოიყოფა:

**ალუდა არის რიგში.**

**წინ დევს მიცვალებული.**

**ხევსურები სხედან**

**ყველა შეიარაღებულია (სალაშქროდ უნდა წავიდნენ)**

**ზოგი კარების ზღურბლზე დგას**

**ალუდა ტირის (ცრემლს ღვრის),**

**როგორც წესია კაცისა.**

გამოჩნდა **მოკლული** მუცალი.  
მან **ხანჭალი** ჩაუდო ალუდას ხელში.  
მუცალს ატყვია **ნატყვიარი**, რომელშიც  
ჩაფენილი აქვს “ლეგა საფევი ბრძამისა”.  
იგი **კლდესავით** დგას  
ცრემლი არ ჩამოსდის.  
**ითხოვს სიკვდილს**,  
თქვენ დაგრჩეთო წუთისოფელი  
მე კი **ნავიდე იმ ქვეყნად**.

**ალუდა ჯდება, ჭამს.**  
**ჯამში ადამიანის წენიანი ხორცია.**  
ამ შეჭამადში გამოირჩევა **ადამიანის ძვლიანი ხელ-ფეხი**.  
„გაშტერებულ“ ალუდას შეჭამადს უმატებენ —  
კაცის **ულვაშით** შენელებულ წვენს და ხორცს.

წვენს წინაშეა უაღრესად საინტერესო, რიტუალით „დატვირთული“ ტექსტი. პირველ მონაკვეთში მიცვალებულის დატირების ტრადიციაა ასახული. წესით, ამას უნდა მოსდევდეს ცხედრის მინისთვის მიბარების რიტუალი, მაგრამ, მოულოდნელად გამოჩნდება მუცალის სული, რაც წყვეტს დაწყებულ რიტუალს. მესამე ნაწილში სრულიად არაორდინარული ქელებია აღწერილი. ამჟამად სწორედ ამ ნაწილზე შევაჩერებთ ყურადღებას.

ამ ქელებში არაფერი იქნებოდა უჩვეულო, რომ არა ერთი გარემოება — „რიგში“ მყოფთ ადამიანის ხორცით უმასპინძლდებიან. ეს კი ტიპური კანიბალიზმია ამ ფენომენს მეცნიერები სხვადასხვაგვარად ხსნიან (ეს მსჯელობა შორს წაგვიყვანს). ახლა მიღუბრუნდეთ ტექსტს; ვაჟასთან „რიგი“ მიცვალებულის სულის პატივსაცემად გამართულ პურისჭამას აღნიშნავს.<sup>6</sup> იზმარი იწყება ჭამის მოლოდინით და მთავრდება ჭამის პროცესით. ჭამით დაწყება და ჭამითვე დასრულება კრავს რიტუალურ წრეს. რიგად ჩამნკრივებული (ან წრედ შეკრული) ადამიანები კოლექტიურად ჭამენ („ეზიარებიან“) ამ შემთხვევისათვის საგანგებოდ მომზადებულ ჭამადს.<sup>7</sup> ს შეჭამადი კი ადამიანის დანაწევ-

რებული ნაწილებია. ალუდა კარგად არჩევს, რომ მას ჯამში უმატებენ კაცის ხელ-ფეხსა და ულვაშებს (განსაკუთრებული რიტუალური და-ნიშნულების ნაწილებს). სითხე, რომელშიც ეს ყველაფერი იხარშება, როგორც ჩანს, სისხლია.<sup>8</sup> ასე იმიტომ ვფიქრობთ, რომ ამავე პოემის სხვა ეპიზოდში, კერძოდ, ალუდას ვიზიონში, სისხლი პურისა და ლვი-ნის ანალოგიური რიტუალური ფუნქციითაა წარმოდგენილი:

„ვისაც მტერობა მასწყურდეს,  
გააღოს სახლის კარია,  
სისხლ დაიგუბოს კერაში,  
თვითანაც შიგვე მდგარია.  
ლვინოდაც იმას დაჰლევდეს,  
პურადაც მოსახმარია“.

ალუდა სხვებთან ერთად ჭამს კაცის წვნიან ხორცს, ძვლიან ხელ-ფეხს, თუმცა ამით შეძრულია:

„ვსჭამდი, მზარავდა თუმცა-ლა  
კაცის ხელ-ფეხი ძვლიანი“.

ერთობლივად პურისჭამა რიტუალური აქტია. პურობა სხვადასხვა რიტუალის აუცილებელი კომპონენტია და მისი მიზანია ადამიანთა გარკვეული ჯგუფის (სოციუმის) შეკვრა-გამთლიანება.

ახლა მივყვეთ პოემაში განვითარებული მოქმედების ლოგიკას:  
ალუდა თემის შეკრული წრის გამორჩეული წევრია — ლიდერი, გმირი.

მას ბევრი მტერი ჰყავს მოკლული, და წესისამებრ, ყველას აჭრიდა მარჯვენას.

ერთხელ ალუდამ მოკლა მოძალადე მტერი და არ მოსჭრა მარჯვენა.

თემია მარჯვენის არმოჭრა ალუდას ადათის დარღვევად ჩაუთვა-ლა და ცხადად გამოხატა უკმაყოფილება.

ახლა ვნახოთ, რა ხდება ალუდას „შიგნით“:

ალუდა დაედევნა მტრებს, რომლებმაც სოფლის ნახირი გაიტაცეს.

ერთი გამტაცებელი მოკლა და მარჯვენაც მოაჭრა.

მეორესთან გაიმართა სერიოზული ორთაბრძოლა:

ორთაბრძოლა სიტყვიერი<sup>9</sup> და ორთაბრძოლა იარაღით.

შერკინების ორივე ფორმამ აჩვენა, რომ დაპირისპირებული გმირები თანაბარი ძალისანი იყვნენ, მაგრამ იღბალმა სიცოცხლის წილი ალუდას არგუნა. ალუდას სიკვდილმა „ომაში გაუარა“. მან განიცადა თავისი სიკვდილი.

ალუდა ამ გამარჯვებამ დაამწუხრა. მან ორი წესი დაარღვია:

მუცალს იარაღი არ აჰყარა და მარჯვენა არ მოსჭრა.

ალუდამ დაიწყო ფიქრი. გაუჩნდა კითხვა — რ ა ტ ო მ ? რა საჭიროა მკლავის მოჭრა?

ალუდას ტრაგედია სწორედ მაშინ იწყება, როდესაც მას დადგენილი ადათის გაგების სურვილი უჩნდება. სანამ ეს სურვილი გაუჩნდებოდა, ე.ი. ცნობისწადილი აიტანდა, ყველაფერი ჩვეულებრივ იყო. ალუდა ვერ პოლობს ახსნას: რა საჭიროა მოკლული მტრისთვის მარჯვენის მოჭრა?! ამაზე პასუხს მას თავისივე სიზმარი აძლევს. სიზმარში „იხსნება“ რიტუალის არსი: მუცალი, ისევე როგორც მანამდე მოკლული მტრები, მსხვერპლია. მასზე, როგორც მოძალადეზე, გადადის თემის აგრესია. იგი უნდა მოკვდეს და შეენიროს (ვის ან რას, ეს სხვა საკითხია). ამ მსხვერპლშენირვისას მუცალს უნდა მოეჭრას მარჯვენა. ეს იქნება მისი მსხვერპლშენირვის დამადასტურებელი აქტი, რაც მუცალს, როგორც მსხვერპლს, საშუალებას მისცემს, შესაბამისი ადგილი დაიმკვიდროს სულეთში. სწორედ ამიტომ ერთვება მუცალი ალუდას სიზმარში. იგი ხელში ხანჯალს (მსხვერპლშენირვის რიტუალურ იარაღს) აძლევს ალუდას და ითხოვს წესის აღსრულებას. ტყვიით მოკლული მუცალი არ არის საბოლოოდ მკვდარი (რიტუალურად მოკლული). როცა მუცალი მოკვდება და დანაწევრდება (//მარჯვენა მოეჭრება), თემი დანაყრდება მისი სხეულით, ე.ი. თემს მუცალის ძალა შეემატება.

გაანალიზებული მასალა და ვაჟა-ფშაველას წერილები ერთიანობაში რომ განვიხილოთ, ნათელი ხდება, რომ პოეტი ღრმად ჩაწვდა სისხლის ძიების არსს.

და ბოლოს, კიდევ ერთ საკითხსაც შევეხები. ვაჟას შემოქმედების ცნობილი მკვლევარის ბ-ნი გრ. კიკნაძის აზრით, მოკლული მტრისთვის მარჯვენის მოჭრა არ იყო ადათობრივი ნორმა (კიკნაძე 1978:159-161.) ამის დასტურად მას მოჰყავს ივანე კოტორაშვილი, რომელიც მტერს მარჯვენას არ აჭრიდა. ჩემი აზრით, ალუდას (ზვიადაურის, მინდიას) სამყარო მკაფიოდ უნდა გავმიჯვნოთ ივანე კოტორაშვილისაგან. ალუდა, ზვიადაური, ჯოყოლა, მინდია თემის ჩაკეტილი წრის წევრები არიან. მწერალი „ალუდა ქეთელაურსა“ და „სტუმარ-მასპინძელში“ დროს არ აკონკრეტებს. ამით, როგორც მართებულად შენიშნავს ბ-ნი გრ. კიკნაძე „ადრეულ რწმენათა და კულტურათა საფეხურია“ ხაზგასმული. ივანე კოტორაშვილი კი ერეკლე მეფის თანამედროვე, მისი მარჯვენა ხელი და საყვარელი გმირია. ამას, ჩემი აზრით, დიდი მნიშვნელობა აქვს, რადგან ივანე აშკარად „ახალი დროის გმირია“. იგი არა მხოლოდ თავისი სოფლის, არამედ მთელი საზოგადოების წევრიცაა. ახალი დრო ახალ მსოფლალებმას და რწმენასაც გულისხმობს. მართალია, შეიძლება ქრისტიანად მოგქონდეს თავი, მაგრამ სისხლის ალების პრინციპით ცხოვრობდე. ივანეს შემთხვევაში საქმე სხვაგვარადაა. კოტორაშვილში სარწმუნოებრივი პრინციპები მის შინაგან კონსტიტუციასთან „შენივთებულა“. სწორედ ამიტომ, ივანე ძალიან ჰგავს ვაჟას იმ იდეალურ გმირს, რომელსაც პოეტი „კაი ყმაში“ გვიხატავს. თხისტყაოსანი პიროვნებიანი ივანე სწორედაც გმირის იდეალია არა მხოლოდ ვაჟას თხზულებების, არამედ ფშაური პოეზიის ზოგადი კონცეფციითაც. საქმე ისაა, რომ ივანეს არა აქვს კონფლიქტი საკუთარ თავთან წინამორბედთა (ალუდა, ჯოყოლა) მსგავსად. სრულიად ლოგიკურია, რომ ივანე მოკლულ მტერს მარჯვენას არ სჭრის. ალუდა და ჯოყოლაც ხომ აქეთკენ ისწრაფვიან.

სტატიის დასაწყისში აღვნიშნე, რომ მკლავის მოკვეთის ადათს ვაჟას შემოქმედებაში იმაზე მეტი მნიშვნელობა ენიჭება, ვიდრე ეს შეიძლება ერთი შეხედვით ჩანდეს. მკლავის მოკვეთა არ არის უბრა-

ლოდ ცუდი (სასტიკი) საქციელი. ეს არის გაუქმებული საკრალური რიტუალის ატავიზმი, რომელიც სისხლის ძიების მოდერნიზებული ფსევდორიტუალის მთავარ სიმახინჯედ იქცა. ბევრ საზოგადოებაში განაგრძობს არსებობას სხვადასხვა გაუქმებული რიტუალი. ისინი, მიუხედავად იმისა, რომ ფუნქცია დაკარგული აქვთ, რაკი არსებობენ, მაგიური ზემოქმედებითაც ხასიათდებიან (განსაკუთრებით მნიშვნელოვანია ტაბუ, რომელიც ამ რიტუალებს ადევთ, რაც კიდევ უფრო აძლიერებს მათ „ჩაკეტვას“). ამიტომ ადათი უნდა აიხსნას; გაირკვეს, რომ მოჭამა თავისი დრო და გაუქმდეს. სწორედ ეს პროცესი მიმდინარეობს ვაჟას გმირებში. ისინი ემზადებიან ახალი ფასეულობების მისაღებად, სადაც შურისძიებას შეცვლის მიტევება, რისხვას — განურისხველობა. ვაჟას გმირების კათარზისი ჭეშმარიტად გრანდიოზულია. სწორედ ამიტომაცაა ეს კათარზისი ბერძნული ტრაგედიის გმირების მსგავსი. ესაა შეცნობა „ტანჯვის გზით“ სიცოცხლის ფასად.

### **შენიშვნები:**

#### **1. „ალუდა ქეთელაური“:**

ალუდამ

„ბევრ ქისტს მააჭრა მარჯვენა სცადა ფრანგული ფხიანი“. ალუდა

„მარჯვენას არ სჭრის მუცალსა, იტყოდა ცოდვა არიო“. ალუდა ამბობს:

„ვერ გავიმეტე მუცალი მარჯვენის მოსაჭრელადა“. ალუდა მინდიას:

„თუ ხელის მოჭრა მდომიყო, გან ვერ მოვსჭრიდი თავადა?“

ხევსური ახალგაზრდები ალუდას ეუბნებიან:

„მაჟყალ, მარჯვენა არ მასჭერ უკან მისდევდი მა რადა? მინდია ეუბნება თანასოფლელებს:

„თუ არა გჯერათ, ქისტისა აი, მოჭრილი მკლავია“

მინდიამ

„ხელი ალუდას მიართვის, წაიღ, მიაკარ ქავადა“. ალუდას ეუბნებიან:

„... შენს ქავზე ხელებ ჯდრდესავით ჰკიდია, ზოგი ლეკისა, სხვა ქისტის, მარჯვენების ხიდია“. 138

ალუდა:

„წესი არ არის მტრის მოკვლა,  
თუ ხელ არ მასჭერ დანითა“.

„ბახტრიონი“

ლელას ესიზმრება:  
„კაცი რომ მოდის კუპრივით,  
დაათრევს კაცის თავებსა;  
მოდის წინ მიწყობს ღრეჭითა  
ჩემთ ძმათ სისხლიან  
მკლავებსა“.

„სტუმარ-მასპინძელი“

ზვიადაურმა  
„ბევრს ქისტს მოაჭრა  
მარჯვენა  
უდროდ საფლავში ჩალალა“.

„სისხლის ძიება“

(ამბავი ჩერქეზთა  
ცხოვრებიდან)

დემურმა მოკლა მტერი:  
„დაუკიდნია ტახტაზე  
წუხელ ნაშოვნი ხელია“.  
დემურს უხარია, რომ  
„მოაქვს ქიჩირის ხელი  
დაფასებული ძვირადა“.  
დემური ამბობს ქიჩირზე:  
„ქიჩირს კი ცოტა მოუკლავ,  
ცოტასა სჭრიდა ხელებსა?“

„გიგლია“

ქალი ომში მიმავალ გიგლიას  
უსურვებს:  
„მოხვიდე გამარჯვებული,  
გეკიდოს მტრისა ხელები  
მხარ-იღლივ გადაგდებული“.

მოკლული ზვიადაურის დედა  
ითხოვს:  
„მკლავნი მაჩვენეთ შვილისა  
მოიტათ, ჩამაბარეთა!“

ცოლი ეუბნება ქიჩირს:

„არ მინდა, თვალებს მიშინებს  
ნახვა ქიჩირის ხელისა“.

ცოლი წყევლის:

„შენი უმსგავსი მარჯვენა  
მტერსამც მიეკრას ქავადა“.

*გველის მჭამელი*

„ყველას ისე აქეს გულშია—  
ბელადს ვინ მოჰკლავს წინასა,  
თავსა და მარჯვენას მასჭრის  
შინ მივა სახელიანი“.

*„ივანე კოტორაშვილის ამბავი“*

ივანეს „მას არა ჰქონდა წესადა  
მტრისად მოეჭრა მარჯვენა;  
ან კი სად დაეტეოდა  
მას ერგებოდა რამდენა?!“

2. აქვე აღვნიშნავთ, რომ მარჯვენა მკლავის მოკვეთის ადათი სხვა ქართველი მწერლების ნაწარმოებებშიც აისახა: მაგალითად, კ. გამსახურდიას „ხოგაის მინდიაში“, მ. ჯავახიშვილის „თეთრ საყელოში“.

3. მაგ.: „ვედების“ მიხედვით, პირველადამიანი პურუშა შესწირეს ღმერთებს და ამ მსხვერპლშენირვის შედეგად გაჩნდა ყველაფერი — სულიერი არსებებიც და არასულიერებიც; მათ შორის პიმნები, სიმღერები და სალექსო საზომებიც. ირანელთა წარმოდგენით, ჰაირმარტის დანაწევრების შედეგად გაჩნდა სამყაროს სხვადასხვა ელემენტი: ხორცისა და ძვლების-გან — მინა, სისხლისგან — წყალი, თმებისგან მცენარეები, მზერისგან — ცეცხლი, სუნთქვისგან — ქარი. ასეთივე გადმოცემებია „ედას“ იმირზე, რაბინთა წიგნების ადამზე, ძველებენტურ პტახზე და ა. შ. (მითები 1982).

4. სახლის (სასახლის, სამლოცველოს) კედლებზე იარაღისა და მოჭრილი ხელების (თავების) დაკიდების ტრადიცია დასტურდება მსოფლიოს სხვადასხვა ხალხებში. ამ მხრივ საინტერესოა ბერძნული მასალა. ამაზე იხ. ცანავა რ. დასახ. წიგნი.

5. ხელის გამოსახულების ამულეტებად გამოყენების ფაქტი მთელ კავკასიაშია ცნობილი. ამას საფონდო მასალაც ადასტურებს. უნდა აღინიშნოს, რომ კავკასიაში ამულეტებად უფრო ხშირად გაშლილი ხელის გამოსახულებებს იყენებდნენ. ცნობილია, რომ გაშლილი ხელის მტევანი სიმტკიცისა და სიძლიერის ნიშნად იყო მიჩნეული. მისი გამოსახულებები მრავლად არის დაფიქსირებული საქართველოს სხვადასხვა კუთხეში. ხელის მტევანი აუცილებელი ელემენტი იყო ხევსურულ ორნამენტში. მას ხეზე კვეთდნენ და ატანდნენ თიხის შელესილობაზე; დარბაზის ბოძებზე, კიდობნებზე, სახლის ან ციხე-კოშკების კედლებზე. საქართველოს სამუზეუმო ფონდში დაცულია ლითონის უამრავი ხელის გამოსახულება. (ხიზანიშვილი 2007:339-342).

6. ვაჟა-ფშაველას შემოქმედების მიმართებაზე ანტიკურ დრამასთან იხ. აგრეთვე: (ჩხერიმელი 1989).

7. მიცვალებულის სულის მოსახსენებელ რიტუალზე თავად ვაჟა-ფშაველა მოგვითხრობს თავის ეთნოგრაფიულ წერილებში: „ნინანდელს ველურ მდგომარეობის ადამიანს ეგონა, რომ სული, მეორე „მე“ კაცისა არა კვდებოდა, რომ საიქიოსაც იგივე მოთხოვნილება სმა-ჭამისა ჰქონდა, როგორც სააქაოს... როგორც ეს ჩვეულება, ისე მრავალი სხვა, ერთნაირს განათლების სიმაღლეზე მდგომარე უნინდელსა და ეხლანდელს ხალხსაც ერთმანეთს ამსგავსებს, მიუხედავად ერთტომობისა, მიბაძვისა, ერთისა და მეორისაგან გადმოღებისა. გადმოღება ჩვეულებისა აქ არაფერს შუაშია. ეს უფრო იმის ბრალია, რომ კაცთა ნათესაობის გონება ერთნაირად მუშაობდა, ერთნაირად ჰგრძნობდა. თავისთვის შემწყვდეული, როგორც ამერიკის ველური კაცი, ისე აფრიკისა, ცალ-ცალკე დაშორებულად მცხოვრები ცალ-ცალკე ჰფიქრობენ, მაგრამ ერთნაირად კი, აგრეთვე იქცეოდა ფშაველიც (აქვე ალვნიშნავ, რომ ეთნოგრაფიულ საკითხებზე მსჯელობისას ვაჟა-ფშაველა ხშირად იმოწმებს სპენსერის, ტაილორის და სხვათა ნაშრომებს. რ.ც.).

8. ახალი მკვდრის პატრონები აკეთებდნენ „რიგებს“ სახლში, იპატიუებდნენ მოკეთებებს... მკვდრის პატრონი „რიგის“ ანუ წირვის დროს უმასპინძლდება გულუხვად. დახოცილი საკლავები ანუ ცხვრები მზადდება დიდს ქვაბში. იმასთან ერთად არის რძე, ერბო და ფაფა, ან ფლავი... ამ საზოგადო პურისჭამამდე მკვდრის პატრონი სატირალს გამოიტანს და მიცვალებულის ცხენს დააყენებს სატირლის პირზედ. ყველანი ჩვეულებრივად იტირებენ... როდესაც ტირილი გათავდება, ხალხი „დაჯდება“, დასხდება რიგზედ. ერთ-ერთი მასპინძლის ამორჩეული დადის, მოხარშული ხორცი უფირავს ხელში ხონჩით და არიგებს ხორცის ნაჭრებს (წილობა). მეორე არიგებს პურს, მესამე მოაყოლებს წვნიანს ხის ჯამებით“. (ვაჟა-ფშაველა 1964:94-97).

9. ვაჟა-ფშაველა თავის ეთნოგრაფიულ წერილში „ლაშარის ჯვრის დღეობა ანუ ლაშარობა“ წერს: „...სისხლს ძალა აქვს (კულტი სისხლისა), სისხლი ვითა აიაზმა, უნდა ესხუროს თასებს, სახატო ავეჯეულობას. ხევისბერმა უნდა ხელმხარი „გაინათლოს“, სისხლითვე, მუდამ წელინადს ჯერ თვითონ უნდა დაკლას საკუთარი საკლავი ხატში და იმისი სისხლი

მოიცხოს ხელებზე, შუბლზე. ამ ჩვეულებას ეწოდება „ხელ-მხარის განათვლა“. როგორც ზევითაც მოვიხსენიეთ, სისხლს რაკი ეს ძალა აქვს, უეჭველად, მოვალენი ვართ ვიფიქროთ, რომ თვით ჩვეულება მთიელთა შორის სისხლის აღებისა, თუ სისხლის ძიებისა, სამღვთო მოვალეობად ჩასათვლელია. თუმცა სისხლის ამღებს ჰგონია — მოვკალი ჩემის ნათესავის მკვლელი და ამით იგი დაუმონე, ყმად გაუხადე ჩემს ნათესავს, რათა საიქიოს წყალი უზიდოს მას, ჯლანი გაუბანდოსო და სხვა, მაგრამ ის კი აღარ აქვს შეგნებული, რომ ამავე დროს საღმრთო მოვალეობასაც ასრულებს სისხლის დაქცევით. ადამიანი ამ შემთხვევაში ხდება ხატად და მას ზვარაკად, მსხვერპლად ადამიანი ეწირების... ფშაური ჩვეულება სისხლით გაწმენდისა ძველ ებრაულ ჩვეულებას მოგვაგონებს“ (ვაჟა-ფშაველა 1964:238-239).

10. ანტიკურ დრამაში სიტყვიერი შერკინება (აგონი) მნიშვნელობით იარაღით შერკინების ადეკვატურია. ანტიკური ეპოსიდან კი უამრავი მაგალითის მოხმობა შეიძლება, როდესაც ორთაბრძოლამდე ან ბრძოლის პერიოდში გმირები სიტყვიერად ეპაექრებიან ერთმანეთს. ამ კონტექსტში ძალიან საინტერესოა ვაჟა-ფშაველას ლექსი „კაი ყმა“. ამ ლექსში პოეტი აყალიბებს გმირის იდეალს, მოდელს. ომით გახელებული გმირი მარტო იარაღით კი არ იბრძვის, არამედ თვალებითაც. იგი თვალებით „გამოწველავს“ მტერს სასიცოცხლო ენერგიას: „...თვალები თვალებს სწველავდეს“. აქვე შეიძლება მოვიგონოთ მრისხანებისას მეტყველებაში ხშირად გამოყენებული გამონათქვამები: „შეგზამ“, „გული შემიჭამა“, „თვალებით შეჭამა“ და ა.შ.

დამოწმებანი:

**ვაჟა-ფშაველა 1960:** ვაჟა-ფშაველა. ლექსიბი, პოემები მოთხრობები, პიესები. თბ.: საბჭოთა მწერალი“, 1960.

**ვაჟა-ფშაველა 1964:** ვაჟა-ფშაველა. პუბლიცისტური და ეთნოგრაფიული წერილები. ტ.IX. თბ.: 1964.

ბილერმანი 1996: Бидерманн Г. Энциклопедия символов. М.: "Республика", 1996.

**დოუმებილი 1976:** Дюмезиль Ж. Осетинский эпос и мифология. М.: 1976.

**ენციკლოპედია 1999:** Энциклопедия символов, знаков, эмблем. М.: "Локид", "Миф", 1996.

**კიკნაძე 1978:** კიკნაძე გრ. ვაჟა-ფშაველას ხუთი პოემა. წიგნში: ლიტერატურის თეორიისა და ისტორიის საკითხები. თბ.: 1978.

**Мифы 1982: Мифы народов мира.** Т. II. М.: "Советская энциклопедия", 1982.

<sup>1</sup> Թեօդանք 1999: Օնիանը Р. *На коленях богов. Перевод с английского*. М.:

"Прогресс-Традиция" 1999

**շորամո 2000:** Жирар Р. *Насилие и священное*. Перевод с французского. М.: "Новое литературное обозрение", 2000.

Трассидер Дж. Словарь символов. М.: "Ффгк-п", 1999.

წჩან კოდი 1989: წჩან კოდი თ. მშვენიერი მძღვანელი თბ.: 1989.

**კანავა 2005:** კანავა რ. მითორიზუალური მოდელები, სიმბოლოები ან-

ტიკურ მწერლობაში და ქართული ლიტერატურულ-ეთნოლოგიური პარა-  
ლელი, თბ.: „ორამსი“. 2005.

**ხიზანიშვილი 2007:** ხიზანიშვილი მ. ამუღეტების კოლექცია საქართველოს მუზეუმის აღმოსავლური ფონდიდან. ეთნოლოგიური ძიებანი, III, ობ.: 2007.

**ჰეროდოტე 1975:** ჰეროდოტე. ისტორია. ტ. I, ძველი ბერძნულიდან თარ-  
გმნა თ. ყაუხჩიშვილმა. თბ.: თსუ გამომცემობა, 1975.

**პერცი 1960:** Herts R. *The Pre-eminence of the Right Hand /A Study in Religious Polarity*. Aberdeen 1960

**ფაუსტური პარადიგმა ხალხურ ეპოსში „ეთერიანი“ და  
ვაჟა-ფშაველას პოემაში „ეთერი“**

ფაუსტურ ლიტერატურაში საგანგებოდაა აღნიშნული, რომ ადამიანის მიერ დემონურ ძალებთან ხელშეკრულების დადება შუასაუკუნეების ქრისტიანულ რელიგიაში განხეთქილების ანარეკლია მხატვრულ ნაწარმოებში.

თავის შედევრს „ფაუსტი“ გოეთემ საფუძვლად დაუდო ლეგენდა დოქტორ ფაუსტზე, რომელიც გერმანიაში არსებობდა XVI საუკუნიდან. ლეგენდის თანახმად, ფაუსტი შავი მაგი იყო, მან სული მიჰყიდა ეშმაქს, რის საფასურადაც ეშმაკი ყველა სურვილის შესრულებას შეჰპირდა. როგორც მეცნიერებმა გამოიკვლიეს, დოქტორი ფაუსტი ისტორიული პიროვნება ყოფილა, სწავლობდა პაიდელბერგის უნივერსიტეტში და ერქვა იოჰანი. მის შესახებ XVI საუკუნიდან მრავალი უცნაური ამბავია გავრცელებული. ყველა ეს ამბავი შეუკრებია ვინმე იოჰან შიპას და 1587 წელს წიგნად გამოუცია გოეთეს მშობლიურ ქალაქში — ფრანკფურტში. წიგნის მიხედვით, ფაუსტი ამპარტავნებით შეპყრობილი ღვთის მოძულე სწავლულია, ჯადოქარი, უზნეო და გარყენილი. სიკვდილის შემდეგ მის სხეულს ეშმაკები დაგლეჯენ, სულს კი ჯოჯოხეთი შთანთქავს.

ლეგენდარული დოქტორი ფაუსტი გოეთემ სხვა კუთხით წარმოუდგინა საზოგადოებას თავის დრამატულ პოემაში. დადებითი თვისებებით შეამკო გოეთემ თავისი გმირი და არ მოერიდა დოქტორ ფაუსტის შესახებ ხალხში გავრცელებულ უარყოფით შეხედულებებს.

მეფისტოფელის გამოჩენით კი, რომელიც შავი ძალის პუდელის სახით შემოპარული ფაუსტის ოთახში ადამიანების სიძულვილი, ამპარტავნება, ნიჰილიზმი იფრქვევა ამ პერსონაჟისაგან მთელი თხზულების მანძილზე. ის პირდება ფაუსტს ყველა სურვილის ასრულებას და სანაცვლოდ სრულ მორჩილებას მოითხოვს. ფაუსტი ამბობს, თუკი

ოდესმე მის ცხოვრებაში დადგება წამი, როდესაც ფაუსტი შესძახებს: „შეჩერდი, წამო, რა ლამაზი ხარ, რა მშვენიერი“, მაშინ ფაუსტი უფლებას მისცემს მეფისტოფელს გაუყაროს ბორკილები და გახდეს მისი ბატონი. მეფისტოფელი სიტყვაზე არ ენდობა ფაუსტს და ჩამორთმევს ხელნერილს (კალანდარიშვილი 2008: 135-136).

ხალხურ რომანულ ეპოსში „ეთერიანი“ შესაძლოა მართლაც აღმოჩნდეს თავისებური ფაუსტური პარადიგმა.

მურმანს ეთერი შეუყვარდება, როგორც ადამიანს და არა როგორც ავ სულს. პირადად მურმანი უძლურია ჩაშალოს აბესალომისა და ეთერის ბედნიერება, ამისთვის მას ესაჭიროება დამხმარე ძალა, რომელსაც ეშმაკი მაცილების სახით პოულობს კიდეც. ამ ბედნიერების-თვის ის არაფერს იშურებს, „თვით სულსაც“, ე.ი. ამქვეყნიური ბედნიერებისთვის სამუდამო ტანჯვაზე თანხმდება.

მურმანი უაღრესად საინტერესო სახეა. ის არ არის რაიმე იდეის უბრალო განსახიერება. ამას მოწმობს მისი ტრაგიკული გააზრება ხალხის წარმოდგენაში. ასევეა ეს მოტივი კანონზომიერი ფალიაშვილ-თან, ხოლო კიდევ უფრო მეტად ვაჟას პოემაში „ეთერიანი“.

პოემაში „ეთერი“ მეფის ვეზირს შერეს შეუყვარდება უფლისწულის გოდერძის ახლადჯვარდანეილი ცოლი. „ქალის სიტურფით დაბმულ“ და „გულდაკოდილ“ შერეს „სიცოცხლე ეშავეთება“. შერე, მისივე სიტყვით, „უფლისგან გამომეტებულია“. მას გულში ლალატიანი ეშმაკი უჯდება. გურგენ მეფეს გადაწყვეტილი აქვს „უჯიშო“ რძლის მოშორება. საქმის მოგვარებას გამიჯნურებული შერე კისრულობს. იგი „უცხოეთს“ ანუ შავეთს მიემგზავრება.

ცხრა ზღვასა, ცხრა მთას იქითა,  
უდაბურს ადგილს, მთიანსა,  
სცხოვრობდა ერთი ბებერი  
გამოქვაბულსა კლდიანსა.  
გველი, შხამი და ბოროტი,  
ყველას ის აძლევს ზიანსა.  
ქაჯებში იყო გასული

დევთა და ალთა შორისა  
 ზემოთა თაგში ჩართული  
 ქარს ის აჩენდა და ღვარსა,  
 სეტყვას და დელგმას მეხითა,  
 თუკი ერთს დაინივლებდა,  
 ან მიწას სცემდა ფეხითა.  
 ხმალს მოხრილს ზურგზე დადგმულის  
 ეშმაკ-ცხენაის კეხითა.  
 შავია, როგორ ნახშირი,  
 როგორც ფისი და კუპრია.

„თქმულებაშიც და ვაჟასთანაც ბებერმა, გულთმისანთა წესის კვალობაზე, იციან მის საუფლოში მოხვედრილთა გაჭირვების მიზეზი, შერე თავად სთავაზობს ბებერს თავის სულს. თქმულებაში კი ეშმაკი მოითხოვს მურმანის (დედამისის) სულს. ეთერისთვის მძიმე სენის შეყრის სასწულბრივი საშუალება თქმულებაშიც და ვაჟასთანაც ფეტვია.

ეს ამბავი ხდება ცხრა მთის გადაღმა. სეტყვისა და დელგმის გამჩენი ბებერი ამ ასპექტით ფშავ-ხევსურეთის დარ-ავდრის გამგებელ მდედრულ და მამრულ ლვთაებებს ენათესავება. მისი გამოქვაბულში ყოფნა და „გველივით წივილი“ ხტონურ არსებათა ატრიბუტებია, ისევე როგორც სიშავე, მის ქვესკრელში მკვიდრობას მიგვანიშნებს. „ავსული ბებერი“ ქაჯებთან, დემონურ ძალებთან, იყო წილნაყარი და სწორედ ამიტომ ჰქონდა მოხვეჭილი გრძელება. ამ ბებერს „ცოდვებით ვერ შაედრება ქრისტეს გამცემი ურია“ და „უფლისგან გამეტებული“, ე. ი. ღვთაებრივს განშორებული, გულში ეშმაკშემჯდარი შერეც მასთან მიდის (ჩხენკელი 1989: 145-146).

ფეტვს მოგცემ დევთა ნათესსა,  
 მოსულსა დევთა ძვალადა,  
 ის ურნყავს სისხლსა კაცთასა,  
 დევთაგან ნახმარს წყალადა.  
 შიგვე დედის რძე ურევავ

ქაჯთი, მაცილთი კვალადა,  
შიგვეა ფერფლი იმ სულთა,  
ჩვენ რომელიც გვხვდა წილადა.  
ვინც თავის მეუფესთანა  
გამოჩნდა განბილებული  
შიგვე ლაფია იუდის  
ქრისტეს გამცემი სულისა  
და ანაფხევი სასყიდლად  
მის მიღებულის ფულისა.

როგორც ვხედავთ, წარმართული დემონების რიგს იუდას სახე  
აგვირგვინებს, რითაც ერთი მხრივ, მათი იდენტურობა, ხოლო მეორე  
მხრივ, მათი ეშმაურობა და ჯოჯოხეთთან წილნაყარობაა ხაზგასმული.

ჯადო-წამლის მოპოვების შემდეგ შერეში ილვიძებს ქვეცნობიერი.  
ეს უნდა ადარდებდეს ამ წარმატებულ კაცს. პოეტმა სწორედ ამ პლან-  
ში სცადა გმირის ხასიათის გახსნა, ამ გზით აჩვენა მისი ტრაგედია.  
დანაშაულის სიმძიმემ უნდა განსაზღვროს შერეს მომავალი, მისი სას-  
ჯელის ზომა (ქურდოვანიძე 2011, 257).

პოეტი შერეს ტრაგიზმს იმითაც ამძაფრებს, რომ ცოცხალს ტო-  
ვებს, თუმცა მხოლოდ ფიზიკურია ეს სიცოცხლე. ცოდვამ შერე ჭკუ-  
აზე შეშალა. მისი სულიერი დრამა და მისივე შემზარავი აღსასრული  
ლრმა ადამიანურ თანაგრძნობას იწვევს მკითხველში.

„შერე გოდერძისა (პოემისეული აბესალომი) და ეთერის საფლა-  
ვებს შორის კი არ დაიმარხავს თავს და ეკლის ბუჩქად კი არ ამოიზ-  
რდება მიწიდან, რათა ერთმანეთისაკენ მიმსწრაფი ვარდის ბუჩქები  
გაჰყაროს, არამედ ჯერ გონებაზე გადასული და გლახაკადქცეული  
დაეხეტება ტყე-ღრეში, მერე ბერებთან ეძიებს სულიერ შვებას და,  
რაკიდა სულის დაშოშმინება მისთვის სამუდამოდ მიუწვდომელია,  
თვალებს დაითხრის, რადგანაც ნათელის ხილვის ღირსად არა თვლის  
თავს:

მოსძაგდა სინათლის სინჯვა,  
მოსძაგდა ყველაფერია,  
დღეს მხოლოდ სიბნელე უყვარს,  
ვერ ნახოს ვერაფერია!

მსოფლიო მწერლობაში თვითდასჯა საკუთარი თვალების დათხრით — რათა იცოცხლოს, ღლონდ დაუსრულებლად იტანჯოს — მარტოდენ სოფოკლეს ოდიპოსმა გაპედა და, აი, ამდენი საუკუნის შემდეგ ვაჟამ ეს განსაცვიფრებელი საქციელი თავის პერსონაჟს მიაწერა“ (ჩხეიძე: 1995, 46-47).

მურმანის ხასიათს ჩამოყალიბებაში რომ სიყვარულია მთავარი მოტივი, ამას ადასტურებს ნაწარმოების ფინალიც. გაიგებს რა იგი ეთერის თვითმკვლელობას, თვითონაც თავს იკლავს. ამ ფინალით მურმანი ჩვეულებრივი უარყოფითი პერსონაჟიდან ტრაგიკულ პერსონაჟამდე მაღლდება.

ეშმაკმა გააცურა მურმანი, სული გამოსტყუა, სიყვარული კი ვერ მოაპოვებინა, რადგან ეშმაკი ის არსება არ არის, რომელსაც სიყვარულის გაცემა შეეძლოს. მურმანის სურვილი განუხორციელებელი რჩება. ეთერი მისთვის სიკვდილშიც მიუწვდომელია. მის საფლავზე ამოსული ეკალი უსიყვარულობის ნიშანია. ეს არის მურმანის ტრაგედია, რასაც არაფერი ეშველება. ფლობს განძს და ვერც ფლობს (კიკნაძე 2011: 76).

გოდერძიმ შერეს მოუსპო ოცნების აღსრულების უკანასკნელი იმედი და ამით უმძიმეს სულიერ მდგომარეობაში ჩააგდო. თავის მხრივ, ვაჟამ შერეს, როგორც სულგაყიდულს, სულით დაცემულს, წაართვა ფიზიკური სიკვდილის უფლება და თავისი პოზიცია პერსონისადმი ამით გამოხატა.

ეშმაკი, რომელთანაც მურმანმა ხელშეკრულება დადო, ესქატოლოგიური ქორწილის მტერია... ის ხელს უშლის ახალი ცისა და ახალი მიწის შექმნას. მას სურს, სამარადისოდ გაგრძელდეს დაცემული სოფლის ჟამთა დინება... წუთისოფელში ის უდარაჯებს ყოველ მურმანს და უცდის შესაფერ ჟამს, რომ გამოიყენოს იგი თავისი მიზნის მისაღწე-

ვად. ეშმაკს სურს ადამიანის სულის ხელში ჩაგდება. მაგრამ უფრო მეტად მას სურს, რომ ჩაიფუშოს საბოლოო ქორწილი და სამუდამოდ გაყაროს ერთმანეთს მეფე და სძალი. მაგრამ საბოლოოდ ეშმაკი უძლური გამოდგა. მან მხოლოდ მურმანის სული ჩაიგდო ხელში. ქორწილი კი ვერ ჩაფუშა...

თითქოს „ეთერიანის“ დასასრული ტრაგიკულია. სიყვარული ამ-ქვეყნად მარცხდება. მაგრამ მისი მეუფება გააღწევს ამ წუთისოფლის მიღმა, სადაც ხდება გაყრილთა შეერთება. ამის ნიშანი მათ საფლავებზე ამოსული ია და ვარდია. ამოდის მათ შორის ეკალიც... მაგრამ გაივლის ვინმე გამვლელი და ამოძირკვავს ეკალს (კიკაძე 2011: 80).

ფაუსტი კვდება. მეფისტოფელი მოუხმობს ჯოჯოხეთის ძალებს, რათა დაიხმაროს ფაუსტის სულის ჯოჯოხეთში გასატაცებლად. მართლაც, იკრიბებიან ჭინკები, იხსნება ჯოჯოხეთის ხახა, მაგრამ გამოჩდება ციური მხედრობა და ცად ამაღლდება ფაუსტის უკვდავი ნაწილითურთ. სატანა გაოგნებულია. ზეცაში ერთ-ერთი დასჯილთაგანი უერთდება მონანიე ქაჯების სულებს. ეს გრეთპენის სულია. ასე ხვდება მარადისობაში გრეთპენის სული ფაუსტის სულს.

„ფაუსტის დასასრული ფაქტობრივად წარმოადგენს ადამიანისად-მი ღვთის ნდობის გამართლებას — ტრაგედიის პროლოგის მიხედვით, ფაუსტის ცხოვრებამ დაადასტურა ღვთის სიტყვები, რომ „გულმრთელი ადამიანი, გინდაც გაეხას ეშმაკის ქსელში, მაინც ნათელ გზას გაიგნებს პნელში“ (კალანდარიშვილი 2008: 153).

**დამოწმებანი:**

- ბარდაველიძე 1969:** ბარდაველიძე ჭ. ქართული ფოლკლორი. III, თბ.: „მეცნიერება“, 1969.
- კალანდარიშვილი 2008:** კალანდარიშვილი გ. საუბრები მსოფლიო ლიტერატურის შედევრებზე. თბ.: „ზანი“, 2008.
- კიკნაძე 2001:** კიკნაძე ზ. ქართული ხალხური ეპოსი. თბ. „ლოგოს პრესი“, 2001.
- ქურდოვანიძე 1974:** ქურდოვანიძე თ. ეთერიანი. თბ. თსუ გამომცემლობა, 1974.
- ქურდოვანიძე 2011:** ქურდოვანიძე თ. ვაჟა-ფშაველა და ქართული ფოლკლორი. თბ.: უნივერსიტეტის გამომცემლობა, 2011.
- ჩხეიძე 1995:** ჩხეიძე რ. მურმანის ტრაგედია. თბ.: „ლომისი“, 1995.
- ჩხენკელი 1989:** ჩხენკელი თ. მძველიერი მძღვანელი. თბ.: „მერანი“, 1989.
- ხალხური სიბრძნე 1964:** ხალხური სიბრძნე. ქართული ეპოსი. III, თბ. „ნაკადული“, 1964.

მთის, არწივისა და არაგვის რეალური და სიმბოლური  
განზომილებანი ვაჟა-ფშაველას მხატვრულ ნააზრევში

ვაჟა-ფშაველას მხატვრულ ხილვებსა თუ პოეტურ სახეთა სისტემა-  
ში, სხვასთან ერთად, კონცეპტუალური დატვირთვა ენიჭება სამ ფე-  
ნომენს, სამ საგნოპრივ განზომილებას. ესენია: მთა, არწივი და  
არაგვი.

სამივე მათგანს საკუთვნო ადგილი უკავია მაღლა მხედი მწერლის  
თავისთავად პოეზიასა და პროზაში. მათ გარეშე ვაჟას უაღრესად  
ღრმა და სახიერი მხატვრული სამყარო ძალზე ძნელი წარმოსადგენია.  
თითქოს თვითეული — მთაც, არწივიც და არაგვიც — იმისთვისაა მო-  
წოდებული, რომ ავტორს ტვირთი შეუმსუბუქონ და თავად გააჟღე-  
რონ ის ტკივილიანი სათქმელი, რაც ქვეყნისა თუ ინდივიდის შინაგანი  
სუვერენიტეტის სანიაზო ცნებასთან არის ასოცირებული...

მოდგმა და გენეტიკური კოდიც თავისას ამბობს: ვაჟა-ფშაველა  
ხომ იქ დაიბადა და ეზიარა გარემომცველი ბუნების მიუწვდომელ  
იდუმალებას, სადაც მჭმუნვარე სახის „შაუპოვარი“ მთა, „ცის პირთ  
მავალნი“ არწივნი და „გიუმაჟი“ არაგვი ერთ განუყოფელ, გამაოგნებ-  
ლად დიად სინამდვილეს ქმნიან; სინამდვილეს, რომლის შემხედვარე  
და მოყურიადე ადამიანის არსებაში ძალაუნებურად იშმუშნება და  
იღვიძებს წადილი და წყურვილი სულიერი სილალისა, სიმთელისა და  
შეუზღუდავი თავისუფლებისკენ ძალუმი სწრაფვისა.

არწივი და არაგვი, გარკვეული აზრით, მთის პირმშოები, „მონა-  
ტეშარნი“, მისი „უძლები“ შვილები და აღზრდილები არიან, რაც, რა-  
საკვირველია, ამძაფრებს და აფართოებს მათ პასუხისმგებლობას  
გულმოწყალე მშობლის მიმართ. ისინი ღირსეულად ასრულებენ იმ  
საპატიო მისიას, რაც მშობელმა განუწესა: ძალდონის დაუზოგავად  
იბრძვიან ეშმაურ ძალებზე სიკეთის საბოლოო გამარჯვებისთვის,  
პირმეტყველთა სულიერი განწმენდისა და ამაღლებისთვის...

მთა განსაკუთრებული სუბიექტი (მხოლოდა მერე — ობიექტი) და სიდიდეა ვაჟას პოეზიაში. რეალურ სიბრტყეში ის უნაპირო-ული სამყაროს ორგანიული ნაწილია, მხილველს თავისი „ცადაწვდი-ლობით“ რომ ხიბლავს და იმონებს, ხოლო სიმბოლური საზრისით მას-თან მადლობილება, სოციუმის ბედზე ფიქრი, ცისა და მიწის მეკავში-რეობა, შუამავლობა და ადამის მოდგმის საყოველთაო გასულოვნებაა დაკავშირებული.

მთები ვაჟას ხილვებში ხანდახან მეომრებსაც ემსგავსებიან, ერ-თვული ძმებივით „ერთურთზე მიქადლებულნი“ გან-გან რომ „დაეყრე-ბიან“ ხოლმე და შავით შემოსილნი სახვალიო ფიქრს ნისლის — თავი-ანთი „კაცობის გვირგვინის“ — სახით ავლენენ და ამჟღავნებენ.\*

მთებისთვის ადამიანური ნიშან-თვისებების მიწერა მათი სიდინ-ჯის, გონივრულობისა და სერიოზულობის განცდას აცხოველებს, გან-ცდას, რომელშიც დარდი და ვარამი ჭარბობს სიცოცხლის სიხარულსა და სიხალისეს. ისინი ზოგჯერ „სუდარაჩაცმულნი“ დგანან და მწარე ფიქრს მასპინძლობენ; ხან კიდევ პირბადეს აიხსნიან და ძილით გა-უმაძლარნი „გულგრილად იცქირებიან“...

უენპირო ბუნების ცოცხლად, მოძრავად, განსულიერებულად ხედ-ვა და „სინჯვა“ ვაჟა-ფშაველას სახისმეტყველებითი აზროვნების თან-დაყოლილი თვისება და იმანენტური ნიშანია. ამიტომაც აღიქმება ბუნებრივად მთების მიმართ შერჩეული და მოხმობილი ტროპული სა-ხეები: „პირქუში“, „უშტარი“, „ტიალი“, „ობოლი“, „უბინადრო“.

მთების და მდინარის ადამიანური ასპექტის მკვეთრი კონტურების წარმოჩენის თვალსაზრისით ასევე უბადლოა ხალხური პოეზია, სადაც ყოველივე მოჩქარე მოვლენათა სვლისა და ცვალებადობის დაუოკე-ბელ დინამიკას ექვემდებარება: „მთათა დაწურეს ცრემლები, ასტეხეს ნი-აღვარიო, მიდის, მიანგრევს კლდე-ღრეთა, ბრაზობს არხოტის წყალიო...“

ხოლო ძირითადი ვიზუალური მხარე და მახასიათებელი, რაც მთას რელიეფის სხვა „წევრთაგან“ გამოჰყოფს და გამოარჩევს, მისი სიმაღ-

\* ნაამაგარ მეომრებად მთების წარმოსახვა ასევე ჩვეული მოვლენაა ვაჟას პროზაში: „...ზეგით უტყვეო, შაშველი მთები თავებს იბურავდენ ჯანლით, თითქოს ნაომარნი არიან, ხმლით დაჭრილი და წყლულებს იხვევენო...“

ლეა. „მთის მწვერვალის“ საკანთიელო სიმაღლე, რომლის შეხება არწივსაც კი უძნელდება ხოლმე, პოეტის გულში სიამაყის აღმავალ განცდას აღვივებს. სიმაღლე, გეოგრაფიული გაგებით, ის თვალხილული ვერტიკალური პოლუსია, რომელიც ღვთიური მადლისა და ძალმოსილების გარკვეულ ხარისხს ესატყვისება: რაც უფრო მაღალია მთა, მით მეტად ახლოა ღვთის საუფლოსთან.

ვაჟა „ზვავთა ნაღარი“ მთების უცვალებელი სიმაღლის მომდერალი და აპოლოგეტია: „თქვენი ჭირიმე, ჰოი, მთებო, ქედანვდილებო ზეცადა“; „მიყვარხართ მიტომ, რომ ხართ მაღლები...“

მთა, მთიელთა ეთნოკულტურაში, ამქვეყნიური დიდების ხილული ხატია.

ქართველთა მსოფლგანცდა ქარიზმატულ მთას ღმერთებისა და ღვთისშვილების საპინადროდ და სარბიელად სახავს.

ქართული ოქონინით, მორიგე ღმერთმა გერგეტის მთაზე „გადმოუშვნა“ ღვთისნასახნი, საიდანაც მოხდა აღმოსავლეთ საქართველოს კუთხეებში მათი „ნარგზავნა“.

მთებზე, სულიერების სიჭარბით აღბეჭდილ უდაბურ ადგილებზე, იკიდებენ „კოჭს“ და არსდებიან სათემო თუ სატომო სალოცავები, ჯვარ-ხატები, ქრისტიანული ტაძრები...

მთა საკრალური სინმინდითაა განათლული და გამშვენებული, ვინაიდან მას უკავშირდება უფლის გამოცხადება და ფერისცვალება...

ვაჟა-ფშაველა უტყუარი პოეტური ინტუიციით წვდებოდა და კითხულობდა მთების წიაღში დამარხულ ბევრ საიდუმლოს; აცნობიერებდა მთების სიმბოლურ მნიშვნელობას, გონებით აუხსნელ ტრანსცენდენტულ შინაარსს და ზეგარდმო ნიჭის წყალობით ქმნიდა მათი არსისა და ვიზუალის ვარიაციულ სახესხვაობებს.

გრ. კიკნაძის თქმით, ვაჟა „მთაში მხოლოდ მთას არ ხედავს“, მის-თვის „მთა ამოსავალია, რათა დიდი და საყოველთაო მნიშვნელობის საკითხები დასვას“.

ერთია რეალური მთა, თავისი კონფიგურაციით, ქუჩით, ყვავილით, წყაროთი თუ წიავით, რომელსაც ვაჟა სიყმანვილიდან ვიდრე სიცოცხლის მიწურულამდე შეხაროდა, ერუდუნებოდა და აღმერთებდა

(„რამ გაგაჩინათ, ნეტარა, ჩემფერის კაცის ბედადა...“), ხოლო მეორე ის, უფრო გადატანით-ალეგორიულ გაგებას რომ ითავსებს და მთელ თავის უპირატეს ღირებულებრივ მნიშვნელობას რჩეული პერსონაჟების ცხოვრებისეული გზების ტრაგიკულ ხვეულებთან მიმართებაში ასაცნაურებს.

მთა სივრცის ვერტიკალური ლერძის ის მყარი საფეხურია, საიდანაც შესაძლებელია ღმერთთან მოკვდავის ლაპარაკი...

„მთას ვიყავ, მწვერვალზე ვიდეგ, თვალთ წინ მეფინა ქვეყანა, გულზედ მესვენა მზე-მთვარე, ვლაპარაკობდი ღმერთთანა...“

უზენაესთან უშუალო შინაგანი კონტაქტი ერთეულთა, დასაზღვრულ ადამიანურ შესაძლებლობათა ფარგლებიდან გასულ განდობილთა და ინიციაციაგავლილთა ხვედრია. ეს, ერთდროულად, უმაღლეს ბედნიერებასთან ზიარებასაც გულისხმობს და უდიდეს პიროვნულ პასუხისმგებლობასაც ღვთისა და ერის ნინაშე. გულზე მზე-მთვარიანი გმირი არაა რიგითი პერსონა. ის „ნაწილიანია“, წილდებული სამყაროს შემოქმედთან და, ამდენად, საგანგებო საპრძოლო მზაობა და სიფრთხილე მართებს „ჭირიანი ცხოვების“ უსწორმასწორო გზებზე სიარულისას.

მთა, რომლის მწვერვალიდან ლექსის ლირიკული გმირი ბნელ ხევში ეშვება, კაცებრივი აღმასვლისა და წარმატების აპოთეოზია.

ლექსში არ ჩანს, „განუმარტავია“, რა ცოდვისა თუ შეცდომის გამო დაეცა და დაენარცხა მინას პროტაგონისტი. და სათქმელი, რაც მცირე მოცულობის ნაწარმოებმა ვერ დაიტია, მრავალშრიანი ფილოსოფიური განსჯის საგნად იქცა პოემა „გველისმჭამელში“: რწმენის ღალატი და გამჩენისგან განსაზღვრულ მოწოდებასთან შეორგულებაა მიზეზი იმისა, რასაც მისანი და სულიერ-უსულოთა გულთამხილავი მინდია თვითმკვლელობამდე მიჰყავს...

ვაჟა-ფშაველა ბინადარია იმ კურთხეული მთისა, რომლის მეშვეობით ხშირად მიეახლება ქვეყნიერების მფარველ უსხეულო ძალას.

ანონიმ მეტოქეებთან უკომპრომისო პაექრობაში პოეტი განაცხადებს: „მაგრამ გავიგებთ ერთხელაც, ვინ ახლოს ვდგევართ ღმერთანა“. სხვა ლექსში კი ამას ინატრებს: „არ დამიშალონ მიმოსვლა

**ღმერთან ამ გრძნობის ხილითა“... საგულისხმოა თვი სტომთა სიტყვები, რწმენაგაბზარულ, ავის მოლოდინით შემსჭვალულ მინდიას რომ ეუბნებიან „გველისმჭამელში“: „ჩვენა გვწამ, შენაც ხომ იცი, რომ ჰლაპარაკობ ღმერთანა...“ და ამ კუთხით ქაჯთა ნატყვევარი უცნაური გმირი, შეიძლება ითქვას, თვით ავტორის ალტერ ეგოა, ვინც მოვლო, მოიხილა ადამიანური დიდების მნვერვალები და იმის გამო, რომ ვერ შეძლო მისთვის დადგენილი ცხოვრების წესის ბოლომდე დაცვა, ახლა „თავ-თავქევ“ ეშვება...“**

გველსმჭამელის, როგორც თანატომელებისგან განსხვავებული და განაპირებული გმირის სახლი „ფრიალო კლდის თავს დგა“, ბანით „ცას ებჯინება“ და ირგვლივ „სრულის ტანით“ აყრილი დიდრონი მთები შემოჯარულან.

მთებთან მიმართებაში იცდება და საჩინოვდება მინდიას ბუნება, ფსიქიკური წყობა და საცხოვრებისო ორიენტაცია: თორმეტნლიან ტყვეობაში „თავისი ჩამოთვენილი მთები“ აგონდებოდა, ხოლო უმწვავესად კრიტიკულ პერიოდში, შინაგანი გახლეჩვისა და გაორების უმძიმეს პირობებში, როცა საშველი არ ჩანდა და არც სადმე ნუგეშის ნატამალი ჭაჭანებდა, ამგვარად წარმოისახა მისი უსასოო, გამოუვალი მდგომარეობა: „მთათ რო შეხედა მაღალთა, დაიქვითინა მწარედა...“

მთის გულმკერდზე გმირის მოძრაობის მიმართულებაც მიგვანიშნებს მის რაობასა და როგორობას: მინდია დაეცა და ფეხს „მონამლული“ ხევისკენ ალირებს, რათა ხევსურები იქ დაუხვდნენ ქისტების ლაშქარს, ხოლო ალუდა ქეთელაური, ვინც, ფიზიკური მარცხისდა მიუხედავად, სულიერად გაიმარჯვა ჰუმანიზმის უმაღლეს იდეალებთან მწყრალად მყოფ კონსერვატიულ თემზე, ჯალაბთან ერთად აღმა მიუყვება თოვლიან მთას.

„სტუმარ-მასპინძელის“ ფინალშიც ხომ „კლდის თავს“ იკრიბებიან მიღმა სოფლად გარდამხდარ გმირთა აჩრდილები და ცეცხლის მკრთალ შუქზე ვაჟკაცობისას და „ერთურთის დანდობისას“ ამბობენ...

ზუსტი და საგულისხმოა თამაზ ჩხენკელის დაკვირვება: „ალუდა ზეალმავალი გმირია, მინდია ქვედადმავალი. ალუდა ტიტანური ძალისხმევით არღვევს საზოგადოების დახშულ მორალსა და რელიგიის

გაქვავებულ დოგმებს. უნივერსალურ ღმერთთან ზიარებული იგი ზეკაცურ თავისუფლებას იხვეჭს. ხოლო ზეკაცურ ცოდნასა და ბუნების საიდუმლოსთან წილნაყარი მინდია ჰერგავს ღვთაებრივ ზეცნობას, რაკი საზოგადოებაში ცხოვრება შეუძლებელს ხდის მის შენარჩუნებას და თავისსავე თავში ტრაგიულად დამარცხებული თავს იქლავს“.

ვაჟა-ფშაველას პოეტურ წიაღსვლებსა და მედიტაციებში მთების სახე კიდევ ერთი საყურადღებო რაკურსით იკვეთება: ეს გახლავთ ურთიერთობა ბართან. და აქ, მთის და ბარის უვრცეს სარბიელზე, ხალხი არ ჩანს, ძეხორციელი არ იძვრის. პოეტი ერთმანეთთან ასაუბრებს ცოცხალი სამყაროს ორ უმშვენიერეს (გავიხსენოთ: „მთასა აქვს თავის შევნება, ხოლო ბარსა აქვს ბარული...“) ნაწილს და ამ საუბარში თავისთავად ივარაუდება მათ მკვიდრთა აქტიური მონაწილეობა...

მთა, რახან მაღალია, უპირატესად თვლის თავს, ქედმაღლობს, გულდიდობს და „ცერად დაპყურებს“ ბარს, რაც ნეიტრალური პირის, ანუ, ამ შემთხვევაში ავტორის, უკმაყოფილებას იწვევს. ის შეახსენებს მთას, რომ საფუძვლად ბარი აქვს, ბარს ეყრდნობა და წინდაუხედავი დაპირისპირება საერთო საქმეს სასიკეთოდ ვერ წაადგება...

ლირიკაში დასმული ეს ეროვნული პრობლემა უღერადობის კულტინაციას პოემა „ბახტრიონში“, ზეზვას დანაბარებში აღნევს: „უბაროდ, განა არ იცით, მთანიც რომ ვერა გვარობენ...“

მთა და ბარი ერთი სხეულის ორი სრულუფლებიანი ნაწილია, ჰორიზონტალურ ჭრილში — მარჯვენა და მარცხენა, ანდა პირუკუ, რომელთა ჰარმონიული თანაარსებობა და შეთანხმებული მოქმედება წინაპირობა და გარანტია ქვეყნის შეუვალობისა, მონოლითური ერთიანობისა, ფიზიკური სიმტკიცისა და ძლიერებისა... ამიტომაც უთვლის ბარი მთებს: „ერთობის გზაზე ვიაროთ, კერძოობის გზა ფინთია...“ და როცა ერს დანაწევრებისა და დაძაბუნების საფრთხე ჩამოუქროლებს, მწერლის მოუმცდარი ალლო და გუმანი უმალ აგნებს არასახარბიელო სიტუაციის უმთავრეს მიზეზს: „...და სწორად არ მიუტანეს ბარს მთისა დანაბარები...“

იმ მყარ, მდგრად, მარადიულ ფენომენთაგან, დროთა ცვლას რომ არ ექვემდებარებიან და რჩებიან იმადვე, რაც უხსოვარი დროის წინათ იყვნენ, ვაჟას მსოფლხედვაში საწინაო, საუფროსო ადგილი მთებს აქვთ მიკუთვნებული.

ბუნება წარბშეუხრელად დგას და, მიუხედავად ქვეყნად არსებული დიდი ცოდვა-ბრალისა, „მაინც მშვიდი და მშვიდია“. ნისლებიც „ძველებრივ დიან“ თავიანთი „უცვალებელი წესით“... და ყოველივე ეს სავსებით კანონზომიერია, ვინაიდან „ვნებათა იგივეობა წესია დედამიწისა...“

სამწუხაროა კაცთა სიცოცხლის სიმოკლე („დრონი წავლენ და ჩვენც წავალთ, მოთქმა მოჰყვება მოთქმასა...“), თუმცა გენიოსს აქაც შეუძლია ულმობელი რეალობისთვის თვალის გასწორება, გარდუვალობის მიღება, აღიარება და სიტყვაში იმ სილამაზის განივთება, „უამის ბარდაბარ“ ერთსა და ათას წელს თანაბარი წარმატებით რომ გაუძლებს და გადაურჩება: „მე წავალ, აქვე დარჩება ქედი მაღლისა მთისაო, სხვა ყველა ცვალებადია, უცვალებია ისაო, ცოცხალთ თვალთ სალალობელი როგორ ამყად ზისაო...“

\* \* \*

ლუგუმი და უფერული იქნებოდა მთების ყოფა, სასურველი არსებანი რომ არ ამშვენებდნენ მის უბე-კალთას.

ყველაზე ხშირი, სანატრელი და დავლათიანი სტუმარი, რომელსაც ძილქუშიდან გამოჰყავს მთები, არწივია.

ფრთოსანთა მეფის გამოჩენა სხვარიგი ღელვით აჩქროლებს სისხლს მთების ძარღვებში.

„მთანი მაღალნის“ მიხედვით, არწივია ის მამაცი, ლამაზი და შეუპოვარი შიკრიკი, ღმერთს რომ ატყობინებს მთათა ამბებს. და როცა არწივი დასთამაშებს თავზე, მთების გულში სანთლები ინთება...

არწივი, ხალხის რწმენით, „ღვთის ქათამია“ და, ამდენად, დაუშვებელია მისი მოკვლა.

მითებსა და არქაულ თქმულებებში ის ღვთაებათა და სახელმოხ-  
ვეჭილ გმირთა ზოომროფული სახეა. არწივი, ამასთან, მზის მყოლი  
ფრინველია, განმასახიერებელი გამბედაობისა და სიმამაცისა...

სამაგალითოა მისი „სწორფრობა“ და მეგობრობა მონადირესთან.  
სარჩოს არ ეძებს იქ, სადაც წილი არ უძევს („...მაგრამ სხვის მოკლულს  
არა სჭამს...“). სამაგიეროდ, თანამგრძნობელია ხელმოცარული მონა-  
დირისა და, მისებრ უწურთნი, ვერ გუობს უსამართლობას.

ვაჟას მოთხრობაში „შეყვარებული“ არწივისადმი მონადირის სწო-  
რედ ამგვარი დამოკიდებულება, დიდბუნებოვნად დამთმობლური პო-  
ზიციაა გამოკვეთილი: „...არწივო, არწივო, დიდებულო ფრინველო, რა  
შშვენიერი რამა ხარ! ნუთუ არ გახსოვს, რამდენჯერ ნადირობის დროს  
ახლო შემხვედრიხარ კლდეზე, მუხაზე მჯდომარე და შენთვის თოფი  
არ მისროლია. რამდენჯერ ნანადირევი მჭერია კლანჭებში, მაგრამ არ  
შეგცილებივარ, — ეგეც მონადირეაო, მითქვამს, როგორც თავისი  
თავი მიყვარს, ისე შენ; თუ თავის თავს გავიმეტებდი მოსაკლავად,  
ეგრევ თუ შენ...“

სვანი მონადირეც ხომ მსგავს ტონალობაში ელაპარაკება და დას-  
ტირის უთურ-მთაზე უნებლიერ მოკლულ, ტანდაზოლილ, აბორგებუ-  
ლი მდინარის ლონის მქონე ტოტემურ ცხოველს — ულამაზეს ვეფხვს...

ვაჟა-ფშაველას სამყარო, ფიგურალურად რომ ვთქვათ, მხარკვერი-  
ანი არწივის ფრთებითაა მოზომილი და შემოსაზღვრული.

არწივის მზერის ბადალია პოეტის ხედვაც: მისი თვალსაწიერიც  
ხომ მშობლიური მთების მთელ სასარულ თუ უსასარულო სივრცეს მო-  
იცავს, დაწყებული ფრიალო კლდეებით, მდინარეებით, ვარსკვლავი-  
ანი ცით და დამთავრებული უღრან ტყეში მოსული თალხკაბა იით,  
შვლის ნუკრით და გრილი წყაროთი...

ცალსახაა პოეტის გულშემატკივრული დამოკიდებულება ნებისმი-  
ერ ცოცხალ არსებასთან, მღილთან და მღოღავთან, გვრიტთან,  
კაკაბთან, ოფოფთან თუ წიფლისჩიტასთან, მაგრამ სრულიად სხვაა  
მისი მიმართება არწივთან, ვინაიდან მასში ეგულება ის ძალა და შე-  
მართება, დაბერივებულ კაცთათვის მისაბაძ მაგალითად რომ გამოდგება.

არწივის თვალებში „ძალა სულისა“ წერია.

ეს ხიბლავს შემოქმედს.

ამიტომაც ამბობს: „ათი ათასს სჯობს ტრედს, კაკაბს მარტო არწივის თვალები...“

რამდენიმე ლექსში აქცენტი არწივის ასაკზეა დასმული („მთას იჯდა ბერი არწივი“, „უხდება ბებერს არწივსა...“, „ერთი ბებერი არწივი ზეით ჭიუხში წყრებოდა...“), რაც შემთხვევითი არ უნდა იყოს: მას, როგორც ფრინველთა თაოსანს, ბევრი რამ ევალება და მოეკითხება. ის, ძველი ხევისბერის დარად, სხვათა შემწეცაა, მსაჯულიც და მებრძოლიც. და ყოველივე ამაში გამოცდილება სჭირია... ერთ-ერთ წერილში ვაჟა აღნიშნავს, რომ „სიბერის ერთადერთი სიკეთე გამოცდილებაა“ და არწივს, რომელიც მთაზე ზის ანდა „კლდის თავზედ დასძინებია“, სწორედ ეს გამოცდილება სძენს განსაკუთრებულ სიმძიმესა და სიდარბაისლეს, ანუ იმ სავალდებულო თვისებებს, რაც სამწყსოს პატრონსა და წინამდოლს უნდა ახასიათებდეს.

საგმირო ხალხურ პოეზიაშიც, უპირველეს ყოვლისა, კაი ყმების მფარველობითი ფუნქციაა პედალირებული, მითუფრო მაშინ, როცა მათ ეპითეტად „არწივი“ ფიგურირებს. არწივი ანუ მამაცი მოყმეა ის ნუგეში და ციხე-სიმაგრე, საკუთარი ფრთებით რომ უმყუდროვებს უამინდობაში მოხვედრილთ: „თქვენთან მეწადა, არწივნო, სმა-ჭამა, ლხინი გრძელია, რა უდარობა დაგვიდგას, დამაფარნიდით თბენია...“

ვაჟას პოეტურ ხილვებში არწივი მახარობლის ფუნქციასაც ითავსებს და კაცობრიობას ღვთივსათო აქტის აღსრულებას ატყობინებს: „სიმართლის გამარჯვებასა მთაზე არწივი ყიოდეს, მეც მას ბანს ვეუბნებოდე, გული აღარა მტკიოდეს...“

სიმბოლურ-ალეგორიულია ლექსი „არწივი“.

მკვლევართა ერთი ნაწილი თვლის, რომ ეს ნაწარმოები ავტობიოგრაფიულია და პეტერბურგში რეალურად მომხდარ ინციდენტს ეხმიანება, ხოლო მეორეთა აზრით, დაჭრილი არწივი დამონებული სამშობლოს მხატვრული სახეა.

პირადული შემთხვევის დონემდე დაყვანა ლექსს უქვეითებს და უკარგავს ზოგადობის მუხტსა და რეზონანსს, რაც მასში ნამდვილად ძევს და მოიაზრება. ყვავ-ყორნებში, ლოგიკის ძალით და კარნახით,

საქართველოს ფარულ თუ აშკარა მტრებს უნდა გულისხმობდეს ავტორი და არა იმ შარისთავებს, რომლებთანაც ძმასთან — გიორგისთან — ერთად, მუშტიკრივის გამართვა მოუწია რუსეთში სასწავლებლად მყოფს.

მოიარებითი მინიშნება საქართველოს ავბედით ყოფაზე ქართველ კლასიკოსთა შემოქმედებითი პრაქტიკის თანმდევი თავისებურებაა. დატყვევებული სატრუოს ხატსა თუ კავკასიონზე მიჯაჭვული ამირანის სახეს „გულისპირს სისხლიან“ არნივიც ემატება, როგორც ერთობ ორიგინალური და ექსპრესიული მხატვრული შესატყვისი იმპერიის „ბრჭყალებში“ მბორგავი ქვეყნისა... შორს რომ არ წავიდეთ, „ბახტრიონის“ დასასრულიც ხომ რაღაცით მსგავსი სახისმეტყველებითი შინაარსითაა დატვირთული: ვაჟას ერთმა უსწავლელმა ფშაველმა ჰკითხა, დაჭრილ ლუხუმში, რომელსაც ლაშარის გორზე „შადგომა“ უნდა ეღირსოს, საქართველოს თავისუფლებას არა გულისხმობო, რაზედაც მან უპასუხა, იქნება ვგულისხმობდეო!..

გასათვალისწინებელია ერთი გარემოებაც: ლირიკული ლექსი, ძალზე ხშირად, ამბისა თუ მოვლენის მოხდენისთანავე, მაღევე, ემოციის განელებამდე, „ცხელ კვალზე“ იწერება.

ვაჟა-ფშაველა პეტერბურგიდან 1884 წელს დაბრუნდა, ხოლო „არნივი“ 1887 წლითაა დათარიღებული...

ვაჟასთვის სამწლიანი ინტერვალი სულაც არ იქნებოდა საჭირო, უცხოობაში ნაწვნევი სიმწარე (თუმც თავად გაიმარჯვა!) ლექსის სტრიქონებად რომ აემეტყველებინა...

სამშობლოს ბედ-უბედობა და მომავალი ყოველთვის იყო ვაჟას მფეთქავი, მდუღარე, ინტენსიური ფიქრის საგანი. დამოუკიდებლობისათვის ბრძოლაში გაბედული ნაბიჯებიც გადაუდგამს, ფშავ-ხევსურეთის წინამდლოლობაც განუზრახავს და არაეროვნული ხელისუფლებისთვისაც დაუმახსოვრებია თავი, როგორც მიზნისკენ მიმავალ გზაზე უშიშარსა და შეუდრეველ მამულიშვილს, სახელოვანი და საამაყონიაპრების ლირსეულ მემკვიდრეს.

დაჭრილი არწივის რაობისა თუ ვინაობის რკვევის პროცესში მნიშვნელოვნად მიგვაჩინია 1915 წელს დაწერილი ლექსი „პასუხად“, რომელიც განდევგილსა (დ. ერისთავს) და შიო მღვიმელს ეძღვნება.

ვაჟა მეგობრებსა და თანამოაზრებს მიმართავს, რომ მათ მიერ უწყებულმა ამბავმა — „გაუმთელდაო წყლულები არწივს დაკოდილს მხარშია“ — ისე გაახარა, „ფეხის ფრჩხილებში გაუონა ურულამ, დაკრულმა თავშია“.

საუბარი ეხება ლალატით გზაში დაჭრილ არწივს, დროთა განმავლობაში წყლულები რომ გამთელებია, მკლავში მომაგრებულა, „უჭირველივით“ დაუწყია ყაშყაში და „დაუფანტია ფრინველი“.

ეჭვს არ უნდა იწვევდეს, რომ დაფანტულ ფრინველებში აგზნიან ყვავ-ყორნებს გულისხმობს პოეტი. არწივს უწყინარ ფრთოსნებთან, კაცმა რომ თქვას, გასარჩევი და გასაყოფი რა უნდა ჰქონოდა!..

რაც არ უნდა კონკრეტული ავტობიოგრაფიული დეტალები ჩანდეს, მსჯელობის ხაზი იქითკენ იხრება, რომ სისხლიანი გულისპირით ყვავ-ყორნებთან მეომარი არწივი საქართველოა.

ავტორს, თანამედროვეთა მოგონებების თანახმად, გამორჩეულად უყვარდა „არწივი“ და, ბაჩანას „მუხასთან“ ერთად, ყველაზე ხშირად ამ ლექსს კითხულობდა დღეობებში, საჯარო წვეულებებზე, ლიტერატურულ საღამოებზე...

მრავალნაირია არწივის „მანიფესტაციის“ გრაფიკული ფორმა და გარემოება ვაჟას მხატვრულ ნააზრებში: ის ხან ცაში ცურავს და ედემის ვარდივით ჰყვავის, ხანაც ლონიერი ფრთების ფარფაშით უფსერულებს ათვალიერებს, ხან კიდევ გაჩქარებული მოდის და „მოჰყეფს გზაზე“, რათა მისი საბუდარის დასაკუთრების გამო ერთურთს წაკი-დებულ ყვავსა და ყორანს „შეუწონარი“ სიბრიყვე ანანოს...

პოეტს არწივი წარმოუდგენია იმ მგებრად და მეგზურად, სულეთში შესულ კაი ყმას წინ რომ უნდა წაუძლვეს და მართალთა საუკუნო სამყოფელი მიასწავლოს.

არწივი, რომელსაც ვაჟამ წინაპრებთან პირურცხვნელად წარმდგარ მოყმეთა დამხვდურობის პატივიც არგუნა წილად, მათივე პეროიკული მხატვრული წატურის მძერნავი ატრიბუტია ხალხურ პო-

ეზიაში: „სამუკა შიშიათაი არწივი მემომარიო...“ „ჩოხს დაიბადა არწივი, ამბობენ ცოტა ხნისასა“... „თათართ თათარა ომობდა, არწივი მხარკვერიანი...“ „კივილით გადაიარეს არწივთა დათვისჯვარიო...“

ღირსეულია სიცოცხლე არწივისა.

ლამაზია მისი სიკვდილიც...

„არწივის სიკვდილიც ვაჟაპურია, — ვკითხულობთ მოთხრობაში „არწივი“. — სულის დალევის დროს იგი მაინც არა ჰყარგავს სიამაყეს, მამაცად აპრიალებს თვალებს“.

ღრმააზროვანია ეს მოთხრობა: თავის არწივულ მრწამსთან თუ სიცოცხლის საზრისთან პირშერცხვენილ და თავმოყვარეობადაკარგულ არწივს სწორედ იმ წამს იმსხვერპლებს ტყვია, როცა „მაღლის მთის მწვერვალიდან“ ბარად ჩასული, დამშეული და დაუძლურებული ლეშის ჭამას დააპირებს...

მძორს დახარბებული ფრინველთა მეფე, ვაჟასავე ნათქვამი რომ მოვიშველიოთ, „საელდო სანახავია“, ვინაიდან ასეთი რამ მისი მორალისა და ზნეობის ნორმებში არ „ჯდება“. უნიათო და დაბეჩავებული მებრძოლის ნახვის სურვილი მწერალს აღარ აქვს. მისთვის მეობაუქონელი არსება „სიცოცხლით სიკვდილიანი“ კაცის ბადალია. ამიტომა განაჩენი წყველასავით მკაცრი და დამმუნათებელი: „...ნუმც მინახია არწივი, შნო აღარ ჰქონდეს ომისა!..“

აღინიშნა, რომ არწივი ხალხის ზეპირ შემოქმედებაში ღვთაებათა ზომომორფული სახეა.

ვაჟა-ფშაველა არა მარტო სარგებლობდა ფშავ-ხევსურეთის ძველ-თუძეელესი მითებითა და გადმოცემებით, მიუყვებოდა ნაცნობ, ნაცად გზას, თვითონაც ქმნიდა ახალ პოეტურ პარადიგმებსა და არქეტიპულ მხატვრულ სინამდვილეს.

თავისი ყმისა და მსახურის მფარველ ღვთისშვილად არწივის წარმოსახვის მხრივ იწვევს ინტერესს მოთხრობა „ბერიძე გაუტეხელი“.

ბუნების სტიქიასთან ჭიდილით დალლილ-დაქანცულ ხევისბერს უხილავად „შესჯდომია“ მხრებში „მფარველი არწივი“ და კაპას ამინდთან ბრძოლას უადვილებს.

ხოლო მანამდე: „...ხალხი ბერიძეზე იმასაც ამბობდა, როცა გაემართებოდა სალაშქროდა, წაუძღვებოდა წინ ლაშქარს ხელში დროშით ქისტეთის დასარბევად ან სახლიდან ხატში წავიდოდა სამსახურის ასასრულებლად, მუდამ ხევისბერს ცაში თავზე დაპბრუნავს უზარმაზარი არწივით და არც დაანებებს თავს, ვიდრე დანიშნულ ალაგას არ მიაღწევსო...“

თუკი ხალხურ ნარატივებში მთიანეთის რომელიმე კუთხის, კონკრეტული თემ-სოფლის, საყმოსა თუ ცალკეული ინდივიდის დამხმარელობას უმთავრესად მტრედი განასახიერებს და მასვე უკავშირდება სამლოცველოთა დასახვისა და დაარსების ანდრეზები, ვაჟამ, თანამედროვე ტერმინოლოგიას რომ დავესესხოთ, მოდერნისტული მიდგომა გამოიჩინა ტრადიციული ფოლკლორული რეპერტუარის მიმართ და ნაცვლად მტრედად ტრანსფორმირებული ლოკალური ლოტაებისა, არწივი წარმოგვიდგინა განსაცდელში ჩავარდნილი მეომრისა და კულტის მსახურის შემწედ...

სოფლურ ჯაფასა და ჭაპანწყვეტაში, ჯალაბის რჩენასა და შენახვაზე ფიქრში, მუდმივ მატერიალურ სივიწროვესა და უქონლობაში გადიოდა ვაჟა-ფშაველას ცხოვრება.

ხალხში ტრიალებდა და თავმარტოობის განცდა ტანჯავდა.

არ ჩანდა გარეგან „უჩნევარი“ ტკივილის გამგები.

ყველაზე მეტად მაშინ უმძიმდა, როცა შთაგონებაც მიინავლებოდა; შთაგონება, არწივის მეტყველ ხატად რომ წარმოედგინა და მოუთმენლად ელოდა მის გამოჩენას, ფეხბედნიერ სტუმრობას. მისთვის არწივი განასახიერებდა სულის დელვას, მღვიძარებას, იმ არასადაგ მდგომარეობას, როცა შემოქმედი საკუთარ თავს აღარ ეკუთვნის, ამაღლებული და აღმატებულია მოკვდავობაზე; როცა ლოტაებრივ ხელთა და ღაბუშთ მიემსგავსება და „ქვეყნის საკეთილდღეო“ ფიქრით აღვსილი ღმერთთან ლაპარაკს იწყებს...

„აღარ მესტუმრა არწივი, აღარ დამყეფა თავზედა, აღარც რო კარგი მალალებს, აღარცა ვჯავრობ ავზედა...“

ასეთ დროს სამყარო ბინდით იბურება, თვალსაწიერს ღამის სიშავე ერევა და ფარავს, იშლება და იხაფრება გზა და ბილიკი, მძლავრობს

დარდი და უიმედობა, ცხოვრება აზრს კარგავს და პოეტის ყოფაში ძნელი პერიოდი დგება.

მადლდალეული კაცი და, ისიც შემოქმედი, მოკლებულია სრულფა-სოვნებას. არწივის გადაკარგვის ბრალია დალაჩრება და გაარაფრება. აუცილებელია მისი გამოჩენა, რათა პოეტი საკირესავით აენთოს და „დაინგას თავის ალზედა...“

და, აქედან, კითხვანარევი მუდარა, მოზომილი და მსასოვარი, უსასრულო სიცრციდან მოსული ფრთოსანი რომ არ გაანაწყენოს და რაც შეიძლება დიდხანს დარჩეს მის სანატრელ, სანეტარო მეტაფიზიკურ ტყვეობაში: „მოდი, არწივო, სადა ხარ?..“

შთაგონების ტყვე-ტუსალად ქცეული (როგორც ეს ქადაგისა და ღვთისშვილის მისტიური ურთიერთობისას ხდება ხოლმე) პოეტი სხეულებრივი სიმძიმისაგან იძარცვება, თავისუფლდება, ტოვებს დედამინას და „ცაზე გადასახლებული“ ურთიერთმონაცვლე სევდისა და სიხარულის წამლეკავ სტიქიას ეძლევა, ემორჩილება: „როცა არწივი თან მახლავს, მაზის მარჯვენა მხარზედა, — მეფისა მადგა გვირგვინი, ვზივარ სამეფო ტახტზედა!..“

კულტმსახურების საკრალური სქემით პროვოცირებულ სტრიქონებში მოკვდავისა და ცისიერის „ზეპირ“ გაცხადებული სიახლოვის იდუმალი სურათი იხატება. პოეტური ზეშთაგონების ხანმოკლე მომენტი იმეორებს მოქმედებას, რასაც ჯვარ-ხატის მკადრეთა, ქადაგთა და „ქანდარათა“ შემთხვევაში ვხედავთ: თავის მოწმიდარ მსახურს (გამონაკლისის სახით — საერო პირს) ღვთისშვილი მტრედის ალით ეცხადება და, როგორც წესი, სამკადრეოდაფენილ ხელზე ანდა მარჯვენა მხარზე აჯდება, რათა ხორციელთა გასაჭირი მოისმინოს, გაიგოს და მათი — „უტთა და უმეცართა“ — სათქმელი ღვთის კარზე მიიტანოს...

მარჯვენა მხარზე მჯდომი არწივი იგივე ანგელოზია („ჩემს ანგელოზებს ვენაცვლე, იმათ ფრთებს, იმათ სახესა“, — წერს ვაჟა თავის ერთ-ერთ უკანასკნელ ლექსში); სულინმიდაა, შემოქმედის საღვთო მისიის დასტურის ნიშნად რომ მოფრენილა. მისი სტუმრობა უფლისმიერი წყალობა და მადლია; მეტაფორული განსახებაა პოეტის სული-ერი სისავსისა და აღმაფრენისა...

არწივის წასკლა და გაუჩინარება „ჩვრად“ აქცევს, ნალახ ყოველ-დღიურობაში აბრუნებს, ცხოვრების ჩვეულ რიტმში რთაეს, მსმენელ-თა გულის მესაიდუმლისა და მესიტყვის პრეროგატივას ართმევს, სახელს ჩამოჰყრის (გავიხსენოთ ვაჟას პოეზიდან: „მთათა მთობასა ვერვინ ჩამოგვყრის...“ გულქან რაზიკაშვილის ნაამბობიდან: „მამამა ღმერთს ჩამაჲყარა სახელი...“) შემოქმედს, რაც მისთვის საბნელოს ჯდომით დასჯის ტოლფარდია: „დამმალეთ, ნუ გამომაჩენთ, არ შეს-ცდეთ, დამსგათ ჯარზედა...“

ასე რომ არწივი ვაჟას მხატვრული ქვეყნიერების ბინადარ სული-ერთა რიგსა თუ სათვალავში ის კოლორიტული ფიგურაა, ელვარე ფერსა და ხიბლიან ხმოვანებას რომ ანიჭებს ამ მართლაცდა საკვირველ, საოცრად საინტერესო, ჯერაც ბოლომდე წაუკითხავ ქვეყნიერებას...

\* \* \*

ვაჟა-ფშაველას მხატვრულ ხილვათა უწყვეტ კასკადში მთის სტა-ტიკური სიჩუმისა და უძრაობის ნაწილობრივ კომპენსაციას ახდენს არაგვი, ჯიხვ-არწივების ბინაში ნაშობი მდინარე, ერთიანად რომ იპ-ყრობს მკითხველის მზერას, ყურთასმენას და პოეტურ სახედ თუ სიმბოლოდ ტრანსფორმირებული ბოლომდე ინარჩუნებს სამომავლო სიახლის მაუწყებელი ბუნების თვითკმარი მოვლენის განსაკუთრებულ სტატუსს...

ხან „ადიდებული, ალელვებული“, ხანაც დაწმენდილი არაგვი ბევრი ხილული თუ უხილავი ძაფითაა „მიბმული“ და დაკავშირებული პოეტის პირად ცხოვრებასთან და შემოქმედებით წვასთან, მოღვაწეობასთან.

გამომდინარე უდავო სულიერი და მენტალური სიახლოვიდან, პო-ეტის სურვილია, უბეში ჩასდიოდეს არაგვის წყალი, რათა მუდმივად იფხიზლოს და მისი ტალღების ჩქეფა-ზრიალით ძალამომატებულმა უკეთესობაზე იფიქროს... და გადაწყვეტილებაც, რომლის მიღებას, ალბათ, დიდი ხანი არ უნდა დასჭირვებოდა, ამგვარია: „მე თავი ჩამი-ბარებავ ჩემის არაგვის წყლისადა...“

წვიმის მომყოლი „პირგაშაული ღვარებით“ და მდინარის „გაბეზ-რებული“ ყვირილით კაცთა ბედის თანაზიარი ბუნება საზოგადოებრივი სულისკვეთების გამხმოვანებლად გვევლინება. და ის, რაც იდეოლოგიური წნევისა თუ სხვა რამ მიზეზის გამო მოკლებულია გამოხატვის სიცხადესა და გამჭვირვალებას, თავის „აპლიკაციას“ სიბოლურ-ალეგორიულ პლანში ჰქოვებს... როცა პოეტი ახსენებს არაგვის მიერ ლახტის ალებას, ამით კილოკავად მიანიშნებს ავსულებთან მებრძოლ ღვთისშვილთა საზეო მისიასა და მოწოდებაზე — ალაგმონ და შემუსრონ ადამიანთა მავნებლებად გაჩენილი ავსერი არსებანი.

**„ნაოხარ, გააბეზრებულ ბალად“** გადაქცეულ გულს სიამეს ჰგვრის და ნათლით მოსახს არაგვის ზვირთთა „ლალნი ჩქერანი“.

ამ დროს პოეტის თვალი და გული ისევ იქ იწევს, სადაც არაგვი გაჩნდა და იზარდა, ვისი ძუძუც პირში სდებია და ვის ტკივილსაც ის გამოუჩნდა შიგნიდან გარეთ გამომტანად, გამაცხადებლად. იმ მოლოდინსა და კითხვათა მწერივს, „მთანი მაღალნის“ სიუჟეტურ ბირთვსა და დვრიტას რომ შეადგენს, არაგვმა უნდა გასცეს პასუხი; არაგვმა უნდა შეასხას ხორცი პოეტური პროზის ამ ჩინებულ ნიმუშში გამჟღავნებულ იმედოვნებას...

მთა დედაა, არაგვი — მისი პირმშო.

უმთოდ არაგვი ვერ იარაგვებდა.

მისგან ეძლევა მასულდგმულებელი ძალა.

ამდენად, მათ შორის ურღვევი დიალექტიკური კავშირია როგორც რეალურ სიბრტყეზე, ასევე ირეალურ განზომილებაში.

ვაჟა, ერთი მხრივ, მთასა და ბარს მოუწოდებს ერთობისკენ, სიახლოვისკენ, ხოლო, მეორე მხრივ, არაგვს მიმართავს (ზუდარის ინტონაციაც იგრძნობა ამ მიმართვაში), რომ მტკვარი მიიმხროს, მოიშველიოს და დამწუხრებული გულის მოსაფხანი რამ აუწყონ: „**არაგვო, მოიშველიე ზლაზვნით მდინარი მტკვარია, თქვენ მაინც რამე მითხარით გულისა მოსაფხანია...**“

6. ბარათაშვილის სიტყვით რომ ვთქვათ, „**მრავალ დროების მოწამენი**“ არიან როგორც მტკვარი, ისე არაგვი და უჟმური ჟამის მომსწრევაჟა მათგან ითხოვს იმის შეტყობას, სად გაქრა ქართველთა სალაშ-

ქრო დროშა, ქარი რომ ალარ სძრავს; ვინ დაადო სამოთხეს საფარველი და ვინ გამოჯარა კერაზე წყალდასხმული სახლის კარი?..

ამავე ლექსში („ქებათა-ქება“, 1893), თითქოს აღსარებაზე დამდგარაო, კერძო წყენით და საზოგადოებრივი ჭირით დაჭრილი პოეტი იტყვის: „ჩემს ბედს თავს ადგა ავდარი, ჯერ არ უნახავს დარია...“

არაგვი არა მარტო მის ნაპირებზე გაზრდილ მთიელთა სასო და სიამაყეა, ზოგჯერ თავს უმძიმესი ცოდვის დადებაც რომ უწევს და, ამისადა მოუხედავად, „მაინც კი ლამაზი არის“, არამედ, უწინარეს ყოვლისა, ფასდაუდებელი განძია მათვის, ვის კალთებზეც თვალი გაახილა და მუხლი მოიმაგრა. ესენია მთა-კლდენი, რომელნიც, თუკი ვერ ნახვენ არაგვს, „ხო დახდებიან ავადა...“ ამის გამოა, რომ „ღულის ძირ სალი კლდეები არაგვს მუჭაში სწურავენ“ და თანაც „გზას უღობავენ“, „ქვეით“ რომ არ წავიდეს...

არაგვის და, ზოგადად, მდინარის ამბივალენტური ხასიათი ვაჟას მხატვრულ შემოქმედებაში მაინცდამაინც არ ჩანს. მის გამანაყოფიერებელ, სიცოცხლის დამბად ენერგიას (ვთქვათ, ასეთ კონტექსტში: „არაგვის ნაპირებზე მურყნები გაბზინებულან...“) ჩქმალავს და აუჩინარებს ყოვლის წამლეკავი, მედინი და დაუდგრომელი ცხოვრების მეტაფორულ ხატად მატერიალზებული ძალა, ძველის ამოძირკვით წინარეზე უმჯობესი ყოფის დამკვიდრებას რომ ცდილობს და მიელტვის.

ვრცელ ლექსში „კლდე და მდინარე“ ამ ორი — მყარი და მოძრავი — ელემენტის თავგამეტებული ჭიდილია ასახული. კლდე სავალს უღობავს, გზას არ აძლევს და უპერსპექტივობას პირდება მთის ურჩ, შემტევ მდინარეს. ეს უკანასკნელიც, რაც უფრო მედგარია წინააღმდეგობა, მით მეტ შეუპოვრობას იჩენს და მისი ცდა, ბოლოს და ბოლოს, სასურველ შედეგს იძლევა: ჭაპანივით გაჭიმული ჭალაზე მიიზღაზნება და არემარეს თავისი გამოჩენით ჰერცენს ნუგეშს...

„კლდე და მდინარის“ პრობლემა ახლოა „მთანი მაღალნის“ სატკივართან. ეს ქმნილებანი ორიენტირებულია მომავალზე ანუ იმ დროზამზე, როცა ერთ თუ რომელიმე ეთნიკური ერთეული თავისი სული-

ერი და ფიზიკური ძალლონის მაქსიმალური გაღებით ეწევა სანუკვარ თავისუფლებას...

და, ბოლოს: ღრმადსიმბოლურია არაგვი, რომელიც ლექსში „გაზა-ფხული“ (1898) სხვა ხევებს ანუ ხეობების პატარ-პატარა შენაკადებს კართანაში უცდის, რათა გაერთიანებული ძალით გაარღვიონ წინა-ლობა, გადალახონ დაპრკოლება და დაბეჩავებულ ხალხს, ზამთრის სუსხით გაპეზრებულ მოსახლეობას ნამდვილი გაზაფხულის მორბე-დებად და მახარობლებად მოევლინონ...

კართანა (მითოლოგიურ გადმოცემებში ერთ-ერთი დევი „კართანე-ლად“ იხსენიება) ის ნიშნეული ტოპონიმია ფშავის არაგვის ხეობაში, სადაც, ზეპირსიტყვიერი სიუჟეტის მიხედვით, დევებმა არაგვის დაგუ-ბება გადაწყვიტეს, რათა მერე მოულოდნელად გაერღვიათ მაღალი კედელი და ღვთის თაყვანისმცემელი ხეობის მაცხოვრებლები ერთი-ანად წაელექათ.

ვაჟას არაგვი საკუთარი ნებით ჩერდება, იცდის და იზრდება კარიბ-ჭესავით ვინრო კართანაში, კოპალას სალოცავის ქვემოთ, უმცროს მოძმეთა მიერთებით მომძლავრებულმა ხმა რომ აღიმაღლოს, „აყვირდეს“ და სამაგიერო აგემოს კაცთა მოდგმის მტანჯველ უკეთურ ძალებს...

სამყაროს გარდაქმნისა და განახლების დაუცადებელ მოლოდინს კიდევ უფრო ამძაფრებს და აძლიერებს ღვთაებათა რანგში ამაღლე-ბული უპირველესი ეროვნული გმირის „დაზეზება“ („ამდგარა ამირა-ნიცა, კლდეში დაბმული ჯაჭვითა...“).

შნოანი ტანდემი — არაგვი და ამირანი — ის ყოვლისმომრევი ძა-ლაა, „ხოგაის მინდის“ ცალთვალა გუგულის ანუ მძლევარის დარად გაზაფხული რომ მოჰყავს დამზრალ, ნაზამთრალ ქვეყანაში...

არაგვი მხოლოდ მდინარე, წყლის ტალღების ნაკრები და ნაკადი როდია. მისი დანახვა, ყურის დაგდება და უსიტყვო ხმაურის მოსმენა სათავეა საღი აზრების მოზღვავებისა, ხალისიანი განწყობისა, სული-ერი სიმხნევისა და სიხარულისა, ესოდენ რომ ესაკლისება დღენიადაგ ლირსეულ ცხოვრებაზე მეოცნებე პოეტს: „დაწუხებულმა, არაგვო, რო გნახე, გავიხარეო... სრულიად გამოვიცვალე, წელშიაც ავიხარეო...“

### რაინერ კირში ვაჟა-ფშაველას შესახებ

გასული საუკუნის 60-იანი წლების ბოლოს საქართველოს სასრ კულტურის სამინისტროს მოწვევით თბილისში ჩამოვიდა ორი აღმოსავლეთგერმანელი (გდრ) პოეტი რაინერ კირში და ადოლფ ენდლერი, რომელთაც პნეარედების მეშვეობით ქართული პოეზის ნიმუშები უნდა ეთარგმნათ (მათ ადოლფ ენდლერის მეულლე მწერალი ელკე ერბიც ახლდათ თან). ანთოლოგია, სათაურით „რვასაუკუნოვანი ქართული პოეზია“, 1971 წელს გამოიცა ბერლინში (ანთოლოგია 1971), ხოლო მანამდე, 1970 წელს, ამ თარგმანების ნანილი ჟურნალ „ზინ უნდ ფორმში“ დაიბეჭდა, მათ შორის რაინერ კირშის მიერ თარგმნილი ვაჟა-ფშაველას „ალუდა ქეთელაურიც“, რომელსაც ბოლოში ერთვის მთარგმნელის სტატია „რეალიზმი ვაჟა-ფშაველას პოეზიაში“ („Realismus in der Poesie Washa Pschawelas“. – ზინ უნდ ფორმ 1970: 1472-1480).

ეს სტატია ჩვენში ნაკლებად არის ცნობილი (ყოველ შემთხვევაში ჩვენ არ შეგვხვედრია ქართულ ენაზე ნაშრომი, რომელშიც ის ციტირებული ან, უბრალოდ, ნახსენები მაინც იყოს). არადა, მას ძალიან დიდი მნიშვნელობა აქვს თუნდაც იმ თვალსაზრისით, რომ ეს არის ვაჟა-ფშაველას გენის პირველი ადეკვატური შეფასება ევროპულ ლიტერატურათმცოდნეობაში.

ორიოდე სიტყვა მისი ავტორის შესახებ:

**რაინერ კირში** — გერმანელი ლირიკოსი, პროზაიკოსი, დრამატურგი, ესეისტი, მთარგმნელი. დაიბადა 1934 წელს დიობელნში. ეუფლებოდა ისტორიასა და ფილოსოფიას ჰალესა და იენაში. 1963-1965 წლებში სწავლობდა ლიტერატურის ინსტიტუტში „იოჰანეს რ. ბეხერი“ (ლაიფციგი). 1973 წელს კომედიისთვის „ჰაინრიხ შლაგჰანდის მოგზაურობა ჯოჯოხეთში“ გარიცხეს გერმანის ერთიანი სოციალისტური პარტიიდან. 1990 წელს გდრ-ის მწერალთა კავშირის თავმჯდომარე გახდა, იმავე წლიდან ხელოვნებათა აკადემიის წევრია.

თარგმნილი აქვს ჯონ კიტსის, პერსი ბიში შელის, სერგეი ესენინის, ანა ახმატოვას, ოსიპ მანდელშტამის ლექსები. ქართველ პოეტთაგან ყველაზე ადრე ნიკოლოზ ბარათაშვილი თარგმნა (მის მიერ თარგმნილი ნიკოლოზ ბარათაშვილის ლექსთა კრებული 1968 წელს გამომცემლობა „განათლებამ“ დასტამბა); ქართული პოეზიის ანთოლოგიაში ვაჟა-ფშაველას „ალუდა ქეთელაურის“ გარდა შესულია რ. კირშის თარგმნილი ალექსანდრე ჭავჭავაძის, გრიგოლ ორბელიანის, ილია ჭავჭავაძის, აკაკი წერეთლის, გალაკტიონ ტაბიძის და სხვათა ლექსები.

დაჯილდოებულია ერიხ ვაინერტის მედლით (1965), ფრანც კარლ ვაისკოპფის (1983) და ვილჰელმ მიულერის (2001) პრემიებით.

რაინერ კირშს სავსებით შეგნებული აქვს, რომ ვაჟა-ფშაველას სახით მას მსოფლიო მასშტაბის შემოქმედთან აქვს საქმე. ვაჟა-ფშაველას იგი უწოდებს „ევროპული და მსოფლიო რანგის პოეტს, რომელიც საბჭოთა კავშირის ფარგლებს გარეთ აქამდე თითქმის სრულიად უცნობია“ (ზინ უნდ ფორმ 1970: 1477).

ხოლო როდესაც ვაჟა-ფშაველას რეალიზმის ერთ-ერთ თავისებურებაზე ლაპარაკობს, აღნიშნავს:

„ვაჟა-ფშაველა თავისი პოემით იძლევა მოდელს, არა პარაბოლას. მისი პოზიცია მგზნებარეა (leidenschaftlich), ოღონდ ილუზიისგან თავისუფალი (illusionslos); ამით ის შექსპირს უახლოვდება“ (ზინ უნდ ფორმ 1970: 1478).

როგორ უნდა გავიგოთ მისი ეს გამონათქვამი? რა ნიშნით აგონებს ვაჟა-ფშაველა გერმანელ პოეტს შექსპირს?

ამაში უკეთ გასარკვევად სტატიის დასკვნით ფრაზას მივმართოთ, სადაც იგი კიდევ ერთხელ ახასიათებს ვაჟას შემოქმედებით მეთოდს როგორც „ილუზიისგან თავისუფალ, მგზნებარე რეალიზმს, რომელიც მსოფლიოს გარდაქმნას ისახავს მიზნად“ (ზინ უნდ ფორმ 1970: 1480).

ჩვენი აზრით, ამ გამონათქვამებით კირში მსოფლიოს გარდამქმნელი (ჰუმანიზმის პრინციპთა გათვალისწინებით გარდამქმნელი) მოღვაწეობის სირთულეზეც მიგვანიშნებს და იმაზეც, რომ შექსპირი მსოფლიო ლიტერატურის კორიფეთა შორის (მეტადრე თავის ტრაგე-

დიებში) ყველაზე უკეთ ახერხებს იმას, რომ არც ცხოვრების ხალისს უკარგავს ადამიანს და არც იმის იმის ილუზიას უქმნის, თითქოს შე-საძლებელი იყოს დიდი მიზნის მიღწევა დიდი ტანჯვის გარეშე. ეს ორი ტენდენცია მხატვრულ ქმნილებაში ძნელი შესათავსებელია ისე, რომ ერთმა მეორე არ დაჩაგროს. ამას ახერხებს შექსპირი (ეს არის ერთი მთავარი მიზეზი იმისა, რომ შექსპირის აქტუალობა რაც დრო გადის კი არ კლებულობს, — მატულობს) და ამასვე ახერხებს ვაჟა-ფშაველაც. უთუოდ ქართველი პოეტის ნიჭის ამ თავისებურებას გულისხმობს რაინერ კირში, როცა მის მეთოდს ახასიათებს როგორც „მგზებარე, მაგრამ ილუზიისგან თავისუფალ რეალიზმს“.

გერმანელი მწერლის ეს შეფასება მით უფრო ღირებული გამოჩნდება, თუ გავიხსენებთ, რომ იმ დროს მის სამშობლოში, გერმანიის დემოკრატიულ რეპუბლიკაში, ისევე როგორც ჩვენში, ერთადერთი ლეგალური შემოქმედებითი მეთოდი სოციალისტური რეალიზმი იყო, მეთოდი, რომლის მიხედვით შექმნილ ტექსტებს მგზებარება ნამდვილად არ აკლდა, მაგრამ მათში ილუზიების დამნერგავი კომუნისტური „პეფი ენდი“ ბატონობდა.

სხვა ადგილას რაინერ კირში ვაჟა-ფშაველას მეთოდს „დიდ რეალიზმადაც“ მოიხსენიებს. იგი წერს:

„ვაჟა-ფშაველა აპოლოგიას კი არ გვთავაზობს, არამედ ქრონიკას; მისი პოზიცია დიდი რეალიზმის პოზიცაა, მისი სულისკვეთება განმანათლებლურია“ (ზინ უნდ ფორმ 1970: 1479).

აქ ერთმანეთს უპირისპირდება აპოლოგია და ქრონიკა.

აპოლოგია ვინმეს ან რამეს დაცვას, გამართლებას ნიშნავს, და ამის გამო იგი იშვიათად არის თავისუფალი ტენდენციურობისგან, ცალმხრივობისგან, იდეოლოგიზებისგან. ქრონიკა კი მეტ ობიექტურობას გულისხმობს, ის ნაკლებ იდეოლოგიზებულია, ხოლო „დიდი რეალიზმის“ მეთოდით შექმნილი მხატვრული ქრონიკა მაქსიმალურად არის დეიდეოლოგიზებული.

მაგრამ „დიდი რეალიზმისთვის“ მარტო მართებული მეთოდოლოგია ხომ არ კმარა! „დიდ რეალიზმს“ დიდი მხატვრული ტალანტიც სჭირდება, თანაც მრავალმხრივი ლიტერატურული ტალანტი. ამ

თვალსაზრისით გერმანელი მწერლის დაკვირვების ობიექტია რო-  
გორც თხრობის ფორმის შერჩევის ოსტატობა ვაჟას „ალუდა ქეთელა-  
ურში“, ასევე (და უპირველეს ყოვლისა) პერსონაჟების, ტიპების ხატ-  
ვის ნიჭი, რითაც ფშაველი გენიოსი თამამად უსწორებს მხარს მსოფ-  
ლიო კორიფებს, და, ცხადია, პერსონაჟთა ქმედებების მოტივაცია.

რეალიზმის თვალთახედვით განიხილავს გერმანელი მწერალი  
ალუდას პროტესტის ესკალაციას. არსებითად ეს არის გარკვევა იმი-  
სა, რამდენად მოტივირებულია, ერთი მხრივ, პერსონაჟის ამბოხება  
მთელი თემის წინააღმდეგ, და, მეორე მხრივ, თემის სისასტიკე მისი  
გამორჩეული წევრისადმი.

ალუდას პირველი ნაბიჯი, რითაც მან ტრადიციას გადაუხვია (მოკ-  
ლულ მტერს მკლავი არ მოსჭრა) მინიმალური ჩანსო, აღნიშნავს  
რაინერ კირში და განაგრძობს: „მაგრამ პოემა გვიჩვენებს, რომ იგი (ეს  
ნაბიჯი. – ლ. ბ.) იდეოლოგიურად რელევენტურია: რიტუალი, ვითარცა  
ზედნაშენის ელემენტი, განუყოფელია [ზედნაშენისგან], რადგან დრო-  
მოქმულ წესრიგში ყველაფერი თითქოს ერთ ძაფზეა ასხმული. და  
პირიქით, პოემა გვიჩვენებს, რომ ჰუმანური პოზიციაც განუყოფელია.  
გმირის გადახვევას [ტრადიციისგან], საზოგადოების რეაქციის წყა-  
ლობით ესკალირებულს, ტოტალურ განხეთქილებამდე მივყავართ.  
გაბატონებული იდეოლოგია, ჰუმანური აზრისგან ინფიცირებული,  
გმირში დიდი სისწრაფით იწყებს ხრწნას“ (ზინ უნდ ფორმ 1970: 1478.  
კურსივი ავტორისაა. – ლ. ბ.).

გერმანელი მწერლის ყურადღებას იპყრობს ისიც, რომ ალუდა „მკრეხელურად სვამს საკითხს რიტუალის პრაქტიკული სარგებლი-  
ანობის თაობაზე: გამოგადგება მოკვეთილი მკლავი ომში, ან ბალახის  
თიბვისას, ან თივის კავად გამოიყენებ მას? ამავდროულად აცხადებს,  
ამიერიდან მტერს მოვკლავ, მაგრამ მარჯვენას არ მოვჭრიო. თემი-  
სადმი კუთვნილების გრძნობა და პროტესტი აქ ერთმანეთს აწონას-  
წორებს, ამით ალუდა საზოგადოებას კარდინალურ კითხვას უსვამს:  
რა გირჩევნიათ, მამაცი მებრძოლი თუ რიტუალი?“ (ზინ უნდ ფორმ  
1970: 1478).

მაგრამ ვაჟა-ფშაველას, ვითარცა ჭეშმარიტ რეალისტს, ალუდა ქეთელაური რევოლუციონერად როდი გამოჰყავს. რ. კირშის სიტყვით, „როგორც საზოგადოდ ერეტიკოსთათვის არის დამახასიათებელი, ალუდაც არსებული წესრიგის აფეთქებას კი არ ისახავს მიზნად, არამედ — მის გონივრულ-ჰუმანურ გარდაქმნას, იგი ბერდიას — ხუცესა და თავკაცს — ლამის ეხვენება, მეც ხევსურთა შორის ხევსურად მიმითვალეო“ (ზინ უნდ ფორმ 1970: 1478. რ. აქ კირშს ალუდას ეს სიტყვები აქვს მხედველობაში: „ყმა ვარ მეც გუდანის ჯვრისა, / ხევსური თქვენის წყლისაო“. — ხუთი პოემა 1975: 71).

ამ საკითხს რ. კირში ქვემოთ კიდევ ერთხელ უბრუნდება, როცა აღნიშნავს, რომ არც პოემაში გადმოცემული ამბავი და არც პოემის დაწერის დრო (1888 წ.) ავტორს საშუალებას არ აძლევს, ალუდა რევოლუციონერად გამოიყვანოს, და იქვე განაგრძობს: „რეალისტი ვაჟა-ფშაველა წარმოგვიდებს გმირს, რომელიც პროტესტის მიუხედავად არსებულის ერთგული რჩება“ (ზინ უნდ ფორმ 1970: 1479). ამის დასტურად იგი იმოწმებს ალუდას სიტყვებს, რომლითაც იგი ქარბუქში გაჭირვებით მავალ თავისიანებს, მოკვეთილთ და მშობლიური კუთხიდან გაძევებულთ, უწყრება, თემს აუგად ნუ ახსენებთო.

ალუდას ცნობილი სიზმრის თაობაზე (როცა მას კაცის ხორცისაგან დამზადებულ შეჭამადს აძალებენ) ბევრი დაწერილა და ერთობ საგულისხმო აზრებიც გამოთქმულა (გრიგოლ კიკნაძის, აკაკი განერელიას, მიხეილ ზანდუკელის, თამაზ ჩხერიძელის, აკაკი ბაქრაძის, რევაზ სირაძის, მაია ჯალიაშვილის, გულნარა კალანდარიშვილის და სხვათა მიერ). რაინერ კირშსაც მოვუსმინოთ:

„მას შემდეგ, რაც მოკლულ მუცალს „ცხონებული“ უწოდა და ამით თანასოფლელთა გაოგნება გამოიწვია, ალუდა გაუგონარ ნაბიჯს დგამს — უარყოფს საზოგადო კონსენსუსს, ვითარცა ჭეშმარიტების კრიტერიუმს („ყველანი მართალს ამბობენ / განა, ვინაცა პფიციან?!“). ეს გაბატონებული მორალის რღვევაა. მისი ქვეცნობიერი მოწყლულია, სიზმარში ხედავს ალუდა იმას, რასაც იგი სიფხიზლეში ჯერ კიდევ ვერ აღიარებს: ომი სისხლიანი და ამაზრზენი კაციჭამიობაა — რე-

ალისტ ვაჟა-ფშაველას მიერ გენიალურად მიგნებული მხატვრული ხერხი“ (ზინ უნდ ფორმ 1970: 1478).

დიახ, **გენიალურად** მიგნებული **მხატვრული** ხერხი, ვინაიდან საძრახისის (ამ შემთხვევაში ომის) აშვარა, სწორხაზოვანი გმობა რეალისტურ ნაწარმოებში დაბლა სწევს მხატვრულობის ხარისხს, უარეს შემთხვევაში კი ავტორის ჩანაფიქრის საპირისპირო შედეგს იწვევს (ასეთი ყოფილა ადამიანის ბუნება – კეთილი იდეების სწორხაზოვანი პრობაგანდა არათუ სასიკეთო ცვლილებებს არ იწვევს მასში, არამედ ეჭვსაც უჩენს, რაღაცას ხომ არ მატყუებენო! გენიოს შემოქმედთ ეს ჩინებულად მოეხსენებათ, ამიტომ ისინი ამგვარი სათქმელის მოიარებით, არაპირდაპირი გზით გამოხატვის ფორმას ირჩევენ).

ერთობ საყურადღებოა მინდიას სახის კირშისეული ინტერპრეტაცია. სტატიაში ვკითხულობთ:

„ჩინებულად არის დახატული მინდიას სახე: ეს არის დაბალანსების მოსურნე ლიბერალი, რომელიც ყოველ გადამწყვეტ მომენტში თავისი საზოგადოების მიერ აღმართული ბარიერის წინაშე უკან იხევს; მაგალითად, ალუდას სანათესაოს დარბევას იგი თვალცრემლიანი, მაგრამ გულზე ხელდაკრეფილი შეჰყურებს. რა სურათია!“ (ზინ უნდ ფორმ 1970: 1478).

ეს აღტაცების გამომხატველი შეძახილი („რა სურათია!“ – „Welches Bild!“) ამ სტროფს მიემართება:

„ამის გამგონე მინდიას  
მაუნწყლიანდის თვალები:  
ვეღარასა ჰშველს ალუდას,  
გულზე გადიწყვის მკლავები“  
(ხუთი პოემა 1975: 72).

მინდიას სახის ამგვარი წაკითხვა („დაბალანსების მოსურნე ლიბერალი, რომელიც ყოველ გადამწყვეტ მომენტში თავისი საზოგადოების მიერ აღმართული ბარიერის წინაშე უკან იხევს“) ახლებური უნდა იყოს. ჩვენში მინდიას სახეს ცალმხრივი ინტერპრეტაცია ეძლევა, იგი

ერთმნიშვენლოვნად დადებით გმირად არის ინტერპრეტირებული (საშუალო სკოლებისთვის განკუთვნილ დამხმარე სახელმძღვანელოში ვკითხულობთ: „ალუდა და მინდია „აზრისა და სიმართლისათვის“ მებრძოლი ვაჟყაცები არიან“. — ვაჟა-ფშაველა 2001: 66). მინდიას სახის კირშისეული წაკითხვა, ვფიქრობთ, უფრო სრულყოფილია; მართლაც, ალუდას ერთგული და გულისხმიერი მეგობარი მინდია თავისი შემდგომდროინდელი გაუბედაობით, ერთობ რეალისტური სახეა, იდეალიზებისგან თავისუფალი, ანუ ილუზისგან თავისუფალი რეალისტური მანერით დახატული სახეა.

საზოგადოდ, „ალუდა ქეთელაურის“ მინდიას ჩვენში ნაკლები ყურადღება ექცევა. თემისა და პიროვნების დაპირისპირებაზე ამახვილებენ ძირითადად ყურადღებას ამ პოემის ანალიზისას. ეს შუალედური რგოლი, თემისა და პიროვნების შერიგების მოწადინე მინდია, მკვლევართა ნაკლებ ინტერესს იწვევს. არადა, რა საინტერესო პერსონაჟი ყოფილა — კონცეპტუალურადაც და მხატვრული თვალსაზრისითაც! (შდრ.: „შატილში რჩება მინდია, რომელიც, ჩვენი აზრით, ლიმინალობის პოტენციის მატარებელია“. — ლეთოდიანი 2011: 149).

უცხოელი მკითხველის სწორად ინფორმირებისთვის მნიშვნელოვანია ის პარალელი, რასაც რ. კირში ავლებს მოკლული დუშმანისთვის მარჯვენის მოკვეთის და მერე მოჭრილი მკლავის ქავის კარზე მიჭედების ხევსურულ ტრადიციასა და ამერიკელი ინდიელების მიერ მოკლული მტრისთვის სკალპის აძრობის ჩვეულებას შორის, და იქვე დასძენს: თუმცა ჩრდილოამერიკელი ინდიელები ხევსურებისგან განსხვავებით ქრისტიანები არ იყვნენ. ამით (ხევსურთა ქრისტიანობის ხაზგასმით) იგი ჩვეულების, ტრადიციის გამძლეობაზეც მიანიშნებს, იმ ჩვეულებისა, რომელიც რჯულზე უმტკიცესია. (ძირძველი ჩვეულების თავისებურება ხომ ის არის, რომ მასში ადამიანი მყუდროდ გრძნობს თავს, ვინაიდან ძირძველობა ჩვეულებას ლეგიტიმურობას სძენს, ხოლო ლეგიტიმური ქმედების ჩადენა სულიერ სიმშვიდეს გვანიჭებს. ძირძველი ტრადიციის მიერ ნაკურთხი ჩვეულების ანაქრონიულობა, დროისთვის შეუფერებლობა, რომ იგრძნო და გაიცნობიერო, ალუდა უნდა იყო).

საინტერესოდ აანალიზებს რაინერ კირში ბერდია ხუცესის სამივე მონოლოგს, მეტადრე მესამეს, რომლითაც „ჯაგარაშლილი“ ბერდია ალუდას ოჯახისა და სანათესაოს დასარბევად აქეზებს ხალხს, რაც გერმანელ პოეტს პოგრომებისკენ ფაშისტურ მოწოდებას ახსენებს (ასე წერს: „[ბერდიას მესამე მონოლოგი] აღმავალი გრადაციით პოგრომებისკენ ფაშისტური მოწოდებების წინამორბედია“ – „Die dritte [Rede] nimmt in großer Steigerung die Pogromreden des Faschismus voraus“. – ზინ უნდ ფორმ 1970: 1479). იქ ბერდია ასეთ რამესაც ამბობს:

„წადით უმტვრიეთ შავბნელსა  
სახლისად' ციხის კარები!  
ცეცხლი მიეცით საძნოვარს,  
ცასა სწვდებოდეს ალები!  
სათემოდ გამოირეკეთ  
ცხვარი, ძროხა და ხარები!“  
(ხუთი პოემა 1975: 72).

ამ პასაჟის გამო კირში წერს:

„განსაცვიფრებლად ზუსტად არის აღწერილი ძალაუფლების ეკონომიკა და ფუნქციონირება“ (ზინ უნდ ფორმ 1970: 1479).

რას გულისხმობს კირში „ძალაუფლების ეკონომიკაში“? იმას, რაც ახლახან ციტირებული ფრაგმენტის ბოლო ორი სტრიქონიდან, ბერდიას მიერ თითქოს სხვათაშორის ნათქვამი სიტყვებიდან, გამოსჭვივის: „სათემოდ გამოირეკეთ [ალუდასა და მისი სანათესოს] ცხვარი, ძროხა და ხარები!“. ალუდა და მისიანები შეძლებულად, წელგამართულად ცხოვრობენ. თუ მათ ქონება ჩამოერთმევათ და თემის სხვა წევრებზე გადანაწილდება, რა დოვლათს ჩაიგდებენ მუქთად ხელში!

ვაჟას არ ავიწყდება მიგვანიშნოს, ალუდას წინააღმდეგ აგრესიულად განწყობილნი ეკონომიკურადაც რომ არიან მოტივირებულნი. ამაშიც ხედავს რაინერ კირში ვაჟას დიდ რეალისტობას. ცოტა ქვემოთ იგი წერს:

„ბერდია შეკრებს ხევსურებს, რათა მათ თავიანთი გულის სათქმე-ლი გამოხატონ (აქ კირშს ბერდიას ეს სიტყვები აქვს მხედველობაში: „ხალხო, მინდარის გავიგო / პასუხი თქვენის გულისა“). – ხუთი პოემა: 71) და მათდა დაუკითხავად აცხადებს, რა უნდა იყოს ეს [გულის სათქმელი]: მინდიას, მისი სანათესოს, მოკვეთა, არავითარი თანაგრძნობა ქალებისა და ბავშვების მიმართ, მათი საცხოვრებლების გადაწვა“.

აქ კარგად ჩანს ზემოთ მოყვანილ ციტატაში ნახსენები „ძალაუფლების ფუნქციონირება“: ძალის მფლობელი ჯერ ყასიდად მიმართავენ ხოლმე ხალხს, თქვენი გულის ნადები გამოთქვით, გაგვიზიარეთო, მერე კი — ხალხს ვინდა უსმენს — თვითონ კარნახობენ „მასებს“ რის გაკეთებაა საჭირო! — ეს არის ილუსტრაცია იმისა, თუ როგორ ფუნქციონირებს ძალაუფლება ვითომდა ხალხის სახელით. ამას პოემაში იქვე მოსდევს „ძალაუფლების ეკონომიკის“ ილუსტრაციაც, რის გამოც სტატიაში ვკითხულობთ:

„მერე ეკონომიკური საცთურის ჯერი დგება: ალუდას საქონელი თემს უნდა დარჩეს, და სანათესაოს წინააღმდეგ ტერორისაკენ მოწოდება განმეორებით გაისმის. პოემის ბოლოს ვგებულობთ, რომ ყოველივე ისე მომხდარა, როგორც ხუცესმა ბრძანა“ (ზინ უნდ ფორმ 1970: 1479).

მარტო ამ პასაჟის (ბერდიას მესამე მონოლოგის) ანალიზიდანაც კარგად ჩანს რაოდენ დაკვირვებით კითხულობს გერმანელი მწერალი ქართულ პოემას, კარგად ჩანს მისი, როგორც ლიტერატორის, მაღალი კვალიფიკაცია, რისი წყალობითაც იგი სრულად გრძნობს თხზულების საკაცობრიო მნიშვნელობას. რაინერ კირშის სიტყვით, „იგი (ვაჟა-ფშაველა. — ღ. ბ.) გვიჩვენებს, რაოდენ დამახასიათებელია რეალისტი მწერლისთვის დროის წინათგრძნობა, წინათგრძნობა მისი (დროის. — ღ. ბ.) როგორც უგვანი, ასევე დამაიმედებელი შესაძლებლობებისა“ (ზინ უნდ ფორმ 1970: 1480).

ამრიგად, „ალუდა ქეთელაური“ რაინერ კირშის მიერ განხილულია მსოფლიო ლიტერატურის კონტექსტში, ყველაზე მაღალი კრიტერიუმების მომარჯვებით, რაც კი მხატვრულ ტექსტს შეიძლება მივუსა-დაგოთ, და ქართული პოეზიის ამ შედევრმა გაუძლო გამოცდას ჩვენ-

და სასახელოდ. ერთია, რაოდენ ძვირფასია ჩვენთვის მშობლიური კულტურის არტეფაქტი, და სულ სხვაა, როცა ასევე მნიშვნელოვანი ხდება იგი უცხო კულტურის წარმომადგენლისთვისაც.

**დამოწმებანი:**

**ანთოლოგია 1971:** *Georgische Poesie aus acht Jahrhunderten. Nachgedichtet von Adolf Endler und Rainer Kirsch. 1. Auflage: Verlag Volk und Welt/Kultur und Fortschritt, 1971.*

**ვაჟა-ფშაველა 2001:** ქართველი მწერლები სკოლაში. ვაჟა-ფშაველა. პოეზია. თბ.: 2001.

**ზინ უნდ ფორმ 1970:** Sinn und Form. Beiträge zur Literatur. Herausgegeben von der Deutschen Akademie der Künste. 1970, 6. Heft. Berlin: Rütten & Loening.

**ლეთოლიანი 2011:** ლეთოლიანი ა. „ალუდა ქეთელაურის“ გააზრებისათვის („ლიმინალობის“ თეორია და „ალუდა ქეთელაური“) // V საერთაშორისო სიმპოზიუმი. ლიტერატურათმცოდნეობის თანამედროვე პრობლემები. თეზისები. თბ.: ლიტერატურის ინსტიტუტის გამომცემლობა, 2011.

**ხუთი პოემა 1975:** ვაჟა-ფშაველას ხუთი პოემა. თბ.: თბილისის უნივერსიტეტის გამომცემლობა, 1975.

**კვლავ დიალექტიზმების საკითხისათვის  
ვაჟა-ფშაველას შემოქმედებაში**

როცა ქართულ სამწერლო ენაში დიალექტური ნაკადის მომძლავ-  
რებაზე საუბრობენ, მნიშვნელობა არა აქვს, შეეხება ეს საუბარი მო-  
ვლენის დადებით თუ უარყოფით მხარეებს, უპირველეს ყოვლისა ვა-  
ჟა-ფშაველას ფენომენს წამოსწევენ ხოლმე წინა პლაზე, თუმცა ყვე-  
ლამ იცის, რომ ვაჟა არც პირველი ყოფილა და არც უკანასკნელი  
იმათგან, ვინც მხატვრულ მწერლობაში ხალხურ მეტყველებას შეგნე-  
ბულად და გეგმაზომიერად გაუხსნა გზა: დიალექტიზმს, როგორც  
შემოქმედებითი მეთოდის მნიშვნელოვან ხერხს, მიმართავდნენ ვაჟას  
წინამორბედი მწერლებიც, მისი თანამედროვენიც და შედმგომი თაო-  
ბის წარმომადგენლებიც. ყველა მათგანთან ამ მოვლენას გარკვეული  
მხატვრული ამოცანა ეკისრებოდა და ასრულებდა კიდევაც იგი მას შე-  
სანიშნავად: ლიტერატურული პერსონაჟის შინაგანი ბუნების გასხნი-  
სათვის მისი გარეგნული იერის, საცხოვრებელი გარემოს, ცხოვრების  
წესის და სხვათა აღწერასთან ერთად მნიშვნელოვანი როლი ეკისრე-  
ბოდა პიროვნების მეტყველებასაც. დიალექტური მეტყველება ქარ-  
თულ ლიტერატურაში ფეხს იკიდებს მე-19 საუკუნის მეორე ნახევრი-  
დან და მას თავისი ლოგიკა აქვს:

თუ სამწერლო ენაში დიალექტური ნაკადის მართლზომიერი შემო-  
ჭრის საკითხს ისტორიულ პერსპექტივაში გავადევნებთ თვალს, უეჭ-  
ველად აღმოვაჩინთ ერთ საინტერესო კანონზომიერებას: მისი დასა-  
ბამიდან მე-19 ს-ის შუა წლებამდის ქართული მწერლობის თემატიკაში  
საქართველოს ცხოვრება ერთიანია, მთლიანია, ზოგადქართულია. იგი  
ქვეყნის ცალკეულ ეთნოგრაფიულ კუთხეებს არ სწვდება. ქართველი  
მწერალი თავისი ლირიკული გმირებიანად ზოგადქართულ ჭირსა და  
ლხინს დასტრიალებს და შესაბამისად არც რომელიმე კუთხის დამახა-  
სიათებელი ენობრივი მოვლენები ჩანს ლიტერატურის ენაში. ამ დროს

თუ რომელიმე მწერალთან დიალექტური რამ გამოჩნდება, იგი მწერლის უნებლიერ შეცდომის შედეგია და ავტორის სადაურობას თუ ადასტურებს, თორემ მისთვის რაიმე მხატვრული მნიშვნელობის მიცემა არ შეიძლება და არც ვისმე უცდია ეს. შემდეგ კი, მეცხრამეტე საუკუნის მეორე ნახევრიდან, მწერლის ყურადღების არეში შემოდის როგორც საზოგადოების სხვადასხვა ფენის, ისე საქართველოს სხვადასხვა კუთხეთა ცხოვრების სურათებიც და სამწერლო ენაშიც იჩენს თავს საზოგადოების ამა თუ ფენის ან რომელიმე კუთხის მეტყველებისთვის დამახასიათებელი თავისებურებანი. ქართველი მწერალი ზოგადქართული პოზიციიდან უყურებს ხალხის ფართო ფენების სატკივარს და ლიტერატურაში ჩნდებიან ზოგადკაცობრიულობამდის ამაღლებული საზოგადოების კონკრეტული ჯგუფისა თუ კუთხის წარმომადგენელთა ტიპები და ამ ტიპების ხატვაში არამეორებარისხოვან როლს ასრულებს სწორედ აღნიშნული ენობრივი მონაცემი. ასე იქმნებიან უკვდავი ლიტერატურული პერსონაჟები: დაბალოვები, ტრდატოვები, დიდებულიძეები, ლელთ ღუნია, მუნჯაძეები, ძალაძეები, უიშვილები, შემოდგომის აზნაურთა მთელი გალერეები, ალექსანდრე ყაზბეგის გმირები და სხვანი. ასე რომ ხალხური მეტყველების დამკვიდრება ქართულ სამწერლობ ენაში ლოგიკური, კანონზომიერი პროცესია. ვაჟა-ფშაველას შემოქმედება ახალი ქართული სალიტერატურო ენის განვითარების ამ მაგისტრალური ხაზის ორგანული ნაწილია. ვაჟა როგორც პროზაიკოსი, პუბლიცისტი, ეთნოგრაფიული თხზულებების ავტორი მე-19 საუკუნის მეორე ნახევრის მწერლობის უნიჭიერესი წარმომადგენელია და მისი ენაც საუკეთესო ნიმუშია იმ სალიტერატურო ენისა, რომელიც დაამკვიდრა 60-იანელთა, ანუ იგივე „თერგდალეულების“ თაობამ. მისი ამ ხასიათის ნაწერებში დიალექტიზმი, არც ლექსიკური და არც გრამატიკული, მკითხველის თვალსა და ყურს მკვეთრად არსად მოხვდება. მხოლოდ ისეთ თხზულებებში, რომელთა სიუჟეტებიც ფშავის, ან თუნდაც მთის სხვა კუთხეების ფონზეა გაშლილი, მიმართავს ვაჟაც, სხვათა მსგავსად, დიალექტურ მეტყველებას იმ დოზით და დანიშნულებით, რაც იმ პერიოდის ლიტერატურაშია დაკვიდრებული.

ჩნდება კითხვა: თუ დიალექტური მეტყველების მხატვრულ ხერხად გამოყენება ქართულ მწერლობაში კანონზომიერ მოვლენად იყო მიჩნეული, მაშ რატომ ატყდა მხოლოდ ვაჟას ენის გამო ისეთი აუიოტაჟი და ხმაური. ერთი უსაყვედურებდნენ იმის გამო, რომ სალიტერატურო ენას მოძველებული ფორმებით და კუთხური სიტყვებით ამძიმებს, ანაგვიანებს, ახორკლიანებსო, მეორენი რაფიელ ერისთავის მიმბაძველობაში სდებდნენ ბრალს, მესამენი იმის გამო ამუნათებდნენ, რომ ვერ გაიგებ, სად თავდება ხალხური გადმოცემები და სად იწყება ვაჟაფშაველაო. საქმე ის არის, რომ ეს საყვედურები და კითხვები ვაჟაფშაველას პოეზიას შეეხებოდა, მის ლირიკასა და ეპოსს და არა მოთხრობებსა და სხვა ხასიათის ნაწერებს. იმ დროს გამეფებული პოეტური სტილის ფონზე გამოჩნდა ვაჟას პოეზია უჩვეულოდ და კოლორიტულად. მისმა ხალხურმა კილომ, ლიტერატურისათვის უჩვეულო ფორმამ და სტილმა, ამავე დროს პოეზიაშიც გზაგახსნილმა დიალექტური მეტყველების მძლავრმა ნაკადმა აალაპარაკა ლიტერატურული კრიტიკა და ერთიმეორის მიყყოლებით ჩნდებოდა პრესის ფურცლებზე მისი განმაქიქებელი წერილები. ვაჟა თვითონვე ეხმაურებოდა და აძლევდა პასუხს მის კრიტიკოსებს ყოველ კრიტიკულ წერილსა თუ დასმულ კითხვებზე და მთელი მისი შემოქმედებითი მოღვაწეობის მანძილზე ჩნდებოდა პრესაში მოკლე, ლაკონური, მაგრამ მრავლის მთემელი და ბევრის მომცველი წერილები და ყოველ მომდევნო წერილში ყალიბდებოდა მისი აზრი და შეხედულება მწერლობაზე, მწერლობის თემატიკაზე, იმაზე, თუ რა გაუხდია მწერალს თავისი შემოქმედების ობიექტად, როგორია გზა მწერლის ცნობიერებიდან მკითხველთა გულებისკენ და როგორ ხდება ზოგჯერ თითქოს უბრალო, ვიწრო ეთნოგრაფიულ გარემოში დატრიალებული დრამატული მოვლენები, ნიჭიერი მწერლის „გრძნობა-გონების ქურაში“ გამოვლის შემდეგ, საყოველთაონი, ზოგადკაცობრიული იდეების მატარებელნი. ვაჟას შემოქმედების ამ მცირე ნაწილის კვინტესენცია, რომელსაც განზოგადებულად შეიძლება ლიტერატურათმცოდნეობითი ვუნიდოთ, დაკვირვებულმა მკითხველმა შეიძლება ასე ჩამოაყალიბოს: მწერლის ენა და აზროვნება განუყოფელი ერთიანობაა და ორივე ერთად ეძლევა

მკითხველის მისი მთლიანი შემოქმედების სახით. თხზულების ენობრივი ქსოვილი მატერიალური გამოხატულებაა პოეტური ქმნილებისა. რაც უფრო ნიჭიერია პოეტი, მით უფრო შესაფერის ფორმას უძებნის იგი სათქმელს. ესაა ნაწარმოების სრულყოფილების გარანტია და გზა მკითხველის ცნობიერებისაკენ. რაც უფრო მდიდარია პოეტის ენობრივი არსენალი, მით უფრო თავისუფლად და მარჯვედ გამოხატავს იგი ნაგრძნობ-განცდილის და ახედებს მკითხველს თავის პოეტურ სამყაროში. თუ რას დაინახავს მკითხველი იქ და რამდენად მოიხიბლება ნანახ-განცდილით, ესეც არაა ცალსახად, მხოლოდ ერთ მათგანზე, პოეტზე ან მკითხველზე, დამოკიდებული. მნიშვნელოვანია როგორც ერთის, ისე მეორის ინდივიდუალური თვისებები: არის თუ არა ობიექტურად მომხიბლავი პოეტის სამყარო და შეუძლია თუ არა მას თავისი ენის საშუალებით სრულყოფილად გაუხსნას მკითხველს გზა ამ სამყაროსაკენ; არის თუ არა მკითვხელის სული ამ პოეტური ხილვების შესაბამისი, ე. ი. აქვს თუ არა მას ყველაფერი იმის წვდომის შინაგანი პოტენცია, რასაც მას პოეტი სთავაზობს. ხალხური სიბრძნე რომ მოვიშველიოთ, მწერლისა და მკითხველის ურთიერთობა კარგი მთქმელისა და კარგი გამგონის ურთიერთობაა. მთქმელის პროდუქტში კი სათქმელისა და ნათქვამის განცალკევება შეუძლებელია. ასე რომ, ვაჟას ენაში ფშაური კილო მისი უმდიდრესი ენობრივი არსენალის განუყოფელი ნაწილია, რომელსაც საჭიროებისდაკვალად დაუბრკოლებლად იყენებს იგი და სწორედ ამით აღნევს პოეტური ქმნილების თითქმის იდეულარ სრულყოფილებას. ვფიქრობ, ამაშია ვაჟას გენიალობა.

დიალექტურ მეტყველებასთან დამოკიდებულების თვალსაზრისით, თუ პროზაკოს ვაჟა-ფშაველას წინაპრებიც ჰყავდა, თანამედროვენიც და შთამომავლობაც, პოეტ ვაჟას ამ მხრივ არც წინაპარი ჰყავდა ვინმე, არც თანამედროვე და არც შთამომავალი. ის ერთადერთი იყო და ერთადერთად რჩება დღევანდლამდის, თუმცა ხალხურ კილოზე ნაწერი ლექსები ბევრ პოეტთან გვხვდება, ბევრის პოეზიაა ნაფერი ხალხური მეტყველების ლექსიკითა და გრამატიკული ფორმების ელფერით, შეხვდებით მთლიანად დიალექტზე ნაწერ ლექსებსაც, მაგრამ დიალექტიზმებთან ეს დამოკიდებულება ვაჟასნაირად სისტემად არა-

ვისთან ჩამოყალიბებულა. თვით ვაჟა კი თავის უშუალო წინამორბედად, ვისი გავლენაც მას დაეხმარა თავისი პოეტური ენის პოვნაში, რაფიელ ერისთავს თვლიდა. ამას იგი ამბობს გრიგოლ ყიფშიძის საპასუხოდ დაწერილ წერილში, ვინც მას (მის ძმა ბაჩანასთან ერთად) რაფიელ ერისთავისადმი მიმბაძველობაში ადანაშულებდა. „ჩვენში ძალიან სათაკილოდ და ვითომ ნიჭის დასამცირებლად მიაჩნიათ მწერალზე სხვისი გავლენა — წერდა იგი — მე კი ეს წესიერ, საღ, ნორმალურ და აუცილებელ მოვლენად მიმაჩნია იმ კანონის ძალით, რომელსაც ჰქვიან კანონი თანდათანობისა“ („PRO DOMO SUA“). ვაჟა აღიარებს, რომ რაფიელ ერისთავის პოეზიამ მასზე მართლაც იმოქმედა და ძლიერადაც: „თ. რაფიელის ლექსებმა, როგორც საერო კილოთი ნაწერმა და ისიც ჩვენებური მთის კილოთი (ვაჟა, ცხადია, აქ პოეზიის კილოს გულისხმობს და არა სასაუბროს, დიალექტურს), სხვანაირად ააჩქროლა ჩემი გული, სხვაგვარად შესძრა იგი. ამასთანავე ნუ დავივიწყებთ იმასაც, რომ, თუმც მაშინ შეგირდი გახლდით, მაგრამ ხალხური, ფშაური, ხევსურული ლექსები ბევრი ვიცოდი, ეს კილო მიყვარდა, ჩემს გულში განსაკუთრებული კუთხე ეჭირა... მაგრამ ამ საერო კილოზე წერას ვერა ვტედავდი, რადგან მწერლობაში ლექსების წერის კილოდ არ იყო მიღებული, არამედ სხვა კილო მეფობდა“. როგორც ვხედავთ ჯერ კიდევ ჭაბუკი ვაჟას არსებაში, მის გრძნობასა და გულ-გონებაში, როგორც დედამინის გულში მხურვალე ლავა, დუღდა პოეტური გენია, მაგრამ გამოსავალს ვერ პოულობდა, რადგან მაშინ გაბატონებული ფორმა პოეზიისა, რომელსაც ძალაუნებურად ვაჟაც ემონებოდა, არ შეესაბამებოდა მისი შინაგანი ხილვების სამყაროს, მის გრძნობისმიერ ხატებს. და აი მოხუცი რაფიელის პოეზიის კილომ მისცა მას სტიმული, გაუხსნა გზა მის არსებაში დაგუბებულ უმძლავრეს პოეტურ ენერგიას, რომელიც მართლაც რომ ვულკანური ძალითა ამოიფრქვა და მისმა ელვარებამ ერთიანად გაანათა ქართული ლიტერატურული ცის კაბადონი. ეს კაშკაშა ნათება აპრმავებდა იმათ, ვისი შინაგანი პოტენციაც არ იყო მზად ამ უმშვენიერესი პოეტური ხატების აღსაქმელად, ხოლო იმ მკითხველის არსებას კი, ვისი სულიც ადეკვატურად აღიქვამდა და ითვისებდა ვაჟას მიერ შეთავაზებულ მომხიბლავ სამყაროს, პოეზიის

ეს დიდებული სხივები ათბობდა და ეფინებოდა მტკივანი გულის სა-ლბუნად. ამ უკანასკნელთაგან უპირველესი ილია ჭავჭავაძე იყო. გე-ნიოსმა მოაზროვნებ უმალ დაინახა გენიოსი შემოქმედი და აღტაცე-ბულმა წამოიძახა: ჩვენ, ძველებმა, კალამი უნდა დავდოთ, გზა ვაჟას დავუთმოთ.

ხალხური პოეზიის წიაღში იშვა და ამოიზარდა ეს პოეტური გენია. მისგან მიიღო მთელი ის ამოუწყავი სიმდიდრე, რაც მას გააჩნდა და გააჩნია დღესაც: მისი მთელი ვერსიფიკაციული საზომი — სილაპიკა, რითმი, რიტმი რისგანაც იქმნება მისი ლექსის მუსიკალური ჰანგები; უმდიდრესი სიტყვიერი მარაგი თავისი გასაოცარი ფერადოვნებით, რისგანაც იქმნება უმშვენიერესი პოეტური ხატები, მხატვრული სურა-თები; ხალხური ამბები, გადმოცემები, ლეგენდები, მითები, რაც სა-ფუძვლად უდევს მისი ლექსების, ბალადების, პოემების სიუჟეტებს; ყველაფერმა ამან გაიარა დიდი შემოქმედების „გრძნობა-გონების ქუ-რაში”, შეიკრა და ჩამოაყალიბდა მის პოეტურ „მანგანაში”, გასცდა პო-ეტის საარსებო გარემოს, ამაღლდა ზოგადსაკაცობრიო იდეებამდის და გადაეფინა მთელ სამყაროს.

ჩვენ ზემოთ სისტემა ვახსენეთ. დიახ, ვაჟას შემოქმედებაში მისი დიალექტურ მეტყველებასთან დამოკიდებულება მწყობრ სისტემადაა ჩამოყალიბებული. დაკვირვებულმა ლიტერატორმა არ შეიძლება არ შენიშნოს ამ დამოკიდებულების სამი საფეხური: 1. ვაჟა წერს სუფთა სალიტერატურო ქართულით; 2. ვაჟა იყენებს დიალექტურ მეტყველე-ბას, ძირითადად ფშაურს, როგორც მხატვრულ საშუალებას და 3. ვაჟა წერს ფშაურად. ყველაფერი ეს ეხება მის მთლიან შემოქმედებას — პროზასაც და პოეზიასაც. ვაჟას ენისადმი დამოკიდებულების ეს სამი საფეხური ჩამოყალიბდება ბინარული შეპირისპირების გზით მიღე-ბულ ისეთ სისტემად, როგორსაც ლინგვისტები იყენებენ ხოლმე სხვა-დასხვა დონის ენობრივ ერთეულთა სტრუქტურული მიმართებების აღსაწერად. შეპირისპირების პირველ საფეხურზე გამოიყოფა ენის წმინდა ლიტერატურული და არასალიტერატურო დონეები; სტრუქ-ტურირების მე-2 საფეხურზე კვლავ ორი დონე გამოიყოფა: დიალექ-ტურნარევი და სუფთა დიალექტური. ვაჟასთან სამწერლო ენის ეს სა-

მივე დონე წარმოდგენილია ერთიმეორეზე უფრო შთამბეჭდავად, კო-ლორიტულად იმისდა მიხედვით, თუ, როგორც თვითონ იტყოდა, „რა მოვლენანი გაუხდია მას თავის მწერლობის საგნად“ („ნიჭიერი მწერალი“).

ვაჟა-ფშაველა თავისი მოთხოვების უდიდეს ნაწილს იმ ეპოქის საუკეთესო ლიტერატურული ქართულით წერს, ისეთი ქართულით, რომელსაც მის თანამედროვე ქართველ მწერალთაგან ტოლს ვერავინ დაუდებდა, შესაძლოა თვით დიდი ილიაც კი. ეს იყო ვაჟას ენა თავისი გამოკვეთილი ინდივიდუალობით, საკუთარი ლექსიკითა და ფრაზეოლოგით, აზრის ინდივიდუალური მიმოქცევით, რომელსაც მისივე სიტყვებით რომ ვთქვათ, ორი თავანეარა წყარო კვებავდა: „ძველთა ნიჭიერ მწერალთა ნაწარმოებნი, ის ქართული თემები, სადაც დღევანდლამდე შენახულია შეუბლალავად, უმნიკვლოდ ქართული ენა“. ძველ ნიჭიერ მწერალთაგან ვაჟა ორს ასახელებს: შოთა რუსთაველს და დავით გურამიშვილს. გაურყვნელის ენით მოსაუბრენი კი მთიელნი არიან, რომლებთანაც მას ჰქონდა უშუალო „დამოკიდებულება“ („ენა“).

ლიტერატურული ქართულით, დიალექტური მინარევების გარეშე, წერს პოემების ერთ მცირე ნაწილსაც. ეს ის პოემებია, რომლებშიც თხზულების თემა და სიუჟეტის სამოქმედო არეალი რომელიმე კუთხით არ არის შემოფარგლული. ასეთთაგან შეიძლება დავასახელოთ ორი: „მოხუცის ნათქვამი“ და „სისხლის ძიება“. პირველი მხატვრულად შედარებით სუსტია, რადგან ის მისი შემოქმედებითი მოღვანეობის გარიურაჟზეა დაწერილი (1883 წ.), როცა ვაჟას ჯერ კიდევ არ ჰქონდა ნაპოვნი საკუთარი პოეტური ხმა, საკუთარი კილო წერისა და იმ სტილს ემორჩილებოდა, რაც იმ დროს კანონიკურად მიიჩნეოდა. მეორე პოემით კი ვაჟა წარმოგვიდგება ჩამოყალიბებულ „ვაჟა-ფშაველად“, როგორც გენიალური სიტყვიერი მხატვარი და სიტყვიერი მუსიკოსი:

„ცაზე ჰყვავიან ღრუბელნი,  
მზის სხივებს ჰსვამენ დილითა,  
მთებს აუხსნიათ პირბადე  
შვილებით, შვილიშვილითა;

გულგრილად იცქირებიან  
გაუმაძლარნი ძილითა;  
ქათიბს ულეჭავს ნიავი  
ბროლ-მინანქარის კბილითა".

.....  
„ცხენს დავაფრინდი, წამოვედ,  
ვცემე მათრახის ტარითა.  
მოჰქროდა ჩემი მიმინო,  
ფეხებს იბანდა ქარითა".

ვაჟა სალიტერატურო ენით წერს თავისი ლირიკის უდიდეს ნაწილ-საც. ოღონდ მისი შემოქმედების ეს უბანიც, იმავე სისტემის ბინარული მიმართებების ძალით, ორ ნაწილად უნდა გაიყოს: პირველი — სადაც ლირიკული გმირი თავად ავტორია. მისი პოეტური სული მთაში ტრიალებს და იქვე ატრიალებს მეითხელსაც. ამ ლექსების ენა თუმც სალიტერატუროა, კილოა მთური, გნებავთ ფშაური, ამ სიტყვის პოეტიკური და არა ლინგვისტური გაგებით. მათში აქა-იქა გამოკრთება დიდი ოსტატობით ნახმარი არალიტერატურული ფორმები, რის ძალითაც იხატება მთური პოეტური გარემო, ლექსი მთის სურნელებას დაიკრავს.

ამგვარი ლექსების საუკეთესო ნიმუშები იმდენად ბევრია, რომ საუკეთესოთა დასახელებაც კი გაჭირდება. ავილოთ თუნდაც ლექსი არაგვს:

„დ ა წ უ ხ ე ბ უ მ ა , არაგვო,  
რო გნახე, გავიხარეო,  
სრულიად გამოვიცვალე,  
ნელშიაც ავიხარეო.  
რა ლამაზია, წყეულო,  
შენ ზვირთთა ლალი ჩქერანი,  
გააფრთებულსა ტალდასა  
კლდეს რომ წაუვლენ თქერანი".

სიტყვამ „დაწუხებულმა“ გადასტყორცნა მკითხველი ფშავის არაგვის ხეობაში (და არა ხევსურეთის ან მთიულეთის და გუდამაყრის),

თორემ ვერსიფიკაციულად არაფერი დაშავდებოდა, თუ ავტორი „და-ნუხებულის“ მაგივრად სიტყვა „მონატრებულს“ იხმარდა, მაგრამ ეს უკანასკნელი ვერ შეასრულებდა იმ მხატვრულ ამოცანას, რაც პირ-ველს აკისრია. ასევე შეიძლება ვნახოთ ლექსის „დამე მთაში“ დასაწყისი“:

„დაღამდა, წვრილნი ვარსკვლავნი  
აყვავდენ, დასხდენ ცაზედა,  
მოვარე კი ჯერ არსადა ჩანს,  
არ დაგვნათოს თავზედა“.

თავიდანვე იტვირთება ლექსი შინაგანი ენერგიით, რაშიც მნიშვნელოვან როლს სიტყვაფორმა „დაგვნათოის“ ასრულებს. შემდეგ გასაოცარი დინამიურობით ცვლის ერთმანეთს ბუნების მძაფრად მშფოთვარე და ნაზი, მწყაზარი სურათები... და ამ დინამიკის ლოგიკური იდეური ფინალი:

„ბუნება მბრძანებელია,  
იგივ მონაა თავისა,  
ზოგჯერ სიკეთეს იხვეჭავს,  
ზოგჯერ მქნელია ავისა,  
ერთფერად მტვირთველი არის  
საქმის თეთრის და შავისა,  
საცა პირიმზეს ახარებს,  
იქვე მთხრელია ზვავისა,  
მაინც კი ლამაზი არის,  
მაინც სიტურფით ჰყევისა“.

მეორე — ლოგიკური გმირი ზოგადად ქართველია, საერთო საქვეყნო ჭირ-ვარამს დასტრიალებს მისი სული. ამ რიგის ლექსებიდან საუკეთესო ნიმუშად შეიძლება დავასახელოთ ლექსი „ჩივილი ხმლისა“. მისი ენა შექმნის დროს სალიტერატურო ქართულის უნაკლო ნიმუშია. ავტორი იქაც კი არ აჰყოლია ცდუნებას, სადაც, ერთი შეხედვით, თითქოს ლიტერატურული გრამატიკული ფორმის დიალექტურით შეცვლა

ფრაზას ექსპრესიულობას შეჰმატებდა: ვთქვათ „უყვარდა“ ფორმის ჩანაცვლება „უყვარდის“ ფორმით და „დასდევდა“-სი — „დასდევდის“-ით სტროფში:

„ომში წინ წასვლა უ ყ ვ ა რ დ ა,  
ხელთ დაბლუჯვილი ფარია,  
არას დ ა ს დ ე ვ დ ა სიკვდილსა,  
ოლომთ არ შარცხვეს ჯარია“.

მიუხედავად იმისა, რომ შინაარსი აქ სწორედ ხოლმეობითია და ამგვარი ხოლმეობითების ხმარება იმ ეპოქის ლიტერატურისათვის უცხო არ იყო.

ამავე რიგს მიეკუთვნება ის ლექსები, სადაც ლირიკულ გმირად პერსონიფიცირებული ბუნება ან ცხოველთა სამყაროს რომელიმე წარმომადგენელი გვევლინება: „ნიბლიას ანდერძი“, „მერცხლის სიმღერა“, „კურდლის სიმღერა“ და ლირიკული პროზის უშესანიშნავესი ნიმუშები, როგორიცაა „ია“, „მთის წყარო“, „მთანი მაღალნი“ და სხვანი. დიალექტიზმებისაგან ეს თხზულებანიც სრულიად თავისუფალია.

ახლა ვნახოთ ვაჟას დიალექტურ მეტყველებასთან დამოკიდებულების მეორე საფეხური, როცა მწერალი დიალექტიზმს იყენებს როგორც მხატვრულ საშუალებას. როგორც უკვე ვთქვით, პროზის ნაწილში ვაჟა ორიგინალური არაა. მისი ორიგინალობა პოეზიაში, პოემების ენაში იჩენს თავს. აქ განსხვავდება ვაჟა-ფშაველა თავის თანამედროვეთაგან: იმ ეპოქების პოემების ენა მთლიანად სალიტერატუროა, იქ არსად ჩანს პოემათა პერსონაჟების დახასიათების ის ხერხი, რასაც ფართოდ აქვს გზა გახსნილი პროზაულ თხზულებებში. ასეთია ილიას და აკაკის პოემების ენა, რომელთაც ვაჟა, უეჭველია, იცნობდა და რომელთა თავის შემოქმედებაზე ნაწილობრივ გავლენასაც თვითონვე აღიარებდა. ვაჟას იმ პოემებში, რომელთა სიუჟეტებიც მთის გარემოში იშლება, მკვეთრად უპირისპირდება ერთმანეთს ავტორისეული და დაილოგებში პერსონაჟთა მეტყველება: ავტორის ენა ლიტერატურულია, პერსონაჟებისა — დიალექტური. თუმცა პროზაიკოს ვაჟას და პოეტ ვაჟას ავტორისეულ მეტყველების შორის დიალექტიზმებთან

დამოკიდებულების თვალსაზრისით სხვაობა მაინც არის. პოემების ავტორისეულ თხრობაში არაიშვიათად გამოკრთის დიალექტიზმი იმ დონით, როგორც ეს არის ლირიკის იმ ნაწილში, სადაც ლირიკული გმირი ავტორია. ამით ახერხებს ვაჟა მკითხველის გონება მიმართოს იმ გარემოსაკენ, სადაც დრამა უნდა გაიშალოს, ან მიანიშნოს გმირის სადაურობაზე, მისი ხასიათის რაღაც შტრიხზე. ვნახოთ თუნდაც „ბახტრიონის“ ლირიკული შესავალი. საუკეთესო ლიტერატურულ თხრობაში უცბად გამოკრთება:

„მეც მი გე მე ბა ვიგი რძე,  
რითაც თქვენ დაიზარდენით“,

და მკითხველს არ სჭირდება იმის თქმა, რომ ქედები, რომლებსაც პოეტი მიესალმება და რომლებთანაც მიაქვს „სალამი გვიანი“, — ფშავის ქედებია. ან და იქვე მუხა-იფნებით დაფარული „შუბის წვრად“ ჩადგმული გორი, სადაც: „რამდენი სიპები აწყვავ, მოჩანს აკლდამის პირები“. „აწყვავ“ და არა „აწყვია“ იმიტომ, რომ, როგორც ცოტა ქვემოთ ვიგებთ: „ეს ფშაველთ სალოცავია, დღეს დღეობაა ამისა“.

„ალუდა ქეთელაურის“ შესავალში ავტორი გვიამბობს, რომ „მაცნე მოვიდა შატილსა“, ქისტებმა ცხენები დაიტაცესო. სამდევროდ ალუდა ემზადება, ვინაც „კაცია დავლათიანი, საფინანსოს თავში დაჯდების, სიტყვა მაუდის გზიანი“ და ალუდამ „აისხა იარაღები, გადაფინანსო, გადაფინანსო ხმალიო, გაუშინ ჯიდის ვადანი“. ამ ლექსიკური და გრამატიკული „ხევსურიზმებით“ ავტორმა მკითხველი ხევსურულ გარემოში შეიყვანა, სადაც უნდა გათამაშდეს მთელი შემდგომი დრამა. ამბავი რომ თუშეთში მომხდარიყო, გმირი საან ჯმოს თავში დაჯდებოდა, ხოლო თუ იგი ფშაველი იქნებოდა, „ბეღლის კარიდან“ ეტყოდა ხატის საჯარეში შეკრებილ თანამოძმებს „გზიან“ სიტყვას — ვაჟას მთის სხვა კილოების მასალაც უხვად აქვს თავის ენობრივ არსენალში და საჭიროების შემთხვევაში მარჯვედ იყენებას მას.

სულ სხვა სურათია, როცა ვაჟა პოემის პერსონაჟებს ალაპარაკებს. აი კვირიასა და სანათას დიალოგი:

კვირია: „ხომ არ აყრილან ფშაველნი,  
ჩქამ რო არ ისმის ხალხისა,  
როგორც მინახავ, არ არის  
ლხინი კაცის და ქალისა.  
შენობა მინდა გავიგო,  
ვარ თქვენი მიწანყალისა“.

სანათა: „ჩემ რა იკითხვის, დედილას,  
უკლოსი, ბედით შევისა?  
დავკარგე ყველა თვისტომი,  
ვინაც კი მყვანდა თავისა“.

ვაჟას სამწერლო პოეტური ენის ბრნყინვალე ნიმუშია პოემა „გიგ-ლია“. ესაა პირველი ეპიკური თხზულება, რომლის სახითაც საოცარი ელვარებით ამოიფრქვა ვაჟას შემოქმედებითი გენია. ამბავი ჩვეულებ-რივია, დამახასიათებელი ძველი დროის მთიანეთის ყოფისათვის: ლე-კები დაეცემიან ფშავის ერთ სოფელს, ტყვეებს გაიტაცებენ. მოძალა-დეებს მდევრად ფშაველი ვაჟყაცი მიჰყვება. მნიშვნელობა არა აქვს, ამბავი ნამდვილად მომხდარია თუ ავტორის მიერ შეთხული — სიუ-შეტი რეალისტურია. აქ ჩამოყალიბდა პირველად კლასიკური სახით ვაჟას ენობრრივი მეთოდი: გეგმაზომიერი მონაცვლეობა ლიტერატუ-რული და დიალექტური კილოებისა. მაგრამ ეს ხომ მხოლოდ ლექსად მოთხობილი ამბავი არაა. ეს მომაჯადოებელი მუსიკა, გასაოცარი სიმფონიური პოემა, რომელიც ნაწერია არა ბგერობრივი, არამედ სი-ტყვიერი მუსიკით. პოემის ექსპოზიცია დედა-შვილის, დის, მეზობლის ქალის დიალოგს წარმოადგენს, სუფთა ფშაური კილოს დამახასიათე-ბელი ლექსიკით და გრამატიკული ფორმებით, რაც ქმნის ერთის მხრივ ცხად ვიზუალურ სურათებს და მეორეს მხრივ თითქოს დიდი მუსიკა-ლური ქმნილების უვერტიურად ხმიანობს. ასევე, ფშაური კილოთი იკ-ვრის პოემის კვანძი:

„ახადი ლეკვებს აუკლავ,  
იქით წაუსხამ ტყვეები,  
სუ სისხლით გადაუბასრავ  
უკვენაფშავის კლდეები“.

შემდეგ მიჰყვები სიუჟეტის განვითარების აღმავალ ხაზს, სადაც ერთმანეთს საოცარი რიტმულობით ცვლის მტრისკენ საომრად გამალებული ცხენ-მხედარი, მათ კვალზე დადევნებული ახადელი ქალების მოთქმა და ზარი, ცოცხალი და არაცოცხალი ბუნების დინამიური სურათები — და თითქოს ყურს ჩაესმის რაღაც ჰეროიკული მუსიკის ჰანგები. აი პოემის კულმინაციაც, მოქმედების განვითარების აპოთეოზი, გასაოცარი დინამიკა და აქაც თითქოს ბეთჰოვენური მუსიკის მაჟორული ხმიანობა:

„თითქოს ცით ელვა, მოარდა  
მოყმე რამ სვილისფერია,  
ხმალს აპრიალებს გორდასა,  
მასზე ნათელი ჰფერია...  
ერთი შავარდნებრ დაჰკივლა:  
„ახლა კი ჩემი ჯერია!“  
შუაზე გასჭრა ცხენ-კაცი,  
შამბს ჰკოცნის ხმლისა წვერია”.

მაგრამ გიგლიაც მოკლეს. მოქმედების დამავალი რიტმი და აქაც სიტყვიერი მუსიკის მინორული ხმები:

„ხევის პირზედა ლოდებზედ  
გიგლია კვდება ხარია,  
არ უნდა გულხელდაკრეფა,  
კლდეს მიუბჯენავ მხარია;  
კვდება გულსუნადინოდა,  
მტრისა მიჰყვება ჯავრია.

როცა გიგლია კვდებოდა  
მთებ სატირალზე სხდებოდა

.....  
მაღლით მომფრენი მთის წყარო  
სიბოალულისგან შრებოდა“...

სამწუხაროა, რომ სტატიის ფორმატის გამო არ შემიძლია ფართოდ გავშალო მსჯელობა ამ პოეზიის ენობრივ მხარეზე და კიდევ უფრო სა-მწუხარო ისაა, რომ ჩემი მუსიკალური განათლების ნულოვანი დონის გამო არ შემიძლია ამ პოემის მუსიკალურ მხარეზე მუსიკალური ტერ-მინოლოგით მსჯელობა.

ვაჟას გენის ამ ეპიკურ ამოფრქვევას მოჰყვა პოეტურად ამავე სტილისა და ძალის, ოღონდ იდეურად მასზე ბუვრად ამაღლებული, ზოგადსაკაცობრიო დონეებზე გასული კიდევ ხუთი პოემა: „გოგოთურ და აფშინა“, „ალუდა ქეთელაური“, „ბახტრიონი“, „სტამარ-მასპინძელი“ და „გველის მჭამელი“.

როგორც ვთქვით, ვაჟას დიალექტებთან დამოკიდებულების მესამე საფეხური ისაა, რომ ის თხზულებების ერთ ნაწილს მართლაც ფშაუ-რად წერს, პროზას იმ შემთხვევაში, როცა მთხოვობელი ფშაველია; დრამას, რადგან მთელი მოქმედება ფშავის ისტორიულ სინამდვილეზეა გაშლილი და მოქმედი პირები, ცხადია, ფშავლები არიან; ლირიკას მაშინ, როცა ლექსის ლირიკული გმირი ფშაველია. ასეთი ლექსები ბევრია მის შემოქმედებაში, ჩამოთვლა შორს წაგვიყვანდა. სანიმუშოდ შეიძლება ერთ მათგანზე შევჩერდეთ. ლექსს „მწყემსის ანდერძი“ ჰქვია. ესაა (სხვა ბევრის მსგავსად) ფშაური დიალექტიური ენით დაწერილი, ისე, როგორც იტყოდნენ თავიანთ ლექს-სიმღერებს ფშაველი სახალხო მთქმელები, იმიტომ რომ ლექსის ლირიკული გმირი ფშაველი მეცხვარეა.

„თქვენ თვალნიმც დამიტირებენ,  
სწორებო გენაცვლენითა,  
ნეტავი მენა, თუ მინა  
მეღირსა თქვენის ხელითა.

რო შაიყრებით ციხეგორს  
ან ლაშარს, დავლათიანსა,  
ფშავლებო მომიგონოდით,  
დიდს არას მოგცემთ ზიანსა“.

ამავე რიგის თხზულებებს უნდა მივაკუთვნოთ პოემა „მონადირე“, რომლის მთხრობელიც და მოქმედი პირიც ფშაველი მონადირეა და მისი სამოქმედო არეალიც ფშავის ტყეებია.

ვაჟა-ფშაველას ამ შეგნებულად გატარებული ენობრივი პოზიციის გამო თავიდანვე გამოუჩნდა არაერთი გამკრიტიკებელ განმაქიქებელი. მათ კრიტიკას ვაჟა უმაღვე გამოეხმაურებოდა ხოლმე და აძლევდა დასაბუთებულ, დამაჯერებელ პასუხებს. არაიშვიათად, იქითაც სდებდა ბრალს ზოგს უმეცრებაში, ზოგს მწერალთა ურთიერთ გავლენაზე არასწორ შეხედულებაში, ზოგს ზეპირსიტყვიერების უცოდინრობაში და სხვა. ყველგან ვაჟა დინჯი იყო, აუდელვებელი. მაგრამ აი, ვაჟა იღებს დიდი პოეტის პოეტურად ნათქვამ თითქოს მსუბუქ საყვედურს:

„ენას გიწუნებ ფშაველო,  
მგოსანო მაღალ მთისაო,  
თუმც კი გვითესავ მარგალიტს,  
მკითხველიც ამას მკისაო“.

ეს საყვედური ემწვავა ძალიან ვაჟა-ფშაველას. ემწვავა და დააღმინა კიდევაც უზომოდ. დააღონა და აფიქრა არაერთი და ორი წელი. დიდ აკაკის ის ვერ შეჰქადრებდა ვერც საერთო უმეცრობას, ვერთ პოეზიის და პოეტიკის კანონების უცოდინრობას და ვერც სხვასა და ვერც სხვას. არა და უპასუხობაც არ შეიძლებოდა, ის ხომ ღრმად იყო დარწმუნებული თავის სიმართლეში. და აი ბოლოს იქმნება ვაჟას პოეზიის კიდევ ერთი შედევრი, „დაგვიანებული პასუხი აკაკის“, რომელსაც კაცმა შეიძლება უწოდოს პოეტური ტრაქტატი მწერლის ენის შესახებ. მრავლისმეტყველია ამ უბადლო ლექსის ფინალი:

„მე არც ერთ კილოს არ ვწუნობ,  
 თუა ქართველის გვარისა,  
 მოთაყვანე ვარ ყოვლისა  
 იმათ ტკილის და მწარისა.  
 სხვა რამ მაწუხებს, ისა ვსთქვათ,  
 დამხშობი მზის და მთვარისა,  
 სამშობლოს დამამხობელი  
 და გამომჯრელი კარისა...  
 სჯობს რომ იმაზე ვიტიროთ  
 მუდამ მთქმელი ვარ ამისა...  
 ნუ შეგაშინებსთ, არ გავნებსთ  
 მთიდან ყვირილი ხარისა“.

მთიდან ანუ პოეტური სიმაღლეებიდან ეს ხარული კივილი ესმოდა,  
 ესმის და გაიგონებენ მომავალშიც ისინი, ვისი გული და გონებაც მზად  
 იყო, მზად არის და მზად იქნება გენიოსთა მხატვრული ნააზრევის  
 ადეკვატურად აღსაქმელად.

ბოლოს შეიძლება დავასკვნათ, რომ სათავეშივე მცდარი იყო დებუ-  
 ლება, ვაჟა-ფშაველა ფშაურად წერსო. თუმცა ამ აზრს ლიტერატორ-  
 თაგან ახლა ვეღარსად გავიგონებთ, მაგრამ მკითხველთა წრეებში კი  
 კვლავაც ბოგინობს იგი. სწორია დებულება, რომ ვაჟას სამწერლო  
 ენას, მის ინდივიდუალურ სტილს, სალიტერატურო ქართულის  
 უწყვეტ ტრადიციასთან ერთად კვებავს ფშაური დიალექტური მე-  
 ტყველებაც. სიტყვის სემანტიკის ლრმა ცოდნა, მისი ფერადოვნების,  
 მუსიკალობის, სურნელების უფაქიზესი გრძნობა საშუალებას აძლევ-  
 და პოეტს შეექმნა როგორც უბადლო ეპიკური ტილოები, ასევე, ლირი-  
 კული პოეზიის ბრწყინვალე შედევრები, რომლებიც ვერ თავსდება  
 ვერც კუთხურ და ვერც ეროვნულ ჩარჩოებში, ისინი სიტყვიერი ხე-  
 ლოვნების ზოგადსაკაცობრიო ნიმუშებია.

**საარქივო-პერსონიფიცირებული ინფორმაცია —  
ვაჟა-ფშაველას ფსიქოლოგიური პორტრეტის  
კვლევის წყარო**

ბიოგრაფია სპეციფიკური ნარატივია. ის მოღვაწის პერსონალური მონაცემების შესახებ პოზიტიური მსჯელობების ერთგვარი ნაკრებია. პიროვნების ცხოვრებისა და შემოქმედების ასახვის ეს ფორმა ხშირად სტერეოტიპულია, რის გამოც მათი ბიოგრაფიები მხოლოდ უმნიშვნელო ფაქტოლოგით განსხვავდება ერთმანეთისაგან. ეს კი ამ ტიპის ნარატივის სტანდარტულობასა და მის ფორმალურ პუნქტას განაპირობებს.

საგულისხმოა, რომ მოღვაწის უტყუარი ბიოგრაფიის წყარო მისი პირადი არქივია.

საარქივო დოკუმენტები, თუ შეიძლება ასე ითქვას, თავისთავად იმუხტება პერსონალური მონაცემებით, მოღვაწის ე. ნ. „ფსიქოლოგიური ნიშნებით“. საარქივო ერთეულის პერსონიფიკაცია არა ძირითადი, არამედ მეორეული, ცნობიერსმიღმური პროცესია. ეს კი იმას ნიშნავს, რომ პიროვნება აზროვნების პროდუქტის გრაფოლოგიური ფორმით გადმოცემის დროს „გასცემს“ საკუთარ თავს. პიროვნების რთული ფსიქიკის კვალით — თავისი განწყობებით, ფიზიოლოგიური მდგომარეობებით, საკუთარი უნარებითა და ჩვევებით, მისწრაფებებით, ცნობიერისა და ქვეცნობიერის კონფლიქტის შედეგად წარმოქმნილი ატიპიური ქმედებებით, გარემომცველი გარემოდან მომდინარე ფაქტორებით — აღიბეჭდება თითოეული ავტოგრაფული ნიმუში.

პერსონიფიცირებული ინფორმაციის მოძიება შეიძლება როგორც შინაარსობრივ-უანრობრივ-თემატურ, ასევე ტექნიკურ მონაცემებში. ის პერსონალური ინფორმაციის ე. ნ. „სარკისებური ვარიანტია“. როგორც პიროვნების პორტრეტის კვლევის წყარო, ანალიტიკურად უფრო სანდოა და ლრმა, ვიდრე ბიოგრაფიებისა თუ ავტობიოგრაფიების მასალები.

ორივე ტიპის კვლევა არამარტო მოღვაწის ფსიქოლოგიური პორტრეტის რეკონსტრუქციის საშუალებას იძლევა, არამედ ეპოქის შესახებ არაპირდაპირ ნათქვამ, სხვა ნათქვამიდან გამომდინარე რეალობას გადმოგვცემს.

ზოგჯერ საზოგადოებები, ეპოქიდან ეპოქაში უპროტესტოდ იმეორებენ ერთხელ საზოგადოებაზე თავსმოხვეულ სტერეოტიპულ დამოკიდებულებებს. ეს კი, ე. ნ. ფასადურ იმიჯებს ქმნის და სიმულაციის მაღალი ხარისხით ერთგვარ პროფანირებულ, შინაარსისაგან დაცლილ ტრაფარეტებს გვთავაზობს. ამიტომ ჩვენთვის სრულიად უცნობი რჩება საზოგადო მოღვაწეთა რეალური სახე. პერსონიფიცირებული ინფორმაციები კი ამ ტრაფარეტული მიდგომებისაგან თავის არიდების საშუალებას იძლევა.

ვაჟა-ფშაველას ხელნაწერთა ეროვნულ ცენტრში დაცული პირადი არქივი მისი ფსიქოლოგიური პორტრეტის პირველადი შტრიხებისთვის საგულისხმო საკვლევ წყაროებს გვთავაზობს.

საინტერესოა, რომ, ზოგადად, ფინანსური ანგარიშები და ხარჯ-თაღრიცხვები XIX საუკუნის მოღვაწეებთან, ძირითადად, რუსულ ენაზე წარმოებს. ეს კი იმას ნიშნავს, რომ სოციალურ და ეთნიკურ სააზროვნოს თავ-თავისი დიფერენცირებული ენა აქვს. ეს კონკრეტული შემთხვევა კი მიუთითებს იმაზე, რომ ამ ტიპის ყოფა და აზროვნება XIX საუკუნის ბოლოს ჯერ კიდევ არ განიხილება ქართული ეთნიკური სივრცის ლოგიკურ კონტექსტში.

ფულისადმი, როგორც რელატიური ღირებულების მქონე შესაძლებლობისა თუ ნივთისადმი, ვაჟა-ფშაველას საორქოფო, გაორებული დამოკიდებულება აქვს. მისთვის ფული ყოფითი და, მით უმეტეს, სულიერი კულტურის ორგანული ნაწილი არ არის. ის დროის მიერ მოტანილი ერთგვარი დამატებითი მოვლენაა, რომელსაც უხერხული დისკომფორტის შეტანაც კი შეუძლია სოციალურ მოვლენებში. კონფლიქტი, ერთი მხრივ, ფულის, როგორც აუცილებელი საყოფაცხოვრებო საშუალებისა და, მეორე მხრივ, ლირსების სფეროდან მის სიშორეს შორის, ქმნის ვაჟას სპეციფიკურ დამოკიდებულებას ამ საკითხი-

სადმი. ვაჟას მიერ ჩაწერილი ფშავური ეთნოგრაფიული მასალის პირ-ველი გარითმული დიალოგი სწორედ ამ საკითხს ეხება:

„— ფოშტის ფულ ველარ გიშოვნავ, ხან ნაცვალ დაგდევს, ხან გზირი,  
— რა ფული, შენი ჭირიმე, საშოვნ არ არის ადვილი,  
იჭრება პეტერბურლშია, მე იქ ფულისად სად ვივლი!“ (ხეც, ვაჟა-ფშაველას პირადი ფონდი № 225).

მიუხედავად იმისა, რომ თავისი პუბლიცისტური წერილი „უმადური გამომცემელი“ მისთვის გადახდილ არასაკმარის ჰონორარის ეხება, მთელ შემდგომ მსჯელობას, რომელიც მოტყუებული ავტორის გულ-წრფელი გულისტყივილოთაა გაჯერებული, ერთგვარად ამართლებს წერილის პირველი აბზაცი: „თუმცა საჩიტოროდ მიმაჩნია საუბარი ამ საგანზე, რაზეც დღეს მომიხდა მეითხველთან, მაგრამ რა ვაეწყობა: თქმაცა სჭირს, უთქმელობაც. თქმა იმიტომ ჭირს, რომ ფულზე და ანგარიშებზე წერა ბეჭდვითი სიტყვის შეურაცხვოფად მიმაჩნია; გავჩუმდე და არაფერი ვსთქვა, ესეც შეუძლებელია“ (ვაჟა-ფშაველა 1964: 278). ფაქტს, რომ „ფული პეტერბურლში იჭრება“, სოციალური ურთიერთობების ეს ფორმა სხვა გეოგრაფიასა და სხვა კულტურაში გადაქვს, თუმცა ბოლო ფრაზაში: „მე იქ ფულისად სად ვივლი“, საგულისხმოა სიტყვა „სად“ და არა „არ“. შესაძლებელია ვივარაუდოთ, რომ ავტორს გეოგრაფიული სიშორით გამოწვეულ სირთულესთან ერთად, ერთგვარი, გაკვრითი სინანული, ქვეცნობიერი კონფლიქტიც კი აქვს გამოხატული ამ ფრაზაში.

ვაჟა-ფშაველა „მოამბის“ რედაქციას 1896 წელს სწერდა: „ვივზავნით პოემას „ივანე კოტორაშვილის ამბავი,“ რომელიც ღირს ოთხი თუმანი (სტრ. 5 კ.) და ვინძლო თიბათვის წიგნში დაპეჭქდოთ. თუ ვინიცობაა ცალკე წიგნად დაბეჭქდვა მოინადინოთ, ნება გაქვსთ, დაბეჭდოთ. მხოლოდ იმ პირობით, რომ მომცეთ ხუთი თუმანი, და დაპეჭქდოთ თქვენთვის გასასყიდად 1500 ეკბ. ანარადა ამდენივე დაპეჭქდოთ და ნახევარი მე შემოსავლიდამ და ნახევარი თქვენ...“ (ხეც, ვაჟა-ფშაველას პირადი ფონდი № 228).

საგულისხმოა, რომ ტექსტში გადახაზულია ჩანართი: „გინაცა ფულისა თქვენ იცით, როგორც გამოჲ...“ ფრაზა დაუსრულებელია. ეს

„მოამბის“ რედაქციისათვის, და არა საჯარო პუბლიკაციისთვის, განკუთვნილი წერილი ზემოთ ხსენებულ პუბლიცისტურ წერილზე 13 წლით ადრეა დაწერილი. თავიდან ავტორი შემდეგში უკვე გადახაზული სტრიქონით ამ საკითხთან დაკავშირებულ უხერხულობას ერთგვარად თავს არიდებს, თუმცა შემდგომ სტრიქონს აუქმებს. ორივე შემთხვევაში, როგორც საჯარო, ასევე პირად წერილში, იგრძნობა ავტორის დისკომფორტი, ის ამ გადახაზული ფრაგმენტით სრულებით იცვლის პოზიციას და, შინაგანი კონფლიქტის მიუხედავად, საკმაოდ მიზანმიმართული, ლოგიკური და პრინციპული რჩება.

ვაჟა-ფშაველას „ბახტრიონის“ ავტოგრაფული შავი ნუსხის (ხეც, ვაჟა-ფშაველას პირადი ფონდი №149) ბოლო გვერდზე დაწერილ ფინანსურ ხარჯთაღრიცხვებში თანხის მაქსიმალური ოდენობა არ აღემატება 50 რუბლს. სავარაუდოა, რომ მეტად მნირი ფინანსური შესაძლებლობის მქონე ადამიანს თავისი საუკეთესო ნაწარმოების ბოლო გვერდზე ეს გამოთვლები მისაღები პონორარის სავარაუდო ოდენობის დასადგენად უნარმოებია (როგორც ზემოთ ვნახეთ, „ივანე კოტორაშვილის ამბავის“ დაბეჭდვისთვის ვაჟა-ფშაველას ოთხი თუმანი მოუთხოვია). სხვათა შორის, ცნობილი ფაქტია, რომ ვაჟა-ფშაველა საქართველოს რაიონებს შორის ყველაზე კმაყოფილი ქუთაისიდან დაბრუნებულა, სადაც მისთვის ჩოხა და 5 თუმანი უსახსოვრებიათ. ვაჟა ამ საჩუქარს უზომოდ გაუხარებია. აქედან გამომდინარე, 5 თუმანი, როგორც სოლიდური სასაჩუქრე თანხა და როგორც საკმაოდ ვრცელი მხატვრული ნაწარმოების საპონორარო საფასური, ვერ ვიტყვით, რომ ამ რაოდენობის ფულის მაღალ კურსზე მიუთითებს. ჩვენს ამ ვარაუდს ილია ჭავჭავაძის უბის ნიგნაკის ანგარიშებიც ადასტურებს. ერთ-ერთ გვერდზე ჩვეული მოწესრიგებულობით დახაზულ ცხრილს ასეთი სათაური აქვს: „ჩემი მართები — მივიღე “(იგულისხმება ვალები). ილიას-თვის ვალები დაუბრუნებიათ პეტრე გრუზინსკის – 450, საშა ორბელიანს 282, ანტონ ფურცელაძეს – 75, იაკობ მანსვეტაშვილს – 15 – რუბლი“ (ხეც, ილია ჭავჭავაძის პირადი ფონდი № 62). საინტერესოა, რომ სესხად გაცემული თანხის ზედა და ქვედა ზღვარს შორის დიდი ამპლიტუდაა. შეიძლება ვივარაუდოთ, რომ ეს იმდროინდელი ვალუტის ზედ-

მეტად მაღალ კურსზეც არ მიუთითებს, ამიტომაც დაბალი ქვედა ზღვარი (15 რუბლი) საზოგადო მოღვაწეთა მწირ ფინანსურ შესაძლებლობებზე გვიქმნის წარმოდგენას. თუ „პასტრიონის“ პონორარად 50 რუბლს ვიგულისხმებთ, იაკობ მანსვეტაშვილისთვის 15 რუბლი უმნიშვნელო არ უნდა ყოფილიყო.

საგულისხმოა, რომ ვაჟა-ფშაველას არქივში ეს ანგარიშები იშვიათად სცილდება ორნიშნა ციფრებს, მაშინ როდესაც, მისი ერთი ჩანაწერის თანახმად, „პირიქითლების გასავალი ფულების“ სიაში (ხეც, ვაჟა-ფშაველას პირადი ფონდი № 159) არც ერთი ორნიშნა რიცხვი არ არის (120-იდან 400-მდე მერყეობს), რაც კიდევ ერთხელ ადასტურებს, რომ ვაჟა-ფშაველა, ამ თვალსაზრით, საკმაოდ მოკრძალებულად ცხოვრობდა.

იმის დასადასტურებლად, რომ ფულს ამ ეთნიკურ სივრცეში თავისი ლოგიკური ადგილი არა აქვს, რომ ის თავისი ზედმეტად „სპეციფიკური“ ფასეულობრივი მნიშვნელობით ვერ ეწერება ქართული სოციალურ-კულტურული სივრცის კონტექსტში, ისიც მოწმობს, რომ ქართულ ტექსტებში ვაჟა ფულის ერთეულის აღსანიშნავად რუბლის რუსულ ინიციალს იყენებს.

ერთგან გეხვდება ვაჟას მიერ ნაყიდი ნივთების ეს სია: „**ლურსმანი — 20, ფლოსტები — 60, შალი ქართ. — 160, შალი თუშ. — 50, საკაბეთამარისა — 3, ნაღები ლევანისთვის — 5**“ (ხეც, ვაჟა-ფშაველას პირადი ფონდი № 156). ქალაქში, საყიდლებზე ვაჟა-ფშაველა, ბუნებრივია, თვითონ დადიოდა. მის მიერ ნაყიდ ნივთათა შორის ყველაზე დაბალ-ფასიანი თამარის (ქალიშვილის) საკაბე ყოფილა. საგულისხმო ფაქტია, რომ ვაჟა არსებული სოციალური ყოფის შესაბამისადაც და ოჯახის პატივისცემის ნიშნადაც, თვითონ არჩევდა შვილების — ლევანისა და თამარის სამოსს, რომელიც, ფასიდან გამომდინარე, ძალიან უბრალო, სადა და უპრეტენზიოც უნდა ყოფილიყო.

ვაჟა-ფშაველას საარქივო მასალის შესწავლის შედეგად მის პორტრეტს თავისებურ შტრიხებს ჰმატებს მისი ავტოგრაფების არათემატური, ძირითად ტექსტთან კომპოზიციურად დაუკავშირებელი მინანერები, რომელთაგან პროცენტულად დიდი ნილი ქართულ-რუსული

კომბინაციით შედგენილი ფრაზებია: „**Я — баглай რაზიკაშვილი, ლუკა ბაგლეს ძე რაზიკაშვილი**“... (ხეც, ვაჟა-ფშაველას პირადი ფონდი №156). გვხვდება ამ ხასიათის გარითმული ჩანაწერი:

*„Господин Господин!  
ар მნადინ, არ მნადინ,  
არამზადინ, არამზადინ,  
დინ, დინ, ნ...  
Колокольчик!“.*

(ხეც, ვაჟა-ფშაველას პირადი ფონდი № 43)

საგულისხმოა, რომ ეს ტექსტი ფონეტიკური ვარიაციებით (**არ მნადინ, არამზადინ**), გრაფემული და ემოციური თვალსაზრისით, ერთგვარად დალმავალი გრადაციით ვითარდება. უარყოფითი ფორმებით იმდენად კნინდება ჰიპერბოლიზებული ბიუროკრატიული სტატუსი (**„Господин“**), რომ მთელი სიტყვისგან რჩება ჯერ ბოლო მარცვალი — **„დინ“**, ხოლო შემდეგ კი ერთი ბგერა — **„ნ“**. **„Господин“** საკუთარი თავის შემადგენელ უკანასკნელ ბგერას უტოლდება. საყრდენგამოცლილი იდეოლოგიური სიყალშე ერთგვარად კრავს მთელი ტექსტის ქვეტექსტურ ფორმულას: **Господин-Колокольчик.** სწორედ ამ პროპორციას ემსახურება ორ რუსულ სიტყვას შორის მოქცეული დამხმარე ქართული ტექსტი.

**„Господин“** როგორც სატირული სოციალური და ზნეობრივი სტატუსი, სხვა ადგილასაც გვხვდება. ვაჟა-ფშაველა ერთ-ერთ გრაფიულ ჩანახატს ახლავს მინაწერი: **„Господин — Книгопрадавец — кролик!“** (ხეც, ვაჟა-ფშაველას პირადი ფონდი №143).

რუსულ-ქართული კომბინაციები, ფორმის თვალსაზრისით, მსუბუქად, თუმცა საკმაოდ პრინციპული და ტენდენციური შინაარსებით გამოხატული ერთგვარი ირონიზებული აქცენტებია. ენის ერთ მონოლითურ სისტემაში სხვა ენის სტატისტიკურად უმნიშვნელო, მაგრამ საკვანძო ელემენტების შემოჭრა ცნობიერების მარგინალიზაციაა და ნაციონალური იდენტობის რყევის ხაზგასმაც. საგულისხმოა, რომ

ეს მინაწერები ბუნებრივი, დანარჩენ მონაცემებთან აბსოლუტურად დაუკავშირებელი, თავისთავადი ღირებულების მქონე მთლიანობაა, პირველ შემთხვევაში, ლექსთან და ანგარიშებთან, მეორე შემთხვევაში კი, ორ სხვადასხვა ლექსს, უცხო პირის ხელწერილსა და ვაჟასეულ გრაფიკულ პორტრეტულ ჩანახატს შორის გვაქვს მოცემული და ერთ-მნიშვნელოვნად ხსნის ავტორის ქვეცნობიერ განწყობებს. „**Я — პავლე რაზიკაშვილი, ლექს პავლეს ძე რაზიკაშვილი**“ — სულაც არ არის უწყინარი ტოლფარდობა — რუსული პირის ნაცვალსახელი „**Я**“ ლექ-სიკურადაც უტოლდება იდენტიფიცირებულ გვარსა და სახელს და იდეოლოგიურადაც. ავტორი შესანიშნავად გრძნობს, რომ რუსულ-ქართული რეალობებით გაჯერებული ურთიერთობები უკვე მიღებული და დანერგილია ქართულ საზოგადოებაში. ამიტომაც ამ ფაქტის გამო გაჩენილი პროტესტი, როგორც ეს ქვეცნობიერ განცდას შეეფერება, ასე უადგილოდ, ასე მოულოდნელი რემარკების სახით ჩნდება მის სამუშაო-საარქივო ფურცლებზე.

საყურადღებოა, რომ ვაჟას მიერ ჩაწერილი ფშავური ლექსების ერთი კრებული (ხეც, ვაჟა-ფშაველას პირადი ფონდი № 224) 29 ლექსს აერთიანებს. მისი ინტერესთა სფეროს კონტურების განსაზღვრა ამ ხალხურ ნაწარმოებთა თემატიკის რაოდენობრივი ანალიზითაცაა შესაძლებელი. 29 ლექსიდან 12 ომისა და კაი-ყმობის თემატიკას, დანარჩენი 17 კი ქალის გაუწონასწორებელ ბუნებასა, მისადმი უნდობლობასა და, ამავე დროს, გემოთმოყვარეობას, უფუნქციობასა და სულიერებას შორის კონფლიქტს შეეხება. როგორც მოსალოდნელი იყო, ფშავურ ეთნოგრაფიულ მასალას სპეციფიკურ ხიბლს აძლევს ის ემოციური გახსნილობა და სილალე, რაც, ხშირ შემთხვევაში, წყევლასა და უხამსობებში გამოიხატება და რომლებსაც, როგორც მთის კოლორიტულ-მითოსური აზროვნების სეგმენტებს, ვაჟა არ ერიდება.

ვფიქრობთ, საინტერესოა ერთი დაკვირვება: მიუხედავად იმისა, რომ როგორც კაი-ყმა-მამაკაცობის, ასევე დედაკაცობის კონცეპტუალური საზრისი ვაჟას ზედმინევნით კარგად ესმის, ის ერთი და იმავე წარმოების კომპოზიტებს „დედაკაცი“ და „მამაკაცი“ პირველყოფილ

ბუნებას იმით უნარჩუნებს, რომ „**მამაკაცე**“ ერთცნებიან კომპიტად ალიქვამს და, შესაბამისად, ერთად წერს, ხოლო „**დედა-კაცე**“ ორცნებიანად მიიჩნევს და ცნებათაგამყარად ტირეს იყენებს.

დეტალური გრაფოლოგიური ანალიზი, ბუნებრივია, ბევრ საკითხს მოჰყენს ნათელს, მაგრამ ჩვენი პირველადი დაკვირვებით, შეგვიძლია დავასკვნათ, რომ ხელრთვა-ფაქსიმილეს მოყვანილობისა და სტრუქტურის სხვადასხვაობა ხშირ შემთხვევაში დამოკიდებულია იმ ნაწარმოებთა თემატიკაზე, რომელთაც ეს ფაქსიმილები ახლავს. ვაჟას ფაქსიმილეს მოხაზულობას ლირიზმი მაშინ ეტყობა, როდესაც სატრფიალო ლექსზეა მიწერილი, მანერული სტილი მაშინა აქვს, როცა საკითხი სიმბოლოებით, ხატსახოვნადაა გადააზრებული, ხვეულები და რთული ჩანართები მაშინ აქვს, როცა სამყაროში ადამიანის ბედზე რიტორიკული პათოსით საუბრობს.

ვაჟა-ფშაველას ხელნაწერების არქეოგრაფიული აღწერილობა ასეთია: ის საწერ მასალად A-4-ის ფორმატზე დიდი ზომის ქაღალდს იყენებს, რომელსაც ხშირად ჰორიზონტალურად კეცავს. იყენებს შავ, ლურჯ, ზოგჯერ მწვანე ფერის მეღანს. ხშირად წერს ფანქრით, რედაქტირებას აკეთებს კალმით. ხშირად აცხოველებს ტექსტს. იყენებს ტექსტის დასრულების ოვალურ და მომრგვალო ფორმის გრაფიკულ ნიშნებს. ერთ გვერდზე მოთავსებულ ყველა ცალკეულ ნაწარმოებს ცალკე აწერს ხელს. ტექსტის ორგანიზების თვალსაზრისით, საარქივო ერთეულთა გვერდები ქაოტურია და შემთხვევითი პრინციპითაა შევსებული. ხშირად გვხვდება ერთ გვერდზე ტექსტის როგორც ჰორიზონტალური, ასევე ვერტილაკური განლაგება. სქოლიოს ნიშნად ჯვარს იყენებს. როგორც შინაარსობრივად, ასევე ტექნიკურად მეტად თამამად ასწორებს ტექსტს, რის გამოც მის არქივში ე. წ. „შავი“ ნაწერების წილი ბევრად აღემატება „თეთრს“.

ვაჟა-ფშაველა თავისი მითოლოგიზებული და საკრალიზებული აზროვნებით ძალიან ბევრი თანამედროვე მოღვანის ყურადღებას იპყრობდა.

1909 წელს თავის სანაქსარიდან გამოგზავნილ წერილში ეპისკოპოსი კირიონი (საძაგლიშვილი) ტარასი კანდელაკს სჩერდა: „**თუ ვაჟა ფშაველა მანდ იყოს, ჰქითხე, კოპალეობა როდის მოდის? სად არის უმ-**

თავრესი მისი სადღესასწაულო ეკლესია? როგორ დღესასწაულობენ? კოპალეს სახელით რომელ წმიდანს სცემენ თაყვანს? მისი სალოცავები სად და რა ადგილას არიან? ხალხში რა გადმოცემაა კოპალეზედ? როდის შემოუღიათ ეს დღეობა საქართველოში? ლუგენდა თუ რამ არის ამ ხატის შესახებ ხალხში დარჩენილი?“ (ხეც, კირიონ საძაგლიშვილის პირადი ფონდი № 97).

როგორც ჩანს, ეპისკოპოს კირიონს მუდმივი მიწერ-მოწერა ჰქონდა ვაჟა-ფშაველასთან. თუმცა ყოფილა შემთხვევები, როცა სასულიერო პირისთვის პოეტის ფოლკლორულ შეხედულებებს განსაკუთრებული სიახლე არ მოჰქონდა, ხშირად ის საკუთარ ინტერპრეტაციებს ამატებდა და შესწორებები შეჰქონდა ცალკეულ ტოპონიმთა, ტერმინთა და ცნებათა წარმომავლობისა თუ განმარტების საქმეში.

1909 წელს ეპისკოპოსი კირიონი ისევ ტარასი კანდელაკს სწერდა: „ვაჟა-ფშაველას წერილი კოპალეზედ მაშინ მივიღე, როდესაც კორექტურა გავ ზავნილი მქონდა. მე უფრო მეტი ცნობები მყავს მოყვანილი“ (ხეც, კირიონ საძაგლიშვილის პირადი ფონდი № 107).

როგორც ჩანს, ეპისკოპოსს 1910-იანი წლების დასაწყისში ვაჟა-ფშაველასთვის მიუმართავს ლაშარობის დღესასწაულის წარმომავლობის ახსნის თხოვნით. ვაჟა-ფშაველას ამ საკითხთან დაკაშირებით, 1888 წელს დაუწერია ეთნოგრაფიული წერილი „ლაშარობა“ („ლაშრობა“, როგორც ეს დედანშია), სადაც აღწერილია ამ სახალხო დღესასწაულის ადათები. მისი ავტოგრაფული დედანი დღეს ხელნაწერთა ეროვნულ ცენტრში ინახება (ხეც, ვაჟა-ფშაველას პირადი ფონდი № 215). 1903 წელს გაზეთ „ცნობის ფურცელში“ გამოქვეყნებულა სხვა წერილი: „ლაშარის ჯვრის დღეობა ანუ ლაშარობა“. ვაჟა-ფშაველას თხზულებათა ათტომეულში სწორედ ამ წერილის ვარიანტულ რედაქციად არის მიჩნეული ეთნოგრაფიული წერილი „საიდამ წარმოსდგა ლაშარობა?“. ეს უკვე მესამე წერილია ამ საკითხზე. ეს უკანასკნელი ხელნაწერთა ეროვნულ ცენტრში ინახება და დაუთარიღებელია (ხეც, ვაჟა-ფშაველას პირადი ფონდი № 217). ის ლაშარობის რიტუალს კი არ ხსნის, არამედ მის წარმომავლობას, მომდინარეობას, რითაც მას

საერთო თითქმის არაფერი აქვს იმ ძირითად ტექსტთან, რომლის ვარიანტულ სხვაობადაც არის მიჩნეული აკადემიურ გამოცემაში.

ხელნაწერთა ეროვნულ ცენტრში კირიონ მეორეს არქივში დაცულია 1913 წლით დათარიღებული მისი წერილი ტარასი კანდელაკისადმი, ამ დროისათვის მას უკვე მიუღია წერილი ვაჟა-ფშაველასგან, რის შესებაც ის პირად წერილში წერდა: „**ნაწლობაზე სწორე არა მგონია აზრი ვაჟა-ფშაველასი.** ნაწლობას არავითარი საერთო რამ არა აქვს რაინდობასთან. ნაწლობა ლაშა გიორგიზე აღრე უნდა ყოფილიყო ფშაველებში. სახელწოდება ლაშარის ჯვარი რომ მართლა იყოს ნარმოდგარი ლაშასაგან, მაშინ ჩვენი ენის კანონით, ლაშას ჯვარი იქნებოდა და არა ლაშარის ჯვარი. ლაშარის ჯვარი, ჩემი აზრით, სწარმოებს სიტყვიდან „ლაშარი“. აქედან ლაშარის ანუ ლაშარის ჯვარი, რომელიც ომიანობის წინ ლაშერის წინ მოჰქონდათ და მშვიდობიანობის დროს იმ სალოცავში ესვენა, რომელსაც ხალხი უწოდებს ლაშარის ჯვრად. ქართლშიც არის სალოცავები: მცხეთის ჯვარი, გორის ჯვარი, გარეჯვარი...“ (ხეც, კირიონ საძაგლიშვილის პირადი ფონდი №139).

როგორც ჩანს, წერილი „საიდამ ნარმოსდგა ლაშარობა?“ ვაჟა-ფშაველამ კირიონ ეპისკოპოსის არგუმენტების საპასუხოდ დაწერა. ტექტში თანმიმდევრობით არის პასუხი გაცემული ყველა იმ არგუმენტზე, რომლებიც საეჭვოდ და არადამაჯერებლად ჩათვალა ეპისკოპოსმა. ის ფაქტი, რომ წერილი „საიდამ ნარმოსდგა ლაშარობა?“ ნამდვილად კირიონის საპასუხო უნდა იყოს, ადასტურებს წერილის გადაშლილი ქვესათაური: „კიდევ ლაშარობაზედ“, რომელ საკითხზედაც ვაჟას მესამედ მოუნია განმარტებამ. რაც ყველაზე საინტერესოა, ეს ტექსტი სტანდარტული თხრობით კი არ იწყება, არამედ ერთგვარი კონტრარგუმენტით, მტკიცებით: „**დასამტკიცებლად იმისა, რომ ლაშარობა დაერქვა დღეობას ლაშა-გიორგისგან შენირულის წმიდის გიორგის ხატის გამო, შეგვიძლიან მოვიყვანოთ საბუთები...**“ როგორც ვნახეთ, ეპისკოპოს კირიონის მოსაზრებით, ლაშარობა „ლაშერიდან“ უნდა მომდინარეობდეს და არა ლაშა-გიორგისგან. ხოლო ვაჟა-ფშაველა ამ ტექსტს ასე ასკვნის: „**რაც ზემოთ ვსთქვით, მკითხველს იქი-**

**დამ შეუძლიათ თვითონ გამოიტანოს აზრი — ლაშარობა „ლაშერობა“  
და „ლაშას ჯვრის დღეობაა“.**

ვაჟა-ფშაველას ფსიქოლოგიური პირტეტის დასახასიათებლად, ვფიქრობთ, საგულისხმო შტრიხია ის, რომ ამ პასუხს პოლემიკის ფორმას არ აძლევს, არსად ახსენებს მისთვის ასე პატივსაცემ სასულიერო მოღვაწეს. ქვესათაურიც კი „კიდევ ლაშარობაზე“ დედანში გადაუხაზავს. რაც შეეხება ამ წერილის დათარიღებას, 1913-14 წლებში უნდა იყოს დაწერილი, კირიონ ებისკობოსის ტარასი კანდელაკისადმი გაგზავნილი წერილის შემდეგ.

ეს და სხვა საკმაოდ რთული და მრავალშრიანი საკითხი საარქივო ერთეულთა სპეციფიკაზე, პერსონიფიცირებულ ინფორმაციაზე, როგორც ინფორმაციის აღტერნატულ წყაროზე და მათი კომპლექსური კვლევის სირთულესა და აუცილებლობაზე მიუთითებს.

საარქივო მასალა მხოლოდ მემორიალური არტეფაქტები კი არა, ბევრად მნიშვნელოვანი საკვლევი წყაროების შემცველია და იქ პიროვნებათა პორტრეტები ბევრად უფრო ადამიანურია და ბუნებრივი, ვიდრე ბოგრაფიების ტრაფარეტული მიდგომები. პერსონიფიცირებული ინფორმაცია მეგაპერსონალური ინფორმაციაა თავისი არაბანალური, ორიგინალური, წინასწარგანუზრახველი, სრულიად მოულოდნელი წყაროებით. შესაბამისად, თავისი სპეციფიკიდან გამომდინარე, ეს მასალა დეტალურ არქეოგრაფიულ და კოდიკოლოგიურ კვლევებს საჭიროებს.

#### **დამოწმებანი:**

**ვაჟა-ფშაველა 1964:** „უმადური გამომცემელი“. ვაჟა-ფშაველას თხზულებათა სრული კრებული ათ ტომად, IX ტ. თბ.: „საბჭოთა საქართველო“, 1964.

**სეც, ვაჟა-ფშაველას პირადი ფონდი №225:** ხელნაწერთა ეროვნული ცენტრი, ვაჟა-ფშაველას პირადი საარქივო ფონდი № 225.

**სეც, ვაჟა-ფშაველას პირადი ფონდი №228:** ხელნაწერთა ეროვნული ცენტრი, ვაჟა-ფშაველას პირადი საარქივო ფონდი №228.

ხეც, ვაჟა-ფშაველას პირადი ფონდი №149: ხელნაწერთა ეროვნული ცენტრი, ვაჟა-ფშაველას პირადი საარქივო ფონდი №149.

ხეც, ვაჟა-ფშაველას პირადი ფონდი №143: ხელნაწერთა ეროვნული ცენტრი, ვაჟა-ფშაველას პირადი საარქივო ფონდი №143.

ხეც, ვაჟა-ფშაველას პირადი ფონდი №156: ხელნაწერთა ეროვნული ცენტრი, ვაჟა-ფშაველას პირადი საარქივო ფონდი №156.

ხეც, ვაჟა-ფშაველას პირადი ფონდი №159: ხელნაწერთა ეროვნული ცენტრი, ვაჟა-ფშაველას პირადი საარქივო ფონდი №159.

ხეც, ვაჟა-ფშაველას პირადი ფონდი №224: ხელნაწერთა ეროვნული ცენტრი, ვაჟა-ფშაველას პირადი საარქივო ფონდი №224.

ხეც, ვაჟა-ფშაველას პირადი ფონდი №215: ხელნაწერთა ეროვნული კუნძრი, ვაჟა-ფშაველას პირადი საარქივო ფონდი №215.

**ხეც, ვაჟა-ფშაველას პირადი ფონდი №217:** ხელნაწერთა ეროვნული ცენტრი, გაჟა-ფშაველას პირადი საარქივო ფონდი №217.

**ხეც, კირიონ საძაგლიშვილის პირადი ფონდი №97:** ხელნაწერთა ეროვნული (კინტრი, კირიონ საძაგლიშვილის პირადი საარქივო ფონდი №97.

**ხეც, კირიონ საძაგლიშვილის პირადი ფონდი №107:** ხელნაწერთა ეროვნული გენტრი, კირიონ საძაგლიშვილის პირადი საარქივო ფონდი №107.

**ხეც, კირიონ საძაგლიშვილის პირადი ფონდი №139:** ხელნაწერთა ეროვნული ცენტრი. კირიონ საძაგლიშვილის პირადი საარქივო ფონდი №139.

ხეც, ილია ჭავჭავაძის პირადი ფონდი №62: ხელნაწერთა ეროვნული გენტრი, ილია ჭავჭავაძის პირადი საარქივო ფონდი № 62.

## ვაჟა-ფშაველას არქივი ხელნაწერთა ეროვნულ ცენტრში

ბედნიერია მკითხველი, რომელსაც თავისი დიდი მწერლის და მოღვაწის არქივი შემორჩია, რადგან არქივი, როგორი მწირიც უნდა იყოს დოკუმენტების რაოდენობის თვალსაზრისით, მუდამ შეიცავს არახილულ, სიღრმისეულ ინფორმაციებს. ამიტომ ის ისტორიოგრაფიის ერთ-ერთი ძლიერი და ცოცხალი წყაროა. ყოველ არქივში წამი შეჩერებულია, როგორც ფოტოკადრში და მისი წაკითხვის უნარზეა დამოკიდებული ეპოქის გაცოცხლების ხარისხი. ისტორიის ამა თუ იმ მონაკვეთის სოციალურ-პოლიტიკურ, ფსიქოლოგიურ, მსოფლმხედველობრივ, კულტურულ-ეთიკურ ფონზე იკითხება მოღვაწის ცხოვრება და, შესაბამისად, ეს ფონიც აისახება. ამდენად, ყოველი არქივი საგაა ეპოქაზე, ოლონდ გამორჩეული, დოკუმენტურობის განუმეორებელი ხიბლით შეფერილი. სიღრმისეული წაკითხვის შემდეგ ყოველი არქივი ისეთსავე სევდას ტოვებს, როგორც ეპოქალური მოვლენებით გაჯერებული დიდტანიანი მხატვრული ნაწარმოები. ამით იგი მხატვრული დატვირთვის მატარებელიცაა.

ამ თვალსაზრისით, ვაჟა-ფშაველას არქივიც განსაკუთრებულ მნიშვნელობას იძენს. რთულია ვაჟას არქივის ისტორია; იგი გაბნეულია სხვადასხვა საცავში. მისი ძირითადი ნაწილი ინახება ხელნაწერთა ეროვნულ ცენტრში, ლიტერატურის მუზეუმსა და ცენტრალურ ეროვნულ არქივში. სტატიაში შემოვიფარგლებით ხელნაწერთა ეროვნულ ცენტრში დაცულ მასალაზე საუბრით. თავის მხრივ, ამ არქივსაც თავისი ისტორია აქვს. იგი შექმნილია ხელნაწერთა S, A, H, Q კოლექციებიდან ამოკრებილი მასალით 1958 წელს, მას შემდეგ, რაც საქართველოს სახელმწიფო მუზეუმის ხელნაწერთა განყოფილება ცალკე ინსტიტუტად ჩამოყალიბდა. ეს ის მასალაა, რომელიც თავის დროზე ინახებოდა წერა-კითხვის გამავრცელებელ, საისტორიო და საეთნოგრაფიო საზოგადოებებსა და საეკლესიო მუზეუმში.

ვაჟა-ფშაველას არქივი 262 ერთეულისაგან შედგება. შემოქმედებითი მასალა ძირითადად ავტოგრაფებს წარმოადგენს. არქივში დაცულია ვაჟას ლექსები, პოემები, მოთხრობები, პუბლიცისტური წერილები და თარგმანები. მიმოწერაში ვაჟას მხოლოდ სამი წერილია. არის ვაჟასთან მინერილი გიორგი ბაქრაძის, დიმიტრი დუმბაძის, პაოლო იაშვილის, ალექსანდრე მათურელის, შიო მღვიმელის, სანდრო შანშიაშვილის, სანდრო რაზიკაშვილის, სიკო ფაშალიშვილის, ივანე ცისკარიშვილისა და სხვათა წერილები.

არქივში შემოქმედებითი მასალის უდიდესი ნაწილი ლექსებია. კოდიკოლოგიურ-პალეოგრაფიული ანალიზის შედეგად დაზუსტდა რამდენიმე ლექსის დაწერის თარიღი. ერთ ხელნაწერში (ხეც, ვაჟა-ფშაველას ფონდი, № 28) მოთავსებულია ორი ლექსი — „ზმანება“ (მოვიდნენ, მოდგნენ აჩრდილნი...) და „გაზაფხული“ (კიდევ ველირსე გაზაფხულს...). 1964 წლის აკადემიურ გამოცემაში (ვაჟა-ფშაველა 1964: 240, 290). ორივე ლექსი დათარილებულია ნაბეჭდი ტექსტების მიხედვით, რადგან ავტოგრაფული ხელნაწერები უთარილო. „ზმანება“ დაიბეჭდა გაზეთ „ივერიაში“ („ივერია“, 1901 წლის 25 დეკემბერი, № 280), ხოლო „გაზაფხული“ — უურნალ „მოამბეში“ 1898 წელს ( „მოამბე“, 1898 წელი, № 4). ხელნაწერი № 28 შესრულებულია ერთნაირ ქალალდზე, ერთნაირი მელნით, ერთი ხელნერითა და კალმით. სავარაუდოა, რომ ორივე ლექსი ერთდროულია. ადრეულ თარიღად, რა თქმა უნდა, 1898 წელი უნდა მივიღოთ, რადგან ჯერჯერობით სხვა ინფორმაცია არ გაგვაჩნია. ლექსი „ზმანებაც“ ამ თარიღზე გვიან ვერ დაიწერებოდა.

იგივე სურათია სხვა ხელნაწერშიც (ხეც, ვაჟა-ფშაველას ფონდი, № 42), სადაც შესულია ლექსი „მტრისამც გულია ასეთი“. ეს ლექსი აკადემიურ გამოცემაში დათარილებულია ნაბეჭდი ვარიანტით (გაზეთი „ცნობის ფურცლის სურათებიანი დამატება“, 1904 წლის 28 მარტი, № 205). აქვე მოთავსებული მეორე ლექსი „ოცნებავ ჩანგი მომართე“ დაიბეჭდა იმავე გაზეთში (გაზეთი „ცნობის ფურცლის სურათებიანი დამატება“, 1903 წლის 2 ოქტომბერი, № 164). ორივე ლექსის დაწერის თარიღად 1903 წელი უნდა მივიღოთ.

№ 43 ავტოგრაფულ ხელნაწერში (ხეც, ვაჟა-ფშაველას ფონდი, № 43) ერთ ფურცელზე სამი ლექსია მოთავსებული: 1. „სიმღერა“ (ცხოვ-რებამ არ შემიძრალა...), 2. უსათაურო (ღმერთმა დასწყევლოს ეშმა-კი...), 3. უსათაურო (უამბეს ბებერს ბერდიას...). აკადემიური გამოცე-მის მიხედვით, პირველი ლექსი დათარიღებულია 1904 წლით (ლიტე-რატურის მუზეუმის დათარიღებშია გატანილი, მესამე კი დათარიღებუ-ლია 1906 წლით. თარიღდება ნაბეჭდი ვარიანტით (გაზეთი „ივერია“, 1906 წლის 20 აგვისტო, № 25). კოდიკოლოგიურ-პალეოგრაფიული ნიშნების მიხედვით, ეს სამი ლექსი ერთდროულადაა შექმნილი და 1904 წლით უნდა დათარიღდეს.

№ 134 (ხეც, ვაჟა-ფშაველას ფონდი, № 134) ხელნაწერი შეიცავს ლექსებს: „განა კაცია?!“ და „მელიას სიმღერა“. ხელნაწერის მეორე გვერდზე მოთავსებულია ვაჟა-ფშაველას განცხადება თბილისის თა-ვადაზნაურთა წინამდლოლის სახელზე. სთხოვს, მის შვილს თბილისის სათავადაზნაურო სკოლის მოსწავლეს ლევან რაზიკაშვილს დაუნიშ-ნონ სტიპენდია. განცხადება დაწერილია რუსულ ენაზე. აკადემიურ გამოცემაში ლექსები შეტანილია უთარიღებში. ამ ლექსების დათა-რიღება შეიძლება ლევანის სათავადაზნაურო სკოლაში სწავლის პერი-ოდის გარკვევით.

ამ თვალსაზრისით, მომდევნო არქეოგრაფიულ-კოდიკოლოგიური ანალიზი კიდევ ახალი დაზუსტებების საშუალებას მოგვცემს.

ხელნაწერი № 30 (ხეც, ვაჟა-ფშაველას ფონდი, № 30) საინტერესოა იმ თვალსაზრისით, რომ იქ მოთავსებულია ვაჟას გამოუქვეყნებელი ჩანაწერი: „საქართველოს მწერლათ“. იგი არ შესულა 1964 წლის აკა-დემიურ გამოცემაში. ცნობა მის შესახებ გატანილია მხოლოდ შენიშ-ვნებში (ვაჟა-ფშაველა 1964: 408). ხელნაწერი დაზიანებულია, მარჯვე-ნა გვერდი ისეა ჩამოხეული, ტექსტის ნაწილიც დაკარგულია. იკითხე-ბა შემდეგი: „აკაკი — რა კარგი, ილია — უცხო ხილია, ცახელი — ცალ-ხელი, იაკობ — „დედა ენასა“ გშობ..., გრიგოლი — მუზების მიმყოლი, შოთა — შორს გააბოტა, დავით — გულით მწვავით“. იმავე ფურცელ-

ზე მოთავსებული ლექსი „კითხვა-პასუხი“ აკადემიურ გამოცემაში დათარიღებულია ნაბეჭდი ვარიანტით (გაზეთი „ივერია“, 1901 წლის 20 დეკემბერი, № 276). ხელნაწერის ერთი განიერი ფურცელი გაკეცილია სამად. ერთ-ერთ დაზიანებულ ფურცელზეა მოთავსებული ჩვენთვის საინტერესო „საქართველოს მწერალთა“.

ვაჟას წერილი მიხეილ ლობჟანიძესთან (ხეც, ვაჟა-ფშაველას ფონდი, № 229) აკადემიურ გამოცემაში გამოქვეყნებულია კუპიურით. კონიუნქტურული მოსაზრებით ამოღებულია აბზაცი, რომელიც ილიას მკვლელობას შეეხება. ამ აბზაცში იკითხება: „დასელების (იგულისხმება მესამე დასი, ე.ქ.) საქციელი როდი მაკვირვებს. სხვა რა დაპრჩენიათ საცოდავებს? მაშ, სხვით რით გამოისყიდონ თავის დანაშაული, თუ არ ჯამბაზობით?! ილიას მოკვლით მაგათ თავისი თავი, თავის მოძღვრება მოჰკულეს და ნუთუ ჰგონიათ აკაკის პატივისცემით დაიბრუნონ კვალად სიცოცხლე? სულ ტყუილა.“

გამოვყოფთ კიდევ ერთ მომენტს, ვაჟას შემოქმედებით დაინტერესებული მკითხველისათვის მართლაც საგანგებოს. რამდენიმე ავტოგრაფულ ნუსხაზე (ხეც, ვაჟა-ფშაველას ფონდი, № № 18, 28, 143) მოთავსებულია გრაფიკული ჩანახატები. ძნელია, ეჭვი შევიტანოთ ვაჟას ავტორობაში, რადგან შესრულებულია ზედ ტექსტზე ტექსტის მელნით და კალმით (ვგულისხმობთ კალმის მონახაზის ზომას).

ვაჟას არქივი მრავალ ფიქრს აღძრავს ყველა თვალსაზრისით. მარადიული საკაცობრიო პრობლემების მატარებელი მისი შემოქმედება ყოველი თაობის კუთვნილებაა და, შესაბამისად, ყოველი თაობა საკუთარი პრობლემების ჭრილში შეისწავლის მას, რაც შეუძლებელია ავთენტური მასალის მომარჯვების გარეშე. ქართული ფილოლოგია ვალშია ვაჟას არქივის წინაშე. არქივთმცოდნეობის ძირითადი პრინციპი ცენტრალიზაციის პრინციპია. ამიტომ ყოვლად საშური საქმეა ამ არქივის გაერთიანება მეცნიერული აღწერილობის დონეზე, რადგან არსებული საკანონმდებლო ბაზა მისი ფიზიკური გაერთიანების საშუალებას არ იძლევა.

ვაჟა-ფშაველას არქივში არის სტრიქონებს შუა ამოსაკითხი ინფორმაციები იმ ეპოქასა და გარემოზე, რომელშიც ფიზიკურ ცხოვრებაში იღვაწა პოეტმა. მსოფლშეგრძნებითი თვალსაზრისით, შემოქმედი ორი სამყაროს რეალიზებას ემსახურება. ერთია ის, რომელშიც რეალობას ასახავს ყოფით თუ ფილოსოფიურ ჭრილში და მეორე — თავისი სულის მოძრაობას, სულის რეალობას აძლევს მატერიალურ სახეს სიტყვაში. ვაჟა ყოველნაირი მკითხველის მწერალია. თუ მკითხველთა გარკვეული წრისათვის იგი ისაა, ვინც თქვა, მტრისთვის მტერობა ღმერთმა გააჩინაო, ან ის, ვინც ალუდას შეუქო, რომ „ბევრს ქისტს მოაჭრა მარჯვენა“, გარკვეული წრისთვის მთლიანად ისაა ვაჟა, ვისაც აღმოხდა, „ბალახი ვიყო სათიბი, არა მწადიან ცელობა, ცხვრადვე მამყოფე ისევა, ოღონდ ამშორდეს მგელობა“. ეს არის მისი სულის სიტყვებად ამოფრქვეული რეალობა.

ვაჟამ მთლიანად შემოუშვა ბუნება თავის არსებაში და ბუნებამაც ყველა გზა გაუსხნა, რამაც სამყაროს მთლიანობის ჰარმონიისა და მარადიულობის განცდას აზიარა.

ვაჟას არქივის საშუალებით იკვეთება ზეობრივი გმირი არა მხოლოდ ფიქრთა მდინარებით, არამედ ცხოვრების წესით, იმ დიდი სიყვარულით და ზრუნვით, რომელსაც გარშემო მყოფთათვის გაიღებდა. ამიტომ გვეძვირფასება ვაჟას ხელით ჩანერილი ფერმკრთალი ადამიანების სახელები, რომელთა სამყაროში არსებობა მხოლოდ ვაჟას კალამა დააფიქსირა. მელორები ბასილა ჯანგირაშვილი და შაქროლვინიაშვილი, მარიამ მათიაშვილი, რომელსაც განცხადება შეუდგინარუსულ ენაზე, აბრამა აკოფოვი, დუშეთის ქუჩა № 25-ში რომ ცხოვრობდა. გვეძვირფასება მით უფრო, რომ ეს სახელები ლექსების ავტოგრაფულ ნუსხებზეა მინერილი.

არქივი საკრალური განცდის მატარებელია. თუ ბეჭდური სახით მის აზრებსა და მსოფლშეგრძნებას ვეზიარებით, არქივში სხვა ვაჟას მივეახლებით. ნათლად დავინახავთ, აზრთა მდინარების რა მოტივაციით, რა გაუსაძლის ყოფაში გამოატარა თავისი სათქმელი და მოქალაქეობრივი მრნამსი, როგორც დიდმა მოქალაქემ და დიდმა შემოქმედმა.

ვაჟა-ფშაველა იმ გამონკლისთა რიცხვშია, ვინც სამყაროს მარტო აწმუნდან კი არა, წარსულიდან და მომავლიდანაც უყურებდა. ამიტომ ეპოქა ვერ მართავდა მას, პირიქით, თავისი შემოქმედებით მომავლი-დან დაიქვემდებარა იგი. ვაჟას ფენომენის ბოლომდე გაგება შეუძლე-ბელია მისი უნიკალური შემოქმედებისა და საარქივო მასალის მთლი-ანობაში გააზრების გარეშე.

ამ არქივის გაცრეცილ, დალაქავებულ ფურცლებზე არეკლილი მინანერ-ჩანანერები იკითხება როგორც საგა იმაზე, როგორ ზნე-ობასთან უკომპრომისოდ განვლო ცხოვრება კონკრეტულ დროსა და სივრცეში მოქცეულმა ერთმა მოკვდავმა ლუკა რაზიკაშვილმა და რა ნატიფად გამოძერნა თავის თავში დროსა და სივრცეზე ამაღლებული, უკვდავებასთან ნაზიარები ფშაველი ვაჟა. ეს არ იყო ზოგადსაკაცობ-რიო პრობლემების ფშავში ლოკალიზება. ეს იყო ლოკალური ფშავის, ზოგადად, მთელი იმ გეოგრაფიული არეალის, მარადიულ ფასეულო-ბებში ინტეგრირება. ვაჟა-ფშაველამ შეძლო ერთი კუთხის წარმავალი მაგალითები წარუვალ ღირებულებებად გარდაექმნა.

#### დამოწმებანი:

**ვაჟა-ფშაველა 1964:** ვაჟა-ფშაველას თხზულებათა სრული კრებული ათ ტომად. ტ. I, თბ.: „საბჭოთა საქართველო“, 1964.

**ხეც,** ვაჟა-ფშაველას პირადი ფონდი № 18: ხელნანერთა ეროვნული ცენტრი, ვაჟა-ფშაველას პირადი საარქივო ფონდი № 18.

**ხეც,** ვაჟა-ფშაველას პირადი ფონდი № 28: ხელნანერთა ეროვნული ცენტრი, ვაჟა-ფშაველას პირადი საარქივო ფონდი № 28.

**ხეც,** ვაჟა-ფშაველას პირადი ფონდი № 30: ხელნანერთა ეროვნული ცენტრი, ვაჟა-ფშაველას პირადი საარქივო ფონდი № 30.

**ხეც,** ვაჟა-ფშაველას პირადი ფონდი № 43: ხელნანერთა ეროვნული ცენტრი, ვაჟა-ფშაველას პირადი საარქივო ფონდი № 43.

**ხეც,** ვაჟა-ფშაველას პირადი ფონდი № 134: ხელნანერთა ეროვნული ცენტრი, ვაჟა-ფშაველას პირადი საარქივო ფონდი № 134.

ხეც, ვაჟა-ფშაველას პირადი ფონდი № 143: ხელნაწერთა ეროვნული  
ცენტრი, ვაჟა-ფშაველას პირადი საარქივო ფონდი № 143.

ხეც, ვაჟა-ფშაველას პირადი ფონდი № 229: ხელნაწერთა ეროვნული  
ცენტრი, ვაჟა-ფშაველას პირადი საარქივო ფონდი № 229.



## როსტომ ჩხეიძე

### მინდია — ბედი შემოქმედისა

კოპალას სალოცავთან ბრტყელი, საფლავის ქვის მსგავსი ლოდი ეგდო.

ისეთი მძიმე, ორ კაცს გაუჭირდებოდა მისი გადაბრუნება.

მაში იმთავითვე ეს ყოფილა ამ ქვის ადგილსამყოფელი და ეგაა.

არადა, თურმე საიდანლაც ამოეტანათ.

რაღაც ძველი, მითოსური ჟამის თქმულება უკავშირდებოდა ამ ლოდის ამოტანას?

თურმე არა — მის ამომტანს, გოგოთურს, XIX საუკუნის პირველ ნახევარში ეცხოვრა სოფელ ყოფჩაში, დიდი ჯანის პატრონსა და გან-თქმულ მონადირეს, ომშიც ყოფილიყო თუ არა, ამის ხსოვნა არ შე-მორჩენილიყო და ზეპირგადმოცემა მხოლოდ ინახავდა იმ ეპიზოდს თუ როგორ დაეჭირა ქურდობაში ორი ხევსური, შინ მიეყვანა და ცო-ლისათვის დაევალებინა, ძალების სალაფავი გაუკეთეო, რათა მერე გეჯაში ჩაესხა და ქურდებისათვის ეთქვა: ცქლიფეთ, რადგანაც მხო-ლოდ ამის ღირსნი ხართო.

ეს ეპიზოდი და ლოდის ამოტანის ლეგენდა ინარჩუნებდა გოგოთუ-რის სახებას საყმოთა ცნობიერებაში და ამაღლებულ, რომანტიკულ ფიგურად გაიაზრებდა, პატარა ლუკა რაზიკაშვილსაც მძაფრად რომ ჩაეჭრებოდა შეგნებაში და ვერ მოისვენებდა, ვიდრე ოდესმე ამ გალე-გენდებულ პიროვნებას საგმირო ეპოსის ერთ-ერთ მთავარ პერსონა-ჟად არ გარდასახავდა.

ჯეელობისას კი ისიც, სხვა ჭაბუკებისა არ იყოს, ბევრჯერ დაჯაჯ-გურებოდა გოგოთურის მოტანილ ქვას და ცდილობდა იმ სახელიან კაცზე მეტი ლონე გამოეჩინა, მაგრამ ამაოდ აწყდებოდა ლოდს — არამცთუ გადაბრუნება ან აწევა, ქარიც ვერ გაეტარებინა მისთვის.

ლუკა თავისას — ვერა და ვერ მოშვებოდა.

ბრტყელი ქვაც თავისას — არა და არ აეწევინებოდა, ადგილს არ მოანაცვლებინებდა.

და რჩებოდა და რჩებოდა გოგოთურის ყველაზე ხელშესახებ, თვალნათლივ ხსოვნად და მემორიალად. ისე განა რა კვარცხლბეკი უნდა დაედგათ მის სახელზე, ამ ლოდის სიდიადე რომ გადაეწონა, შინაგანი ბრწყინვალებითაც რომ ასხივებდა და ყველაზე უკეთ შეჰვეროდა კოპალას სალოცავს, როგორც მისი საღვთისშვილო ღვაწლის გამშეორებელი წუთისოფლის მდინარებაში.

ეს იმ დროს, როდესაც ფშაველთა ცნობიერება ჯერაც თვალნათლივ ითავსებდა წარმოსახვითსა და ყოფითს ერთ ჰარმონიულ მთლიანობად და კოპალაც და იახსარიც, სხვა ღვთისშვილებისა არ იყოს, კვლავაც ჩნდებოდნენ ხან სად და ხან სად, ადგილს არ ტოვებდნენ ფეხდაუკარებელს — მოულოდნელადაც ამოჰყოფდნენ თავს და თავიანთ ძველ წატერფალზეც დაიარებოდნენ, უხილავი კვალის ანაბეჭდებზე მატერიალურ გარემოში.

თანდათან იმსხვრეოდა ეს რწმენა-წარმოდგენები.

ლუკა რაზიკაშვილი მის მსხვრევას შეესწრებოდა და მის ნაშთებში დაიწყებდა ტრიალს, რათა რაღაცის შენარჩუნება მაინც მოეხერხებინა, მთლად შენარჩუნებაც თუ ვერა, შემონახვა მაინც, მხატვრულ სიტყვაში გადარჩენა იმ სულისა, რითაც იმთავითვე განმსჭვალულიყო საყმოთა ცნობიერება და ამ ცნობიერების დაშლის კვალობაზე სულიც წაწევრდებოდა და იფანტებოდა.

ვაითუ საბოლოოდაც განქარებულიყო.

და ჭაბუკი ლუკას წარმოსახვა ახლა ამ ცნობიერებას დაეჯაჯგურებოდა — გადასაბრუნებლად არა, ასაწევად და თუნდაც ქარის გასატარებლად, რათა იმ პერსონაჟებსა და მათ ამბებს ახალი სიცოცხლე ეპოვნათ მხატვრულ სიტყვაში.

გაუძლებდა თუ ვერა ამ ჭიდილს?!.

ასწევდა თუ ვერა საგმირო ეპოსს გამძვინვარებული ათეიზმის, მეფისტოფელის საუკუნის ჟამს, მატერიალისტური დოქტრინები სულ უფრო და უფრო რომ ეუფლებოდნენ ადამიანთა შეგნებას და, ღვთიური ნიშატის დაშრეტის კვალობაზე, ამაღლებული ოცნებანი და მისწ-

რაფებანიც მიჩაზე ჩამოდიოდა და ადამიანთა კერპად დასახვა ენაცვ-ლებოდა უზენაესის რწმენას?!.

ეს რწმენაც, ეს ნიშატიც დრომოქმულობად, ყავლგასულობად, უიმედო ანაქრონიზმად გამოიყურებოდა ახალ თაობათა თვალში და ვაჟა-ფშაველად გარდასახული ლუკა რაზიკაშვილიც სხვას რას მიაღ-ნევს თავისი ამგვარი წადილით, თუ არა ჩამორჩენილის იარლიყს!..

როგორი შესაგუებელია, გარდასული ხანის ნაშთად თუ ნამსხვრე-ვად რომ გნათლავენ და პირნმინდად გაქრობასაც გინინასწარმეტყვე-ლებენ, თუკი ახლებურ აზროვნებაზე არ გადაეწყობი და ამაღლებისა-კენ სწრაფვას წუთისოფლის მოთხოვნა-სურვილებსა თუ მოდურ გა-ტაცებებზე არ დაახურდავებ.

ეგებ მართლაც აღარ იყო ამაღლებულის დრო?..

ეგებ მინას მოფარებოდა რომანტიკული სული?..

და თუ ახალი დროის მოტანილ პირობებს ვერ შეეწყობოდი, ვაითუ ამჯერადაც იგივე განმეორებულიყო, რაც გოგოთურის ლოდთან ჭი-დილ-ჯაჯგურისას — ამაოდ დამშვრალიყავი საკუთარ თავში იმ ცოტა მეტი ღონის აღმოჩენის მცდელობისას.

მაგრამ თუ დროის წალმა-უკულმა ტრიალს მაინც არ შეეპუებოდი და წამიერებას მარადისობიდან გამოხედავდი?

ვითომ დედაშენს შემთხვევით ენახა ის უჩვეულო სიზმარი და გან-საკუთრებულს არაფერს მოასწავებდა?

მართლაც უჩვეულო, რაიმე სხვას კი არა, სწორედაც იაკობისებურ ცხად-მოჩვენებას შეტოლებული.

ეს მაშინ, როდესაც ჯერ გასათხოვარი გახლდათ.

ბიძაშვილ ქალთან ერთად სოფელ სხლოვანში გარეთ ეძინა, დერე-ფანში, შუალამე იქნებოდა, რომ ისეთი დგანდგარი და პირდგნიალი დადგებოდა, ეგონებოდა, მთა-ბარი თუ იქცევაო. შეშინებული წამოჯ-დებოდა ლოგინში, გახედავდა და მთელი ცა განათებული დახვდებო-და. ორი ოქროსფერი ჯაჭვი წამოსულიყო, ერთი ჭიაურის გორიდან, მეორე კი სხლოვნის გორიდან, გადაბმულები, ზედ ცეცხლის ბალდები ადიოდნენ და ჩამოდიოდნენ და ისეთ მწკეპრ (წმინდა) ხმაზე გალობდ-ნენ, ისე ტკბილად, იმაზე კარგს რას გაიგონებდა კაცის ყური.

ამ ზმანებას ჯერ მისი მეუღლე, პავლე რაზიკაშვილი, მიამგვანებდა დაბადების იმ პასაჟს (28, 12), ისრაელის მომავალი პატრიარქის სიზ-მარს რომ გვაუწყებდა, გზად ლოდს რომ გამოიყენებდა სასთუმლად:

— და ჩვენებასა იხილვიდა. და აპა ესერა, კიბენი აღმართულნი ქუ-ეყანით, რომლისა თავი მინდომილ იყო ცად და ანგელოზნი ღმრთისა-ნი აღვიდოდეს და გარდამოვიდოდეს მას ზედა.

მერე კი შვილებიც, როდესაც წამოიზრდებოდნენ და ძველ აღთქმა-შიც ჩაიხედავდნენ, ძალდაუტანებლად აღმოაჩენდნენ ამ მსგავსებას.

ისე რა უცნაურია, არა?

რაც ებრაული მოდგმის ერთ-ერთ რჩეულ პიროვნებას უნდა ეხილა, საქართველოს მიყრუებული კუთხის კიდევ უფრო მიყრუებული სოფ-ლის მკვიდრსაც იგივე ზმანება უნდა გამოეცადა, უბირ ქალს, ვინც წე-რა-კითხვას ვერც ვერასოდეს ისნავლიდა, თუმც ბუნებით ფრიად ნი-ჭიერი კი ყოფილა, მეოჯახე, მოწყალე და გლახის გამკითხველი.

კაცმა რომ თქვას, წერა-კითხვა რიღასთვის სჭირდებოდა, როდე-საც მისი სიზმარი ბიბლიურ თხრობასაც დაშვენდებოდა.

შვილები როდესაც წამოიზრდებოდნენ და რაღაც-რაღაცებშიც გათვითცნობიერდებოდნენ („მეცნიერებას ცოტაოდნავ ვუსუნეთ“), წათამამებულნი აღარც კი უჯერებდნენ დედის ნაამბობს, მაგრამ ქა-ლი თავისას იმეორებდა დაჟინებით და შვილების თავს იფიცებდა და-სარწმუნებლად.

იქ უფალი გამოეცხადებოდა იაკობს და ეტყოდა:

— მე ვარ ღმერთი აბრაჰამისი და ღმერთი ისაკისა მამისა შენისა, ნუ გეშინინ. ქუეყანი ეგე, რომელსა გძინავს, შენ მოგცე და ნათესავსა შენსა.

ამხელა მოვალეობა არ დაკისრებოდა ლუკა რაზიკაშვილის დედას.

ამიტომ არც გამოეცხადებოდა უფალი და არც ამცნობდა: ეგ მიწა-წყალი, სადაც გძინავს, შენ გიბოძო და შენთა ნათესავთაო.

მაგრამ სულ ისეც, სულ უნაყოფოდაც არ უნდა ჩაევლო ამ უჩვეუ-ლო ხილვას.

და ლუკა თუმც მერე და მერე ოდნავი ეჭვით გახედავდა დედის სიზმარს, აღიარებით მაინც აღიარებდა ამ ჩვენების ძალას და იფიქ-

რებდა, ჩვენი დედ-მამისა და მისი შვილების სვე-ბედში განგება მონაწილეობსო.

პატარა ლუკა თუ ვინმეს ედარებოდა თავის ოცნებაში, უპირველესად სამსონ ძლიერს.

მამამისი იმხანად მთავარდიაკვნად მსახურობდა სოფელ მაღაროსკარში, ჩარგლიდან რვა ვერსის დაშორებით, და როდესაც შინ იმყოფებოდა, შვილებს მუდამ უამბობდა მოთხრობებს ძველი საღმრთო ისტორიიდან. წერა-კითხვას ძველებურ წესზე ასწავლიდა — ჩაუჯდებოდა ხორცს ხინკლისთვის საკეფლად ფიცარზე, იქვე ტახტზე ლუკაც დაუჯდებოდა პირდაპირ და გაფაციცებით უგდებდა ყურს იმის ტკბილ საუბარს, რადგანაც ძველი აღთქმის ზოგიერთი მოთხრობა მაინც განსაკუთრებულად მოსწონდა და აიყოლიებდა ხოლმე კიდეც.

მაინც რა იზიდავდა მის ყურადღებას? დავითისაგან გოლიათის დამარცხება, სამსონ ძლიერის მოქმედება, ძმათა მაკაბელთა თავდადება...

მაშინაა, საკუთარ თავს სამსონ ძლიერად რომ წარმოიდგენდა.

იმას აკი გრძელი თმა გამოარჩევდა თვისტომთაგან და მისი გოლიათური ძალაც ამ თმაში იფარებოდა.

და ლუკასაც დედისაგან შეეტყო: დიდი თმა გქონდა, როცა დამება-დე, თითქმის თვალებს გიფარავდაო.

პატარა ბიჭი ეშარებოდა: თმა რად მომკრიქეთო.

მაინც ეს თმიანობა საკუთარ თავზე წარმოდგენას გაუდიდებდა, რაღაც არაჩვეულებრივ ადამიანად მოაჩვენებდა საკუთარ პიროვნებას და დაუსახავდა არაჩვეულებრივ მომავალს.

ამ ყმაწვილური წარმოდგენებიდან ამოიზრდებოდა ვაჟა-ფშაველას მსოფლგანცდაც, მხატვრული მრნამსიც და ხილვანიც და ის შეუპოვრობაც, მეტიც, თავზეხელალებულობაც, დროის მსვლელობას რომ შეაჯახებდა და საგმირო ეპოსის შესაქმნელად აღანთებდა საამისოდ თითქოსდა სრულიად შეუფერებელ მსოფლიო ძვრებსა და მღელვარე პროცესებში.

ვაჟა-ფშაველა ჩამორჩენილი ადამიანი იყოო, — ამ ეპითეტსაც არ მოერიდებოდა გერონტი ქიქოძე 1915 წელს გამოქვეყნებულ ესეიში, —

ვერც სემინარიის კურსმა, ვერც უნივერსიტეტის ლექციებმა თანამედროვე სული ვერ ჩაუდგესო.

და ამ მოსაზრებას კიდევ უფრო დააზუსტებდა:

— მისი მგრძნობიარობა პრიმიტიული დარჩა, მისი ფანტაზია ველური, მისი მორალი საშუალო საუკუნეობრივი. მას არაფერი გაეგებოდა არც ჩვენი უტილიტარიზმისა, არც ჩვენი რაციონალიზმისა. და არც ელექტრონისა, ორთქლმავლისა და მანქანების ხანაში ის წარსულის აჩრდილს ჰავავდა თავისი ჩაფხუტით და თავისი რაინდობით.

ამოსავალი მთელი ამ მსჯელობისა ის „ჩამორჩენილობაა“, რომელიც მითუფრო გვჭრის ყურს, რომ ესეის დასაწყისი ფრაზაა, მისი სტილისტიკის კამერტონი — იმთავითვე მიგვანიშნებს, თუ რა შეიძლება იყოს ამ სტატიის ესთეტიკური მრნამსი თუ გამჭოლი იდეა, და გაოგნებულებს გვტოვებს თავისი დაურიდებლობით.

გაოგნებულთ დღეს, როდესაც ვაჟა-ფშაველა მსოფლიო რანგის მოვლენადაა ალიარებული, მისი საგმირო ეპოსი კი ერთ-ერთ იმ სავიზიტო ბარათად, რომლითაც უნდა წარვუდგეთ დასავლეთს და შევაღწიოთ იმ კარიბჭის მიღმა, სადაც ამ საზოგადოებრივ-პოლიტიკური და ესთეტიკურ-საგანმანათლებლო სამყაროს სრულუფლებიანი წაწერებით.

იმჟამად კი, როდესაც ჯერ იწყებოდა ვაჟა-ფშაველას კულტის დაფუძნება გრიგოლ რობაქიძის მიერ, ძალიან უჩვეულოდაც არ გამოიყურებოდა მისი მხატვრული აზროვნების ასეთი შეფასება, მიუხედავად იმისა, რომ გარეგნულად უპირისპირდებოდა ვაჟას მხატვრულ-ესთეტიკური სამყაროს რობაქიძისეულ გააზრებას.

სწორედაც გარეგნულად, რაკიდა გერონტი ქიქოძისთვისაც მთავარი ამ უცნაურობის მიზეზთა გამორკვევა გახლდათ, ვაჟა სრულიად ამოვარდნილი რომ იყო ახალი უამის სინამდვილიდან და უშუალოდ ჰომეროსთან გაედო ხიდი, მის სულიერ შთამომავლად წარმოდგებოდა.

მიზეზთა ამოცნობის მცდელობისას კი ამჯობინებდა მკვეთრი წყალგამყოფი გაევლო ვაჟას შემოქმედებასა და ახალ რეალობას შორის და არც „ჩამორჩენილის“ კიუნიას მორიდებოდა, რათა უფრო გა-

ეთვალსაჩინოებინა ამ უჩვეულო მხატვრული სამყაროს მოვლინების აუცილებლობა.

ნარსულის აჩრდილს ჰგავდაო...

აზრობრივად ეს გამოთქმაც ხომ ზუსტად იგივეა, რაც „ჩამორჩენილი“, მაგრამ ყურს ისერიგად არა გვჭრის თავისი ამაღლებული სტილური შეფერილობით, ნატურალისტურის ნაცვლად რომატიკული საწყისით.

აზრობრივად რა, გრიგოლ რობაქიძის ის სიტყვებიც ამასვე არ გულისხმობს, გერონტი ქიქოძის ესეიმდე ოთხი წლით ადრე გამოთქმული?

რატომ წარმოდგებოდა თანადროულ ქართველ პოეტთა შორის ვაჟა-ფშაველა ყველაზე იდუმალ და, იმავდროულად, ყველაზე თვითმყოფად მოვლენად, ყოველგვარი ლიტერატურული სკოლისა და მიმართულების გარეშე მდგარად?

რატომ და:

— ძნელად დასაჯერებელია, რომ იგი — მითოსური წარსულის მკვდრეთით აღმდგარი შვილი — ჩვენი თანამედროვეა.

და კიდევ:

— ამ იდუმალი პოეტის შემოქმედებითი ცნობიერება შეიძლება განისაზღვროს როგორც მითოსური.

ანდა აზრობრივად ამასვე არ ნიშნავს ვახტანგ კოტეტიშვილის მიერ შერჩეული ეპითეტებიც, გერონტი ქიქოძის ესეის გამოქვეყნებიდან შვიდი წლის შემდგომ აღნიშნულა?

ვაჟა-ფშაველასიო:

— მთელი ფიგურა — არქაული. იგი კი არ დადიოდა, — იზლაზნებოდა როგორც ჰერალდიკური ნადირი.

„მითოსური ცნობიერებაც“ და „არქაულობაც“ „წარსულის აჩრდილის“ რიგში დგანან — სტილურად, თორემ შინაარსობრივად „ჩამორჩენილსაც“ ეტოლებიან.

და თუ გერონტი ქიქოძე მაინცდამაინც ამ ნატურალისტურ სიტყვას ამჯობინებდა არამარტო ეპითეტად, არამედ ესეის პირველივე ფრაზად, მხოლოდ და მხოლოდ კონტრასტის შთამბეჭდაობის გასაძლიერებლად.

რაკიღა მისთვისაც ცნობილი გახლდათ ამ მხატვრული ხერხის ფარული ეფექტი.

ნარსულის აჩრდილს ჰგავდაო...

— მთელი მისი ბუნება უცნაურად თავისებური იყო. ის დევებსა და ალქაჯებს ჰქედავდა იქ, სადაც ჩვენ გეოლოგიურ ფორმაციებს ვხედავთ და სულიერ თვისებებს ამჩნევდა იქ, სადაც ჩვენ მხოლოდ მექანიკურ ძალთა მოძრაობა ვვგონია.

ეს იმ რეალობისგანაცაა გამოწვეული, იმ ფშაური გარემოსაგან, სადაც უხდებოდა ცხოვრება.

და პიროვნულადაც ნიშნეულია მისთვის.

იგი ხომ იმ ინდივიდუალური თვისებებითაც შემკულა, მაშინაც რომ გამოარჩევდა გარშემომყოფთაგან, შემოქმედიც რომ არა ყოფილიყო.

მაგრამ, იმავდროულად, საყმოს ცნობიერების სრულუფლებიანი ნაწილიცაა, მისი სისხლი სისხლთაგანი და ხორცი ხორცთაგანი — თან რომ გამორბის ამ მოჯადოებული წრიდან და თან ადვილადაც ვერ ელევა.

ალუდა ქეთელაურისა არ იყოს, პიროვნებაგაღვიძებულისა საკუთარ არსებაში, უკვე რომ ვედარ დაუბრუნდება მანამდელ წარმოდგენებს, მაგრამ ძალიან მტკიცნეული კი არის მისთვის ეს სულიერი პროცესი, მოკვეთა, გამოშორება საერთო ცნობიერებიდან.

ალუდასთვისაც კვლავ მახლობელი იქნებოდა საყმოს შეგნების ის მთავარი ნიშნები, კოპალა-იახსარსა თუ დევ-ალქაჯთ ხელშესახებ რეალობად რომ განაცდევინებდა და მათ კვალს ყოველთვისაც დაადასტურებდა ხევსურეთისა თუ ფშავის ლანდშაფტზე. და რაღა უნდა ითქვას მის შემოქმედზე, ვისი მხატვრული ხილვანიც ძალდაუტანებლად გადაჯაჭვოდა საყმოს ცნობიერებაში ჩაფესვილ წარმოსახვებს.

ამ ცნობიერების რღვევის ხანაში მოუწევდა ამსოფლიური არსებობა.

მის ნანგრევებში აღმოჩნდებოდა.

თან რღვევის მონაწილედ.

თან იმ ძველი მთლიანობის გადარჩენის მოსურნედ, თავს რომ გადადებდა იმ ნამსხვრევების შესაკონიწებლად და ნაშთების აღსადგენად.

ესეც გოგოთურის ლოდი გახდომოდა!..

ხოლო ის, რაც რდვევის სურათებად ლაგდებოდა მის ჰეროიულ წარმოსახვებში, ძველთაძველი რწმენის სრულყოფილ გამოხატულებად ეჩვენებოდათ მის თანამედროვეთ, მითუფრო უმცროს თაობას, და ვერ აქსნათ, რატომ აცდენოდა ასე ძალიან პროგრესის მძლეთამძლე სკლას, და მის მოჭიდებასაც კი არა ლამობდა, არამცუ ამ მსვლელობის შუაგულში მოქცეულიყო და სხვებივით ჩაჰულოდა.

ესეც მისი უცნაური თავისებურება: წარსულის აჩრდილური თუ არქაული თუ მითოსური.

თუმც მიმზიდველიც უთუოდ გახლდათ, რაღაც სხვა სინამდვილი-საკენ გზის გამკვალავი და, თუ გერონტი ქიქოძე არ მოერიდებოდა ზოგიერთ, ეგებ უხერხულ გამოთქმას, უთუოდ იმიტომ, რომ სწორედაც კონტრასტის ხერხის მოშველიებით გამოეკვეთა ამ უჩვეულობის განსაცვიფრებელი ზემოქმედების ძალა:

— მისი გული სავსე იყო საიდუმლოების გრძნობით და მის თვალებს გრძნეული ლეჩაქი ჰქონდა გადაფარებული. ამიტომ გვიყვარდა ჩვენ ეს მგოსანი: ჩვენს ფხიზელ, დარაზმულ და ჭკუადამჯდარ თაობაში მას შეზარხოშებული ადამიანის მღელვარება შემოჰქონდა. მისი გულწრფელობა, გულუბრყვილობა და უშუალობა გვხიბლავდა, მისი გმირული ძახილი კი წარსულ დღეების მოგონებებს გვიღვიძებდა.

ეს ჰეროიკული ძახილი, სხვათათვის წარსულ დღეთა მოგონებების გამღვიძებელი, თვითონ მას სიყრმიდანვე აიყოლიებდა და, თუ რაიმე ეოცნებებოდა, მათ შორის გოგოთურის ქვის აზიდვაც, რათა იმაზე მეტი ძალ-ღონე გამოეჩინა.

არა, აქ ამოტანა მაინც რა იყო!..

გადმოცემა გადმოცემად და, როდესაც „გოგოთურ და აფშინა“ შეიქმნებოდა, მის შეთხზვაში პირადი განცდა თუ შემთხვევაც ჩაეროდა და პროტოტიპიც ორივეს თავთავისი გამოეძებნებოდა — გოგოთურსაც და აფშინასაც.

ასე უნდა ვიგულისხმოთ და მხოლოდ ასე:

მისი უშუალო ბიძგი რაღაც შემძვრელი ეპიზოდი უნდა იყოს ვაჟა-ფშაველას ბიოგრაფიისა, რაკილა გამჟღავნებას მოერიდებოდა თვით ისეთ ვითარებაშიც, როდესაც სააშკარაოზე გამოიტანდა თავის შე-

მოქმედებით ლაბორატორიას. სხვას არაფერს მოერიდებოდა, ამჯერად კი:

— ჩემი საიდუმლოებაა და საფლავშიც თან ჩავიყოლებ.

დაფარვას იმ მოტივით გაამართლებდა: თქმა არაფერს შეპმატებს საქმეს და უთქმელობაც არაფერს დააკლებსო, — თუმც შემოქმედებითი ფსიქოლოგის თვალსაზრისით ამ პერსონაჟთა პროტოტიპების გამჟღავნება უთუოდ საგულისხმო გარემოებას შემატებდა საქმეს.

ჩემი საიდუმლოებააო...

თითქოს გვაკლდეს ლიტერატურული საიდუმლოებანი, ესეც რომ არ მიმატებოდა.

რას იზამ — ავტორის (თანაც როგორი ავტორის!) ნებას სად წაუხვალ.

ამ ორთაგან ერთი უსათუოდ თვითონ ვაჟა უნდა იყოს.

ზიგმუნდ ფროიდი ან მისი რომელიმე მიმდევარი დაუფიქრებლად-ვე მიიტანდა ეჭვს აფშინაზე — პოეტმა საკუთარი ტკივილი, მარცხის ალიარება თუ მონანიება მის სახეში გაანივთაო. თუმც ჩვენ ასე იოლად ნუ ავყვებით ამგვარ თეორიებს და... საიდუმლოდვე დავტოვოთ ის პირადი განცდა თუ შემთხვევა.

ასეა თუ ისე, „გოგოთურ და აფშინა“ ერთგვარად ავტობიოგრაფიულია და ესეც ვაჟამ მიგვანიშნა, თორემ ჩვენით ვერაფრისდიდებით ვერ ამოვიცნობდით მის ავტობიოგრაფიულ საფანელს.

აი, სხვა პოემების ხსენებისა თუ მათი ხალხური მარცვლის (სწორედაც მარცვლის, მეტი კი არა!) გამჟღავნებისას კი არსად მიგვანიშნებს რაიმე ავტობიოგრაფიულ გარემოებაზე.

„სტუმარ-მასპინძელი“ იმ ამბავზე აშენებულიყო, რომ: ხევსური ზვიადაური შემთხვევით ჩაუვარდებოდა ქისტებს ხელში. მათ ჰყოლიათ ახალი მიცვალებული, ვიღაც ხევსურისაგან მოკლული და, ჩვეულების თანახმად, სისხლი უნდა აეღოთ. ამას თხოულობდა თვით დალუპული და, რათა მისი შურისძიების გრძნობა დაეშოშმინებინათ, ქისტები ზვიადაურს ჰკლავდნენ ზედ საფლავზე. ამ დაკვლისას ხევსური დიდ ვაჟკაცობასა და გულადობას გამოიჩენდა და, სამსხვერპლოდ წამოქცეული ქისტების ყოველ ჩაძახილზე: იყავ საიქიოს მონა-მოსამსახურე დარღასი, უზიდე წყალი, გაუბანდე ჯლანი, რასაც სამსახური

მოითხოვს შენგან, თავგამოდებით, ერთგულად ალუსრულეო, — ყელ-ში ხრიალით ამოთქვამდა: ძაღლ იყოს თქვენი მკვდრისადაო, — რითაც არ შეეწირებოდა ქისტების მკვდარს, ვინც დარჩებოდა განბილებული, ხოლო ზვიადაური — ქედმოუდრეკელ, თავისუფალ ხევსურად შემორჩებოდა შთამომავლობის მეხსიერებას.

„ალუდა ქეთელაურის“ სიუჟეტი იმ მარტივ ამბავს ეფუძნებოდა, რომ: ალუდა ქეთელაურს ქისტები ცხენს მოპარავდნენ, მათ მდევრად გამოუდგებოდა, ერთს თოფით მოკლავდა, მეორე კი ვაჟკაცურად დაუხვდებოდა. და თუმც ისიც ემსხვერპლებოდა ალუდას, ხევსური ისე მოიხიბლებოდა მისი ვაჟკაცობით, რომ როდესაც ჩამოვარდებოდა საუბარი მუცალის მოკვლაზე, ალუდა შესანდობარს დალევდა ხოლმე ქისტისას — ლუდით ან არყით.

„ბახტრიონი“ იმ ძველ გადმოცემაზე ამოშენებულიყო: მთელი პანკისის ხეობა მატან-მარლისის ადგილების ნახევარი ფშავ-ხევსურთ მეფემ უწყალობა, რადგანაც ბახტრიონის ციხის აღებით საქართველოს დიდი სამსახური გაუწიეს. ვაჟასთვის მარტო ის გარემოება კმაროდა, რომ მთის ხალხი, სხვადასხვა თემები, ხანდახან ერთმანეთსაც რომ ლაშქრავდნენ და არ ინდობდნენ, იმჟამად შეერთებულიყვნენ, ერთსულოვნება გამოეჩინათ და ძმურად მიშველებოდნენ ბარს გასაჭირისას. ისიც ამბად გაეგონა, თითქოს ფშავში თათრებთან ბრძოლისას მამაკაცები თითქმის სულ გაჟლეტილიყვნენ და ხატში, სალოცავში დედაკაცებს მოენთოთ სანთელი. ზეპირგადმოცემა არ აზუსტებდა ამ ამბის დროს, ამიტომაც პოეტი იოლად დაუკავშირებდა ბახტრიონის ლაშქრობის ისტორიულ ეპიზოდს.

ხოლო „გველის-მჭამელის“ არაკი, რაზედაც პოემა ამოზრდილიყო, იმ გადმოცემას გულისხმობდა, რომ: ხევსური მინდია ტყვედ ჩავარდნოდა ქაჯებს. მათ შორის ცხოვრება კი ისე ძალიან დაალონებდა, რომ თავის მოსაკლავად გველის ხორცს შეჭამდა, ქაჯები რითაც იკვებებოდნენ. არადა, მინდიას მოქმედება სრულიად სხვა ნაყოფს გამოიღებდა — იგი გადაიქცეოდა ბრძენებაცად, ეს სიბრძე კი გამოჩნდებოდა მცენარეების ცნობაში — თუ რომელი მცენარე რა სატკივარს წამლობდა, რადგანაც ყველა მცენარე თვითონვე იძახდა, რასაც მცურნა-

ლობდა, და მინდიამაც მათი ენა აკი კარგად იცოდა. ამ ცოდნის შედე-  
გად იგი გაექიმდებოდა, მისი წამალი უებარი გახლდათ.

ეს იყო და ეს მთელი ის ამბები, რასაც რატომლაც გადამწყვეტად  
მიიჩნევდნენ მის შემოქმედებაში და ველარც გაერჩიათ, რა იყო ხალ-  
ხური და რა — საკუთრივ მისი, თვითონ კი სწყინდა და ძალიანაც  
სწყინდა, რატომ ენიჭებოდა უპირატესობა მისი წაწერების განსჯისას  
იმას, ნაკლებმნიშვნელოვანი რაც გახლდათ: მართლა და მართლა უფ-  
რო მცირე მასალა რაღა უნდა გამოეყენებინა.

უპირატესობა, თორემ თავისთავად ყველა ისტორიული, ფოლკლო-  
რული თუ ლიტერატურული წყაროს მიგნება საგულისხმოა, ყველაზე  
ღირებულ მხატვრულ ქმნილებათა შეთხზვა-სრულყოფაში რომ მიუ-  
ღია მონაწილეობა, თუნდ სულ ერთიბეწო.

და ამჯერადაც აკი გულს დაგვაკლდა, გოგოთურისა და აფშინას  
პროტოტიპები რომ დაგვიმალეს. და რარი გაგვახარებდა თუნდ ამ  
ოთხ პოემაში ავტობიოგრაფიული რეალიების მიკვლევაც.

ამის თაობაზე ვაჟა-ფშაველა სრულ დუმილს ამჯობინებს — სა-  
იდუმლოსა და საფლავში ჩატანასაც კი აღარ ახსენებს.

ეგებ იმიტომ, რომ ასე აშკარად ამ ეპიკურ ქმნილებებში არც არა-  
ფერია ავტობიოგრაფიული?

ან ეგებ აღარ სურს ყურადღების გამახვილება?

ბოლოსდაბოლოს, ალუდა ქეთელაურიც და ჯოყოლა ალხასტაის-  
ძეც ზოგადადამიანური თვალსაზრისით ძალიან ჩამოჰვანან თავიანთ  
შემოქმედს — თან ველარ ემწყვდევიან ადათ-წესების ჩარჩოებში, თან  
უიმისოდ სიცოცხლეც ვერ წარმოუდგენიათ და ჯოყოლა კიდეც ნება-  
ყოფლობით წირავს თავს სასიკვდილოდ (რაღა თვითმკვლელობა და  
რაღა მარტოდმარტო შებმა ხევსურთა ლაშქართან!), ხოლო ალუდა-  
სათვის თემისაგან მოკვეთა დაღუპვის ტოლფასია უზომო სულიერი  
ტკივილის გამო.

და ფიქრიც არ გეშვება, იქნებ რომელიმე ეპიზოდი ამ პოემებში პი-  
რადი ცხოვრებიდანაც იყოს ჩართულიო.

ან კიდევ „ბახტრიონშიცო“.

ყველაზე ნაკლებ ამგვარი სინამდვილის გამოვლენას, ავტობიოგ-რაფიულ რეალიებს „გველის-მჭამელში“ ელოდები.

ქაჯებიო, მათგან დატყვევებაო, გველის ხორცის ჭამით ბრძენკა-ცად გადაქცევაო, მცენარეთა ენის შეცნობაო...

მითოსის ნაშთი — ზღაპრული მოტივებითა და სახეებით შეზავებული.

და XIX-XX საუკუნეთა მიჯნაზე მცხოვრებ პიროვნებას ამგვარ სამ-ყაროსთან განა რა სიახლოვე შეიძლება ჰქონდეს, გარდა ფანტაზიის გაქანებისა და მისგან შობილი მხატვრული წარმოსახვებისა?

თუ თავისი ცხოვრების ეპიზოდებს ანდა ბედისწერას რომელიმე პერსონაჟის თავგადასავალში შეურევდა, რაღა ქაჯთა ტყვეობაში ჩა-ვარდნილი კაცისა?

ლეგენდაზე მეტად მისთვის განა სავსებით რეალისტურ გარემოს არ უნდა გამოეწვია ასეთი სურვილი თუ განზრახვა?

მაგრამ ვაჟა-ფშაველა აკი წარსულის აჩრდილს უფრო ჰგავდა... მი-თოსურ ეპოქაში შობილს.

და გეოლოგიურ ფორმაციათა წაცვლად დევებსა და ალქაჯებს ჭვრეტდა...

ამიტომაც მინდიას ლეგენდა არანაკლებ მახლობელი და სისხლ-ხორცეული უნდა ყოფილიყო მისთვის, ვიდრე ზვიადაურის, ალუდა ქე-თელაურის, გოგოთურისა თუ ბახტრიონის გმირთა — ზეზვა გაფრინ-დაული იქნებოდა, ლუხუმი თუ სხვანი — ამბები, სავსებით რეალის-ტურნი, რომელი სამზერიდანაც უნდა შეხედოთ.

ბესიკ ხარანაულს „არანაკლებ“ კი არა, ბევრად უფრო სისხლხორ-ცეულად წარმოუდგებოდა ვაჟასთვის მინდიას ხვედრი და პიროვნება, ვიდრე დანარჩენ პერსონაჟთა და, მათ შორის, თვით ჯოყოლასა და ალუდას ბედისწერა და სულიერი ფერისცვალება.

თავის ამ შეხედულებას პოემაში („ვაჟა-ფშაველა ცხენით მიდის ჩარგლიდან თბილისში და გზად თავის ცოლს ებაასება“) ჩართავდა და... დაე მკვლევარებს თუნდ ნარკვევის მთავარ იდეად ანდა თეზისად მოემარჯვებინათ და თუნდ უგულისყუროდ გადაეტარებინათ, რო-გორც მარტოდენ პოეტური პასაჟი, ვაჟას პოემის საზრისის გასახსნე-ლად რომ არ წაადგებოდათ.

გველის მჭამელი შემოქმედის ბედზე დავწერე,  
მაგრამ მერე ფილოსოფიად გადამიქციეს,  
ყველაფერი მიმიწერეს, რაც არ მეფიქრა!  
მე კი მხოლოდ იმის თქმა მსურდა,  
რომ თვისი ნიჭი პოეტს უნდა კბილით ეჭიროს,  
რადგან ჩუმჩუმად ყველა ლამობს იმის წაგლეჯას.

მეცნიერებს წაჰკრავდა ქიმუნჯას: ან ფილოსოფიად რატომ აქციეთ  
ამ პოემის შინაარსი ანდა თქვენი შეხედულებანი პოეტს რატომ მიაწე-  
რეთ და არარსებული შრეების „აღმოჩენით“ სავსებით ნათელი მხატ-  
ვრული მრწამსი და გმირის ხასიათი ძალისძალათი რატომ გააბუნ-  
დოვანეთო.

ფილოსოფიური განზომილება ყველა მხატვრული ქმნილებისთვის  
რომ არის ნიშანდობლივი, ცხადია, უამისოდ ვერც „გველის-მჭამელი“  
დარჩებოდა, მაგრამ მთავარი ამ პოლემიკურ ჩანართში იმ გადამეტე-  
ბის უარყოფაა, პოემის დედააზრს რომ აგვაცდენს და მინდიას თავგა-  
დასავალს ფილოსოფიურ იდეათა ილუსტრაციად მოგეაჩვენებს, თით-  
ქოს ეს რაღაც ღირსება იყოს.

არადა, თურმე რაოდენ მარტივი (ერთი შეხედვით!) ყოფილა ეს  
დედააზრი:

— თვისი ნიჭი პოეტს უნდა კბილით ეჭიროს, რადგან ჩუმჩუმად  
ყველა ლამობს იმის წაგლეჯას.

პოეტის განზოგადებული სახე... მინდიაა.

ეს მინდიას უჭირავს თავისი ნიჭი კბილით.

ეს მინდიას უპირებდნენ ნიჭის ჩუმჩუმად წაგლეჯვას.

ბესიკ ხარანული ისეა დარწმუნებული, რომ „გველის-მჭამელი“  
ასე და მხოლოდ ასე უნდა განიმარტოს, რომ ამ სიტყვებს თვითონ ვა-  
ჟას ათქმევინებს, მკლევარებსაც პირადად მას გააკილვინებს და პო-  
ემის მხატვრულ მრწამსსაც ამ ლიტერატურულ ფორმულაში მას  
მოაქცევინებს:

— გველის მჭამელი შემოქმედის ბედზე დავწერე...

თუკი მართლა ასეა, ეგებ მერე მიამატა ძველ არაკს ისეთი არსებითი რეალიები, რომ ხალხური თქმულების იქით გასვლისას მინდია სწორედაც პოეტად წარმოდგებოდა?

ამ სახისა და მისი ბიოგრაფიისათვის ვაჟას შეეძინა დაცოლშვილების ეპიზოდიც, ცოლთან ბაასისაც, ხორცის უჭმელობაც, მხედართმთავრული ნიჭიც, ჩიტების ენის ცოდნაც და, რაც მთავარია, მისი სულის დრამატიზმიც, მაგრამ ეს ყოველივე ვერ თავსდება „შემოქმედის ბედად“ ნაგულისხმევ განზომილებაში.

ვითომ მართლა ასე რომ ყოფილიყო და მინდია შემოქმედის ბედის სიმბოლოდ ეგულისხმა, ვაჟა-ფშაველა თავის გმირს პოეტად ვერ წარმოსახავდა?

თომას მანი რომ მოინდომებდა შემოქმედის ბედის გააზრებას ღმერთსმოკლებულ სინამდვილეში, „დოქტორი ფაუსტუსის“ მთავარ გმირად მუსიკოსს გამოიყვანდა.

კონსტანტინე გამსახურდია რომ მოინდომებდა შემოქმედის ბედის გააზრებას ტირანულ გარემოში, „დიდოსტატის მარჯვენის“ მთავარ გმირად ხუროთმოძღვარს შეარჩევდა.

კეკ ლონდონი „მარტინ იდენში“ მთავარ გმირად მწერალს ამჯობინებდა.

სომერსეტ მოემი „მთვარე და ექვსპენიანში“ — მხატვარს.

თათარ ჩხეიძე „ლანდებში“ — მოქანდაკეს.

და თვითეული მათგანი ასე უფრო იოლად ჩააქსოვდა მათ სახეებში თავიანთ პიროვნულ თვისებებსა და ბედს.

თუმც რა აუცილებელია მინდიაც შემოქმედად გარდასახულიყო და ლექსები შეეთხზა — ის მადლი, რითაც გველის ხორცის ჭამით აღივ-სო, განა პოეტურ ნიჭზე ნაკლებად გამოაცალკევებს თვისტომთაგან?

იგი ხომ ისეთივე უცნაურობას იჩენს, როგორსაც პოეტი გამოიჩენდა.

ისევეა ამოვარდნილი ყოფითი რეალობიდან, როგორც პოეტი იქნებოდა ამოვარდნილი.

ისევე ათვალისწინებით უყურებენ თანასოფლელნი, როგორც პოეტს შეხედავდნენ.

პლატონმა აკი არ დაუტოვა ადგილი პოეტებს თავის წარმოსახვით სახელმწიფოში.

ყველას, ყველა ხელობის ადამიანს შეიძლება ეცხოვრა იმ იდეალურ გარემოში, როგორც ძველ ბერძენ ფილოსოფოსს წარმოედგინა საუკეთესო სახელმწიფოებრივი წყობა, გარდა... შემოქმედისა.

ეს გახლდათ პლატონის პირადი შეხედულებაც და ის საყოველთაო თვალსაზრისიც, რომელსაც ითვალისწინებდა.

ვინც გაირიყებოდა თვისატომთაგან, ბარემ სახელმწიფოდანაც გამოეძევებინათ, იქ ვითომ რატომ უნდა დარჩენილიყო, მისგან განა რა ხეირი და სიკეთე იყო მოსალოდნელი, არევდარევის მეტს ხომ ვერაფერს შეიტანდა საზოგადოებრივ ცნობიერებაში.

აგერ მინდიაც გასარიყადაა განწირული, თუკი გონს არ მოეგება და სხვებს არ დაემსგავსება, ანუ: ნებაყოფლობით არ ამოიშრეტს იმ მადლს, რომელმაც საყმოს შეგნებასაც მოწყვიტა და საფრთხეც შექმნა, რომ ხვალ — მიმდევართა გამოჩენის კვალობაზე — შესაძლოა სულაც მოეშალა საზოგადოებრივი ცნობიერება.

ჯოყოლა აღხასტაისძე და ალუდა ქეთელაური საკუთარი მაგალითით თუ მოახდენებნენ „მავნე“ ზეგავლენას თვისტომებზე.

მინდიას ხელთ — გარდა მაგალითისა — სიტყვაცაა, ის ყოველწამიერი შეგონებანი, რითაც აფორიაქებს თანამოძმეებს და „სახიფათო“, მათვის სრულიად მიუღებელი ფიქრებისა და განცდებისაკენ უბიძგებს.

დაგვემგვანეო, — შესთხოვენ თვისტომნი, რადგანაც ენანებათ თანამოძმე მოსაკვეთად, არადა, ვერც შეგუებიან მის მომნუსხველ გავლენას. და იმისათვის, რათა თავი იმართლონ, მოძმეს ზეციური მადლის უარყოფას რომ სთხოვენ, თან ცრუპენტელობასაც აბრალებენ, ათასნაირი ტყუილის აგებას ყორედ, თორემ თუკი დაუჯერებენ და მის რჩევათა კვალობაზე მოაწყობენ ყოფით ცნობიერებას, თვითონაც მასავით უსათუოდ ჩიხში მოემწყვდევიან.

როგორ გინდა, რომ აღარ მოჭრა ხე.

აღარ მოკლა ნადირი.

და ამიტომაცაა, რომ ხევსურთა კრებას იმ დღესაც აღშფოთების ტალღამ უნდა გადაუაროს და ყოველთვისაც ასე იქნება, თუკი მინდია ან არ გაერიდება მათ და ან სრულიად არ გადაკეთდება მათი მოთხოვნების შესაფერისად.

ის რად ვიცოდვოთ, უფლისგან  
რაიც არ გვეცოდვებისა?!.  
თემთ რო გვარიგებს მაგაზე,  
ძალიან ცუდად შვრებისა.  
კარგთაგან იმედი გვაქვის  
მუდამ შველის და რგებისა  
და არა ჩვენი დალუპვის,  
ჩვენის ცხოვრების ვნებისა!..

რაოდენ მკაცრია ხევსურთა განაჩენი: ჩვენი დალუპვის და ჩვენი ცხოვრების ვნებისაო.

დაემგვანეო, — შესთხოვს მეულლეც.  
უამისოდ, სხვა რომ არაფერი, ბალლები დაემშეოდათ და დაეყინებოდათ.

ასე შეეხლებოდა ამ პოემაშიც ყოფითი ცხოვრება და ამალლებული იდეალი — ასერიგად მომხიბლავი, აღმტაცი, ზეციური სინათლით გაბრწყინებული, მაგრამ... ყოფაში გამოუსადეგარი.

მინდია არამარტო დამფასებელია ბუნების სიდიადისა და იდუმალებისა, არამედ შიგნიდან განიცდის მის დაფარულ შრეებს, ისმენს მის მეტყველებას და წვდება იმ არსს, რაც შეუღწეველია სხვათათვის.

მაგრამ იგი მაინც რომ არ არის შემოქმედი?

თუმც რატომაც არა.

ვაჟა-ფშაველაც ხომ შიგნიდან განიცდიდა ბუნების დაფარულ შრეებს, ისმენდა მის მეტყველებას და წვდებოდა იმ არსს, რაც შეუღწეველი გახლდათ სხვათათვის.

ამიტომაც შეეძლო მინდიად საკუთარი თავი ეგულისხმა და „გველის-მჭამელი“ სწორედაც შემოქმედის ბედზე დაეწერა.

და თუნდ პოემის მხატვრული კონცეფცია მთლად ესეც არ ყოფილიყო: პოეტს თავისი ნიჭი კბილით უნდა ეჭიროს, რადგან ჩუმჩუმად ყველა ლამობს იმის წაგლეჯასო, — კონცეფციის ერთ-ერთ განშტოებად ეგებ ესეც გვეგულისხმა. ყოველ შემთხვევაში, არ შევდავებოდით ბესიკ ხარანაულს: ეს რაღამ გაფიქრებინაო!..

შემოქმედის ბედზე დავწერეო...

ეს კი უდავოა.

და ვაჟა-ფშაველა ყოფით რეალობას რომ ეხლებოდა და გარემოდან ამოვარდნილი მოჩანდა, სად გამოეთქვა გულისწუხილი, თუ არა „გველის-მჭამელში“, მინდიას სულაც ავტობიოგრაფიულ პორტრეტად რომ გამოჰკვეთდა.

თავის სულიერ თავგადასავალს იმის გარეგნულ ბიოგრაფიას შეუთანაბრებდა და პერსონაჟად გარდასახული ხალხური თქმულების გმირის ტკივილებში თავის პირად ტკივილებს შეურევდა, თავის სწრაფვას, ასე ამოვარდნილი დარჩენილიყო ყოფითი სინამდვილიდან და სხვებს არაფრისდიდებით არ დამგვანებოდა.

რამდენი რამისათვის უნდა გაეძლო, პიროვნული თვითმყოფადობა რომ გადაერჩინა.

რამდენჯერ უნდა დამდგარიყო გადაწყვეტილების წინაშე — დაე მეც სხვებივით ჩავერთო წუთისოფლის მდინარებაში და გავთავისუფლდე ამ სულიერი ტანჯვისაგან, ჯერ მხატვრული ძიებები რომ იწვევს და მერე კიდევ სხვაგვარი ხედვისა და ფიქრის მორევიო.

რამდენჯერ უნდა უარეყო ეს განცდა — დაე ვიტანჯო და პიროვნული კონსტიტუცია კი არაფრისდიდებით არ დავთმოო.

მაგრამ გულისჭიდილიც არ მოეშვებოდა, სიკვდილ-სიცოცხლის ზღვარზე შეაყენებდა და ჰა, ერთი წაკვრა და სულაც უფსკრულში აღმოჩნდებოდა — თვითმკვლელობის უინი სხვა კი არა ყოფილა რა, თუ არა უფსკრულისათვის თავის მინდობა.

და სწორედ ამგვარი ჭიდილისას გამოიკვეთებოდა მინდიას სახება, ხალხური არაკი სრულიად ახალ განზომილებას შეიძენდა მის ხელში, ახალი სიცოცხლით აღიგსებოდა და პერსონაჟი შემოქმედს რომ გაუ-

იგივდებოდა, იმ მტანჯველ განცდებსაც პირწმინდად იტვირთებდა და თვითმკვლელობის ჟინსაც მიისაკუთრებდა.

შემთხვევითი კი არ არის „გველის-მჭამელის“ ფინალური სურათი, ასერიგად შემძვრელი ხატოვანებითაც და იმ მხატვრული ლოგიკითაც, მინდიას ბედისწერის წრე ასე და მხოლოდ ასე რომ უნდა შეკრულიყო:

ქუდს იხდის... სიტყვა ვეღარ სთქვა,  
ხმლის ტარს შაეხო ცერითა,  
ამოინვადა ქარქაშით,  
გულს მიიბჯინა წვერითა.  
მკერდიდან სისხლი, ვით წყარო,  
გადმოუვიდა ჩქერითა,  
მთვარემაც გადმოაშუქა  
საჯიხვეების სერითა  
და დააშტერდა თავის-მკვლელს  
მოზარე ქალის ფერითა...

ვაჟა-ფშაველა თვითმკვლელობის განზრახვას თავის პერსონაჟს გადააბარებდა და კიდეც აღასრულებინებდა, რათა თვითონ გათავი-სუფლებულიყო ამგვარი ფიქრისა და განცდის გაუნელებელი სატანჯველისაგან.

ფსიქოლოგიური საწყისი ასეთი მოქმედებისა არ არის ძნელი ასახ-სწორი და მის კლასიკურ ნიმუშად იოპან ვოლფგანგ გოეთესა და მის პერსონაჟს მოიხმობენ ხოლმე, იმ ვერტერს („ახალგაზრდა ვერტერის ვნებანი“), რომელმაც მთლიანად იტვირთა მწერლის მწვავე სულიერი განცდები, გადაიბარა თვითმკვლელობისაკენ მისწრაფება და კიდეც აღასრულა, რითაც გოეთე გადაარჩინა გარდუვალი დაღუპვისაგან.

რომანის ავტობიოგრაფიულობა რაღაც ამგვარს ისედაც გულისხ-მობდა, და მხცოვანი გოეთე უთუოდ კმაყოფილი გამოხედავდა „ახალ-გაზრდა ვერტერის ვნებებს“, როგორც ერთადერთ გზას ხსნისას: მეყო ვაჟეაცობა, რათა სიცოცხლეს არ გამოვთხოვებოდიო.

არც არასოდეს უარუყვია, ვერტერში საკუთარ თავს რომ გულისხმობდა.

ისე ხომ შეიძლება ეს პერსონაჟი არა მიზანსწრაფული განზრახვით, არამედ უნებლიერ შეექმნა, დიდად არც ჩაკვირვებოდა, თუ რატომ მიაწერდა გმირს თავის პირად ფიქრებსა და განცდებს და რატომ უბიძგებდა თვითმკვლელობისაკენ. და მკაფიოდ ვეღარც გაეცნობიერებინა, თვითონ რატომ და როდის აელო ხელი ამგვარ ჩანაფიქრზე.

გადარჩებოდა კი...

ხოლო როდესაც ანტონ ჩეხოვი ანდრეი ვასილევიჩ კოვრინის სახეს გამოკვეთდა „შავი ბერის“ მთავარ გმირად, თავიდან ეგებ მართლაც არ ფიქრობდა, ავტობიოგრაფიულ ხასიათს ვქმნიო, და, რასაკვირველია, არც ეს მოთხოვობა ესახებოდა ავტობიოგრაფიული ყაიდის თხზულებად.

ყოველ შემთხვევაში თვითონ ასე ირწმუნებოდა: განდიდების მანიაზე მსურდა მოთხოვობის დაწერა, ესაა და ესო.

ყოფით ცხოვრებას შეეჯახებოდა და მძლავრადაც შეეჯახებოდა კოვრინი.

ვერ ჩაითრევდა სოფლური ყოფის სიმშვიდე, ვერ მოხიბლავდა ბუნების იდილია, ვერ გამოამწყვდევდა თავის არტახებში ბალის ჯადოსნური მშვენიერება, იდუმალებითა და შიგნით ღვთიური ხელის დატრიალებით ედემსაც რომ გაახსენებს მკითხველს.

რაღაც სხვა სურდა, სხვა სამყარო უფრო ეძახდა, საკუთარი თავის სრულყოფილად გამოხატვას ესწრაფოდა, ამისათვის კი უსათუოდ უნდა გამორიდებოდა ყოფითობის გარეგნულ მიმზიდველობას და ხსნის გზა ეძია იმ ფიქრებსა და წარმოსახვებში, რაც ახლობლებისთვისაც კი არაფრით არ განსხვავდებოდა ავადმყოფური ფანტაზიებისაგან.

და ამიტომაც მოინდომებდნენ მის განკურნებას სწორებისაგან, რათა გადაერჩინათ ამაო მისწრაფებათაგან.

საუკეთესო ექიმს მონახავდნენ და კოვრინს გაუფანტავდნენ იმ ავადმყოფურ ფანტაზიებს. და შვებით რომ ამოისუნთქებდნენ, ჩვენთვის ძვირფასი პიროვნება ასერიგად მტანჯველ სწორებას გამოვტაცეთო, სწორედ მას შემდეგ უნდა დაიწყოს კოვრინის ნამდვილი ტრა-

გედია, რომელთან შედარებითაც მისი მანამდელი სულიერი შფოთვა და მღელვარება მონაგონიც აღარაა.

და „განკურნებული“ კოვრინი ბრალს სდებს მეუღლესაც და სიმამრსაც, რატომ გამომარკვიეთ ჩემი ფიქრებიდან და განცდებიდან და დამაბრუნეთ იმ გარემოში, რომელსაც ვერაფრისდიდებით ვერ შევეგუები და შევეთვისებით.

— რა ბედნიერები არიან ბუდა, მუჰამედი და შექსპირი, კეთილ ნათესავებსა და ექიმებს ექსტაზისა და შთაგონებისაგან რომ არ განუკურნავთო, — ასეთი მკაცრი აღმოჩნდებოდა მისი განაჩენი თავისი კეთილი მფარველების მიმართ, — მუჰამედს ნერვების დასამშვიდებლად კალიუმის ბრომიდი რომ მიეღო, ორი საათი ემუშავა დღე-ლამეში და ესვა რძე, ამ არაჩეულებრივი ადამიანისაგან ისევე მცირე რამ დარჩებოდა, რაც მისი ძალისაგანო.

და მისი სინანულნარევი სიტყვების მამხილებელი პათოსი მთელს კაცობრიობას უნდა გადაწვდეს:

— ექიმები და კეთილი ნათესავები ბოლოსდაბოლოს იმას მიაღწევენ, რომ კაცობრიობა დაჩლუნგდება, უნიჭო გენიოსად შეირაცხება და ცივილიზაცია დაიღუპება.

თითქოს ბიბლიური ნინასწარმეტყველი მოთქვამდეს და შეაჩვენებდეს ერთსა და იმავე დროს.

ეს არ არის მარტოდენ ანდრეი კოვრინის მგზნებარება და მკაცრი მუნათი.

ეს არ არის მხოლოდ მისი მოწოდება გამოფხიზლებისაკენ.

თვითონ ანტონ ჩეხოვს მიუდევნებია თავისი ფიქრებიც საკუთარ პერსონაჟისათვის.

ასეც აღიქვამდნენ ამ მოთხოვნას ცოლ-ქმარი სევერინები (უპირველესად ცოლი, ქმარი რომ მხოლოდ გაიზიარებდა მის დაკვირვებას) და კიდეც ამცნობდნენ ავტორს თავიანთ შეხედულებას: კოვრინში საკუთარი თავი გყავს გამოხატულიო.

ჩეხოვი არამარტო დაბეჯითებით უარყოფდა ამ თვალსაზრისს, ცოტა არ იყოს განაწყენდებოდა კიდეც, რასაც მოწმობს 1894 წლის 25 იანვარს გაგზავნილი ბარათის კილო:

— ფსიქიურად თითქოს ჯანმრთელი ვარ.

სხვაც რომ არაფერი დაეწერა, ეს ერთი ფრაზაც სავსებით ამჟღავნებს მის განწყობილებას, ეს საიდან რა მომაწერეთო!..

თუმც ჩავყვეთ ამ სტრიქონებსაც:

— მართალია, განსაკუთრებული სურვილი სიცოცხლისა არ გამაჩნია, მაგრამ ეს ჯერ მაინც არ ნიშნავს სნეულებას თავისი ნამდვილი აზრით, არამედ რაღაც გარდამავალი და ცხოვრებისეულად ბუნებრივია. ასეა თუ ისე, როდესაც ავტორი ფსიქიურად ავადმყოფს წარმოსახავს, ეს არ გულისხმობს, რომ იგი თვითონაც სნეულია. „შავ ბერს“ ყოველგვარი ფარული აზრების გარეშე, ცივი გონებით ვწერდი, ეგაა, სურვილი მომეძალა, განდიდების მანია გამეაზრებინა, ბერი კი, მინდვრად რომ მიჰქოდა, მე თვითონ მესიზმრა.

ვითომ რატომ ურევდნენ ერთმანეთში თუნდ სევერინები ჩეხოვის პიროვნულ ბუნებას განდიდების მანიით შეპყრობილი პერსონაჟის ხასიათთან?

შესაძლოა მოჩენებითი მსგავსება მართლაც იჩენდა თავს ავტორსა და მის გმირს შორის, მაგრამ განა ეს მოჩენებითობა ასერიგად უნდა განზოგადებულიყო და მწერალი სულაც გაენაწყენებინათ?

ამიტომაც ანტონ ჩეხოვი იმთავითვე შეეცდებოდა ძირშივე ჩაეკლა მისთვის ეს მიუღებელი თვალსაზრისი.

არადა, მის პირად წერილებში — თუნდ იმავე სევერინთან მინერილი ბარათი 1893 წლის 28 ივლისს — აშკარად მჟღავნდებოდა მწერლის მძიმე სულიერი ყოფა, თორემ სხვაგვარად არც „მარტოობის მომაკვდინებელ სევდაზე“ დაიჩივლებდა და არც „საზარელ ფსიქოპათიურ განწყობილებაზე“.

სხვებიც ატყობდნენ მძაფრ შინაგან ღელვას, შფოთვას, ცხოვრებისაგან დაუკმაყოფილებლობის გრძნობას. სხვათათვის იდილიური გარემო მასზე დამამშვიდებლად კი არა, შემანუხებლად უფრო მოქმედებდა და უთუოდ დაუყოვნებლივ გავარდებოდა პეტერბურგში, ოცი მეტრის იქით შავი ჭირი რომ არ გამჭვინვარებულიყო და ამას არ დაეფრთხო.

ძმა მისი, მიხაილ ჩეხოვი მოგვიანებით გაიხსენებდა, მელიხოვოში ანტონ პავლოვიჩს გადადლილობისაგან ნერვები ღალატობდა.

— თითქმის არ ეძინა. საკმარისი იყო თვალი მიელულა, მაშინვე კრთოდა და ერთბაშად შეძრული იღვიძებდა, რაღაც უცნაური ძალა წამოაგდებდა ხოლმე ლოგინში, შიგნიდან რაღაც „ფესვებიანად“ ეგლიჯებოდა, წამოხტებოდა და მერე დიდხანს ვეღარ იძინებდა.

კოვრინსაც სხვა კი არაფერი სჭირს!..

ის საშინელი სიზმარიც შავ ბერზე აკი მაშინ იხილა მწერალმა.

— შავი ბერის შთაბეჭდილება იმდენად მძლავრი იყო, ანტონი კი-დევ დიდხანს ვერ დაწყნარდა და გაუთავებლად ამ ხილვაზე ლაპარაკობდა, ვიდრე ბოლოსდაბოლოს თავის ცნობილ მოთხრობას დაწერდა მასზე.

ნეტა ფსიქიატრიისადმი მწერლის განსაკუთრებული ინტერესი უნებლიერ დაემთხვა ამ ხანას თუ სწორედ შავი ბერის მოლანდებამ უბიძგა ამ სამყაროსაკენ?

შეგონებადაც კი ჩამოაყალიბებდა:

— თუ გნებავთ ნამდვილი მწერალი გახდეთ, ფსიქიატრია შეისწავლეთ!..

ასეთი რჩევა მთლად უნებლიერ არ უნდა იყოს და სწორედაც შავი ბერის ხილვას უნდა ჩაეგონებინა ადამიანის ხასიათის შრეებზე დაკვირვება მაინცდამაინც ფსიქიატრიული მეთოდების მომარჯვებით, რათა მხატვრულ განზოგადებებს რაღაცით წაშველებოდა. ან იქნებ ბევრად უფრო მეტითაც, ვიდრე ეს „რაღაცა“ გახლდათ.

ზმანების შთაბეჭდილება კი მართლაც გამაოგნებელი აღმოჩნდებოდა.

შავი ბერის სიმბოლური სახება საკუთარ ორეულად წარმოუდგებოდა და მოთხრობაც ამ ქარგაზე აიგებოდა, პიროვნულ ორეულად — სწორული ფანტაზიის ნაყოფად, ოღონდ ისეთი სწორულის, რომლისგან თავდაღწევაც არაფრისდიდებით არა სურდა.

რა ბედნიერები არიან ბუდა, მუჟამედი და შექსპირი, კეთილ ნათე-სავებსა და ექიმებს ექსტაზისა და შთაგონებისაგან რომ არ განუკურნავთო...

ანდრეი კოვრინს განკურნავდნენ და... მისი პირადი ტრაგედიის მიზეზიც ეს შეიქნებოდა.

თავს არ იკლავს, მაგრამ ისე მიზანდასახულად მიაბიჯებს აღსას-რულისაკენ კეთილ ახლობელთა და ექიმთა მიერ განკურნებული და ამით სასოწარკვეთილი და მიზანდაკარგული, რომ მისი გამოთხოვება წუთისოფელთან დიდად არც განსხვავდება თვითმკვლელობისაგან.

და გადადის თუ არა მიღმა სამყაროში, აქ მის ნეშტს სახეზე ნეტარი ლიმილი აღებეჭდება, რამაც ხელშესახებად უნდა დაადასტუროს პერსონაჟის სხეულისა და სულის შეუთავსებლობა ყოფით სინამდვილეში.

ბევრიც ემტკიცებინა ანტონ ჩეხოვს, კოვრინიად საკუთარი თავი არ გამომიხატავსო.

დაბეჯითებით ემეორებინა, მოთხრობაში განდიდების მანია გავიაზრე მხატვრულად, ეგაა და ეგო...

თავდაპირველი განზრახვა შესაძლოა ესეც ყოფილიყო, ან რაღა შესაძლოა — რაკილა ჩეხოვი ასე გვამცნობს, რა უფლება გვაქვს, რომ არ დავუჯეროთ... მაგრამ, მოგხსენებათ, ერთია პირვანდელი ჩანაფიქრი და მეორეა მისი ალსრულება, რაც ხშირად სრულიად აცდენილა თავდაპირველ განზრახვას და მთავარი გმირიც სულ სხვა მიზანდასახულება და სულისკვეთება შეუძენია, ვიდრე ავტორი ვარაუდობდა.

და „შავი ბერიც“ და ანდრეი კოვრინიც მათ რიგში უნდა ვიგულისხმოთ, განზრახვა და შესრულება რომ დაშორებულა ერთიმეორეს.

ან... იქნებ არც დაშორებულა და ჩეხოვს ძალიან კარგად მოეხსენებოდა, ანდრეი კოვრინად საკუთარი თავი რომ წარმოესახა.

მაშ საპირისპიროს რატომდა ამტკიცებდა?

სწობური საზოგადოების აზრს უფრთხოდა, ვაითუ სულში დამიწყონ ხელების ფათური, როგორც სჩვევიათ, ანდა ზედაპირულად ალიქვან ეს ყოველივე და ჩემი ამაღლებული სწრაფვანი და წუთისოფლისა და ხელოვანის შეჯახებით გამოწვეული ტრაგიზმი დამიხურდავონ, დამიკნიონ და განდიდების მანიას მიაწერონ.

ამიტომაც ერჩივნა, რომ მათ თვალში გამიჯვნოდა თავის პერსონაჟს.

არ დაუჯერებდნენ და მაინც გააიგივებდნენ?

თვითონ ხომ არ ადასტურებდა და...

დიახ, ან ასე უნდა გავიაზროთ ეს ყველაფერი და ან პირვანდელი განზრახვისა და შესრულების დაშორიშორებად.

და ვირწმუნოთ, რომ ანდრეი კოვრინის პროტოტიპი თვითონვეა ანტონ ჩეხოვი.

მხოლოდ ასე, თორემ ცოდვაა ეს მოთხრობაც და მისი მთავარი გმირიც, ასერიგად თუ შევუკვეცავთ ფრთებს და მივიჩნევთ განდიდების მანიის მხატვრულ ხორცშესხმად. კოვრინის ხასიათიც გაცილებით რთულია და მრავალშრიანი და „შავი ბერიც“ რამდენიმე პლანს მოიცავს, დიდ სულიერ ტრაგიზმამდე რომ მაღლდება, ღვთიური აღმაფრენისა და ამქვეყნიური ყოფის მძაფრ შეჯახებამდე, მოაზროვნე ადამიანის გულისჭიდილის უკიდურეს წარმოსახვამდე, საერთოდ კი მისი დედააზრი ამ ფორმულაში შეიძლება ჩაიწუროს: შემოქმედის ბედი წუთისოფელში.

„შავი ბერის“ სწორად წაკითხვის შემდეგ ამიტომაც ვალიარებთ კოვრინის პროტოტიპად თვითონ ავტორს, ენება მას ეს თუ არ ენება.

ფსიქიკურად თითქოს ჯანმრთელი ვარ, მართალია განსაკუთრებული სურვილი სიცოცხლისა არ გამაჩნია, მაგრამ ეს ჯერ მაინც არ ნიშნავს სწეულებასო...

ფსიქიკური ჯანმრთელობა სულაც არ უშლის ხელს იმგვარ განცდებსა და წარმოსახვებს, კოვრინს რომ დაუფლებია.

ეს ხომ უპირველესად ხელოვანის მისწრაფებაა წუთისოფლის არტახების გასაგლეჯად და იმ ჰარმონიის ალსადგენად, ედემის ბალთან ერთად რომ დასრულდა, ბიბლიურ აბელთან ერთად სამუდამოდ რომ განქარდა, მაგრამ დატოვებით დაგვიტოვა შთაგონების, ღვთიური აღმაფრენის ფრაგმენტები, რომელთა შესაკონიწებლად ზრუნვაცაა სულიერ პიროვნებათა ამქვეყნიური მისია და... მათი ტრაგედიის სათავეც აქ ჩაბუდებულა.

ზოგი უძლებდა ამ გაუსაძლის სულიერ ტკივილს, ზოგიც ვეღარ და... გადარჩენის გზად თავიანთ პერსონაჟებს მოხმობდნენ, მათ გადააბარებდნენ თავიანთ სულიერ შფოთვასა და ტანჯვას და ამ და მხოლოდ ამ გზით თავს აღწევდნენ თვითმკვლელობაზე ფიქრს.

ასე შეეფარებოდა ანტონ ჩეხოვი ანდრეი კოვრინს.

ასე შეეფარებოდა ვაჟა-ფშაველა მინდიას.

ამიტომაცაა „შავი ბერი“ ავტობიოგრაფიული მოთხოვა — სწორედაც შემოქმედის ბედზე.

და „გველის-მჭამელიც“ ავტობიოგრაფიული პოემა ამიტომაცაა — ისიც სწორედ შემოქმედის ბედზე.

მსჯელობა მერე თუგინდ ფილოსოფიური კალაპოტითაც წარმართე, ეს უკვე დიდი რამ ცოდვა აღარც იქნება.

ეჯაჯგურებოდა ლუკა რაზიკაშვილი გოგოთურის ლოდს და... დაძვრითაც ვერ დაეძრა.

საგმირო ეპოსს დაეჯაჯგურებოდა და... აჰკრავდა და აიტაცებდა, აზიდავდა ისეთ სიმაღლეზე, თამამად გაუსწორებდა მზერას ამ უანრის დიდოსტატ და იქით ჰომეროსთან რომ იპოვნიდა სულიერ ძაფებს, აქეთ გოეთეს „ფაუსტსაც“ სულ სხვა თვალით ჩაუკვირდებოდა — უკვე არა მკითხველის, არამედ სულიერი მემკვიდრის თვალით, ჯერ იმის დროს მიაჩნდათ ეპოსი ყავლგასულად, და საუკუნის შემდეგ ხომ რაღა!.. მაგრამ ვაჟას, საკუთარი სულიერი მზაობისა და მხატვრული წარმოსახვებისა და მრწამისის გარდა იმედად „ფაუსტიც“ ეგულებოდა, აგერ ახლახან გოეთე თუ არ შეპუებოდა გაბატონებულ ლიტერატურულ აზრს, კვლავაც შეიძლებოდა მდინარების აღმა აჭრა, თანაც იმ ზოგადი სტილისტიკის გათვალისწინებით კი არა, საგმირო ეპოსს მაიცდამაიც ერთი გაბმული სიუჟეტი რომ უნდა ჰქონოდა, არამედ შუმერული „გილგამეშიანივით“ — დამოუკიდებელი ამბები, დამოუკიდებელი სიუჟეტური ხაზები ერთმანეთს რომ მიედგმოდა და მერე გინდებიერი ქმნილება დაგერქმია და გინდ სიმღერების ციკლს.

ამიტომ როგორც გენება, ისე დაალაგებდი ამ სიმღერებს, რომელ ამბავსაც გინდოდა დაანინაურებდი, რომელსაც გინდოდა — მოადევნებდი, ყველას თავისი საკუთარი დრო ჰქონდა და არავითარ ქრონოლოგიურ თანმიმდევრობას არ ემორჩილებოდა.

ვაჟას საგმირო ეპოსიც ამ შინაგან სტრუქტურას დაეყრდნობოდა.

როგორც გენება, ისე განალაგებდი იმ პოემებს, რომელთაც თურმე ერთიანი ეპოსი უნდა შეედგინათ.

ნეტა იმთავითვე ასე განეზრახა?

თუ თანდათან გამოიკვეთებოდა ეს იდეა, პირმათა შექმნის კვალობაზე?

თუმც... ამის დაზუსტება ნაკლებმნიშვნელოვანია.

მთავარი უფრო ისაა, ზუსტად გამოირჩეს ის ძირითადი ბირთვი ვა-ჟა-ფშაველას 27 პოემიდან, საგმირო ეპოსი რომელთაც შეადგინეს და თანაც ამ უანრისათვის ასერიგად შეუფერებელ უამს.

ოთარ ჩხეიძე საგანგებოდ აღნიშნავდა გოეთეს სიფრთხილეს, „ფა-უსტს“ ტრაგედია რომ მიაწერა და არა საგმირო ეპოსი, მიუხედავად იმისა, რომ სწორედ ეპოსად ჩაეფიქრებინა. მაგრამ ისე მოხდებოდა, რომ ალორძინებისა და განმანათლებლობის ეპოქაში ამაოდ შეალევდნენ თვით თვალსაჩინო პოეტები ძალ-ღონეს ამ უანრის განახლებას, გამეორებით „ილიადასა“ თუ „ენეიდას“ ყველა მხატვრულ ხერხს გაიმეორებდნენ, მაგრამ ვერაფერს მიაღწევდნენ და შთამომავლობა სრულიად მიივიწყებდა მათ იმ თავგამოდებულ ცდებს.

და თუ გოეთე იფრთხილებდა,

— მითუფრო სიფრთხილე მართებდა ვაჟასა, გოეთე საუკუნის და-საწყისში ჩამდგარიყო, ვაჟა ბოლოში, ოლონდ ბოლოც არის და ბოლოცა, — სიმბოლისტებმა ლირიკა აზიდეს უმაღლეს მწვერვალზე, ლირიკა გამოაცხადეს უმაღლეს უანრადა, ლირიკა მოდად იქცა და ეპიკა, სხვა რომ არა იყოს რა, ჩამორჩენილობადლა ითქმოდა. ვაჟას მიმართ ამიტომაც წამოსცდათ კრიტიკოსებსა, ჩამორჩენილიაო. გასაკვირიც არ არის. ცხოვრებას მოდა უყვარს, ლიტერატურამაც იცის თავისი მოდა, მაგრამ ეპოსი ხომ დიდიხნის მიცვალებულად ითვლებოდა, ეს მოდა როდია, ისტორიული სინამდვილე იყო.

ეს ისტორიული სინამდვილე რას გამოეწვია?

— ეპოსი მითოლოგიური აზროვნების ნაყოფი გახლდათ და მატე-რიალისტური ეპოქები ველარ იგუებდა.

მაგრამ მხატვრულ აზროვნებას, ლიტერატურულ მდინარებას თავისი წეს-კანონები მოეპოვება, რომელიც აგრერიგად არ ემორჩილება საზოგადოებრივ-პოლიტიკურ ფორმაციათა მსვლელობას და ამჯერადაც ასე მოხდებოდა.

მატერიალისტური ეპოქები ველარ იგუებდაო და:

იგუებდა თურმე.

აბა, ტყუილუბრალოდაც ხომ არ განისაზღვრებოდა ვაჟა-ფშაველას შემოქმედებითი ცნობიერება როგორც მითოსური.

და კიდეც:

— ეს გოეთემ დაამტკიცა „ფაუსტითა“, ეს ვაჟამ დაადასტურა თავისი ეპოსითა, რომელსაც პოემები შერქმევია და რამდენიმე სათაური აქვს.

ჩვენ განვსაზღვრავთ ასე, თორემ თვითონ ვაჟას არსად მოუხსენებია საგმირო ეპოსად თავის ეპიკურ ქმნილებათა ის მთავარი ბირთვი, და არც ამ ბირთვის დაზუსტებული სია მოუწვდია.

მინიშნებით კი მიგვანიშნა, შეგნებულად ანდა სულაც ქვეშეცნეულად.

როდესაც შეეცდებოდა გაემიჯნა თავის შემოქმედებაში რა იყო ხალხური და რა — საკუთრივ მისი, სანიმუშოდ აკი იმ ხუთი პოემის არაკებს მოიხმობდა, ხალხში რაც გაეგონა და ზედ თავისი წარმოსახვა მიეშველებინა:

„სტუმარ-მასპინძელი“,

„გველის-მჭამელი“,

„ალუდა ქეთელაური“,

„ბახტრიონი“,

„გოგოთურ და აფშინა“. .

და რაკი მხოლოდ ესენი გამოერჩია, მინიშნებაც სწორედ ეს გახლდათ — ეს იგულისხმეთ ჩემს ეპოსად, ამ ხუთი პოემის ნაკრებიო.

პირობითი თანმიმდევრობაც ასე წარმოედგინა, თორემ — „გილგამეშისა“ არ იყოს — თვითეულ პოემას თავისი შინაგანი დრო ჰქონდა და ერთი სახელწოდების ქვეშაც ამიტომაც შეინარჩუნებდნენ დამოუკიდებლობას.

ვაჟა-ფშაველას ამ მინიშნებას უსათუოდ გაითვალისწინებდნენ მკვლევარები, მაგრამ ზოგ შემთხვევაში თავთავის არჩევანსაც შემოგვთავაზებდნენ.

გრიგოლ კიკაძე ხუთივე პოემას მიუჩენდა ადგილს თავის სქემაშიც, მაგრამ „ეთერიანსაც“ დაუმატებდა.

არც თამაზ ჩხერიელი გამოტოვებდა არცერთს (თუმც „გველის-მჭამელს“ მხოლოდ იდეური თვალსაზრისით შერაცხავდა დიდმნიშვნელოვან პოემად, თორემ მხატვრული სრულყოფის მნიშვნელობით და-

ნარჩენებს ვერ გაუტოლებდა), მაგრამ თავის მხრივაც შემატებდა ერთ ნიმუშს და ეს ნიმუში აღმოჩნდებოდა არა „ეთერიანი“, არამედ „კოპალა“.

მხოლოდ ოთარ ჩხეიძე გაიზიარებდა პირწმინდად ვაჟასეულ შეფა-სებას საკუთარი ეპიკური ქმნილებებისა და მის მიერ აზიდული საგმი-რო ეპოსის ჟანრის ქვეშ მხოლოდ იმ ხუთ პოემას გააერთიანებდა.

ეგაა, თუ ვაჟა „გოგოთურ და აფშინას“ სიის ბოლოში მოაქცევდა, ოთარ ჩხეიძე თავში გადმოიტანდა, და გადმოიტანდა იმიტომ, რომ მის ავტოგრაფიულ თხზულებებში ჩართულ „ლოდის ბასაუს“ სიმბოლურ-სა და განსაკუთრებულ მნიშვნელობას მიანიჭებდა და შესაფერისადაც განაზოგადებდა:

— ჯეელობაშივე ერჩოდა გული, გოგოთურის ლოდს ეჭიდებოდა და ვერ დაეძრა, ვერ აენია, ჯავრად ჩარჩენოდა, თავისი ეპოსი „გოგოთურ და აფშინათი“ დაეწყო და ლოდიც, იმისი მიტანილიც, ერთბაშად დაეძრა, მალლა აეტანა, ეჭირა დაუშვებლადა.

და თუ ეს პოემა დაწინაურდებოდა ჩამონათვალში, სხვა ყოველივე დაე ისევე დარჩენილიყო, ვაჟას როგორც დაელაგებინა.

პირობითობა პირობითობად, თავთავისი დრო თავთავის დროდ, მაგრამ ეგებ მაინც „გველის-მჭამელი“ მოგვექცია სიის სათავეში.

ვითომ რატომ?

რატომ და:

ჯერ ერთი, ბარემ ავტობიოგრაფიულ თხზულებას გაეხსნა ეს ციკლი.

მეორეც, გარეგნული იერით ყველაზე არქაული ის მოჩანს, ბოლოს-დაბოლოს, მისი არაკი გაცილებით უფრო ძველი უამიდან მოდის, ვიდ-რე სხვა პოემათა სიუჟეტური პირველიძგები.

და მესამეც, თითქოს კომპოზიციური რკალი იკვრის — მარჯვედ და თავისთავად.

გახსოვთ „ბახტრიონის“ ფინალური სურათი?

გველი რომ ულოკავს ლუხუმს ჭრილობას, ცრემლით ულბობს, საჭ-მელს უზიდავს, წყაროს წყალს ასმევს და მკურნალადაც მოევლინება გმირს ქვეყნის დიდი გასხივოსნების წინარე ჟამს: ლაშარის გორზე ლუხუმის შედგომის სიმბოლურ-ექსტაზურ სურათში.

მინდიასაც გველის ხორცის ჭამით ახილვოდა მესამე თვალი და სამყაროს იდუმალებაშიც ჩაეხედა.

და ბარემ ამ სიმბოლურ სახებას — სიკეთედ გარდაქმნილ მტერს კაცთა მოდგმისა — მოექცია საკუთარ წრეში ვაჟას საგმირო ეპოსის თავი და ბოლო — რაც ინყებდა, იმასვე გაესრულებინა.

შუაში, მესამე ადგილი უთუოდ „ალუდა ქეთელაურს“ შეჰვერის, როგორც ამ ციკლის მწვერვალს.

აქეთ-იქიდან კი ამოუდგებიან „გოგოთურ და აფშინა“ და „სტუმარ-მასპინძელი“.

ვერა, ვერ მოთავსდებოდა ვერც „ეთერი“ და ვერც „კოპალა“ ამ ციკლში, ვერცერთი ვერ აღმოჩნდებოდა საგმირო ეპოსის ერთ-ერთი საყრდენი. ზეგავლენანი — ერთგან მნიგნობრული და მეორეგან ფოლკლორული — აქ ორივეგან საგრძნობი იქნებოდა და ფრთებს შეუკვეცავდა ვაჟას პოეტურ აღმაფრენას. ეპოსის დამატებაში, თუკი ასეთი რამ შეიძლება არსებობდეს, რატომაც არა — ორივეს შეიძლება მოეძებნოს ადგილი და ორიოდ კიდევ სხვა ნიმუშსაც, რაღაც ნიუანსებს რომ მაინც შესძენენ ამ ერთიან ქმნილებას, რომლის საერთო სახელწოდებაც ვაჟა-ფშაველას შეურჩეველი დარჩა.

მაგრამ ამ ხუთეულს ნურაფერს ჩავურევთ, რათა საგმირო ეპოსმა, ისედაც დრომოჭმულად და ამაო მცდელობად გამოცხადებულმა, XIX-XX საუკუნეთა მიჯნაზე, შეინარჩუნოს მხატვრული შთამბეჭდაობა და ძალმოსილება და შიგ ხარვეზისმაგვარი არაფერი გაერიოს.

ლოდიც, იმისი იქ მიტანილიც, ერთბაშად დაეძრა, მაღლა აეტანა და ეჭირა დაუშვებლადაო...

ხოლო ყოფითი ცხოვრება...

ყოფითი ცხოვრება ძიძგნიდა, ჭამდა და ხრავდა ვაჟა-ფშაველასაც, გასაქანს არ აძლევდა და ლამის დაეთრგუნა კიდეც, რაკილა გაუთავებლად შთანთქავდა იმ წუთებს: გულზე მესვენა მზე-მთვარე, ვლაპარაკობდი ღმერთთანაო!..

თავს ეგრე ადვილადაც არ დაათრგუნინებდა, მაგრამ ის შემძვრელი ფიქრიც რომ აეკვიატებოდა, ვაითუ შეუპოვრობა და ნებისყოფა არ მეყოსო, მინდიას სახეს მოიძიებდა ზეპირ გადმოცემებში, ამოზიდავ-

და, სიუჟეტურ ქარგას მოუქსოვდა, გადაიაზრებდა და შემოქმედის ბე-  
დისწერას შეუტოლებდა, ამის სიმბოლოდ აქცევდა და თავის არსებას  
შიგ გამოახვევდა.

და იმას ეზიდა თვითმკვლელის ტვირთი, პერსონაჟი შენაცვლებო-  
და ავტორს.

სამაგიეროდ, ვაჟა-ფშაველა გადაერჩინა ამისთანა მისწრაფებისაგან.

და სხვათათვისაც გზამკვლევი გამხდარიყო და ედემის ბალისა და  
აბელური სულის გამონათებად დამკვიდრებულიყო საზოგადოებრივ  
შეგნებაში ერთხელ და სამუდამოდ.

ისე მაინც რამ ამოატანინა გოგოთურს ის ლოდი?!..

კოპალას სალოცავთან დააგდებდა, იმას სწირავდა, იმას უდასტუ-  
რებდა საკუთარ ძალ-ღონეს და... უნებურად საჯილდაოდაც აქცევდა,  
ახალ-ახალი თაობები ზედ რომ აწყდებოდნენ, ნუთუ ჩვენს შორისაც  
არ გამოერევა გოგოთურის ბადალიო?!

ვერც გადაეთრიათ, თორემ აწევასა და ქარის გატარებას ვინ ჩივის!..

ლუკა რაზიკაშვილიც ამ ლოდთან ჭიდილით დაიწყებდა ცხოვრება-  
ში შემოსვლას, მის აზიდვაში დაინახავდა თავის ბედ-იღბალს და... მე-  
რე კი ამ ჭიდილს მხატვრულ ძიებებში გადაშლიდა, საგმირო ეპოსს  
რომ მიეტანებოდა ასაზიდად...

მაინც წარსულის აჩრდილს ჩამოჰგავდა...

მაინც მითოსური ცნობიერებით განმსჭვალულიყო და უშორესი  
წარსულის მკვდრეთით აღმდგარ შვილს დამსგავსებოდა...

\*\*\*

მინდია ხმლის ტარს უნდა შეხებოდა ცერით.

ქარქაშით ამოეწვადა და წვერით გულს მიებჯინა...

და მკერდიდან სისხლი წყაროსებრ გადმოჩერებულიყო.

მთვარეს კი გადმოეშუქა საჯიხვეების სერით და თვითმკვლელს  
მოზარე ქალის ფერით დაშტერებოდა.

\*\*\*

არა, მაინც რამ აატანინა ის ლოდი გოგოთურს კოპალას  
სალოცავთან!..

ნაწილი III

## ვაჟა-ფშაველა

რჩეული ანოტირებული ბიბლიოგრაფია



## ვაჟა-ფშაველა

რჩეული ანოტირებული ბიბლიოგრაფია  
(დაბადებიდან 150-ე და გარდაცვალებიდან 96-ე წლისთავი)

2011 წელს შესრულდა დიდი ქართველი მწელისა და საზოგადო მოღვაწის, ვაჟა-ფშაველას (ლუკა რაზიკაშვილი) დაბადებიდან 150 და გადაცვალებიდან 96 წლის იუბილე.

ვაჟა-ფშაველამ, როგორც ქართველ სამოციანელთა უმცროსმა თანამედროვემ და თანამებრძოლმა, სამწერლო ასპარეზზე გამოსვლის დღიდანვე მიიქცია როგორც მკითხველი საზოგადოების, ისე ლიტერატურის კრიტიკოსთა ყურადღება. იმდენად ფართო და ყოვლისმომ-ცველი აღმოჩნდა ვაჟას, როგორც მოაზროვნის, თვალსაწიერი, რომ მისი შემოქმედება დღემდე შეუნელებელ ინტერესს აღძრავს არა მხოლოდ ლიტერატურის ისტორიკოსთა თუ თეორეტიკოსთა, არამედ ენათმეცნიერთა, ფილოსოფოსთა, ეთნოგრაფთა თუ ფოლკლორისტთა შორის; ამ „ქართული სულის განმასახიერებელი გენიოსის“ (არტ. ლაისტი) ქმნილებებს უდიდესი ინტერესით ეცნობიან ჩვენი ქვეყნის ფარგლებს გარეთაც.

XIX საუკუნის 80-იანი წლებიდან იწყება ვაჟა-ფშაველას ცხოვრების, შემოქმედებისა და მრავალფეროვანი ლიტერატურული მემკვიდრეობის კვლევა. განვლილი წლების მანძილზე არაერთი მონოგრაფია თუ ნარკვევი დაიწერა როგორც ქართულ, ისე — უცხო ენაზე.

ვაჟა-ფშაველას საიუბილო თარიღის აღსანიშნავად შოთა რუსთაველის ქართული ლიტერატურის ინსტიტუტში მომზადდა წინამდებარე რჩეული ანოტირებული ბიბლიოგრაფია, რათა მკვლევრებს, პედაგოგებს, სტუდენტ და მოსწავლე ახალგაზრდობას; აგრეთვე ვაჟას შემოქმედებით დაინტერესებულ ნებისმიერ პიროვნებას გაუადვილდეს ორიენტირება დიდი მწერლის შესახებ შექმნილ დიდალ სამეცნიერო ლიტერატურაში.

მასალის შერჩევა და ანოტირება დასრულდა 2011 წელს. მეცნიერებისულტანტი: **იუზა ევგენიძე**; კოორდინატორი – ნანა ფრუიძე.

ინსტიტუტის მეცნიერ-თანამშრომლებისა გარდა, ანოტაციების შედგენაში მონაწილეობა მიიღეს თსუ ლიტერატურის თეორიისა და ლიტერატურათმცოდნეობის მიმართულების სამაგისტრო პროგრამის სტუდენტებმა.

ანოტაციების ავტორთა ინიციალები  
ანბანური რიგით

ა.ა. – ამირან არაბული  
ნ.მ. – ნანა მრევლიშვილი  
ნ.ფ. – ნანა ფრუიძე  
ქ.შ. – ქეთევან შენგელია  
ე.ჩ. – ეკა ჩიკვაიძე  
სტ. – თ. თვალჭრელიძე, ე. კურასპეტიანი, თ. მახარაშვილი,  
ნ.ხარაშვილი, თ. ცინცაძე

## I. ვაჟა-ფშაველას შემოქმედება

### ა) ვაჟა-ფშაველა, თხზულებათა სრული კრებულები

ვაჟა-ფშაველა. თხზულებათა სრული კრებული 5 ტომად (რედ. გ. აბზიანიძე; წინასიტყვაობა გ. ჯიბლაძის). თბ.: საბჭოთა საქართველო, 1961.

ვაჟა-ფშაველა. თხზულებათა სრული კრებული 10 ტომად (მთ. რედ. გ. ლეონიძე). თბ.: საბჭოთა საქართველო, 1964.

### ბ) ვაჟა-ფშაველა, თხზულებანი

ვაჟა-ფშაველა. თხზულებანი. შეადგინა მ. ლებანიძემ. სარედაქციო საბჭო: გრ. აბაშიძე და სხ.) თბ.: საბჭოთა საქართველო, 1985 (სერია მლბ).

ვაჟა-ფშაველა. თხზულებანი (ახალგამოვლენილი ნაწარმოებები). სარედაქციო კოლეგია: ა. ჭინჭარაული, ბ. ჭუმბურიძე, კ. ჭუმბურიძე (რედ.), თსუ, ვაჟას კაპინეტი, ტ. I, ტ. II, თსუ გამომცემლობა, 2003.

ვაჟა-ფშაველა. თხზულებანი: ლექსები, მოთხოვები, პოემები, პუბლიცისტიკა, წერილები (შეადგინა და განმარტებები დაურთო გ. ბოჯგუამ). თბ.: განათლება, 1990.

ვაჟა-ფშაველა. თხზულებანი 5 ტომად (შემდგ.: ხ. გაგუა, კ. ლვინ-ჯილია, ვ. ჯაფარიძე), თბ.: საქართველო, 1992.

ვაჟა-ფშაველა. თხზულებანი (შემდგ.: გ. ლეონიძე), თბ.: საბჭოთა საქართველო, 1987.

ვაჟა-ფშაველა. თხზულებები (ახლად გამოვლენილი ნაწარმოებები). ერთტომეული. გამომც. ლ. ჭრელაშვილი, თსუ გამომცემლობა, 1979.

ვაჟა-ფშაველა. თხზულებანი 2 ტომად (შემდგ.: ა. ჭინჭარაული). თბ., საბჭოთა საქართველო, 1979.

**ვაჟა-ფშაველა.** თხზულებები (შეადგინა, შენიშვნები და ლექსიკონი დაურთო **ნიკ. კეცხოველმა.** სარედ. კოლეგია: **ნ. ალანია**). ქართული საყმანვილო ლიტერატურის ბიბლიოთეკა, ნაკადული, თბ.: 1972.

**ვაჟა-ფშაველა.** თხზულებანი (რედ.: **ალ. აბაშელი და აკ. შანიძე**). ტ. 1, ტფ.: სახელგამი, 1946; ტ.2, ტფ.: სახელგამი, 1950.

**ვაჟა-ფშაველა.** თხზულებანი (რედ.: **ალ. აბაშელი;** წინასიტყვაობა **ა. აბაშელი, ვ. კოტეტიშვილი, გ. ქიქოძე**). ტ. 1, ტფ.: სახელგამი, 1928; ტ. 4, 1932; ტ.5, 1936. ტ.6, 1939; ტ. 7, 1956.

**ვაჟა-ფშაველა.** თხზულებანი (წინასიტყვაობა **ა. აბაშელი, ვ. კოტეტიშვილი, გ. ქიქოძე**). ტ. 1, ტფ.: სახელგამი, 1922; ტ. 3, 1930;

**თხზულებანი** ვაჟა-ფშაველასი. ტფ., ქ. შ. წ/კ გამავრცელებელი საზოგადოება, 1899.

### გ) რჩეულები

**ვაჟა-ფშაველა.** რჩეული 2 წიგნად (რედ. ვ. ჭელიძე). თბ.: საბჭოთა საქართველო, 1970 (ნ. 1 — ლექსები; ნ. 2 — პოემები).

**ვაჟა-ფშაველა.** რჩეული. თბ.: საბლიტგამი, 1957.

**ვაჟა-ფშაველა.** რჩეული ერთტომეული. თბ.: სახელგამი, 1953.

**ვაჟა-ფშაველა.** რჩეული ლექსები. თბ.: საბჭოთა საქართველო, 1959.

**ვაჟა-ფშაველა.** რჩეული ლექსები და პოემები. თბ.: საბლიტგამი, 1938.

**ვაჟა-ფშაველა.** რჩეული ლექსები და პოემები. საქ. ალკე ც-კ. საბავშვო და ახალგაზრდული ლიტერატურის გამომცემლობა, თბ.: 1938.

**ვაჟა-ფშაველა.** რჩეული მოთხოვები. თბ.: საბლიტგამი, 1948.

**ვაჟა-ფშაველა.** რჩეული ნაწერები. რედ. **გ. ქიქოძე**. ტექსტი დადგენილია **ალ. აბაშელის** მიერ. ტფ.: ფედერაცია, 1936.

#### დ) ცალკეული თხზულებები

**ვაჟა-ფშაველა.** სამი საყმაწვილო ამბავი რვა სურათით და ავტორის  
მოკლე ბიოგრაფიით. თბ.: ქ. შ. ნ/კ გ. ს., 1889.

**ვაჟა-ფშაველა.** ლირიკა. შემდგენელი **ვ. კვიტაიშვილი.** თბ.: მერანი,  
1986.

**ვაჟა-ფშაველა.** ეთნოგრაფიული წერილები. რედაქტორი და  
წინასიტყვაობის ავტორი **გ. ქიქმაძე.** სსრკ მეცნ. აკად. საქართველოს  
ფილიალის გამომცემლობა, 1937.

**ვაჟა-ფშაველა.** მოთხრობები, დრამატული ნაწარმოებები ორ  
ტომად. თბ.: ნაკადული, 1972.

**ვაჟა-ფშაველა.** პოემები. თბ.: ნაკადული, 1990.

**ვაჟა, თედო, ბაჩანა.** საყმაწვილო თხზულებები. თბ.: მერანი, 1994.

#### ე) კრებულები

**ვაჟა-ფშაველა.** აფორიზმები. ამოკრიბა **გ. საითიძემ.** თსუ, 1961.

**ვაჟა-ფშაველა.** აფორიზმები და გამონათქვამები. შემდგ. **მ. მთვა-  
რელიძე,** რედ. **ჯ. ჭუმბურიძე.** თსუ, 1988.

**ვაჟა-ფშაველა** ლიტერატურის და ხელოვნების შესახებ. თბ.: 1967.

**ვაჟას-ღიმილი.** თბ.. 2008.

## II. ვაჟა-ფშაველას ცხოვრება, შემოქმედება და საზოგადოებრივი მოღვაწეობა

### ა) ბიბლიოგრაფიული კრებულები

თ. ნაკაშიძე, ი. გორგაძე

ვაჟა-ფშაველა  
ბიობიბლიოგრაფია 1879-1979, თბ., 1987

კრებულში წარმოდგენილია ვაჟა-ფშაველას ცხოვრებისა და შემოქმედების ამსახველი მასალა, რომელიც მოიცავს ერთ საუკუნეს (1879-1979). ბიბლიოგრაფიაში აღნუსხულია როგორც ვაჟა-ფშაველას ნაწარმოებები, ისე ლიტერატურა პოეტის შესახებ (ქართულსა და სხვა ენებზე); წიგნში მკითხველი გაეცნობა შემდეგ რუბრიკებს: ვაჟა-ფშაველა მხატვრულ ლიტერატურაში, მწერლის თხზულებათა თარგმანები საბჭოთა კავშირისა და საზღვარგარეთის ხალხთა ენებზე, ბეჭდური გამოხმაურებანი ვაჟას თხზულებათა მიხედვით შექმნილ სპექტაკლებზე, კინოსურათებსა თუ სახვითი ხელოვნების ნაწარმოებებზე.

წიგნში გათვალისწინებულია 1979 წლამდე შექმნილი ყველა ბიბლიოგრაფიული ნაშრომი ვაჟას შესახებ. წიგნი შედგება სამი განყოფილებისა და საძიებლებისაგან. I. ვაჟა ფშაველას ნაწარმოებები; II. ლიტერატურა ვაჟა-ფშაველას შესახებ; III. ვაჟა-ფშაველა მხატვრულ ლიტერატურაში; IV. საძიებლები: ვაჟა-ფშაველას ფსევდონიმები და კრიპტონიმები; ვაჟა-ფშაველას ნაწარმოებთა გამოცემების საძიებლები; ვაჟა-ფშაველას ნაწარმოებთა ანბანური საძიებელი; სახელთა საძიებელი; დაწესებულება-ორგანიზაციების საძიებლები;

ნ.ც.

## ვაჟა-ფშაველა

ცხოვრებისა და შემოქმედების მატიანე  
(შემდგ.: სოლ ყუბანეიშვილი), სახელგამი, 1940

ნაშრომი შედგება სამი ნაწილისაგან. პირველი შეიცავს ვაჟა-ფშაველას ცხოვრებისა და შემოქმედების მატიანეს; მეორე – ბიბლიოგრაფიას და მესამე — დოკუმენტებსა და მასალებს.

ნაშრომის პირველი ნაწილი მიზნად ისახავს წარმოგვიდგინოს ვაჟა-ფშაველას ცხოვრებისა და შემოქმედების თარიღები. ამ თვალსაზრისით გამოყენებულია როგორც სანდო პირთა მოგონებები, ისე – საარქივო მასალა. პირადი წერილებიდან შერჩეულია მხოლოდ ისეთები, რომლებშიც კარგად ჩანს ვაჟა, როგორც შემოქმედი და საზოგადო მოღვაწე.

ვაჟა-ფშაველას თხზულებების გამოქვეყნების თარიღებთან ერთად მოცემულია ფსევდონიმებიც. თარიღები ნაჩვენებია ძველი სტილით.

ბიბლიოგრაფიაში წარმოდგენილია ვაჟა-ფშაველას შესახებ დაწერილი წიგნები და პუბლიკაციები. მასალა ჯერ დალაგებულია ქრონლოგიურად, მერე — ჩვეულებრივი წესით ანბანზე ავტორების მიხედვით (მთავრდება 1936 წელის მონაცემებით);

წიგნის მესამე ნაწილში მოცემულია ის დოკუმენტები და მასალები, რომლებიც იძლევა ცნობებს ვაჟას განვითარებისა და იმ სოციალურ-პოლიტიკური წყობის შესახებ, რომელშიც აღიზარდა პოეტი. წიგნს ერთვის ავტორთა საძიებელი, დოკუმენტები და მასალები, ცენზურის მიერ აკრძალული ვაჟას ნაწერები, პირობითი ნიშნები და პოეტის გენეალოგია.

6.ფ.

**ვაჟა-ფშაველა**  
(დაბადების 100 წლისთავი)  
ლიტერატურის მოკლე სარეკომენდაციო სია (არაანოტირებული);  
რედ.: ს. ეული-ქურიძე, შემდგ.: ნ. აკერმანი, ლ. ეგორაშვილი,  
ნ. ლაიშვილი, კ. რამიშვილი  
თბ., 1961

სარეკომენდაციო საძიებელში წარმოდგენილია როგორც ვაჟა-ფშაველას ნაწარმოებები, ასევე ლიტერატურა მისი ცხოვრებისა და შემოქმედების შესახებ. კრებული შედგება 4 განყოფილებისაგან: 1. ვაჟა-ფშაველას შემოქმედება; 2. ლიტერატურა ვაჟა-ფშაველას ცხოვრებისა და შემოქმედების შესახებ; 3. ლექსები – მიძღვილი ვაჟასადმი; 4. მუსიკალური ნაწარმოებები, დაწერილი ვაჟა ფშაველას სიტყვებზე.

მასალა როგორც ქართულ, ისე რუსულ ენებზე დაწყობილია ან-ბანური რიგით: ჯერ აღნუსსულია პოეტის თხზულებები, შემდეგ – ვაჟა-ფშაველას ცხოვრებისა და შემოქმედების შესახებ ცალკეული გამოკვლევები და ბოლოს უურნალ-გაზეთებში გამოქვეყნებული მასალა.

6.ფ.

**ვაჟა-ფშაველა**  
(დაბადების 125 წლისთავი)  
ლიტერატურის სარეკომენდაციო საძიებელი (არაანოტირებული),  
შემდგ.: ტ. საპატოვა, ვ. ნანაძე, ქ. ბოტკოველი, ც. სადალაშვილი.  
თბ., 1986

სარეკომენდაციო საძიებელი რამდენიმე განყოფილებისაგან შედგება: 1. შემდგენლებისგან; 2. ბიოგრაფიული ცნობები; 3. ვაჟა-ფშაველას გამოცემები; 4. ლიტერატურა ვაჟა-ფშაველას ცხოვრებისა და შემოქმედების შესახებ;

სარეკომენდაციო საძიებლის მეოთხე განყოფილებაში მკითხველი გაეცნობა ლიტერტაურას ვაჟა-ფშაველას ბიოგრაფიის შესახებ, წიგნებსა და სტატიებს, რომლებშიც განხილულია მწერლის შემოქმედება,

აგრეთვე ცალკეული თემატიკისადმი (ვაჟა-ფშაველა და რუსული სინამდვილე; ვაჟა-ფშაველას პოემების ინგლისური თარგმანები; ვაჟა-ფშაველას საზოგადოებრივ-პოლიტიკური შეხედულებები; ვაჟა-ფშაველა ეკრანსა და სცენაზე) მიძღვნილ მასალას.

საძიებელი შედგენილია ქართულ და რუსულ ენებზე. მასალის შერჩევა დასრულდა 1986 წლის ივნისში.

6.ფ.

### ბ) ცხოვრება და მოღვაწეობა

ს. ყუბანეიშვილი

**ცხოვრება ვაჟა-ფშაველასი  
თბ., საბჭოთა საქართველო, 1961**

ნაშრომი შეიცავს ვაჟა-ფშაველას ცხოვრებისა და შემოქმედების ამსახველ შევსებულ და გადამუშავებულ მასალას, რომელიც სპეციალურად ამ მიზნით ორგანიზებულმა რამდენიმე ექსპედიციამ მოიპოვა.

წიგნი შედგება შემდეგი თავებსაგან: ვაჟა-ფშაველას წინაპრები, ვაჟა თელავის სასულიერო სასწავლებელში, ვაჟა თბილისის სამოქალაქო სასწავლებელში, ვაჟა გორის საოსტატო სემინარიაში; ხელნაწერი ურნალი „რიჟრაჟი“; ვაჟა ხალხოსანთა წრეში; ვაჟა მასწავლებლად სოფ. ამტინიხევში, პეტერბურგში, ვაჟა შინამასწავლებლად სოფ. ოთარაშენში. ვაჟას დაოჯახება; ვაჟა სოფ დიდთონეთში, ვაჟა ჩარგალში; ვაჟა მონაცირე; ურთიერობა ძმებს შორის, ლიტერატურული კამათი ვაჟასა და ბაჩანას შორის; ვაჟას ოხუნჯობანი, ვაჟას გალექსებანი, როგორ წერდა ვაჟა, ვაჟა დეკლამატორი, ილია და ვაჟა, ვაჟას შეხვედრები; დამოკიდებულება რევოლუციურ მოძრაობასთან, ვაჟას ფსევდონიმები, მეფის ცენზურა და ვაჟა-ფშაველა, ვაჟას იუბილე; ვაჟა და მისი გამომცემლები, ავადმყოფობა და გარდაცვალება, ვაჟა ფშაველას უკანასკნელი წერილი.

ნაშრომს ერთვის გამოყენებული ლიტერატურის სია.

6. ფ.

გ. ხორნაული

ცხოვრება ვაჟა-ფშაველასი  
თბ., ეროვნული მწერლობა, 2008

ნარკვევი მოიცავს რამდენიმე ქვეთავს. მასში გაერთიანებულია როგორც მწერლის ბიოგრაფიული დეტალები, ასევე რაზიკაშვილთა გვარის წარმომავლობის შესახებ ვრცელი ინფორმაცია. წიგნში აღნერილია ვაჟას თანამედროვე საქართველოს ისტორიულ-კულტურული მდგომარეობა, საქართველოს ერთ-ერთი კუთხის, ფშავის, კერძოდ კი ჩარგლის იმდროინდელი ყოფა-ცხოვრება. მწერლის განათლებისა და ადრეული შემოქმედებითი პერიოდის შესახებ საუბრისას ავტორი განსაკუთრებით გამოყოფს იმ დეტალებს, რომლებმაც ვაჟას პიროვნებისა და მსოფლმხედველობრივი მრნამსის ჩამოყალიბებაში მნიშვნელოვანი როლი ითამაშეს. ნაშრომში გამოყენებულია დოკუმენტური მასალა მწერლის პირადი მიმოწერიდან. დაწვრილებით არის აღნერილი ვაჟას, როგორც საზოგადო მოღვაწის ზრდის ეტაპები. ავტორი საუბრობს იმ მოტივებზეც, რომლენიც ვაჟას ზოგიერთი პოემის საფუძველი გახდა („ალუდა ქეთელაური“, „სტუმარ-მასპინძელი“, „გველის მჭამელი“). ნარკვევში ვრცლადა ასახული 1905 წლის რევოლუცია, საქართველოს რუსეთის მონობისაგან გათავისუფლება, ეროვნულ-გამათავისუფლებელი ბრძოლა, ილიას მკვლელობა და აკაკის გარდაცვალება; გამოცემების: „დროება“, „ივერია“, „კვალი“, „თეატრი“, „ჯეჯილი“ და „მრნამსის“ ფურცლებზე გაშლილი პოლემიკა.

ნაშრომში საუბარია ვაჟასა და აკაკის პოლემიკაზე ენასთან დაკავშირებით. ასევე, ვაჟას კრიტიკოსებსა და ქომაგებზე. ავტორი ეხება ვაჟას ავადმყოფობას, იუბილესა და ალსასრულსაც.

წიგნს ერთვის დამოწმებული ლიტერატურის სია და ლექსიკონი. აღნიშნული წიგნი არის მესამე შევსებული გამოცემა.

სტ.

**ი. ევგენიძე**

**ვაჟა-ფშაველა და ქართველი საზოგადოება**

**წიგნში: ნარკვევები ქართული ლიტერატურის ისტორიიდან, I  
თბ., 2000 (გვ. 5-97)**

წიგნი ორი ნაწილისაგან შედგება. ვაჟა-ფშაველას შესახებ საუბარია პირველ ნაწილში, რომელიც, თავის მხრივ, სამ ნაკვეთადაა გაყოფილი: I. აქ ნარმოდგენილია ვაჟა-ფშაველასა და ქართული საზოგადოების დამოკიდებულების კვლევის ცდა. ავტორმა სცადა ეჩვენებინა ვაჟასა და მისი დროის საზოგადოებრივ-ლიტერატურული ატმოსფეროს ურთიერთმიმართების პროცესი (პრესისა და სხვა დოკუმენტური მასალის მიხედვით); II. მეორე ნაკვეთში საუბარია იმის შესახებ, თუ როგორ აღიქვა დიდი მგოსანი მისმა თვითმხილველმა, უმცროსი თაობის სახელოვანმა მწერალმა გრიგოლ რობაქიძემ და III. მესამეში კი აღწერილია, სოციალურ-პოლიტიკური პრესინგის მიუხედავად, მეცნიერული თვალსაზრისით რა დონეზე განიხილა პოეტის შემოქმედება ჩვენი დროის გამოჩენილმა მეცნიერმა გრიგოლ კიკნაძემ.

ნარკვევში თვალსაზრისით წარმოდგენილი ვაჟას გრიგოლ რობაქიძის უეული რეცეფცია (კერძოდ, საუბარია შემდეგ საკითხებზე: ვაჟა-ფშაველას მრნამსის საკითხი, მითიურის საკითხი, ქართულ ხალხურ სიტყვიერებასთან და კლასიკურ ლიტერატურასთან ვაჟა-ფშაველას მიმართების საკითხი გრიგოლ რობაქიძის ნაზრევში და გრიგოლ რობაქიძე ფშაური დიალექტის პოეტური ფუნქციისა და ვაჟა-ფშაველას ენობრივი სამყაროს შესახებ);

მკვლევარი მიმოიხილავს გრ. კიკნაძის ღვაწლს ვაჟა-ფშაველას შემოქმედების კვლევის საქმეში და ასკვნის, რომ ავტორი კომპლექსურად იკვლევს ვაჟას შემოქმედების პრობლემატიკას, ჩინებულად იმარჯვებს მოსაზღვრე დისციპლინათა – ფილოსოფიის, ესთეტიკის, სოციოლოგიის, პედაგოგიკა-ფსქოლოგიის, ეთნოგრაფიის და ა. შ. მონაპოვარს და აღძრულ პრობლემათა სრულიად ახლებურ ინტერპრეტაციას გვათავაზობს.

ნ.ჭ.

ი. ევგენიძე

ვაჟა-ფშაველა

(ცხოვრებისა და შემოქმედებითი ისტორიის საკითხები)

თბ. უნივერსიტეტის გამომცემლობა, 1989

მკითხველი ნაშრომიდან შეიტყობს, თუ „როგორ აღიქვა და შეაფასა ქართველი საზოგადოების ყველაზე მგრძნობიარე და ფაქიზმა ნაწილმა — ქართული მხატვრული სიტყვის წარმომადგენლებმა — ვაჟას პიროვნება და შემოქმედება“. ავტორის აზრით, ამ შეფასებას პოეტის შემოქმედებითი ისტორიის თვალსაზრისით დიდი მნიშვნელობა ჰქონდა. წერილი რამდენიმე ნაწილისგან შედგება: I ნაკვეთი ზოგადია და იმ შესაძლო ტენდენციათა წინასწარი ვარაუდის სახით წარმოჩენას ისახავს მიზნად, როგორც შეიძლება განვითარდეს საზოგადოებისა და გენის ურთიერთობა. II ნაკვეთში ავტორი ცალ-ცალკე განიხილავს 20 ქართველი მწერლის შემოქმედებით შეხვედრას ვაჟასთან (ილია, აკაკი, სოფრომ მგალობლიშვილი, დ. კლდიაშვილი, ბაჩანა, ვ. ბარნოვი, ტ. ტაბიძე, პ. იაშვილი, ვ. გაფრინდაშვილი, შ. აფხაძე, გ. ლეონიძე, მ. ჯავახიშვილი, კ. გამსახურდია, ა. აბაშელი, დ. შენგელაია, ს. ჩიქოვანი, გრ. და ირ. აბაშიძეები, თ. ჭილაძე, რ. ჯაფარიძე). ავტორი ფაქტების შეფასებას დიალექტიკური განვითარების კანონზომიერებათა გათვალისწინებით წარმოაჩენს და ხშირად უკვე მიღებულ თვალსაზრისსაც არგუმენტირებულად ცვლის (მაგ.: აკაკისა და ვაჟას გაპატირება). მკვლევარი საკითხს ტრადიციული ხაზით განიხილავს (ამა თუ იმ მოღვაწის აზრი ვაჟაზე), თუმცა ახალი და მეტად საინტერესო ასპექტიც იკვეთება: ვაჟას გავლენა ქართული ლიტერატურული აზრის განვითარებაზე. წერილი საინტერესოა ყველა ასაკისა და სხვადასხვა ინტერესის ქართველი მკითხველისთვის, რადგან ლიტერატურული აზრის განვითარების ისტორიის მეტად მნიშვნელოვან ფურცლებს წარმოაჩენს.

ე.ჩ.

## ეთერ თათარაიძე

მამამა ლმერთს ჩამაჰყარა სახელი  
(გულქან რაზიკაშვილის ნაამბობი)  
II შევსებულ-შესწორებული გამოცემა;  
თბ., გულანი, 1991.

ნიგნში წარმოდგენილია ვაჟა-ფშაველას ქალიშვილის, გულქან რაზიკაშვილის, მოგონებები. მკითხველი გაეცნობა დიდი შემოქმედის ცხოვრების დღემდე უცნობ დეტალებს, შვილის თვალით აღქმულ მამას: ვაჟას ოჯახში და ოჯახის წევრებთან. მკითხველს შესაძლებლობა ეძლევა დაინახოს, რით ჰგავს და განსხვავდება ვაჟა-შემოქმედი ვაჟა — ოჯახის მამისა და ყოფით პრობლემებთან პირისპირ დარჩენილი ადამიანისგან. დააკვირდეს მამა-შვილის ურთიერთობის დეტალებს, დიდი შემოქმედის პირადი ცხოვრებისა თუ ფშაველთა საოჯახო-ეთნოგრაფიული ყოფის არაერთ საინტერესო ეპიზოდს. მოგონებებს სიცხადესა და შთამბეჭდავობას მატებს ფშავური კილო, რაც ბუნებრივად გვაბრუნებს ვაჟას შემოქმედების წიაღში, ხოლო მოგონებათა ფრაგმენტულად გადმოცემით წიგნის ავტორი თითქოს უშუალოდ გვასმენინებს ცხოვრებით დაღლილი მოხუცი გულქან რაზიკაშვილის ნაფიქრსა და ნაამბობს. პაუზებიანი, განყვეტილი თხრობის შედეგად გულქანისთვის შინაურად ქცეულ ეთერ თათარაიძესთან ერთად შეეცდება მკითხველი გაიგოს დიდი მოაზროვნის ქალიშვილის წუხილი, ფიქრი, ხვედრი, ამოიკითხოს, რით ამსგავსებს გულქანი მამას თავს: „მე და მამას ერთ კალაპოტში გვიდგა ფეხები და ერთნაირად გბერდებით“, რომ ჩიოდა.

მოგონებებს ერთვის ამირან არაბულის ბოლოსიტყვა „გულქანი“ და მწერლის ქალიშვილისა და ფშაველთა ყოფის ამსახველი 20-ზე მეტი ფოტო.

ე.ჩ.

## არტურ ლაისტი

ვაჟა-ფშაველა

წიგნში: საქართველოს გული, ნ. 2.

თბ., 1927

კრებული ქართველი ერის მეგობრის — არტურ ლაისტის — მოგონებათა და წერილების კრებულია, რომელთა თემატიკაც საქართველოს ისტორია და ქართული კულტურაა. „შორეული თვისიანი“ უწოდა ჯერ კიდევ უცხოეთში მოღვაწე არტურ ლაისტს იღია ჭავჭავაძემ“. არტურ ლაისტი ქართულ კულტურულ პროცესთა შესანიშნავი შემფასებელია. კრებულში ვაჟას შესახებ ორი მცირე წერილია წარმოდგენილი. მკითხველი გაეცნობა „შორეული თვისიანის“ ემოციურ შეფასებებსა და დასკვნებს: „ვაჟა უმაგალითო მოვლენაა კაცობრიობის ისტორიაში... იღიას ჩემთვის უთქვამს, ვაჟა-ფშაველა არის გენიალური პოეტი და ყველაფრით განირჩევა თანამედროვე პოეტებისგან“ (გვ. 76). რა ქმნის, არტურ ლაისტის თვალსაზრისით, ვაჟას გენიალურობას და რით განირჩევა თანამედროვეთაგან „მთის პოეტი — ვაჟა“? ავტორი ვაჟას ფენომენის ჩამოყალიბების გზის მოკლე მიმოიხილვის შემდეგ გამოკვეთს, რა განასხვავებს მას ალ. ყაზბეგისა თუ მთის სხვა წარმომადგენელთაგან. თვითგანვითარება, ფშავურ ლოკალურ არეს-თან ორგანული კავშირი არტურ ლაისტისთვის ის ორი ნიშია, რაც ქმნის ვაჟას თავისებურებას და განუზომლად ზრდის მის მნიშვნელობას, ერთი მხრივ, ქართველი ერისა და, მეორე მხრივ, ზოგადად კაცობრიობისთვის. „როგორც ფრიგის მეფე მიდასი ყველაფერს ოქ-როდ აქცევდა, ისე ვაჟაც ყველაფერს პოეზიად აქცევს... იგი პოეტია, რომლისთვისაც არსებობს მხოლოდ პოეზია, ყოველგვარი „იზმისგან“ თავისუფალი“ (გვ. 73). იშვიათია, უცხო ქვეყნის შვილმა ასე იგრძნოს სხვა ქვეყნის კულტურა, როგორც არტურ ლაისტმა. ამიტომ, მიუხედავად დროის მსვლელობისა, მის შეფასებებს ღირებულება არ დაუკარგავს.

ე.ჩ.

ვ. რაზიკაშვილი

მამაჩემი ვაჟა-ფშაველა

თბ., 1977

ავტორი გარდა საკუთარისა, ჭიგნში წარმოგვიდგენს მის მიერ ჩაწერილ ვაჟას თანამედროვეთა — არჯალაანთ ლვთისოს, ჭრელა მოლოდინაშვილის, ქამიერაანთ პავლეს, გოდერძის, ხეხერას, პეტრიანთ ლუკასა და სხვათა მოგონებებს. ავტორის თქმით, მან მასალა შერჩევით შეიტანა წიგნში. კერძოდ, რაც არ შეეფერებოდა ვაჟას ხასიათს, მიიჩნია ხალხის შეთხზულად და უგულებელყო. წიგნში მკითხველი გაეცნობა ვაჟას ოჯახურ ცხოვრებას, მის ურთიერთობას ნათესავებთან, მეზობლებთან; აგრეთვე პოეტის საზოგადოებრივ საქმიანობას.

წიგნი შვიდი თავისაგან შედგება. პირველს ეწოდება „რაც მახსოვს“; მასში ავტორის ადრეული სიყრმის მოგონებებია მოცემული; მეორე ნაკვეთში დედის, თამარის, ნაამბობს გადმოგვცემს ავტორი (დაოჯახებიდან მოყოლებული, პოეტის გარდაცვალებისა და დაკრძალვის ჩათვლით). მესამე თავში დაწვრილებითაა მოთხრობილი, როგორი იყო ვაჟა ოჯახურ გარემოცვაში. როგორ ახსოვთ შვილებს ვაჟას პირველი მეუღლის, კეკეს გარდაცვალება და ა.შ. შემდეგ თავებში მკითხველი გაეცნობა: IV. ვაჟა ნათესავებში; V. ვაჟა და მეზობლები; VI. ჩარგლიდან თბილისისკენ.; VIII. ვაჟა და საზოგადო მოღვაწეები (ნიკო სულხანიშვილი, ნინო ფურცელაძე, აკაკის იუბილე, ვაჟა ქართველ მწერალთა და უურნალისტთა წრეში და ა. შ).

6.ფ.

ქ. შენგელია

ქართველ მწერალთა მიმართება ვაჟა-ფშაველასადმი

თბ., 2005

მკვლევრის მიზანი იყო, ერთი მხრივ, ვაჟა-ფშაველას შემოქმედების არსის წვდომა, მისი მხატვრულ-ფილოსოფიური თავისებურებების გამოვლენა, ხოლო, მეორე მხრივ, ამ თავისებურებათა ირადიაციების შესწავლა ქართული მწერლობის განვითარების მომდევნო ეტაპზე. ვაჟასთან ქართველ მწერალთა მიმართება მრავალგანზომილებიანია და რთული; მისი მეტ-ნაკლები სისრულით განჭვრეტა არა ერთი მკვლევრის ძალისხმევას მოითხოვს.

ვაჟა ფშაველას შემოქმედებამ ბევრ ქართველ მწერალს გაუღვიძა ინტროსპექციული ძიების სურვილი; ამ მრავალსპექტრიან შემოქმედებითი მიმართების პროცესიდან მკვლევარი მიყვება ერთ კონკრეტულ სახეს, რომელიც მინდიას სახისმეტყველურ ასპექტებს გულისხმობს ქართულ ლიტერატურაში. ეს მაღალზნეობრივი გმირი ქართული პროზის დიდ წარმომადგენელთამხატვრული აზროვნების ორგანულ ნაწილად იქცა.

ნიგნში შესწავლილია XX საუკუნის სამი დიდი ხელოვანის — გრიგოლ რობაქიძის, კონსტანტინე გამსახურდიასა და მიხეილ ჯავახიშვილის — შემოქმედებითი მიმართებების ზოგიერთი ასპექტი ვაჟა ფშაველას ნაზრევთან.

ნაშრომი ოთხი თავისა და დასკვნისაგან შედგება. I. ზოგიერთი რამ ვაჟა-ფშაველას ფენომენის განცდა-გააზრებისათვის XX საუკუნის ქართულ ლიტერატურაში; II. XX საუკუნის II სახევრის ქართული კრიტიკა ვაჟა-ფშაველას მრწამსის შესახებ („გველისმჭამელის“ მიხედვით); III. ვაჟა-ფშაველას ფემომენის მხატვრული ფორმები XX საუკუნის ქართულ მწერლობაში („გველისმჭამელისა“ და „ლამარას“ იდეური მსგავსება-განსხვავებანი); IV. ვაჟა-ფშაველას ეთნოგრაფიული წერილების ექო ქართველ მწერალთა შემოქმედებაში („ხოგაის მინდია“).

ნიგნს ერთვის გამოყენებული ლიტერატურის სია.

6.ფ.

გ) შემოქმედება და საზოგადოებრივი მოღვაწეობა

კ. აბაშიძე

ვაჟა-ფშაველა წიგნში: ეტიუდები მე-19 საუკუნის

ქართული ლიტერატურის ისტორიიდან, ტ. 2

ქუთაისი, 1912, გვ. 185-241

წერილის შესავალ ნაწილში ავტორი მსჯელობს ლიტერატურულ მიმართულებათა განვითარების ზოგად ტენდენციებზე, განიხილავს ნატურალიზმის, რეალიზმის, სიმბოლიზმისა თუ რომანტიზმის თავისებურებებს. სტატია თემატიკის მიხედვით დაყოფილია ოთხ თავად. პირველ თავში ავტორი ვაჟას ბუნებისადმი დამოკიდებულებაზე, პოეტისათვის ბუნების მნიშვნელობაზე საუბრობს და წარმოაჩენს იმ კონკრეტულ მხატვრულ სახეებს, რომლებითაც ვაჟა აცოცხლებს ბუნების სურათებს. თემატურად პირველი თავის გაგრძელებაა მეორე თავიც, რომელშიც ავტორი ცდილობს წარმოაჩინოს ბუნებასა და ადამიანს შორის კავშირის კანონზომიერება, ადამიანის ადგილი სამყაროში. ავტორს შემოაქვს ზეკაცის თემატიკაც, რომელსაც განიხილავს „გველის მჭამელის“ მაგალითზე. მეოთხე თავში მკვლევარი წარმოაჩენს ინდივიდისა და საზოგადოების ურთიერთმიმართების პრობლემებს „ალუდა ქეთელაურისა“ და „სტუმარ-მასპინძლის“ მაგალითზე, საუბრობს სიყვარულის მოტივებზე ვაჟას შემოქმედებაში. მკვლევარი ასკვნის, რომ ვაჟა-ფშაველას პოეზია კანონიერი მემკვიდრეა ჩვენი ლიტერატურის განვითარებისა, ვაჟა „შეიქმნა ჩვენში სიმბოლიზმის დამწყები და განმამტკიცებელი.“ აქვე სტატიის ავტორი შენიშვნას გამოთქვამს ვაჟას პოეზიის ტექნიკური მხარის შესახებ, რომელიც, მისი აზრით, ვერ არის ისეთივე უნაკლო, როგორიც პროზაში.

6.6.

ა. არაბული

ვაჟა-ფშაველას პოეტურ სამყაროში  
თბილისი, 1990

წიგნში განხილულია ხალხურ სიტყვიერებასთან ვაჟა ფშაველას შემოქმედებითი დამოკიდებულების რიგი საკითხები; ნაჩვენებია პოეტის შინაგანი სიახლოვე ფშავ-ხევსურეთის უძველეს მითოლოგიურ ნარმოდგენებთან.

ავტორი ეხება ვაჟას პოეზიის რჩეულ ნიმუშებს, ყურადღებას ამახვილებს ე.წ. თვითგამეორების მხატვრულ ხერხზე და სათანადო ანალიზის გზით მიდის დასკვნამდე, რომ ლექსი „მთას ვიყავ“ პოემა „გველის მჭამელს“ წინარე ლიტერატურული სახეა, ანუ, სხვაგვარად, ხსენებულ ლექსში გატარებული აზრი მისი შექმნიდან ერთი ათეული წლის შემდგომ გაღრმავდა და გაიშალა ფილოსოფიური განზომილების ეპიკურ ნაწარმოებში; ავტორისათვის თანამიმდევრული განსჯის ობიექტად იქცა ლირიკულ ქმნილებაში დასმული და ჩამოყალიბებული, ყოველი ეპოქისათვის ფასეული და აქტუალური პრობლემა ადამიანის საამსოფლო დანიშნულებისა, გარესინამდვილესთან მისი მიმართებისა.

მკვლევარი ფაქტობრივი მონაცემების საფუძველზე წარმოაჩენს თამარ მეფის სახეს ქართულ ზეპირსიტყვიერებასა და ვაჟა ფშაველას შემოქმედებაში; მიუთითებს, რომ თამარის პიროვნების ჰიპერბოლიზებას ვაჟას ნააზრევს მყარი ნიადაგი მოეძევება, ერთი მხრივ, მრავალფეროვანი ფოლკლორული წყაროების, ხოლო, მეორე მხრივ, ისტორიული მატიანეებისა და ძველი ქართული მწერლობის თვალსაჩინო ძეგლების სახით.

შესწავლილია ზეიადაურის არაორდინარულობის გადმოსაცემად გამოყენებული მეტაფორის — „ცით ჩამოსული სვეტადა“ — მითოსური ძირები. გარდა ამისა, წიგნი მოიცავს კიდევ რამდენიმე წერილს, რომელთა მიზანია, ფოლკლორულ-ლიტერატურული ურთიერთობის დღემდე ნაკლებად ყურადღებული საკითხების წინ წამოწევა და გაშუქება.

ა.ა.

გ. ასათიანი

„ვეფხისტყაოსნიდან“ „ბახტრიონამდე“

თბ., 1974, გვ. 336-402

ნიგნში ავტორი საუბრობს იმ მწერლებზე, რომელთაც არსებითად გაამდიდრეს ქართული პოეტური აზროვნება XIX საუკუნეში. ცხადია, მათ შორისაა ვაჟა-ფშაველაც. მკვლევრის აზრით, სინამდვილის „მატერიალისტური ხილვა“ ჯერ კიდევ არ არის მთელი სისრულით რეალიზებული სახეთა შინაგან სტრუქტურაში იღიასა და აკაკის შემოქმედებაში. ამ მხრივ ვაჟა-ფშაველას პოეზია ახალი ნაბიჯია ქართული რეალიზმის განვითარების გზაზე. „მხატვრული მატერიალიზმი“ აქ თავის მწვერვალს არწევს. ისევე, როგორც „ვეფხისტყაოსანში“, ვაჟასთან ქვეყანა ამეტყველებულია „უთვალავი ფერით“. აქ კვლავ ალორძინებულია სიცოცხლის კულტი, რომელიც თავისი შინაარსით, რა თქმა უნდა, ბევრად უფრო ფართოა, ბევრად უფრო სალი და ყოვლისმომცველი, ვიდრე ალ. ჭავჭავაძის ჰედონიზმი და ამ ფართო მნიშვნელობით საკუთრივ კლასიკურ მსოფლგანცდას უახლოვდება.

მკვლევრის აზრით, ვაჟა ფშაველას პოეტურ აზროვნებაში მთავარია არა თავისთავად ეს თვისება, კიდევ უფრო დიდი მნიშვნელობა აქვს იმ გარემოებას, რომ მის მიერ შექმნილ პოეტურ სისტემაში გენიალური ნათელხილვით განჭვრეტილია „რეალურისა“ და „იდეალურის“ ურთიერთგანმსჭვალავი ერთიანობა. ეს არის არსებითად განსულ-დგმულებული“, ფრთაშესხმული მატერიალიზმი.

ვაჟას პოეტურ მემკვიდრეობაში თავის ზენიტს აღწევს გასული საუკუნის ქართული რეალისტური მწელობის ჰეროიკული შემართებაც.

ვაჟას მემკვიდრეობა, როგორც დამაგვირგვინებელი საფეხური ეპოქის ლიტერატურული განვითარებისა, სავსებით ცხადყოფს ამ პროცესის შინაგან აზრს: ვაჟა-ფშაველას რეალიზმი ჰეროიკული რეალიზმია.

მკვლევრის აზრით, სწორედ ვაჟამ ასწია პოეტური აზროვნების ევოლუციის ახალ საფეხურზე შვიდსაუკუნოვანი ინტერვალის შემდეგ რუსთველური რენესანსული ჰარმონია.

ნ.ჭ.

საუკუნის პოეტები

თბ., „მერანი“, 1988 245-315

წიგნში მკითხველი გაეცნობა ავტორის უაღრესად საინტერესო და ორიგინალურ ხედვას, ღრმა და საფუძვლიანი ანალიზის შედეგად მიღებულ დასკვნებს. მკვლევარი, ერთი მხრივ, აფასებს ვაჟას შემოქმედებას, როგორც ქართული მწერლობის განვითარების კანონზომიერ საფეხურს, რომელიც ილიასა და აკაკის შემოქმედებათა ბუნებრივი გაგრძელებაა. მეორე მხრივ კი, ვაჟას შემოქმედების ორიგინალობისა და თავისებურებების ახსნისას მის ლიტერატურულ შეხედულებებზე ამახვილებს ყურადღებას. ვაჟას ესთეტიკური მრნამსის, მეთოდის, პოეტური აზროვნების თავისებურებების შესახებ ქართულ კრიტიკაში არსებული პრობლემური საკითხების გადაჭრისას გ. ასათიანი პირველარისხოვან მნიშვნელობას თვით მწერლის მოსაზრებებს ანიჭებს. მკვლევარი ვაჟას ესთეტიკური თვალსაზრისის თანდათანობით განვითარებასა და ლიტერატურაში მათ ასახვას უთუოდ გასათვალისწინებელ გარემოებად თვლის, თუმცა მწერლის შემოქმედებითი კრედოს გამთლიანების უმნიშვნელოვანეს ფაქტორად ხალხურ შემოქმედებას-თან სიახლოვეს მიიჩნევს.

მკვლევარი საყურადღებო დასკვნებს გვთავაზობს ვაჟას წერილების („გმირის იდეალი ფშაურ პოეზიის გამოხატულებით“, „ფიქრები“, „ნიჭიერი მწერალი“, „მცირე რამ „ვეფხისტყაოსნის“ შესახებ“) განხილვის შემდეგ: „ხალხურობა და რეალიზმი ორი ქვაკუთხედია ვაჟას მხატვრული მსოფლგაგებისა“ (გვ. 248). ამავე დროს, რომანტიკულისა და რეალისტურის შეუღლებას ფშაურ პოეზიაში ვაჟას სამწერლობო კრედოსთვის მნიშვნელოვან მახასიათებლად და გასათვალისწინებელ ფაქტორად წარმოაჩენს. ვაჟას მკვლევარი რეალისტური აზროვნების უმაღლეს საფეხურად და კანონზომიერ დასასრულად თვლის.

ე.ჩ.

დ. ბენაშვილი

ვაჟა-ფშაველა. შემოქმედი და მოაზროვნე

თბ. 1961

მონოგრაფია მოიცავს შესავალსა და 11 თავს. შესავალში მეცნიერი მიმოიხილავს ვაჟა-ფშაველას შემოქმედების შესწავლის სხვადასხვა ეტაპებს: კ. აბაშიძის, ივ. გომართლის, ჯ. ჭუმბურიძის, მიხ. ზანდუკელის, ს. დანელიასა და სხვათა სამეცნიერო კვლევებს. მეცნიერი რუსული და ფრანგული სიმბოლიზმის გაანალიზების საფუძველზე მიიჩნევს, რომ ვაჟა-ფშაველას არც შემოქმედებითი მეთოდი და არც ეს-თეტიკური კონცეფცია არ ენათესავება სიმბოლიზმს. მკვლევარი მწერლის შემოქმედებიდან გამორიცხავს ანიმიზმსა და პანთეიზმსაც; დ. ბენაშვილი განიხილავს ვაჟა-ფშაველას თანამედროვე მკვლევართა შეხედულებებს; ემიჯნება მოსაზრებას, რომ მწერლის შემოქმედება კამერულია და აღმოსავლეთ საქართველოს მთიანეთის სოციოკულტურულ კონტექსტს ვერ სცილდება.

დ. ბენაშვილი დეტალურად მიმოიხილავს მწერლის ბიოგრაფიას, რადგან მიიჩნევს, რომ ყოფით დეტალებს დიდი მნიშვნელობა აქვს შემოქმედების ანალიზისას. შემდეგ თავში მეცნიერი საუბრობს მწერლის პოემების ქართულ მითოსთან მიმართების საკითხებზე, პიროვნულისა და ზეპიროვნულის დიალექტიკაზე ვაჟა-ფშაველას ეპოში; დ. ბენაშვილი განსაზღვრავს მწერლის პოეტური ტექსტების ძირითად შენაკადებს. მისი აზრით, პოეტი მხატვრულად გადაამუშავებს როგორც მარადიულ, მეტაფიზიკურ, ასევე დროის ადეკვატურ, აქტუალურ პრობლემატიკას. შემდეგ ნაკვეთში მეცნიერის მთავარი მსჯელობის საგანია ადამიანისა და ბუნების ძალთა დამოკიდებულება სამყაროში. ვაჟას დრამატურგიზე მსჯელობისას კი მეცნიერი აანალიზებს ცალკეული გმირების ხასიათებს, ტიპიზაციის მეთოდს; სიუჟეტური ქარგისა და კომპოზიციის, დიალოგებისა და მონოლოგების ორგანიზების ტექნიკურ საკითხებსაც.

მკვლევარი საგანგებო ყურადღებას უთმობს მწერლის ეთიკურ-ესთეტიკური ღირებულებების ანალიზს, თემატურად და თანმიმდევ-

რულად განიხილავს მწერლის ეთნოგრაფიულ და ფოლკლორისტულ ნაშრომებს; მსჯელობს ვაჟა-ფშაველას დამოკიდებულებებზე ფშავ-ხევსურული წეს-ჩვეულებებისადმი; ცალკეული ადათების ჩამოყალიბებისა და განვითარების ისტორიებზე;

ნაშრომის ბოლოს მკვლევარი განიხილავს ვაჟას ტექსტების ვარიანტებს და იმ დროისათვის არსებული გამოცემების ხარვეზებიდან გამომდინარე, სვამს ვაჟა-ფშაველას მეორე აკადემიური გამოცემის მომზადების საკითხს.

ზ.ც.

#### ი. ბოცვაძე

#### ვაჟა-ფშაველა და მისი კრიტიკოსები საბჭოთა საქართველო, 1965

იოსებ ბოცვაძე ამ ნაშრომში თანამიმდევრულად მიმოიხილავს ყველა იმ მოსაზრებას, რაც კი გამოთქმულა ქართულ სინამდვილეში დღიდან ვაჟას ლიტერატურულ სარბიელზე გამოსვლიდან პოეტის გარდაცვალებამდე (ი. მანსვეტაშვილი, ივ. გომართელი, გრ. ყიფშიძე, ილ. ნაკაშიძე, კ. აბაშიძე, ი. ვართაგავა და სხვანი);

კრიტიკოსები ხშირად ურთიერთსაწინააღმდეგო მოსაზრებებს გამოთქვამენ. მათ შეხედულებებს ახლავს თავად იოსებ ბოცვაძის მოსაზრებებიც ამა თუ იმ საკითხთან დაკავშირებით; კერძოდ, რა დამოკიდებულება გააჩნია ვაჟა-ფშაველას ენისადმი; რას გულისხმობს პოეტი პატრიოტიზმის ცნებაში; რომელ ლიტერატურულ მიმდინარეობას მიაკუთვნებენ მწერალს; რაა მისთვის სამშობლო, ბუნება და როგორ ახერხებს მის ასახვას შემოქმედებაში და სხვა;

ზ.ც.

გ. ბუაჩიძე

წახნაგები  
თბ., 1983 (გვ. 54-72)

კრებულში შესულია წერილები და ნარკვევები ქართულ და ფრანგულ ლიტერატურასა და ლიტერატურულ ურთიერთობებზე. ავტორი აშუქებს პოეზიისა და პროზის ყველაზე მნიშვნელოვან მოვლენებს, განსაკუთრებულ ყურადღებას უთმობს 70-იანი წლების ლიტერატურული პროცესების განხილვას.

კრებული შედგება ორი ნაწილისაგან. პირველი ნაწილი ეხება პოეზიას, სადაც შედის შვიდი წერილი; „ბოდლერის ცივი მზე“, „თეთრი მალარმე“, „ვაჟა-ფშაველას პოემების კომპოზიცია“, თ „აპოლინერია“, „თავის ქალა, სამკაული და ყვავილები“, „სენ-ჟონ პერსი“ და „პოეზია ჯინსებში“. მეორე ნაწილში კი შესულია წერილები უან-უაკ რუსოს, მარსელ პრუსტის, რომენ როლანისა და სხვათა შესახებ;

პოეზიის ნაწილში ერთი წერილი ეხება ვაჟა-ფშაველას შემოქმედებას, სადაც ავტორი განიხილავს ვაჟას პოემების კომპოზიციას „სტუმარ-მასპინძლის“ და „გოგოთურ და აფშინას“ მაგალითზე. ავტორი იძლევა პოემის შინაარსის განმაზოგადებელ სქემას და ასკვნის, რომ სიუჟეტურ დერძს წარმოადგენს ორთაბრძოლა. სხვა პერსონაჟების მონაწილეობა, თუნდაც მსხვერპლის, დერძს არ ცვლის. კვანძს ხსნის სიკვდილი. მოქმედების დრო ზოგადად წარსულშია გადატანილი. ავტორი საგანგებოდ აღნიშნავს, რომ პოემის სურათები ხშირად ლამის ფონზე იკვეთება. ვაჟა წარმოგვიდგენს პერსონაჟთა თავგადასავალს დილიდან დაღამებამდე. ამის მიღმა იკვეთება ფართო ალეგორია: დაბადებიდან სიკვდილამდე. ციკლი მრავალგზის მეორდება. მას ხან დასაწყისი აკლია, ხან — ბოლო, მაგრამ იგი თითქმის ყოველთვის იგულისხმება მთლიანობაში;

სტ.

## კ. გამსახურდია

ხუთი ლექცია  
თბ., 2005, გვ. 63-89

ნიგნში თავმოყრილია გამსახურდიას ხუთი ლექცია: „ვეფხისტყაოსანი“ რუსთაველისა“, მ. „ერისა და ისტორიის შესახებ“, „ვაჟა-ფშაველა, კავკასიონის დიადი სულის მესიტყვე“, „მთარგმნელობითი ხელოვნებისათვის“, „საქართველოს დამსხვრეული გვირგვინი“.

წერილში „ვაჟა-ფშაველა, კავკასიონის დიადი სულის მესიტყვე“ ავტორი აღნიშნავს, რომ მე-19 საუკუნე ეპიკის საუკუნეა და ვაჟას ეპიკური ქმნილებები თავიანთი განწყობილებითა და აღნაგობით სულ სხვაგვარია, ვიდრე მე-19 საუკუნის ევროპული დრამა ან რომანი. ვაჟას ლექსებში, შესაძლოა, ყოველთვის არ იყოს მკაცრად გარანდული რითმები, რთული ტროპიკა და მეტაფორათა სისტემა; მისი პოეზია დინამიკური და მძლავრია. ვაჟასთან საგრძნობია ხალხური იდუმალთმეტყველება, მითოსი, მისტიკა. ვაჟას შემოქმედებაში თითქოს სუნთქვას წინასორატესეული ხანის იდუმალთმეტყველური სკოლების ცხოვრება, რომლის წიაღშიც ხელოვნება, რელიგია და მეცნიერება ჯერ არ იყო დიფერენცირებული და ერთ მთლიანობას წარმოადგენდა.

შემდეგ ავტორი საუბრობს ვაჟას პოეტურ ენაზე. ჯერ განიხილავს ქართულ სალიტერატურო ენას და მის იმ ტრადიციებს და ნორმებს, რომელიც ვაჟას დახვდა. ფშავ-ხევსურული მეტყველება, გაჯერებული ძველი ქართული ინტონაციით, თანამედროვეობის ქართულზე უფრო მეტადაც გადმოსცემს სპირიტუალური სამყაროს განცდებს.

წერილში საუბარია ვაჟასეულ თავისუფლებაზე. ვაჟასთან თავისუფლება ეთიკური გმირობის გზით მოიპოვება და ამის მაგალითია მინდია, ალუდა, ჯოყოლა, ლუხუმი, კვირია. ეს ის გმირები არიან, რომლებშიც თავის გამარჯვებას ზეიმობს ვაჟას გენია. ამის შემდეგ ავტორი საუბრობს ბუნების როლზე ვაჟას შემოქმედებაში და აღნიშნავს, რომ არც ერთ დიდ პოეტს მსოფლიო ლიტერატურაში არ გაუშუქებია ბუნება ისეთი სალვატორისმეტყველო ფილოსოფიური ოპტიკით, როგორც ვაჟას.

სტ.

აკ. განერელია

რჩეული ნაწერები

ტ. II, თბ., 1978.

ნიგნი შედგება სამი ნაწილისაგან. პირველ ნაკვეთში წარმოგენილია ორი მონოგრაფია გრიგოლ ორბელიანსა და ნიკოლოზ ბარათაშვილზე. მეორე ნაკვეთში თავმოყრილია ლიტერატურული წერილები, რომელთა შორისაა სტატია „ვაჟა-ფშაველა და ქართული მითოსი“ (გვ. 190-201). მასში აღნიშნულია, რომ ვაჟა-ფშაველას მთავონების წყაროა საკუთრივ ფშაური ნაკადი ქართული მითოლოგისა. ეს ნაკადი კი თავისებური სიმბიოზია წარმართული და ქრისტიანული წარმოდგენებისა. მკვლევრის აზრით, ვაჟა დგას ქართველ მთიელთა უძველეს შეხედულებათა და წარმოდგენათა ნიადაგზე, ამოდის ქართული მითოლოგის უძრმესი ფენებიდან, საკვირველი მხატვრული ძლიერებით ახდენს თავისი პოეტური ხილვების ფიქსაციას, კი არ ყვება არა-მედ აჩვენებს; ყველაფერი მკითხველის თვალწინ მიმდინარეობს - კი არ მომხდარა, არამედ ხდება. ვაჟას შემოქმედება ქართველ შემოქმედთაგან ყველაზე მდიდარია მითიური ელემენტებით, რაც ქმნის მისი ლირიკისა და ეპოსის უმაღლესი რეალიზმის თავისებურებას. ვაჟა-ფშაველას ლირიკასა და ეპოსში მითოლოგიური წარმოდგენები აბსოლუტიზირებულია, ისინი ნაჩვენებია როგორც რეალობანი. ამიტომაა, რომ ყველაფერი ფანტასტიკური (ლვთაებანი, დევები, შავეთი, წერა მწერელი) ისე იჭრება გმირების შეგნებასა და ცხოვრებაში, როგორც სინამდვილის სრულუფლებიანი ნაწილი.

ნიგნის მესამე ნაწილს კი ეწოდება „პორტრეტები, მოგონებანი“. იგი მოიცავს მასალას სახელოვან ქართველ მეცნიერებსა და საზოგადო მოღვაწეებზე (გ. ტაბიძე, კ. კეკელიძე, გ. ქიქოძე, ზ. ფალიაშვილი და ა. შ.).

ნ.ც.

ს. დანელია

ვაჟა-ფშაველა და ქართველი ერი

თბ., 1927

მკვლევარი მიმოიხილავს პოეტის შემოქმედებას და გვთავაზობს შემდეგ დასკვერებს: ვაჟას პოეზია პოზიტივურ ნიადაგზე დგას და ის აპსოლუტურად განსხვავდება სიმბოლისტური პოეზიისაგან. ის უფრო უახლოვდება პრიმიტივულ ჰილოძოზმს ან ანიმიზმს. ბუნებას ძლიერ სენტიმენტალური (და არა სენტიმენტალისტური) იერი გადაჰკრავს. ვაჟას პოეზია აპოლიტიკურია და ეს გარემოება დაკავშირებულია ვაჟას მსოფლმხედველობასთან, ის ანტი-ინდივიდუალისტია. ის თავის რწმენით უმაღლ წარმართია, ვიდრე ქრისტიანი. ასეთი მსოფლმხედ-ველობის კაცს ფშავურ კილოკავზე უნდა ეწერა და კიდევ ასე წერდა. ლიტერატურული ქართული არ შეეფერებოდა მის სულს და ამ ენაზე ის თავისუფლად ვერ გამოთქვამდა თავის გრძნობებს.

ავტორის აზრით, ვაჟა იყო წარმართი. წარმართს რომაელებიც უწოდებდნენ პაგანუს-ს. პაგუს ნიშნავს სოფელს, კუთხეს; პაგანუს-ი არის „სოფლის მცხოვრები“, „სოფლელი“. როცა ქრისტიანობამ გა-იმარჯვა, მიყრუებულ კუთხეებში, სოფლებში დარჩა კიდევ წარმარ-თობა და ამიტომ „სოფლელი“ იქცა რომაელთათვის წარმართის აღ-მნიშვნელად. ვაჟა-მგოსანი იყო პაგანუს-წარმართი, რადგან ის იყო სოფლელი.

ნ.ფ.

ბ. დობორჯგინიძე

მითოსი და ვაჟა-ფშაველა, შემოქმედი და მოაზროვნე

თბ. 1961

მონოგრაფია შედგება შესავალისა და ხუთი თავისაგან. შესავალში ავტორი სხვადასხვა ასპექტით განავრცობს მსჯელობას მითოსის შესახებ, განსაზღვრავს მის ძირითად პლასტებს: ლოგიკურს, ესთეტი-კურსა და რელიგიურს. კრიტიკოსი განიხილავს მითოსური ცნობი-

ერების სპეციფიკას მისი სინკრეტულობიდან გამომდინარე; მიმოიხილავს საკითხის მეცნიერული შესწავლის მისთვის თანამედროვე მდგომარეობას ევროპელ და ქართველ მკვლევართა შორის.

პირველ თავში მეცნიერი საუბრობს უძველესი ადამიანების ცხოვრებისა და აზროვნების წესის შესახებ, რისი ანალიზის შედეგადაც განიხილავს მითოსური, დაუნაწევრებელი ცნობიერების თავისებურებებს..

მეორე თავში მკვლევარი დეტალურად განიხილავს ზოომორფული და ანთროპორფული აზროვნების მოდელების სპეციფიკას. მითების ანალიზის საშუალებით იგი ცდილობს, განაზოგადოს მითისმქმნელი ადამიანის ცნობიერების თავისებურებები, გარდა ამისა, გამოყოფს ადამიანის ბუნებასთან დამკაიდებულების ძირითად ეტაპებს: უტილიტარულს, ეთიკურსა და ესთეტიკურს.

მესამე თავში მეცნიერი სკრუპულობურად მიმოიხილავს მითის ყველა ძირითად დეფინიციას (ლევი სტროსი, ლოსევი, მელეტინსკი, ლიფშიცი), ცდილობს, დაადგინოს მითის საზღვრები და განასხვავოს იგი ხელოვნებისგან. მკვლევარი ემიჯნება თეორიას ვაჟა-ფშაველას მითისმქმნელობის შესახებ და აღნიშნავს, რომ მხატვრული აზროვნების ეტაპზე მითისკმნის შესახებ საუბარი მეთოდოლოგიურად უმართებულოა, ვაჟა-ფშაველას საქმიანობა კი ამ კუთხით მითოლოგიური მასალების გადამუშავებით ამოინურება.

მეოთხე თავი ეთმობა სამყაროს შემეცნების ორგვარი, მხატვრული და მეცნიერული, ფორმების შესახებ მსჯელობას. მეცნიერი წარმოგვიდგენს ვაჟა-ფშაველას თეორიულ ნააზრევსაც ამ საკითხთან დაკავშირებით. მეხუთე თავში მკვლევარი კი განიხილავს მითოსური ცნობიერების შემდგომ საფეხურს — სამყაროს ესთეტიკური მოდელის ფორმირების პროცესს..

ზ.ც.

## ი. ევგენიძე

ვაჟა-ფშაველა

თბ., 1989.

ნაშრომში თავმოყრილია მასალა, რომელიც ავტორს სხვადასხვა სამეცნიერო სესიებსა და სხდომებზე წაუკუთხავს. წიგნი შედგება ექვსი თავისა და რამდენიმე ქვეთავისაგან. ნაშრომში შესწავლილია ვაჟა-ფშაველას რამდენიმე თხზულების შემოქმედებითი ისტორია და გამოკვეთილია პოეტის ხელოვნების ზოგიერთი სპეციფიკური მხარე. ავტორი ვაჟას შემოქმედების ანალიზის საფუძველზე ადგენს ფოლ-კლორული წყაროებისა და ინდივიდუალური შემოქმედების ურთიერთმიმართების საკითხს. ავტორი საუბრობს ვაჟას მრნამსზე. ამ ასპექტით მსჯელობისას მისთვის ამოსავალი თავად პოეტის შეხედულებებია; შემოქმედებითი ისტორიის კვლევის ზოგად ვითარებაზე მსჯელობის შემდეგ წიგნის ავტორი გამოკვეთს ვაჟა-ფშაველას შემოქმედებით ინტერესს, რომელიც ძირითადად ეთიკური პრობლემებით განისაზღვრება, ხოლო ფონს პატრიოტული, სოციალური, გმირული, ზნეობრივი და ჰუმანური ასპექტები უქმნის.

წიგნის ავტორი ვრცლად საუბრობს ვაჟა-ფშაველას შემოქმედების მოტივებსა და მათ ურთიერთკავშირზე. ამასთან, ცდილობს გაარკვიოს ვაჟას შემოქმედებითი პროცესის წყარო და ნიადაგი. ვაჟას შემოქმედებითი ისტორიის კვლევა ავტორს წარმოდგენილი აქვს სამი ასპექტით: 1. ლირიკა, რომლის გაანალიზების საფუძველზეც მკვლევარი გამოკვეთს მითოსურ მოტივებს – სიკეთესთან დაპირისპირებულ დემონურ ძალას, რაც თავსი მხროვ ქმნის ჰეროიკული გმირის იდეალს და ვაჟას ლექსებს ხალხური ლირიკის განაყოფად აქცევს. 2. პოემები („გოგოთურ და აფშინა“, „ეთერი“, „სტუმარ-მასპინძელი“, „გველის მჭამელი“); 3. პროზაული თხზულებები („პატარა მწყემსის ფიქრები“, „ხმელი წიფელი“, „ბუნების მგოსნები“). ამ თხზულებების მიხედვით მკვლევარი გვესაუბრება იმ ძირითად თემებსა და მოტივებზე, რომლებიც პოეტის შემოქმედების საფუძველს წარმოადგენენ.

6.8.

ი. ევგენიძე

ვაჟა-ფშაველა

(ცხოვრებისა და შემოქმედების საკითხები)

თბ. 1989; გვ. 1-486

წიგნი წარმოადგენს საკმაოდ ვრცელ მონოგრაფიულ ნაშრომს, რომელშიც ავტორის მრავალწლიანი დაკვირვებებია წარმოდგენილი. შედგება შესავლის, ათი თავისა და სახელთა საძიებლისაგან. ავტორის მიზანია წარმოაჩინოს ვაჟა-ფშაველას საარსებო გარემო, ვაჟასადმი ქართული საზოგადოების, უპირატესად კი მხატვრული სიტყვის ოსტატთა დამოკიდებულება-შეფასება, რომელიც იმთავითვე გავლენას ახდენდა მგოსნის შემოქმედებითი პროცესების მიმდინარეობაზე. ვაჟას მოღვაწეობისა და შემოქმედების შესახებ მოცემულია ილია ჭავჭავაძის, აკ. წერეთლის, დ. კლდიაშვილი, ვ. ბარნოვის, ტ. ტაბიძის და სხვათა აზრები.

მკვლევარი შეეცადა ვაჟას პიროვნულ ცხოვრებასთან კავშირში გამოეკვეთა მისივე მხატვრულ ინტერესთა საყრდენი, შემოქმედებითი ისტორიის ასპექტში განხილა ვაჟა-ფშაველას ლირიკა, პოემები და პროზაული თხზულებები. ცალკე თავი აქვს დათმობილი საბავშვო თხზულებათა სპეციფიკისა და შემოქმედებითი ისტორიის ზოგიერთ საკითხს.

6.მ.

შ. ვარაზაშვილი

ვაჟა-ფშაველას დრამატურგია

თბ., 2010

წიგნში მონოგრაფიულადაა შესწავლილი ვაჟა-ფშაველას დრამატურგია ნაშრომში მწერლის დრამატული მემკვიდრეობა შეფასებული და დანახულია არა მხოლოდ ლიტერატურის ისტორიკოსის თვალსაზრისით, არამედ ჩატარებულია ღრმა მეცნიერულ-თეორიული კვლევა.

ნაშრომი 6 კარისა და დასკვნისაგან შედგება: I. პრობლემის კვლევის ისტორიისათვის; მასში აღნიშნულია, რომ ვაჟას დრამატურგიის

კვლევა ძირითადად შემოფარგლულია „მოკვეთილის“ შესწავლით და რომ ეს სფერო მონოგრაფიული შესწავლის საგანი აქამდე არ გამხდარა; II. ვაჟა-ფშაველას მცირე დრამატურგია; აქ განხილულია „სცენა მთაში“, „სცენები“ (ფშავლების ცხოვრებიდან), „სცენები“ (ხევსურები ქალაქში), „ტყის კომედია“; III. კონფლიქტთა განვითარების თავისებურება ვაჟა-ფშაველას „მოკვეთილში“. IV. ხასიათების წარმოსახვის ხერხები ვაჟა-ფშაველას „მოკვეთილში“. V. „მოკვეთილის“ კომპოზიციური სტრუქტურა; VI. „მოკვეთილის“ სცენური სიცოცხლე. ნაშრომის სიახლეა „მოკვეთილის“ სიუჟეტური განვითარებისა და კომპოზიციური სტრუქტურის გამოწვლილებით შესწავლა.

მკვლევრის აზრით, ვაჟა-ფშაველას მცირე პიესები პრობლემათა სიღრმითა და მხატვრული გამომსახველობით არ გამოირჩევიან, მაგრამ ვაჟას დრამატურგიისა და, ზოგადად, მე-19 საუკუნის დრამატურგიის შესაფასებლად მათი გათვალისწინება აუცილებელია. მკვლევარი თვლის, რომ მე-19 საუკუნის ლიტერატურაში არ არის შექმნილი ბახას ხასიათზე უფრო რთული ხასიათი, ვინაიდან მას ბრძოლა უწევს არა მარტო თემის, არამედ, პირველ რიგში, საკუთარი თავის წინააღმდეგ. გარდა ამისა, მკვლევრის აზრით, „მოკვეთილი“ როგორც იდეურ-თემატურად, ისე არქიტექტონიკის თვალსაზრისითაც ახალი მოვლენაა XIX ს. ქართული დრამატურგიის ისტორიაში.

ნაშრომს ერთვის წყაროებისა და გამოყენებული ლიტერატურის სია.

ნ.ფ.

თ. ვასაძე

ორგვარი ცნობიერება

თბ., 2001

ნაშრომს წინ უძლვის წინასიტყვაობა — ინდივიდუალიზმი თუ ეგო-ცენტრიზმი. მკვლევრის აზრით, ქრისტიანობაში ქართველებისთვის განსაკუთრებით მახლობელი და მიმზიდველი აღმოჩნდა მისი ერთ-ერთი ღრმა საწყისი — ინდივიდუუმის თავისთავადი ფასეულობის განმტკიცება. მოგვიანებით კი მიზეზთა გამო გაბატონდა ინდივიდუ-

ალიზმის ეგოცენტრიზმად გადაგვარების ტენდენცია; ეს ტენდენცია განსაკუთრებით ძნელად შესაზღუდავი საქართველოს რუსეთის იმპერიაში მოქცევის შემდეგ გახდა. სწორედ ამ ჭრილში არის წიგნში განხილული ქართველ კლასიკოსთა შემოქმედების ასპექტები. ერთ-ერთ ნაკვეთში — „გველის მჭამელი“ — „მონიწება სიცოცხლის მიმართ“— არა მარტო მინდიას დამოკიდებულებაა განსაკუთრებული სიცოცხლის მიმართ, არამედ შენიშნულია, რომ სწორედ ასეთივეა ვაჟას პროზაში გამოხატული ბუნების სამყარო. ვაჟას პროზაშიც ბუნების არსი სიცოცხლის წყურვილი და სიკვდილისგან განზიდვაა. „მონიწება სიცოცხლის მიმართ“ — ალბერტ შვაიცერის მოძღვრების ფუნდამენტური ფრაზაა. ეს ფრაზა, მკვლევრის აზრით, ვაჟასთვისაც ძირეული ჭეშმარიტებაა.

6.ფ.

ჯ. კაშია

გველისმჭამელი, გაგების ცდა  
პარიზი, 1989

ნაშრომი დაყოფილია თავებად, რომლებიც, თავის მხრივ, შეიცავს ქვეთავებს.

ავტორის აზრით, „გველისმჭამელის“ წაკითხვა ვაჟას შემოქმედების ფონზე გვარნმუნებს, რომ ვაჟას არსებობა განსაკუთრებული შეპყრობილობა იყო. ვაჟამ ქართულ ენაში დაინახა ყოფიერების მარადიული არსება და დაგვიხატა ყოფიერების არსებობის ტრაგედია საწუთოში. ვაჟას თემატიკა არის თავისუფლება, მარტობა, პატრიოტიზმი, სიყვარული, სიკვდილი, პიროვნება, ღმერთი, სამყარო, ბუნება, კულტურა და მათი კავშირი.

„გველისმჭამელი“ ყოფიერების და არსებობის, დროისა და დროულობის, მარადიულობისა და წარმავალობის, ყოფნისა და არყოფნის, სიცოცხლისა და სიკვდილის, სიყვარულისა და სიძულვილის, სიხარულისა და ტანჯვის, ნამდვილისა და მოჩვენებითის სიმეტრიულ სახეზე

მყოფობას გვიხატავს. ამ სიმეტრიათა ველში აღმოჩენილმა ინდივიდმა იმისათვის, რომ შეძლოს არსებობა, უნდა აირჩიოს თავისი გზა.

ავტორის აზრით, „გველისმჭამელს“ მკვეთრად გამოხატული რიცხვთა სიმბოლიკა უდევს ფორმათნყობის პრინციპად. სულ ნაწარმოებში 12 თავია ( $3+4+5=12$ ). ყოველი რიცხვი და მათი ჯამები საკრალურ სიტყვებს წარმოადგენს  $3+4=7$ ;  $3+5=8$ ;  $4+5=9$ . პირველი ნაწილი 3 ნაწილისაგან შედგება, მეორე — ოთხისგან, ხოლო მესამე — ხუთისგან.

მკვდარი კაცი არ გარდაიცვლება. იგი კვდება, როგორც „ხმელი“ ფიჩი, როგორც „ლელვის ხე“. იცხოვროს თუგინდ თრი ათასი წელი. იმისათვის, რომ სიკვდილს გადააბიჯოს, მან უნდა შეიგნოს, გააცნობიეროს და მოინანიოს თავისი ცოდვები. მან თავისი თავი უნდა დაწვას ბუნებისათვის ადგილის გასათავისუფლებლად, წინააღმდეგ შემთხვევაში მას არა აქვს სიცოცხლის გაგრძელების უფლება. იგი კვდება.

მინდიამ თვითმკვლელობით გასცა პასუხი მის წინაშე დასმულ უძირითადეს კითხვას: აქვს თუ არა უფლება სიცოცხლისა ადამიანს, რომელმაც თავის არსებას, თავისი არსებობის პრინციპს, თავის შესაქმეს უღალატა და მით შეიქმნა ყოველი ბუნების მკვლელი. ამიტომ არის „გველისმჭამელი“ მითოექსისტენციალური ნაქმნი, ანუ მითურქმნა.

მკვლევარი თვლის, რომ ამგვარად იხსნება გზა „ჭირთა აქიმობისა“, გზა თავნებობის მაცდურობის დაძლევისა და გამოფხიზლებისა, გზა „მეორედ შობისა“. მითურქმნის ესთეტიკურ და ეთიკურ მისტერიაში ჩაძირვით ადამიანი იხილავს თავის ჭეშმარიტ მდგომარეობას და ამიერიდან მის ხელთაა ყოველივე. მისმა არჩევანმა უნდა განსაზღვროს მისი გზა და პიროვნული შესაქმე.

წიგნს ახლავს შენიშვნები.

სტ.

## მ. კვესელავა

ფაუსტური პარადიგმები  
წიგნი II. თბ. 1961, გვ. 66-668.

მიხეილ კვესელავას ორტომეულში „ფაუსტური პარადიგმები“ ერთ-ერთი ნაკვეთი, „ლაშარის გორი“, ეთმობა ვაჟა-ფშაველას ნაწარმოების განხილვას. მკვლევარი, ჩვეული მხატვრული მანერით, რომელიც ქვეთავების სათაურებშიც გამოვლინდება (პირიმზე, მეტყველი ბუნება, ბუნების გული, მზის სათავე, ლუხუმის გაზაფხული და ა.შ.), განიხილავს ვაჟა-ფშაველას კონცეპციებს ბუნებრივი და დემიურგული ძალების შესახებ. მეცნიერი საგანგებოდ შეისწავლის სინათლის, მზიური საწყისის ფუნქციას ვაჟა-ფშაველასა და გოეთეს შემოქმედებაში; მკვლევარი თვლის, რომ გოეთესა და ვაჟა-ფშაველას შემოქმედებაში მზეს რელიგიური დატვირთვა არ ენიჭება, იგი კოსმიური მთლიანობის ნაწილია, თუმცა მის ცენტრში მოიაზრება.

მკვლევარი საუბრობს ვაჟა-ფშაველასა და გოეთეს იმ გმირების შესახებ, რომლებშიც ხედავს „მშვენიერ“ (გოეთე) / „დიდებულ“ (ვაჟა-ფშაველა) ადამიანს. განსაკუთრებით უღრმავდება ფაუსტისა და მინდიას გმირებს, რომელთა შორის შედარების საფუძველს პოულობს. მ. კვესელავა მიიჩნევს, რომ ფაუსტური იდეების რეინტეგრაციის თვალსაზრისით ვაჟა-ფშაველას შემოქმედება სპეციალურ ანალიზსა და დიდ ყურადღებას საჭიროებს. მკვლევარი უარყოფს აზრს, რომ ვაჟა-ფშაველა ვერ სცდება აღმოსავლეთ საქართველოს მთიანეთის კულტურულ არეალს, რომ მისი შემოქმედება კამერულია თავისი ბუნებით.

მეცნიერი განიხილავს ვაჟა-ფშაველას შემოქმედებით მეთოდებს და ადარებს მას გოეთეს მხატვრულ მეთოდოლოგიას. ასაბუთებს მოსაზრებას, რომ ბუნების ელემენტთა გაპიროვნება ვაჟა-ფშაველას-თან არის არა თვითკმარი ესთეტიკური მოვლენა, არამედ შემოქმედებითი მეთოდი ემყარება ავტორის მსოფლალქმას.

მ. კვესელავას ნაშრომში არ არის გაზიარებული ვაჟა-ფშაველას სიმბოლისტობის, ანთროპომორფისტობის, ანიმისტობის, ან პალიო-

ისტობის იდეა. მკვლევარის აზრით, ბუნების ვიტალური გადმოცემა განპირობებულია არა რომელიმე ზემოხსენებული მიზეზით, არამედ მწერლის პოეტური ფანტაზიით. მეორე მხრივ, მეცნიერი უმართებულოდ მიიჩნევს ვაჟა-ფშაველას შემოქმედებაში პანთეისტური პლასტების სრულიად უგულებელყოფას.

სტ.

**გრ. კიკნაძე**

**ვაჟა-ფშაველას შემოქმედება  
„სახელგამი“, 1957**

გრ. კიკნაძის მონოგრაფია „ვაჟა-ფშაველას შემოქმედება“ შედგება შესავლის, ბოლოსიტყვისა და სამი ნაწილისაგან: I. პატრიოტული ნაკადი ვაჟა-ფშაველას შემოქმედებაში, პიროვნებისა და საზოგადოების ურთიერთობის პრობლემა, ბუნების გრძნობა, ბუნების ვაჟასეული გაგების საკითხი, „გველის-მჭამელი“; II. ვაჟა-ფშაველას შემოქმედების ხალხურობა, წერის მანერა, მხატვრული პროზა, დრამატული თხზულებანი, გმირთა დახატვის ხერხები ვაჟა-ფშაველას შემოქმედებაში; III. ვაჟა-ფშაველა — ქართველ მწერალთა მემკვიდრე და წინაპარი, ვაჟა-ფშაველას პორტრეტი.

გრ. კიკნაძის ნაშრომის განსაკუთრებულ ღირსებად უნდა ჩაითვალოს, რომ მიუხედავად ნახევარსაუკუნოვანი სიძველისა, ის რჩება ვაჟას ცხოვრებისა და შემოქმედებითი გზისა თუ ასპექტების ერთ-ერთ მნიშვნელოვან გამოკვლევად.

მკვლევარი ვაჟას შემოქმედების განხილვას პატრიოტული თემატიკით იწყებს, რადგან თვლის, რომ სწორედ პატრიოტულ გრძნობას დაუკავშირდა მისი წერის თავისებურებათა საკითხი. მასალის შერჩევის შესახებ მკვლევარი კონკრეტულ მოსაზრებას გვთავაზობს: მისი აზრით, XIX საუკუნის II ნახევარში ნამყვანი ტენდენციის (ეროვნულ-განმათავისუფლებელი ბრძოლის) შესახებ ჩამოყალიბებულმა თვალსაზრისმა ბუნებრივად განსაზღვრა უკეთესი მომავლის ჯანსაღი სურვილი, რამაც განაპირობა სამშობლოს მდგომარეობასა და მომა-

ვალზე ფიქრი ვაჟას შემოქმედებაში. აშკარად პატრიოტული საკითხების გვერდით პიროვნებისა და საზოგადოების ურთიერთობის პრობლემის სახით წარმოჩნდა ვაჟას ინტერესი ადამიანთა საზოგადოებრივი ურთიერთობის საკითხისადმი. ამავე დროს, მკვლევარი ჯეროვან ყურადღებას უთმობს ვაჟას შემოქმედების ასპექტებს, სადაც იკვეთება მწერლის ფიქრი ბუნების მრავალსახიანობის, რაობის, მისადმი ადამიანის დამოკიდებულების, თვით მწერლის მიმართების შესახებ. აქვე იკვეთება მონათესავე საკითხთა მთელი წელისაც, რომელთა საფუძვლიანი ანალიზის შედეგს თითოეული თავის ბოლოს დასკვნის სახით გვაცნობს ავტორი. განსაკუთრებით მნიშვნელოვანია ვაჟას შემოქმედების ქართველ მწერალთა შემოქმედებით ნააზრევთან კავშირის გამოკვეთა, რაც უცნაურ ტენდენციას (ვაჟას შემოქმედების არასწორად შეფასებისა, დამცრობისა თუ დამახინჯებისა) არგუმენტირებულად ენინაალმდეგება.

მონოგრაფიას ასრულებს ბოლოსიტყვა, რომელშიც ავტორი ახლებურად აფასებს ვაჟას შემოქმედების შემფასებელთა მოსაზრებებს და ამკვიდრებს ახლებურ მიდგომას: ვაჟას ენა შესანიშნავი სალიტერატურო ქართულია, თავისებურება კი პოეტის სამწერლობო პოზიციით განპირობებული. ავტორი „ფშავის ვიწრო ხეობაში ჩაკეტილი“ (ერთერთი ბრალდება) მწერლის ღირსებად თვლის, რომ „ჩვენი ქვეყნის ეს მხარეც მოაქცია საზოგადოებრივი ინტერესების სფეროში“.

ე.ჩ.

გრ. კიკაძე

ლიტერატურის თეორიისა და ისტორიის საკითხები

თბ., 1978, გვ. 5 -184

გრ. კიკაძის წიგნში „ლიტერატურის თეორიისა და ისტორიის საკითხები“ ვაჟა-ფშაველას შემოქმედედების შესახებ სხვადასხვა დროს გამოქვეყნებული გამოკვლევებია თავმოყრილი. მკითხველი გაეცნობა გრ. კიკაძის ექვს წერილს: ვაჟას ფენომენი, ვაჟა-ფშაველა ლიტერატურისა და ხელოვნების შესახებ, ვაჟა-ფშაველა ზიგმუნდ ფროიდის წინააღმდეგ, ვაჟა-ფშაველას პროზის სტილი, ვაჟა-ფშავე-

ლას პოემა „ბახტრიონი“: ზოგადი დახასიათება, მეტაფორა, გაპიროვნება ანუ პერსონიფიკაცია, რითმა; ვაჟა-ფშაველას ხუთი პოემა.

I. მკვლევარი ვაჟას ფენომენს და თავისებურებებს წარმოაჩენს მის სახელთან უშუალოდ დაკავშირებული თემებისა და მოტივების, გარე და შინა სამყაროსადმი მისი მიდგომის თავისებურებათა გათვალისწინებით. გრ. კიკნაძე ვაჟას ღირსებად და ფენომენის განსაზღვრისთვის მნიშვნელოვნად თვლის დიად გრძნობათა სამყაროს, რომელიც მწერალმა იქ აღმოაჩინა, სადაც მას არავინ ელოდა. ძველთაძველი და ისტორიული მასალისადმი ინტერესი კი ვაჟასთან სიძველისადმი ინტერესს არ ემთხვევა, რადგან მკვლევარი ფიქრობს, რომ ჰუმანურობის ძლიერ ნაკადად მომდინარე ვაჟას შემოქმედება ჩვენს თანამედროვეობას შორიდან ერთვის, როგორც შინაარსეულად მისი მიუცილებელი ელემენტი.

II. კრებულში გრ. კიკნაძე ყურადღებას მიაპყრობს ვაჟას ხედვას ლიტერატურისა და ხელოვნების შესახებ. მკვლევარი თანმიმდევრულად წარმოაჩენს ვაჟას ლიტერატურული მრნამსის ჩამოყალიბების რთულ პროცესს, გამოკვეთს როგორც ვაჟას ადრეულ თხზულებებში (ძირითადად, ლექსებში), ისე პუბლიცისტიკისა და თეორიული მსჯელობის სახით თავშენილ შეხედულებებს;

III. ფრონდიზმი, „კლასიკური ფსიქოანალიზი“ და ამ მეთოდის მოშველიება ხელოვნების აღსაქმელად (გასაანალიზებლად) უაღრესად საინტერესო საკითხია, რადგან ავტორი, ერთი მხრივ, წარმოაჩენს ვაჟას სიდიადეს და, მეორე მხრივ — ფრონდის მეთოდის (თუ მიმდევართა ცდას, მხატვრული ტექსტის ფრონდისეული სისტემით აღქმისა) ტენდენციურობასა და სიმცდარეს. გრ. კიკნაძე ფრონდის ფსიქოანალიზის მეთოდით იკვლევს ვაჟას შემოქმედებას. შედეგად ცხადი ხდება, რომ ვაჟას გმირების მოქმედებათა გასაანალიზებლად ფსიქოანალიზის მეთოდი უძლურია. ვაჟას შემოქმედებაში სრულიად არ არის ის საფუძველი, რაც ადამიანის კონფლიქტის მიზეზად და ამ კონფლიქტის გამოვლენად მიუჩნევიათ ფრონდისტებს

IV. მკითხველისთვის მნიშვნელოვანია არა მხოლოდ თხზულების გაცნობით გამოწვეული განცდა-ემოცია, არამედ ისიც, თუ როგორ, რა

საშუალებებით აღძრავს მწერალი ამ გრძნობებს. ავტორი ვაჟას პროზაში გამოკვეთს მოთხოვათა ერთ წყებას, რომელთა თხრობის სტილიც ერთგვაროვნებით გამოირჩევა („ია“, „ხმელი წიფელი“, „კლდემ მხოლოდ ერთხელ სთქვა“, „მთის წყარო“, „შვლის ნუკრის ნა-ამბობი“). ვაჟა არ იჩენს თავს გმირთა განცდაში. ჩაურევლობა თხრობაში და გამოუცდელობა გამოიყენა მიზნის მისაღწევად. დეტალიზაცია, უწყვეტი კავშირი მკითხველთან, ინტიმიზაცია, ლირიკული ლექსიკა, მხედველობითი ხატებით დასურათხატება, რომლებიც მოძრაობას შეიცავენ, ენობრივი საშუალებებით განმტკიცებული სუბიექტის აქტივობა, კონტრასტებით თხრობა, ენობრივი საშუალებებით მიღწეული სტილისტური მთლიანობა. სწორედ ერთიან სტილისტურ რკალში ამ გამომსახველებითი საშუალებებით იკვეთება რეალისტური სტილი და ჰუმანისტური თვალსაზრისი: შეიტანოს ჰუმანურობის იდეა ადამიანის შეგნებაში და აქციოს მისი მოქმედების წარმმართველ პრინციპად.

V. ბახტრიონი. გრ. კიკნაძის ეს წერილი მკითხველს პოემას რამდენიმე ასპექტით აცნობს და ოთხი ქვეთავისგან შედგება. თავის მხრივ, ეს ქვეთავები თემატურ პუნქტებს აერთიანებს: 1. პოემის მიმოხილვა; 2. მეტაფორა; 3. გაპიროვნება, ანუ პერსონიფიკაცია; 4. რითმა.

ავტორი „ბახტრიონის“ მიიჩნევს არა მხოლოდ ისტორიულ ან საგმორო, არამედ საგმირო-ისტორიულ თხზულებად; წარმოაჩენს თემასა და იდეას; მკითხველი გაეცნობა პოემის მხატვრული ანალიზის რამდენიმე ასპექტს: კომპოზიცია, ფაბულა, სიუჟეტი; პერსონაჟები; ბუნებისადმი მიმართება; გამომსახველობითი შესაძლებლობანი და ა.შ. რაც აძლევს ავტორს საშუალებას განაცხადოს, რომ ფორმალური ხერხების კვლევის შედეგად გამორიცხულია, ვაჟა იმ ავტორებს გავუთანაბროთ, რომლებიც თვითონ ქმნიან ჩარჩოებს.

VI. ვაჟა-ფშაველას ხუთი პოემა. 37 პოემის ავტორის შემოქმედებიდან ეს გამოკვლევა გრ. კიკნაძემ ვაჟას მხოლოდ ხუთ პოემას მიუძღვნა. ეს პოემებია „გოგოთურ და აფშინა“, „სტუმარ-მასპინძელი“, „ალუდა ქეთელაური“, „ეთერი“, „გველისმჭამელი“. პირველი ნაწილი მიმოიხილავს თემისა და იდეას თვალსაზრისით ტრადიციულ (მონო-

თემატურ) პოემებს, მეორე და ძირითადი ნაწილი კი ეძღვნება ხუთ პოლითემატურ პოემას. მკვლევარი ამგვარი პოლითემატურობის მიზებს „სულის პოეტის“, ვაჟას, მიზანსა და ამ მიზნის შემოქმედებით გარდასახვაში ეძებს. მკვლევარი წამოჭრის საკითხს: მიზანშენონილია თუ არა ვაჟას ამ პოემების კვლევა „დაყვანის მეთოდით“, რადგან არც თემა, არც მოტივი და იდეა ამ პოემებში ცალსახა არ არის. ვაჟას ხუთი პოლითემატური პოემის ანალიზის შედეგად მკვლევარი ასკვნის, რომ ხელოვნება ვაჟასთვის ასახავს სინამდვილეს, მაგრამ აქ სინამდვილის ასახვის ხერხი ნაქცევია სინამდვილის ხილვად. მსოფლმხედველობითა და სოციალური შეხედულებებით ვაჟა ილია-აკაკის ხაზის გამგრძელებელია, ხოლო პოეტური თავისებურებებით დიდად გამოირჩევა მათგან, რადგან მისი ხატოვანება „წარმტაცის, სასიამოვნოსა და გასახარელის ფონზე აკმაყოფილებს სიბრძნისმოყვარეთა სულიერ მოთხოვნას“.

ე.ჩ.

### ვ. კოტეტიშვილი

ქართული ლიტერატურის ისტორია (XIX საუკუნეები)  
გამომცემლობა „საბჭოთა საქართველო“, თბ. 1959, გვ. 581-614)

ნაშრომი XIX საუკუნის ქართული ლიტერატურის განვითარების ძირითად ეტაპებს ასახავს. მონოგრაფიას ასრულებს ვაჟა-ფშაველას ცხოვრებისა და შემოქმედების განხილვა.

მკვლევარი ვაჟას იმ მცირერიცხოვან ავტორთა რიგს მიაკუთვნებს, რომელთა „პირადი ცხოვრება და შემოქმედება გარეგნულადაც ერთი და იგივეა და ეს მაშინ, როდესაც თვით ავტორი თავის შემოქმედებაში მოქმედი პირია.

ავტორი ეხება ვაჟას სამწერლობო კრედოს და მის თავისებურ ხედვას, სინამდვილით განპილებული შემოქმედის პროტესტად მიიჩნევს. საყურადღებოა ავტორის მოსაზრება ადამიანის პიროვნული მეობის, ალტრუიზმისა და კოსმიური სიყვარულის ვაჟასეული გააზრების შესახებ. მკვლევარი თითქოს შემოქმედის წუხილს გრძნობს

ადამიანის მიერ ორი უდიდესი ღირსების: თავისი მეობისა და სხვისი სიყვარულის დაკარგვის შესახებ. ვაჟას ღირსებად მიიჩნევს უნივერსალური ქადაგების: „თავისუფლება თანდაყოლილი ნიჭია“ ბუნების წილში აღმოჩენას.

ვ. კოტეტიშვილი საგანგებოდ მიაპყრობს ყურადღებას არა მხოლოდ თემათა მრავალფეროვნებას, არამედ მხატვრულ ოსტატობას, ფანტაზიას და წარმოდგენის უნარს. მკვლევრის აზრით, ვაჟას შემოქმედებას კარგად ახასიათებს მისივე სიტყვები: „ტანჯული გულის ნაცრემლი“, „ჯავრით ნაკვები“, „სნეული“, მაგრამ არა „ბეჩავი“.

ე.ჩ.

#### ლ. სულხანიშვილი

ვაჟა-ფშაველას საბავშვო მოთხრობათა

ზოგიერთი თავისებურება

თბ., 1964

ნაშრომში შესწავლილია ვაჟას საბავშვო მოთხრობები და განხილულია რამდენიმე არსებითი მნიშვნელობის საკითხი, კერძოდ: ვაჟას ემოციური დამოკიდებულება მასალისა და პერსონაჟებისადმი, სიუჟეტის თავისებურებები, დისტანცია ავტორსა და პერსონაჟს შორის, პერსონაჟი და მკითხველი, ფანტასტიკური ვაჟას მოთხრობებში, თხრობის დინამიურობა; ვაჟას იუმორი და მისი გამოსახვის ხერხები.

საანალიზო მასალა მოიცავს ვაჟას 65 მოთხრობას, რომელთაგან, ცხადია, ყველა თანაბარი ღირებულების არ არის. მკვლევარს საგულისხმოდ მიაჩნია, რომ ვაჟა საბავშვო თხზულებებისთვის იყენებს არა მარტო დადებითი ხასიათის მასალას, არამედ უარყოფითი ემოციების გამომწვევსაც. მან ცხოველთა, მცენარეთა და ფრინველთა სამყარო ბაეშვის სულიერ სფეროს დაუნათესავა; ნიშანდობლივის ისეც, რომ ვაჟას ყველა პერსონაჟს ახასიათებს ცხოველმყოფელი, ინტენსიური განცდა სიცოცხლის სიყვარულისა.

მკვლევრის დაკვირვებით, ვაჟა ყოველთვის გამოხატავს თავის დამოკიდებულებას პერსონაჟისადმი. ხშირია მოწონებისა თუ სიბრა-

ლულის გამომხატველი ეპითეტები და შედარებები. პერსონაჟები თანაგრძნობით ეკიდებიან ერთმანეთს. შერჩეული ობიექტის თვისებებიდან ვაჟა გამოყოფს ყველაზე დასაფასებელს და ცდილობს, თანაგრძნობა აღძრას მკითხველში.

ნაშრომის ბოლოს გამოთქმულია მოსაზრება, რომ ვაჟა-ფშაველას საბავშვო პროზის თავისებურებას განსაზღვრავს არა მასალა, არამედ ამ მასალისადმი და პერსონაჟებისადმი ავტორის მიდგომა, რამეთუ სწორედ ამ დამოკიდებულებაში მუღავნდება ვაჟას ეთიკური მრწამსი — იდეა პუმანურობისა.

ნ.ფ.

### გ. ქიქოძე

ვაჟა-ფშაველა

თბ., 1946

ნაშრომი შეიქმნა ვაჟა-ფშაველას გარდაცვალებიდან სამი ათეული წლის შემდეგ. მკვლევარი საყურადღებოდ მიიჩნევს, რომ განვლილმა დრომ უცხო და გაუგებარი კი არ გახადა მკითხველისათვის ვაჟას შემოქმედება, პირიქით, მან ახლებური სიხცოცხლე შეიძინა. ნარკვევ-ში მოცემულია ვაჟას ცხოვრების და მისი შემოქმედების თემატიკის მოკლე მიმოხილვა. ავტორი საუბრობს ვაჟას ოჯახურ გარემოზე, მის მამაზე, რომელიც სასულიერო პირი იყო და მნიშვნელოვანი გავლენა მოახდინა ვაჟას პიროვნების ფორმირებაზე.

ავტორი საუბრობს ვაჟას პოეზიისა და ხალხური ზეპირსიტყვიერების ურთიერთმიმართების საკითხზე. მისი შემოქმედების მოტივებიდან უპირველესად ბუნების თემატიკას გამოკვეთს და ვაჟას მსოფლიო ლიტერატურის ერთ-ერთ უდიდეს პეიზაჟისტად წარმოგვიდგენს; ავტორი განიხილავს ვაჟას პატრიოტული ლირიკის რამდენიმე ნიმუშს; პიროვნებისა და საზოგადოების ურთიერთდაპირისპირების თემატიკას კი წარმოაჩენს „ალუდა ქეთებლაურისა“ და „სტუმარ-მასპინძლის“ მაგალითზე. დასასრულ, მსჯელობს ვაჟა-ფშაველას პროზაული თხზულებების შესახებ და შენიშნავს, რომ „ამ მოთხოვნებშიც პოეტის

მსოფლიშედველობის ძირითადი იდეაა ასახული... ადამიანსა და ბუნებას შორის ღრმა ნათესაური კავშირი არსებობს, მხოლოდ ეს მსოფლიშედველობა ბავშვისთვის ადვილად მისაწვდომ ფორმებშია გადმოცემული.

6.გ.

**თ. ქურდოვანიძე**

**ზეპირსიტყვიერი ვაჟა-ფშაველას პროზაში  
თბ., 2010**

ნიგნში შესწავლილია ვაჟა-ფშაველას მიმართება ფოლკლორთან. პოეტის მოთხრობებში დაძებნილია მთის ზეპირსიტყვიერების ნიმუშები, რომლებიც საფუძვლად დასდებია დიდი მწერლის ორიგინალურ თხზულებებს. ნაჩვენებია მათი გარდაქმნის ხარისხი და კონკრეტული ფუნქცია.

ნაშრომი რამდენიმე თავისაგან შედგება. ესენია: ფშავ-ხევსურული სინამდვილე და ვაჟას შემოქმედებითი ინტერესები; ოპოზიცია: ადამიანი — ბუნება; დაბრკოლებათა ტრაგიკული გადაულახავობა; მითურ პერსონაჟთა დემითოლოგიზაცია; „უძმოს ძმის“ იდეალიზაცია; მარადიული მუხტი; ლიტერატურული ზღაპრები; ალეგორიული თხრობის ადრესატები; მონათხრობის ხილულობა;

ნიგნს ერთვის გამოყენებული ლიეტარტურის სია.

6.ვ.

ი. ჩახმახაშვილი

ვაჟა-ფშაველას მისტიკურ-ზღაპრული სამყარო  
გამომცემლობა „მერანი“, თბ., 2006

წიგნში განხილულია ვაჟა-ფშავალას მხატვრული პროზის ზოგი-ერთი ის თავისებურება, რომლითაც ვაჟა არა თუ ესატყვისება და-სავლურ მოდერნიზმს და ჩართულია ევროპულ ლიტერატურული ცხოვრების მიმდინარე პროცესებში, არამედ რიგ შემთხვევებში უსწორებს კიდეც მას. ვაჟა შედარებულია უილიამ ბატლერ ლეიტს. ავ-ტორის აზრით, ეს ორი, ერთმანეთისათვის უცხო, შემოქმედი ერთსა და იმავე ისტორიულ დროში ერთმანეთისაგან დამოუკიდებლად ერთი და იმავე ხედვით ჭვრეტდა სამყაროს.

წიგნში წარმოჩენილია ის ასპექტები, რომელიც ახასიათებს ვაჟა-ფშაველას მხატვრულ წარმოსახვას მისტიკური და ზღაპრული სამყაროს ხედვისას. წაშრომი სამი თავისაგან შედგება. პირველ თავად გამოყოფილია „მისტიკა“. კერძოდ, სიზმარი – მისტიკური გამოცხა-დების კარიბჭე. მეორე თავის საერთო თემა არის თ „ანგელოზი“. ამ ჭრილში განხილულია ვაჟას მოთხოვნები: „ხელმწიფის დანაბარები“, „საახალწლო სიზმარი“, „მოჩვენება“ და სხვა. მესამე თავს კი წარმო-ადგენს „ზღაპარი“. ვაჟასთან ამ უანრის ტენდენცია უაღრესად ფსიქო-ლოგიური და ფილოსოფიური ფორმით არის განზოგადებული. ავ-ტორისათვის ზღაპარი მხატვრული სიმართლის გამოსახვის მარჯვე და ორიგინალური ფორმაა.

წაშრომს წინ უძლვის შესავალი წერილი, ხოლო ბოლოში ერთვის გამოყენებული ლიტერატურის სია.

სტ.

მ. ჩიქოვანი

ვაჟა-ფშაველა და ხალხური პოეზია

თბ., 1956

ვაჟა-ფშაველას შემოქმედების კავშირი ზეპირსიტყვიერებასთან მკვლევართა ყურადღების საგანია. მ. ჩიქოვანის წინამდებარე ნარკვევი არის ცდა, მონახოს ვაჟას პოემების ფოლკლორული წყაროები, „ბახტრიონისა“ და „გველისმჭამელის“ ხალხურ-პოეტური წანამძღვრები. სათანადო მრავალფეროვანი ფოლკლორული მასალების მოხმობით, შედარებითა და ანალიზით მეცნიერი არკვევს ამ პოემათა ძირითად მოტივებს და გვთავაზობს შესაბამის დასკვნებს: „გიგლია“ მთლიანად ფშავ-ხევსურულ ხალხურ წყაროებს ეყრდნობა, „გველის მჭამელის“ ძირითადი ქარგა ქართული ფოლკლორიდანაა აღებული, თუმცა ეს მოტივი არაა თავისთავად ქართული მოვლენა; ის ფართოდაა გავრცელებული კავკასიაში, ევროპის, აზიისა და აფრიკის ხალხებშიც. „ბახტრიონში“ კი განსხვავებულ მდგომარეობასთან გვაქვს საქმე: ისტორიული ხედვის კუთხეა გადანაცვლებული — ისტორიული გმირების წაცვლად პოეტმა ასპარეზი დაუთმო სახალხო გმირებს, დაეყრდნო ხალხის მეხსიერებას, წაშალა დროის ზღვარი, უშორესი წიაღიდან გამოიხმო ფშავ-ხევსურთა გმირები, გვერდში ამოუყენა თუშებს და შექმნა ბახტრიონის ბრძოლის ეპოქეა გასაოცარი მითოსური ფინალით.

ამავე ნარკვევში მეცნიერი გვაცნობს ვაჟას, როგორც ხალხური პოეზიის შემკრებსა და მკვლევარს — ორასამდე ხალხური ლექსის ჩამნერსა და მრავალი ეთნოგრაფიული სტატიის ავტორს.

ბოლოს კი მეცნიერი ეხება მეტად ფაქიზ და ერთგვარად უხერხულ თემას — ვაჟას ქართულს. ის ზუსტად ხსნის და ასაბუთებს, რატომაა განსხვავებული ვაჟას პოეზიისა და პროზის ენა. მისი თქმით, ვაჟა-ფშაველა ხალხური მასალის საფუძველზე ცდილობს, გაამდიდროს ლიტერატურული ენა, მისცეს მას უფრო მეტი მხატვრული ძალა და მოქნილობა.

სტ.

თ. ჩხენკელი

ტრაგიკული ნიღბები

თბ. 1971, გვ. 1-331

აღნიშნული მონოგრაფია, რომელიც ვაჟას დაპადების 110-ე წლის-თავს მიეძღვნა, შედგება შესავალი ნაწილისა და ექვსი თავისაგან. ნაშრომში ავტორი ცდილობს ვაჟას ინდივიდუალური პოეტური და მითოსური სამყაროს ურთიერთმიმართების საკითხის გარკვევას, ტრაგიკული გმირების ფერიცვალებისა და ამაღლების (ზოგჯერ და-ცემის) გარეგანი თუ შინაგანი მიზეზების დადგენას, იმ ეთნიკურ-მითოსური მასალის წარმოჩენას, რომლის ტრანსფორმაციის მეშვე-ობითაც დაგვიხატა ვაჟამ პერსონაჟთა მისწრაფებანი ზნეობრივი იდეალისაკენ. ავტორი განიხილავს სამყაროს მოდელს მითოსური წარმოდგენების მიხედვით და მიუთითებს, რომ ვაჟას შემოქმედებაში მხატვრულ-მითოსურ ელემენტებს პირველხარისხოვანი მნიშვნელობა ენიჭება.

პირვენების შინაგანი ფერიცვალების, გარდაქმნისა და ზნეობრივი ახალშობის საკითხს ავტორი გამოკვეთს „ალუდა ქეთელაურის“ მა-გალითზე, რომელიც, მისი აზრით, მხატვრული სტრუქტურის სრულ-ყოფით, ერთიანი პერცეპციით და ექსპრესიული ძალმოსილებით გამორჩეული პოემაა. ავტორი დეტალურად განიხილავს პოემის პერ-სონაჟთა ქმედების მოტივებს, გამოკვეთს იმ ფაზებს, რომლებსაც ისინი ფერიცვალების პროცესში გადიან, დაძებნის პარალელებს მი-თოსურ გმირებსა და პოემის პერსონაჟებს შორის. ფერიცვალების თემატიკასთან მიმართებაში მკვლევარი განიხილავს პოემა „გველის მჭამელს,“ წარმოაჩენს მთავარი პერსონაჟის, მინდიას მხატვრულ სახეს და საუბრობს მისი მითოსური პროტოტიპის შესახებ.

6.8.

თ. ჩხენკელი

მშვენიერი მძღვანი

1-ლი გამოცემა, თბ., 1981

ვაჟა-ფშაველას შემოქმედებას თამაზ ჩხენკელი თითქმის ოთხი ათეული წელია იკვლევს. ამ გამოცემაში შესულია 70-იან წლებში გამოქვეყნებული „ტრაგიკული ნიღბები“ (1970) და „მშვენიერი მძღვანი“ (1970). შემთხვევითი არ არის, რომ ვაჟასეული მშვენიერი მძღვანი წიგნის სათაურიცაა და თამაზ ჩხენკელის ეს დამოუკიდებელი ნაშრომი ერთგვარი შესავლის — წინასიტყვაობის — ფუნქციასაც ასრულებს „ტრაგიკული ნიღბებისათვის“. ვაჟას პოემებში პიროვნების გარდაქმნის მითოსური საფუძვლების ძიების ავტორისეული გასაღები სწორედ მასში დევს.

ქართულ მეცნიერებაში დღესაც დომინირებს ორი ურთიერთ-გამომრიცხავი აზრი ქართული მთისა და ქრისტიანობის გენეზისის შესახებ. თამაზ ჩხენკელი თავისი გამოკვლევით, საილუსტრაციო მასალის მოხმობით ზურაბ კიკნაძისეულ თვალსაზრისს უჭერს მხარს: საქართველოს მთაში ქრისტიანობის თანდათანობით „პაგანიზაციას“, ანუ „ქრისტიანულ წარმართულს“ და არა ტრადიციულს — „წარმართულ ქრისტიანულს“.

„ფილოლოგიური ეტიუდები“ ქართულ ანბანს, მის წარმოშობას, ასომთავრულის გრაფიკასა და „ქართლის ცხოვრებაში“ დაცულ ცნობებს ეხება, მაგრამ ეს ავტორის მთავარ სათქმელს კი არ ემიჯნება, ორგანულადაა ჩართული წიგნის საერთო ქსოვილში და ავტორის — მეცნიერის, მკვლევრის, პოეტის, მთარგმნელის — შემოქმედების, მისი ნაღვანის განუყოფელი ნაწილია — ერთ-ერთი საინტერესო და მნიშვნელოვანი თვალსაზრისი ქართული პალეოგრაფიის შესწავლის ისტორიაში.

სტ.

თ. შარაბიძე

ქრისტიანული მოტივები ვაჟა-ფშაველას შემოქმედებაში

თბ., 2005, გვ. 1-271

ნიგნი შედგება შესავალი ნაწილის, ექვსი თავისა და დასკვნებისა-გან, ნაშრომს დართული აქვს გამოყენებული ლიტერატურისა და წყაროების ჩამონათვალი. მონოგრაფიაში განხილულია ის ქრისტიანული მოტივები, რომლებიც დასტურდება ვაჟა-ფშაველას შემოქმედებაში. წიგნის ავტორის მითითებით, თავისი მსოფლმხედველობით ვაჟა ქრისტიანულ ნიადაგზე დგას და ეს ფაქტორი მკვეთრად ვლინდება მის შემოქმედებაში: ბუნებასთან ჰარმონია აღიქმება, როგორც ღმერთან თანაზიარობა, სამყაროს კანონზომიერი წესრიგიც, ვაჟას მსოფლმხედველობით, უფლის ნებით ხორციელდება. ავტორის მითითებით, არა მხოლოდ სამყაროს მოდელის ახსნა, სიკეთის ვაჟასეული გაგებაც სიკეთის არსის ქრისტიანულ გაგებას უკავშირდება, რომლის მიხედვითაც ბოროტება უარსოა, თითოეული ადამიანის მიერ ჩადენილი სიკეთე ამცირებს ბოროტებას. მკვლევარი ამავე ასპექტით განიხილავს სიყვარულის მოტივს ვაჟას შემოქმედებაში. ვაჟა მოყვრული სიყვარულის აუცილებელ პირობად მიიჩნევს არა მხოლოდ ახლობლებისათვის ზრუნვას, არამედ ღვაწლს უცხო ადამიანთა საკეთილდღეოდ, მათი ბედნიერებისათვის თავგანწირვას. ქრისტიანული სიყვარულის უმაღლეს გამოვლინებად ვაჟა მტრის სიყვარულს სახავს. ქრისტიანულ მოტივთაგან ერთ-ერთი უმთავრესი პოეტისათვის არის ცოდვა-მადლის საკითხი — მადლი ღმერთან მიახლებაა, ცოდვა — მასთან დაცილება. მკვლევარი საუბრობს სიმბოლური აზროვნებისა და კონკრეტული სახე-სიმბოლოების შესახებ. ავტორი აქვე დასძენს, რომ თავისი მსოფლმხედველობით ვაჟა იღიას მემკვიდრეა. მკვლევარი ვრცლად განიხილავს ვაჟას შემოქმედებაში წარმოჩენილ სინანულის მოტივს, რომელიც ქრისტიანული აზროვნების საფუძველია. დასარულ, ავტორი გვესაუბრება პოეტის შემოქმედების მითოლოგიურ ძირებზე და შენიშნავს, რომ მითოსი და ქრისტიანობა ვაჟასთან ორიგინალურად არის დაკავშირებული.

6.8.

**ქ. შენგელია**

**დამაბნეველი სიდიადე**

**(ვაჟა-ფშაველას მრნამსის შესახებ „გველისმჭამელის“ მიხედვით)**  
**უურნალი „მნათობი“ 1-2, 2001.**

ნაშრომში წარმოდგენილია ქართველ მწერალთა და მკვლევართა მოსაზრებები ვაჟა-ფშაველას მრნამსის შესახებ. წერილი იწყება გრიგოლ რობაქიძის პოზიციით, რომელიც ვაჟა-ფშაველას პანთეისტად მიიჩნევდა. შემდეგ მოცემულია ქართველი სიმბოლისტების მსჯელობა ვაჟა-ფშაველას ფილოსოფიური ნააზრევის შესახებ. ისინი მწერალს ხან სიმბოლისტად, ხან წარმართულ შეხედულებათა მიმდევრად მოიაზრებენ; მათ მოსაზრებებს უფრო ემოციური და ლირიკული დასაყრდენი აქვს; ს. დანელია კი პოემას განიხილავს იდეალისტური ათეიზმის პოზიციიდან. მკვლევარი მიიჩნევს, რომ პოეტის აზროვნებაში ვხედავთ წარმართული ინდივიდუალიზმის გამოვლინებას. გ. ქიქოძეს, გ. ჯიბლაძის და შ. რადიანის დაკვირვებებსა და ნაშრომებშიც ვაჟას წარმართულ შეხედულებათა მსოფლმხედველობრივი ანალიზია დადასტურებული. მათი არგუმენტაცია გულისხმობს ვაჟა-ფშაველას პანთეისტობას, ანიმისტობას და ანთროპომორფიზმსაც.

ავტორი მიუთითებს, რომ გრიგოლ კიკნაძე კატეგორიულად ემიჯნება აღნიშნულ მოსაზრებებს და მიიჩნევს, რომ „გველისმჭამელში“ ნაჩვენებია ბუნების წვდომის გრძნობითი გზა (ინსტინქტის გზა) და ადამიანის ყოვლისმცოდნეობის უნარი. ნაშრომში ვრცლად არის წარმოდგენილი მეცნიერის მიერ მოყვანილი არგუმენტები, რის საფუძველზეც მის მიერ უარყოფილია ყველა ის მოსაზრება, რომელიც ქართულ ლიტერატურულ კრიტიკაში გამოითქვა ამ საკითხთან დაკავშირებით. ქეთევან შენგელიას მიერ გამოთქმულია მოსაზრება, რომ „გველისმჭამელში“ საგრძნობია სიახლოვე ბიბლიურ მოტივებთან. ახსნილია, რას უნდა ნიშნავდეს პოემაში „ახალად სულის ჩადგმა“ და რა კავშირი აქვს მას (არქიმანდრიტ რაფაელის ნაშრომზე დაყრდნობით) სულის ფერისცვალებასთან. საუბარია აგრეთვე, სამყაროს უხილავ სილრმეთა წვდომის შესაძლებლობებისა და ადამიანური ინ-

ტუიციის შესახებ, რაც, ბიბლიის მიხედვით გულისხმობს, რომ „ცოდ-  
ვით დაცემამდე“ ადამია ყველა სულდგმულის შინაგანი ბუნება იცოდა  
და ადამი და ევა სახელებით უხმობდნენ ცხოველებსა და მცენარეებს.  
ნაშრომში ამის მიხედვით განხილულია მინდიას ქმედების არსი.

ქ.შ.

**დ. წონქოლაური**

**ვაჟა-ფშაველას ეპოსის წყაროების და**

**მხატვრული სტრუქტურის შესახებ**

**თბ., 1982**

ნიგნში განხილულია ვაჟა-ფშაველას ეპოსის წყაროებისა და შემოქ-  
მედებითი ისტორიის საკითხები. ცხოვრებისეულ და ფოლკლორულ  
მასალასთან შედარება-შეპირისპირების გათვალისწინებით დახასი-  
ათებულია ვაჟას პოემათა მხატვრული სტრუქტურა, შეფასებულია  
მათი ფაბულების, სიუჟეტებისა და სახე-ხასიათების თვითმყოფა-  
დობა, სოციალურ-ზნეობრივი ღირებულება.

ვაჟა-ფშაველას თანამედროვე ქართულმა სალიტერატურო კრი-  
ტიკმ ერთგვარად გააზვიადა პოეტის ნაწარმოებებზე ხალხური შე-  
მოქმედების იდეურ-მხატვრული ზემოქმედების დიაპაზონი. ნაშრომის  
მიზანია, წარმოაჩინოს ვაჟა-ფშაველას ეპოსის, კერძოდ, „გოგოთურ  
და აფშინას“, „ბახტრიონის“, „სტუმარ-მასპინძლის“ და „გველას  
მჭამელის“ წყაროების, სიუჟეტებისა და შემოქმედებითი ისტორიის  
თავისებურებები. დიდი პოეტის ლიტერატურულ-ესთეტიკური ნააზ-  
რევი მის ინტუიციურ თვითდაკვირვებაზეა ამოზრდილი, ამიტომაც  
ვაჟას თეორიული ხასიათის ყოველ მოთხოვნას (იქნება ეს შემოქმე-  
დებითი პროცესის სპეციფიკის საკითხი, ინდივიდუალური და კოლექ-  
ტიური შემოქმედების ურთიერთმიმართებისა თუ საზოგადოებაში ხე-  
ლოვნების როლის ადგილის პრობლემა და ა. შ) დიდი დამარწმუნებ-  
ლობა აქვს შეძენილი, რაკი იგი ნასაზრდოებია უშუალოდ პოეტის  
შემოქმედებითი პრაქტიკით, მისი პოეტური „მე“-ს თვითანალიზით.

ნაშრომი 6 თავისაგან შედგება: I. ვაჟა-ფშაველა შემოქმედებითი წყაროებისა და პოეტური ინდივიდუალურობის შესახებ; II. ვაჟა-ფშაველას პოემის — „გოგოთურ და აფშინა“ — შემოქმედებითი მასალისა და სიუჟეტის საკითხისათვის; III. „პახტრიონის“ სიუჟეტი და ხალხური წყაროების პრობლემა; IV. „სტუმარ-მასპინძლის“ წყაროების, სიუჟეტის და შემოქმედებითი ისტორიის საკითხები; V. „გველის მჭამელის“ წყაროებისა და მხატვრული სტრუქტურის თავისებურების შესახებ; VI. პოეტურ ტრადიციებთან ვაჟა-ფშაველას ლექსის მიმართების ერთი ასპექტი.

წიგნს ახლავს გამოყენებული ლიტერატურის სია.

ნ.ფ.

### ალ. ჭეიშვილი

მხატვრული სახის დინამიკა ვაჟა-ფშაველას პოემებში

წიგნში: კრიტიკული წერილები (გვ. 56-193)

თბ., 1948

წიგნი რამდენიმე ნარკვევს შეიცავს, რომელთა შორისაა წერილი „მხატვრული სახის დინამიკა ვაჟა-ფშაველას პოემებში“.

მკვლევარი მიუთითებს, რომ თუმცა ქართველი მეცნიერების ერთმა ნაწილმა სწორად იგრძნო ვაჟას შემოქმედების ძალა და სიღრმე, მაგრამ ეს ძალა თითქმის მთლიანად ვაჟას შემოქმედების პირველწყაროდ დასახულ ხალხურ პოეზიას მიაწერა. ვაჟა იმ პოეტთა რიცხვს მიეკუთვნება, რომელთაც არ უყვართ მხატვრული რესურსების, პოეტური ტყვია-წამლის ტყუილ-უბრალოდ ხარჯვა. უდიდესი ეკონომია, დამზოგველობა ახასიათებს მის სტილს. შეუნელებლად მიისწრაფვიან მისი პოემების სიუჟეტები მთავარისა და ძირითადისაკენ. კონტრასტზე, ბნელისა და ნათლის თამაშზე ამყარებს მწერალი საკუთარი კონცეფციის წარმოჩენას. ვაჟას პოემებში გმირის სულიერი განწმენდა, სულიერი ალორდინება ხდება განცდილი დიდი ზნეობრივი შერყევის შედეგად. გრაფიკულად თუ წარმოვიდგენთ მხატვრული სახის დინამიკას, ჩვენ დავინახავთ, რომ თუ პოემის დასაწყისში ვაჟა გამალებით

მიაქანებდა გმირს გამხეცების უფსკრულისაკენ, ახლა მწერალს ასეთივე შეუნელებელი დინამიკურობით მიჰყავს იგი მაღალი ჰუმანისტური მსოფლმხედველობის მწვერვალისაკენ. ზოიადაურის მოკვდინების სცენას ავტორი აკავშირებს გოგოლის „ტარას ბულბადან“ ოსტაპის დასჯასთან. ასევე, საინტერესო პარალელია დაძებნილი 6. მარის მიერ ჩანერილ ეთნოგრაფიულ მასალასთან — „ძალლ იყოს თქვენი მკვდრისადა“ - ამ მაგიურ ფორმულასთან დაკავშირებით.

6.ფ.

### **ა. ხუცურაული**

**მთის ეთნოგრაფიული ყოფის სურათები**

**ვაჟა-ფშაველას მოგონებათა ფურცლებზე**

**თბ., 2008**

აღმოსავლეთ საქართველოს მთანეთის ეთნოგრაფიულ ყოფაზე, ფშავსა და ვაჟა-ფშაველაზე უამრავი რამ დაწერილა და გამოქვეყნებულა, მაგრამ ამ ორი ფენომენის ბოლომდე ამოცნობ-ამოწურვა შეუძლებელია. ამაში გვარნმუნებს წინამდებარე წიგნი, რომელსაც ავტორი ორ ნაწილად ყოფს.

პირველში აღმოსავლეთ საქართველოს ეთნოგრაფიული ყოფის სურათები, წეს-ჩვეულებები და ტრადიციები აღწერილია ფშავისა და მთიულეთის არაგვის აუზებს შუა მოქცეული ხორხის ხეობის მიმდებარე სოფლების მაგალითზე. ეს ხეობა ეთნოგრაფიულად მთლიანად შეუსწავლელია და ამდენად მას ქართული ეთნოგრაფიის შევსება-გამდიდრების თვალსაზრისით, მთლიანი სურათის შესაქმნელად, დიდი მნიშვნელობა აქვს. ავტორი შეეცადა მკითხველს მთიელთა ყოფის ის მხარეები გააცნოს, რომელთაც ნაკლებად შეხებია მკვლევართა ხელი.

წიგნის მეორე ნაწილი მოგონებებია ვაჟა-ფშაველაზე. ესაა სრულიად ახალი, ცოცხალი მასალა და არა არსებულის თავმოყრა და კიდევ ერთხელ განმეორება. ინფორმატორები და ეთნოფორეც სრულიად ახალია — ვაჟას შვილები, შვილიშვილები, რაზიკაშვილთა შთა-

მომავალნი და ის ადამიანები, რომლებიც უშუალოდ ვაჟას თანამედ-  
როვენი იყვნენ ან წინაპართა გადმოცემით მათს მეხსიერებას საინ-  
ტერესო მოგონებები შემორჩა. ამ მონაკვეთში მკითხველი გაეცნობა  
ვაჟა-ფშაველას — მამას, მეუღლეს, მეოჯახეს, მეურნეს, საზოგადო  
მოღვაწეს, მთიელი კაცის ქომაგს და, რაც მთავარია, გენიალურ  
პოეტს — მის შემოქმედებით ლაბორატორიას, როგორ და რა პირო-  
ბებში იქმნებოდა ვაჟას შედევრები.

სტ.

### გ. ჯიბლაძე

ვაჟა-ფშაველა

წიგნში: კრიტიკული ეტიუდები

თბ., 1955

წიგნი შედგება შესავლისა და 6 თავისაგან: ბესარიონ ბელინსკი,  
ნიკოლოზ ჩერნიშევსკი, დ. ჭონქაძე, „სურამის ციხე“, ვაჟა-ფშაველა,  
გოგლა ლეონიძე.

ნარკევის მე-5 თავში საუბარია ვაჟა-ფშაველას ლიტერატურულ-  
ესთეტიკურ შეხედულებებზე. მოცემულია ვაჟას პოეზიის ზოგადი  
დახასიათება. ნაჩვენებია, როგორაა წარმოდგენილი მომავალი ვაჟას  
პოეზიაში. მკვლევარი ვრცლად საუბრობს ვაჟას ანთროპორმორფიზე-  
მის სოცილურ ხასიათზე, ვაჟას პეიზაჟებზე. აფასებს ვაჟას კრიტიკუ-  
ლი წერილების მნიშვნელობას; საგანგებოდ მიმოიხილავს „Pro  
domo sua“; მსჯელობს ტოლსტოისა და ვაჟა-ფშაველას შემოქმედებით  
თანხვედრაზე; ცალკე ქვეთავი ეთმობა ორიგინალურსა და ხალხურს  
ვაჟას ქმნილებებში; თავმოყრილი და შეფასებულია რუსთველის,  
შექსპირის, სერვანტესის, პუშკინისა და გოეთეს შესახებ ვაჟას მიერ  
გამოთქმული შეხედულებები; ნაშრომში წარმოჩენილია ვაჟას რე-  
ალისტური კონცეფცია, მისი დამოკიდებულება ტენდენციის საკითხი-  
სადმი ხელოვნებაში;

მკვლევარმა ვაჟას ახალი ჰომეროსი უწოდა; რომანტიკული იერით  
დამშვენებული რეალისტი მწერალი, გენიოსი მხატვარი, რომელმაც  
მსოფლიო პოეზიის საგანძურში მარგალიტები შეიტანა.

ნ.ფ.

### გ) ლიტერატურული ურთიერთობები

#### ლ. თეთრუაშვილი

ვაჟა-ფშაველასა და იოჟან ვოლფგანგ გოეთეს  
იდეურ-მსოფლმხედველობრივი ურთიერთობა

თბ. 1982

წიგნი ეხება ვაჟა-ფშაველასა და გოეთეს შემოქმედებას, მათს  
მსოფლმხედველობრივ და მხატვრულ-ესთეტიკურ პრობლემატიკას.  
სამეცნიერო გამოკვლევა მოიცავს წინათქმას, ორ ძირითად ნაწილს  
(ბუნების (ღმერთის) გაგება; მიმესისის პრობლემები) და რეზიუმეებს  
რუსულ და გერმანულ ენებზე..

ავტორი ახლებურად იაზრებს ვაჟას პანთეისტობის პრობლემას,  
„ერესის“ საკითხს. მეცნიერი საუბრობს ვაჟა-ფშაველასა და გოეთეს  
შემოქმედებაში ზებუნებრივი ძალებისა და სამყაროს შემეცნებაზე.  
მკვლევარი სიღრმისეულად მიმოიხილავს ლვთაებისა და ბუნების,  
ადამიანისა და ლვთაების ურთიერთმიმართების საკითხებს. საფუძ-  
ვლიანად შეისწავლის და წარმოაჩენს გოეთეს შემოქმედებას პანთე-  
იზმის კონტექსტში; მიმოიხილავს ვაჟა-ფშაველას პანთეისტობის  
თეორიასაც და საუბრობს ამ საკითხით გამოწვეულ პოლემიკაზე.

ავტორთა მსოფლმხედველობის წარმოაჩენად მკვლევარი ეყ-  
რდნობა გოეთესა და ვაჟა-ფშაველას ლირიკული გმირების ხასიათებ-  
სა და დამოკიდებულებებს. ლ. თეთრუაშვილი კრებს და წარმოგვიდ-  
გენს დიდ ინტერტექსტუალურ მასალას მწერალთა მხატვრული მემ-  
კვიდრეობიდან. საუბრობს რა მშვენიერი ადამიანის პანთეისტურ მო-

დელზე, მეცნიერი განიხილავს ფაუსტისა და მინდიას მსგავსების საკითხს; განმარტავს „ეაი ყმის“ ცნების შინაარსს და მიჩნევს, რომ გოეთე და ვაჟა-ფშაველა ქმნიან ღვთაების სწორფერ, მის მეტოქე გმირებს.

მეორე თავში მკვლევარი განიხილავს გოეთესა და ვაჟა-ფშაველას შემოქმედებით მეთოდებს, რომელთა საშუალებითაც ისინი რეალობის მხატვრულ რეპრეზენტაციას ახდენენ. მეცნიერი სამყაროს „გარდათქმის“ გოეთესა და ვაჟა-ფშაველასეულ ხერხებს განიხილავს არის-ტოტელეს და ლესინგის ტერმინოლოგიური ინსტრუმენტების საშუალებით.

მიმესისის არსის განხილვისას ნაშრომის ავტორი ეყრდნობა არის-ტოტელეს ობიექტურ-რეალისტურ გაგებას და შესაბამისი მასალის მოხმობით წარმოგვიჩენს გოეთესა და ვაჟას არისტოტელეს ესთეტიკური მრწამსის შემოქმედებით მემკვიდრეებად;

სტ.

#### დ) ლექსთმცოდნეობის საკითხები

##### ე. კვიტაიშვილი

ვაჟა-ფშაველას რითმა  
თბ., 1971

ნაშრომში ქართული ლექსის ერთ-ერთი უმნიშვნელოვანესი კომპონენტის — რითმის — თვალსაზრისით შესწავლილია ვაჟა-ფშაველას პოეზია.

ვაჟას რითმა ქართული პოეზიის განვითარების ფონზეა განხილული მრავალ ასპექტში; მკაფიოდაა გამოვლენილი ის ძირითადი თავისებურებები, რაც პოეტის რითმას ახასიათებს.

ნიგნში თვალსაჩინო ადგილი აქვს დათმობილი ხალხურ პოეზიასთან, კერძოდ, ხალხურ რითმასთან, ვაჟას მიმართებას. ნაშრომის ძი-

რითადი მიზანია ვაჟას ადგილისა და როლის ჩვენება ქართული რით-  
მის განვითარების ისტორიაში.

ნაშრომი შედგება შესავლისა და 5 თავისაგან, რომელიც, თავის  
მხრივ, რამდენიმე ქვეთავადაა დაყოფილი: 1. რითმის სიგრძე-სიმოკ-  
ლე; 2. არიტმეტის ხერხები; 3. ვაჟას რითმის ეფფონია; 4. ვაჟას რითმის  
მორფოლოგია; 5. „სტუმარ-მასპინძლის“ რითმა;

ნაშრომის ბოლოს მკვლევარი ასკვნის: ვაჟამ მრავალსაუკუნოვან  
ქართულ სალექსო ტექნიკას, კერძოდ, ქართულ რითმას, ხალხურ პო-  
ეზიაზე დაყრდნობით ახალი ელვარება შეძინა. მან ააღმორძინა და თვი-  
სებრივად გაამდიდრა რუსთველისა და გურამიშვილის ტრადიციები.

ზ.ც.

#### გ. კალანდარიშვილი

ქართული პოეზიის ტრადიცია და ვაჟა-ფშაველა

წიგნში: ტრადიცია და თანამედროვეობა ახალ ქართულ

ლიტერატურაში

თბ., 2006

წიგნი შედგება 4 დამოუკიდებელი ნაწილისაგან; თავი I. ბიბლიის  
ლიტერატურული ადაპტაცია ქართველ რომატიკოსთა შემოქმედება-  
ში; II. XIX საუკუნის 70-იანი წ.წ. „მამათა“ და „შვილთა“ პოლემიკის  
ზნეობრივ-რელიგიური ასპექტები; III. ქრისტიანული ტრადიციები  
ილიას შემოქმედებაში; IV. ქართული პოეზიის ტრადიცია და ვაჟა-  
ფშაველას პოეტური ხილვები;

ნაკვევში შესწავლილია როგორც ვაჟას ეპიკური ქმნილებები, ისე  
ლირიკა; მეცნიერის აზრით, ვაჟას პოეზიაში გაერთიანდა ქართული  
სულიერების ორი ნაკადი — მითოსური და ქრისტიანული; ვაჟამ დაგ-  
ვარწმუნა პოეზიაში მათი თანაარსებობის შესაძლებლობებში და ად-  
გილი მოუპოვა თავის თანამედროვე მთიელთა წარმოდგენებსაც, რო-  
გორც ერის სულიერი ისტორიის მნიშვნელოვან დოკუმენტს. ვაჟას,  
როგორც პოეტს, იზიდავდა მითოსური სამყარო თავისი კოსმიური  
მასშტაბით, მაგრამ არც ქრისტიანული გრძნობებით შთაგონება აკ-

ლდა მის ლირიკას. ახალი ქართული მწერლობისთვის დამახასიათებელია ღრმა ისტორიზმი, რისი უპირატესი ნიშანი ტრადიციებისადმი განსაკუთრებული ერთგულება და ინტერესია. ამ პერიოდის ლიტერატურაში თანაბარი ძალით აღნიშნულია ძველი ქართული მწერლობის და ზეპირსიტყვიერების ტენდენციები.

მკვლევარი აღნიშნავს, რომ ლიტერატურულ-წიგნიერი ტრადიციები ვაჟას შემოქმედებაში ბევრად უფრო მკრთალადაა გამოხატული, ვიდრე ტრადიციები ხალხური პოეზიისა და ქართული მითოსისა. თუმცა მის პოემებში „ეთერი“ და „მონადირე“ მოცემულია „ვეფხისტყაოსნის“ ინტრიგა — მეფისთვის მიცემული სიტყვის გატეხვა (გურგენი — ფარსადანი). ვაჟას პოეტური სტილი საკმაოდ დაშორებული ქართული კლასიკური მწერლობის სტილისაგან და ფშავურ კილოზე წერა რომ ვერ გაებედა, მკვლევრის აზრით, იდეურ, მაგრამ უსახო პოეტად დარჩენა ელოდა.

ნაშრომის ბოლოს მკვლევარი მიუთითებს, რომ ვაჟას პოეზიაში მითოლოგიური ფანტაზია უშეალოდ და ბუნებრივად ეფუძნება მხატვრულ ფანტაზიას, ხოლო უმთავრესი მსგავსება ვაჟას პოეტიკასა და ზიეპირსიტყვიერაბას შორის პლასტიკურობაა: ვაჟას ხედვის უდიდესი ენერგია აქვს.

ზ.ც.

### ე) ენის საკითხები

#### ი. იმნაიშვილი

**ვაჟა-ფშაველა და ძველი ქართული ენა**  
**თბ., 1968, გვ. 1-240**

ნაშრომის მიზანია ვაჟა-ფშაველას შემოქმედებაში წარმოდგენილი ძველი ქართული ლექსიკისა და გრამატიკული ფორმების შესწავლა. ავტორის მითითებით, ვაჟას შემოქმედებაში უხვად გვხვდება ძველი ქართული სალიტერატურო ენის მასალები. შეიძლება გადაუჭარბებ-

ლად ითქვას, რომ მე-19 საუკუნის (II ნახევრის) მწერლებს შორის ვაჟას ამ მხრივ ვერავინ შეედრება. მის ნაწერებში (პოეზიასა და პროზაში) ჭარბადაა იმგვარი ძველი ქართული ლექსიკური ერთეულები, რომლებიც დღეს დავიწყებულია. ასევე, ხშირია სახელისა და ზმის სხვადასხვა გრამატიკული კატეგორიები, რომლებიც მხოლოდ ძველი ქართულის საფუძველზე აიხსნება.

თავში — ლექსიკური შეხვედრები — ავტორი განმარტავს კონკრეტულ ფორმებს ანბანური თანმიმდევრობის დაცვითა და შესაბამისი ტექსტების დამოწმებით. შემდეგ თავში — გრამატიკული შეხვედრები — ავტორი განიხილავს ფონეტიკურ და მორფოლოგიურ საკითხებს. მორფოლოგიური საკითხებიდან იგი შეეხება ბრუნვათა სისტემას, განიხილავს კონკრეტულ მაგალითებს ვაჟას შემოქმედებიდან, წარმოაჩენს ორმაგი ბრუნვების ნიმუშებს, საუბრობს ნართანიანი მრავლობითის, ნახევარისა და მსაზღვრელ-საზღვრულის გამოყენების თავისებურებებზე.

ზმის კატეგორიის განხილვისას მკვლევარი ყურადღებას ამახვილებს ხოლმეობითის ფორმების გამოყენებაზე. ეს საკითხი ძველი და ახალი ქართულის ერთ-ერთი განმასხვავებელი ნიშანია. ხოლმეობითის მნკრივები, რომელთა სიმრავლეც დამახასიათებელია ძველი ქართულისთვის, ახალში არ დასტურდება. იგივე ითქმის პირდაპირი ობიექტის მრავლობითობის ზმნაში გამოხატვის შესახებაც, რომელიც ასევე, განსხვავებით ახალი ქართულისაგან, გვქონდა ძველში და გვხვდება ვაჟას შემოქმედებაშიც. პოეტი საუბრობს ზმნური კატეგორიის სხვა არქაულ ფორმებზეც, სინტაქსისა და დროთა თანმიმდევრობის საკითხებზე, ვრცლად და დეტალურად მიმოიხილავს მეტრიკისა და რიტმის რეგულაციის ენობრივ-მხატვრულ საშუალებებს, მოკლედ ეხება პოეტური ხელოვნების სხვა ხერხებსაც, რომლებიც დამახასიათებელია ვაჟას მხატვრული მეტყველებისათვის.

6.8.

შ. ძიძიგური

ვაჟა-ფშაველას ენის პრობლება

წიგნში: „ქართველ კლასიკოსთა ენობრივი მემკვიდრეობა“

თბ., 1971, გვ. 166-200

ნაშრომში განხილულია ვაჟა-ფშაველას სამწერლობო ენის პრობლემა. ავტორის მითითებით, ვაჟას სამწერლობო ენა დიფერენცირებულია ჟანრის მიხედვით. პოეტი პროზაში სალიტერატურო ენას, ხოლო პოეზიაში მის დიალექტურ ვარიანტს იყენებს. ნაშრომის ავტორი განიხილავს ლიტერატურის კრიტიკაში მიღებულ ფორმულირებას, რომლის მიხედვითაც ვაჟა ენობრივი პარტიკულარიზმის ტიპური წარმომადგენელია, ენობრივი ნატურალიზმის დამნერგავია ქართულ ლიტერატურაში და აქვე გვთავაზობს პ. მირიანაშვილის, ი. ნაკაშიძის, ა. წერეთლის, კ. აბაშიძის, ი. გ. ვართავავას, ტ. ტაბიძის, არნ. ჩიქობავას და სხვათა თვალსაზრისებს ვაჟას ენასთან დაკავშირებით. ვრცლად წარმოადგენს თავად ვაჟა-ფშაველას დამოკიდებულებას საკუთარ სამწერლობო ენასა და სტილზე. მკვლევარის მითითებით, ვაჟა მხარს უჭერს ენობრივი კონსერვატორიზმის თეორიას, ამასთან, პოეტის აზრით, ფშავურ კილოს განსაკუთრებული მნიშვნელობა ენიჭება ახალი ქართული სალიტერატურო ენის ფორმირების პროცესში. წერილის ავტორი მსჯელობს დიალექტიზმების ნაკადზე ვაჟას სამწერლობო ენაში და, ამასთან, გვთავაზობს ვაჟას დიალექტიზმების ანალიზს, განიხილავს კონკრეტულ ნიმუშებს. დასასრულ, ავტორი ასკვნის, რომ ვაჟა-ფშაველა არ შეიძლება მივიჩნიოთ ენობრივი ნატურალიზმის ტიპურ წარმომადგენლად და ვაჟას ფშავურ დიალექტთან მიმართების პრობლემაც გარკვეული შეზღუდვით უნდა განვიხილოთ, რადგან ვაჟას პოეტური მეტყველების არსებითი ნაწილი სალიტერატურო ენას ეყრდნობა, დიალექტიზმებს ვაჟას ნაწერებში სტილისტიკური ფუნქცია აქვს დაკისრებული, ხოლო მთლიანობაში პოეტმა დიდი წვლილი შეიტანა ქართული სალიტერატურო ენის ფორმირებაში.

წერილი დაყოფილია თავებად: 1. ზოგადი მიმოხილვა 2. ვაჟას ენის საკითხი ლიტერატურულ კრიტიკაში 3. ვაჟას შეხედულებები ენაზე 4. დიალექტიზმების ადგილი ვაჟას ენაში 5. ვაჟას დიალექტიზმების ანალიზი..

6.მ.

### III. საიუბილეო კრეპულები

ვაჟა-ფშაველას დაბადებიდან 100 წლისთავისადმი

მიძღვნილი კრეპული, 1861-1961

მეცნიერებათა აკადემიის გამომცემლობა.

რედ.: გ. ლეონიძე, თბ., 1961

კრეპულში შეტანილია 18 სტატია. წიგნი იხსნება აკაკი შანიძის მოგონებებით. გიორგი აბზიანიძე სტატიაში „ვაჟა-ფშაველას შემოქმედების საკაცობრიო მნიშვნელობა“, მიუთითებს, რომ ვაჟა-ფშაველას უდიდესი ისტორიული დამსახურება თავისი შემოქმედების ცენტრში იმ დიდი სოციალური, ფილოსოფიური და ეთიკური პრობლემების მოქცევა, რომლებიც აღელვებდა მისი დროის მოწინავე კაცობრიობას. ამ პრობლემებს გენიალურმა ხელოვანმა მოუქებნა ღრმა ორიგინალური ფორმა, ნოვატორული იდეურ-მხატრრული გადაწყვეტა, რითაც თავისი შემოქმედება მსოფლიო ლიტერატურის სიმაღლეზე აიყვანა.

ალ. ბარამიძე წერილში „ვაჟა-ფშაველა რუსთველოლოგი“, მიუთითებს პოეტის მიერ გამოთქმულ რუსთველოლოგიურ იდეებზე. კერძოდ, გამოყოფს ვაჟა-ფშაველას მიერ ალ. ხახანაშვილის ძირითადი მოსაზრების — „ვეფხისტყაოსნის“ ხალხური ტარიელიანიდან წარმოშობა — დარღვევას. მკვლევარს აგრეთვე მნიშვნელოვნად მიაჩნია ვაჟას მიერ „ვეფხისტყაოსნის“ სიუჟეტის ორიგინალურობის პრობლემის გადაჭრაც. ვაჟამ დაგმო მარის წერილებში გამოთქმული პოზიცია

და თავისი მიდგომით მიუახლოვდა ე.წ. „სიუჟეტური შენილბვის“ კონცეფციას.

მიხ. ჩიქოვანი სტატიაში „ვაჟა-ფშაველას „სტუმარ-მასპინძლის“ ფოლკლორული ძირები“, აღნიშნავს, რომ მართალია, ვაჟას შემოქმედებაში არ მოიძებნება ერთი თვალსაჩინო პოემაც კი, რომელიც უშუალოდ კავშირში არ იქნება ფოლკლორთან, მაგრამ, ამავე დროს, თითოეული მათგანი ღრმად ინდივიდუალური და ორიგინალურია გააზრების თვალსაზრისით.

ქს. სიხარულიძე წერილში „ვაჟა-ფშაველას“ ფოლკლორული შეხე-დულებები“ მიმოიხილავს რა ვაჟას წერილებს ხალხური სიტყვიერებისა და ლიტერატურის ურთიერთმიმართების შესახებ, აღნიშნავს, რომ ვაჟას შეხედულებებს დიდი თეორიული ლირებულება გააჩნია და რომ პოეტის მიერ ხალხური წყაროების გამოყენების პრინციპი სამაგალითოა ყველა ჭეშმარიტი ხელოვანისთვის.

გ. კალანდარიშვილი წერილში „ვაჟას მეტაფორული მეტყველება და თანამედროვე ქართული პოეზია“ პოეტს მეტაფორების ჯადოქარს უწოდებს და აცხადებს, რომ რუსთველის შემდეგ ქართულ პოეზიაში მას ბადალი არ მოეპოვება და რომ მან მე-20 ს. ქართული პოეზის განვითარებაზე დიდი გავლენა მოახდინა.

ა. გაჩეჩილაძის აზრით, „მოკვეთილი“ პირველი ქართული დრამა-ტული ნაწარმოებია. იგი ღრმა კონფლიქტის ნიადაგზე შექმნილი ფსიქოლოგიური დრამაა, რომელიც ადამიანის სულიერი სამყაროს მოძრაობას საოცარი სიზუსტით გვაჩვენებს. მკვლევარი მიიჩნევს, რომ თავისი ფსიქოლოგიზმით „მოკვეთილი“ ახლოს დგას ილიას დრა-მატულ პოემასთან „დედა და შვილი“.

დ. რამიშვილს წერილში „გველის მჭამელის“ მთავარი გმირის — მინდიას — სახე ქართულ ლიტერატურულ კრიტიკაში“, არსებითად მიაჩნია, რომ ვაჟა იცნობდა და იზიარებდა მინდიას კ. აბაშიძისეულ შეფასებას: „პოემა არის მეწვრილმანური, პრაქტიკულის ფიქრების, უსახო უტილიტარიზმის საზიზლარი სახის დამგმობი... მშვენიერი მინდია, გონებითა და გრძნობით ლალი, იღუპება ვიწრო პაერასა და ატმოსფეროში“.

ლ. სულხანიშვილი თავის წერილში მსჯელობს ვაჟას საბავშვო პროზის ერთ თავისებურებაზე. კერძოდ, „ცრუპენტელა აღმზრდელის“ მაგალითზე განიხილავს როგორ, რა საშუალებებით ახერხებს ვაჟა მკითხველზე ზემოქმედების მოხდენასა და მასთან უშულო კონტაქტის დამყარებას.

აპ. ცანავა მსჯელობს ვაჟა-ფშაველას მიმართებაზე ფშაურ კაფიასთან. ავტორი განიხილავს, რა არის კაფია და როგორია მისი სპეციფიკა; ახასიათს ვაჟა ფშაველას, როგორც ფშაური კაფის მკვლევარსა და შემკრებს; ასევე, გვიამბობს ვაჟას დამოკიდებულებაზე ფშაური კაფიის ოსტატებისადმი.

გარდა ზემოხსენებულისა, კრებულში მკითხველი გაეცნობა შემდეგ სტატიებს: ლ. ჭრელაშვილი — „ზოგიერთი ცნობა რაზიკაშვილების ურთიერთობიდან“, თ. იზაშვილი — „ვაჟასა და ბაჩანას ურთიერთობიდან“, რ. კუსრაშვილი — „ვაჟას ერთი პონორარის ისტორია“; ს. ცაიშვილი — „პარალელები და შენიშვნები“; ლ. სანაძე — „ვაჟა-ფშაველას „სოფლის სურათები“; თ. ჩხენკელი — „ვაჟა-ფშაველას პოემების ზაბოლოცკისეული თარგმანები“; ი. მეგრელიძე — „ნ. მარი და ვაჟა-ფშაველას შეფასებით“; გ. ბარნოვი — „ვაჟა-ფშაველას პოეზიის ხალხური წყაროების შესახებ“.

ნ.ც.

### თემატური კრებულები

#### ქართველი მწერლები ვაჟა-ფშაველას შესახებ თბ., 2003

კრებული მიეძღვნა ვაჟა-ფშაველას კაბინეტის დამაარსებლისა და ხელმძღვანელის, პროფ. გრიგოლ კიკნაძის დაბადების 90-ე წლისთავს (შემდგ.: ი. ევგენიძე, ლ. მინაშვილი, ჯ. ჭუმბურიძე). კრებული მოიცავს 709 გვერდს. ერთვის შესავალი ნარკვევი (ავტორი იუზა ევგე-

ნიძე), კომენტარები, შენიშვნები და საძიებლები (შემდგ.: ლ. მინაშ-ვილი). კრებულის რედაქტორია ჯ. ჭუმბურიძე.

ნიგნში მკითხველი გაეცნობა ქართველ პოეტთა და პროზაიკოსთა მიერ ვაჟას თემაზე შექმნილ ლექსებს, მხატვრულ ესკიზებს, ესეებს. კრიტიკულ წერილებს, ნარკვევებს, მემუარებსა და პირად წერილებში დაცულ ცნობებს მგოსნის სამოღვაწეო ასპარეზზე გამოსვლის დღიდან XX საუკუნის 80-იან წლებამდე.

კრებულში არ შესულა ქართველ ემიგრანტ მწერალთა ნააზრევი. გამონაკლისია მხილოდ გრიგოლ რობაქიძე, შალვა ამირეჯიბი და აკაკი პაპავა, რადგან ისინი ემიგრაციაში წასვლამდეც აქვეყნებდნენ წერილებს ვაჟას შესახებ.

კრებულში ასევე არ შესულა როგორც მოცულობით, ისე შინაარ-სობრივი თვალსაზრისით გამორჩეული და საყოველთაოდ ცნობილი ნაშრომები: აკაკი განერელიას „ვაჟა-ფშაველა“, თ. ჩხერიმელის „ტრა-გიკული ნილბები“ და „მშვენიერი მძლევარი“, ე. კვიტაშვილის „ვაჟა-ფშაველას რითმა“.

კრებულში შესულია სხვადასხვა დროს პრესაში გამოქვეყნებული მასალაც. შემდგენლებმა თავი მოუყარეს 140-მდე პუბლიკაციას. მათ შორისაა ისეთ ავტორთა ნაწერები, როგორებიც არიან: ილია ჭავჭა-ვაძე, აკაკი წერეთელი, დ. კლდიაშვილი, დ. მეგრელი, გ. შერვაშიძე, გრ. რობაქიძე, ს. შანშიაშვილი, ი. ეკალაძე, ლ. ბზვანელი, გ. ქუჩიშვილი, გ. ტაბიძე, ტ. ტაბიძე, პ. იაშვილი, ვ. გაფრინდაშვილი, გ. ლეონიძე, კ. გამსახურდია, ვ. ბარნოვი, მ. ჯავახიშვილი, ი. გრიშაშვილი, ს. ჩიქო-ვანი, ნ. ნაკაშიძე, დ. შენგელაია, ლ. გოთუა, აკ. ბელიაშვილი, გრ. აბა-შიძე, თ. ჭილაძე და სხვანი.

შემდგენლელთა მიზანი იყო თავი მოეყარათ ყველა იმ პოეტური ფორმით წარმოდგენილი თუ წმინდა კრიტიკულ-თეორიული ხასიათის მასალისათვის, რაც კი ვაჟას შესახებ შექმნილა. რასაკვირველია, კრე-ბულს არ აქვს სისრულის პრეტენზია, მაგრამ ის ქართულ სამეცნიერო სივრცეში შექმნილი ამ ტიპის პირველი კრებულია და, ამდენად, მეტად ფასეულიც.

6.ფ.

307

ვაჟა ფშაველა ქართულ ლიტერატურულ კრიტიკაში

(შემდგ. ი. ბოცვაძე)

ქრესტომათია, I, თბ., 1955

ქრესტომათიაში შეტანილია ვაჟა ფშაველას შემოქმედებასთან და-კავშირებით შექმნილი კრიტიკული წერილები, რომლებიც 1886-1925 წლებშია დაწერილი. წიგნს წინ უძღვის შემდგენლის, ი. ბოცვაძის, ვრცელი წერილი „ვაჟა ფშაველა ქართულ ლიტერატურულ კრიტიკა-ში“, რომელშიც ავტორი კრიტიკულად განიხილავს კრებულში მის მიერვე შეტანილ წერილებს. აქვე ი. ბოცვაძე წარმოგვიდგენს საკუთარ სუბიექტურ შეხედულებას ვაჟა ფშაველას შემოქმედებასთან დაკავშირებით.

ქრესტომათიაში შეტანილი პირველი კრიტიკული წერილი - „ბიბ-ლიოგრაფიული შენიშვნა“ — ეკუთვნის იაკობ მანსვეტაშვილს.. აქ გან-ხილულია საბავშვო უურნალ „ნობათის“ III, IV და V ნომრები. შემდეგ წიგნში მოცემულია ივანე ჯაჯანაშვილის (ი. კავთელი) „ბიბლიოგრა-ფიული შენიშვნა“, რომელიც ასევე უურნალ „ნობათის“ მიმოხილვას წარ-მოადგენს. აქ საყურადღებოა ის ფაქტი, რომ ი. ჯაჯანაშვილი ვაჟა ფშა-ველას „შელის ნუკრის ნაამბობს“ მხოლოდ სიტყვების გროვად მიიჩნევს.

ვაჟა ფშაველას ენის თავისებურებას ეხება პეტრე მირიანაშვილის წერილი „საერო ენა და სათემო კილო“, რომელშიც ავტორი აღნიშნავს, რომ ვაჟას კუთხურმა მეტყველებამ „მთლად არია ენის ტაძარი“. ამ პუბლიცისტურ წერილს მოსდევს ვაჟას საპასუხო წერილი „მცირე შენიშვნა“, რომელშიც ავტორის მიერ დასაბუთებულად არის შეფასებული ხალხური მეტყველების როლი სალიტერატურო ენის განვითარებაში.

იოსებ ბოცვაძის მიერ ქრესტომათიაში შეტანილია პეტრე მირი-ანაშვილის საპასუხო წერილი „ბ-ნი ვაჟა ფშაველა და ბ-ნი ურბნელი“; ასევე, თეოფილე ხუსკივაძის პუბლიკაცია „საბიბლიოგრაფიო შენიშ-ვნა“, გრ. ყიფშიძის ლიტერატურულ-კრიტიკული ხასიათის წერილები: „სალიტერატურო მიმოხილვა“, „თ-დი რაფ. ერისთავი და მისი სალი-ტერატურო მოღვაწეობა“ და ისევ „სალიტერატურო მიმოხილვა“.

ჩამოთვლილ წერილებში ავტორი მეტ-ნაკლებად კრიტიკულად აფასებს ვაჟა ფშაველას შემოქმედებას.

ქრესტომათიაში წარმოდგენილია ვაჟა ფშაველას წერილი „*Pro domo sua*“, მასში მკაფიოდ ჩანს მწერლის ლიტერატურულ-კრიტიკული და ესთეტიკური შეხედულებები.

კრებულში ი. ბოცვაძემ შეიტანა ილია ნაკაშიძის პუბლიცისტური წერილების სერია: „ვაჟა ფშაველას პოეზია“, „ვაჟა ფშაველა“ და „ვაჟა ფშაველა“ (ლ. რაზიკაშვილი). საყურადღებოა, რომ ამ წერილების ავტორი ვერ ახერხებს განავითაროს ერთი მწყობრი თვალსაზრისი ვაჟას შემოქმედებაზე და გარკვეულ წინააღმდეგობაშიც ვარდება.

ქრესტომათიაში ასევე წარმოდგენილია შემდეგი წერილები: ლ. ბოცვაძის „კრიტიკა და ბიბლიოგრაფია“, კიტა აბაშიძის „ვაჟა ფშაველა“, ი. გომართელის „კრიტიკული შენიშვნა“ და „სალიტერატურო შენიშვნები“, ივ. გომელაურის „ბიბლიოგრაფია“; გრ. რცხილაძის პუბლიკაცია „ვაჟა ფშაველას ლირიკის ახალი პანგი“. ყველა ჩამოთვლილი წერილი წარმოადგენს ვაჟა ფშაველას შემოქმედების შეფასებისა და კრიტიკული ანალიზის ცდას.

წიგნში ასევე წარმოდგენილია ალ. ხახანაშვილის წერილი „ლუკა რაზიკაშვილი (ვაჟა ფშაველა)“, იპ. ვართაგავას კრიტიკული ეტიუდი „სიმღერა მთის შვილის ვაჟა ფშაველასადმი“. უნდა აღინიშნოს, რომ იპ. ვართაგავას ეს წერილი იმ პერიოდის ყველაზე ვრცელი და საფუძვლიანი განხილვაა ვაჟა ფშაველას შემოქმედებისა. აქ ავტორი სვამს საინტერესო კითხვას: თუ რა ეკუთვნის ვაჟას პოემებში ხალხის გენიოსობას და რა თვით მგოსანს. ამ წერილს ლოგიკურად მოსდევს ვაჟა ფშაველას საპასუხო სიტყვა „კრიტიკა ბ-ნ იპ. ვართაგავას“.

იოსებ ბოცვაძის მიერ ქრესტომათიაში ასევე შეტანილია შემდეგი წერილები: ილია ფერაძის „ბახტრიონი“ და „გოგოთურ და აფშინა“, იოსებ იმედაშვილის „ბუნების მესაიდუმლე“, დავით კასრაძის ესკიზი „ვაჟა ფშაველა“, ვლ. ბ-ძის „ვაჟა ფშაველა“ და ბოლოს ნარ-დონის წერილები: „ვაჟა ფშაველა“ და „მთების ამაყიშვილის — ვაჟას ხსოვნას“.

ქრესტომათიის შემდგენელი იოსებ ბოცვაძე პუბლიცისტური წერილების წარმოჩენით შეეცადა ერთიანობაში წარმოედგინა ვაჟა-

ფშაველას შემოქმედებასთან დაკავშირებით დაწერილი კრიტიკული შეფასებები.

ქრესტომათიაში ახლავს შენიშვნები და სახელთა საძიებელი.

სტ.

### ვაჟა-ფშაველას „ბახტრიონი“

(მონოგრაფიული კრებული)

თბ., 1974

აღნიშნული კრებული ქართულ სამეცნიერო სივრცეში დღემდე რჩება ამ ტიპის ერთადერთ და ორიგინალურ გამოცემად. წიგნი გრ. კიკნაძის რედაქტორობით მომზადდა. შესავალში საუბარია ორი კო-მისიოს მუშაობის შედეგებზე (პირველმა შეისწავლა „ბახტრიონის“ ტექსტის საკითხები; მეორემ — პოემა გააანალიზა მხატვრულ-გამომსახველობითი საშუალებების თვალსაზრისით). შესავალს მოს-დევს გრიგოლ კიკნაძის ვრცელი წერილი, რომელშიც ზოგადადა დახასიათებული პოემა „ბახტრიონი“. შემდეგ ნაკვეთში დაბეჭდილია პოემის მეცნიერულად დადგენილი ტექსტი.

ივ. გიგინეიშვილის სტატიაში „ბახტრიონის“ ტექსტისთვის „საუბარია პოემის წყაროებსა და ავტოგრაფებზე. აგრეთვე, ტექსტის დადგე-ნასთან დაკავშირებულ პრობლემებზე.

კრებულის მესამე ნაკვეთი შეიცავს 15 სამეცნიერო წერილს „ბახტრიონის“ პოეტიკის საკითხებზე (კომპოზიცია, სტროფიკა, მეტა-ფორა, გაპიროვნება, ეპითეტი, შედარება, რიტორიკული ფიგურები, ჰიპერბოლა, რიტმი, დესკრიფცია, ინვერსია, ანაფორა, გადატანა, ეფონია, რითმი). ამ წერილების ავტოგრები არიან: ა. ხინთიბიძე, გრ, კიკნაძე, ს. ხუციშვილი. ჯ. ჭუმბურიძე;

კრებულის მეოთხე ნაკვეთში წარმოდგენილია ივ. გიგინეიშვილის, ალ. ჭინჭარაულისა და თ. ოჩიაურის წერილები „ბახტრიონის“ ენობ-რივი თავისებურებების შესახებ.

კრებულს ერთვის ს. ყუბანეიშვილის მიერ შედგენილი ბიბლიოგრაფია.

ნ.ფ.

**ვაჟა-ფშაველას ხუთი პოემა**  
(მონოგრაფიული გამოცემა)  
თბ., 1975

აღნიშნული წიგნი შედგება ოთხი ნაწილისაგან. პირველი ნაწილი გრ. კიკაძის ნარკვევია, „ვაჟა-ფშაველას ხუთი პოემა“, რომელშიც ავტორი მიმოიხილავს პოეტის სხვა პოემებსაც („გიგლია“, „მონადირე“, „სისხლის ძიება“, და სხვა). მკვლევრის აზრით, ვაჟა სიმბოლიზმის წარმომადგენელია. იგი მიმოიხილავს საანალიზოდ აღებული პოემების ტექსტის დადგენის ისტორიას. მიუთითებს, რომ ბევრი დეტალი წებსით თუ უნებლივ არის შეცვლილი, მეორე ნაწილში მოცემულია ვაჟას ხუთი პოემის ტექსტი.

წიგნის მესამე ნაწილში — „სტილი. პოეტიკა“ — წარმოდგენილია გ.ბუაჩიძის, გრ. ფარულავას, ა.კ. ხინთიბიძისა და სხვათა ნარკვევები. ეს წერილები ეხება ხუთივე პოემის ტროპის სახეებს (შედარება, ეპითეტი, მეტაფორა, გაპიროვნება, პოემების ევფორიურ მხარეს (რიტმი, რითმა), ავტორის ენის ხალხურობას.

წიგნის მეოთხე ნაწილი მოიცავს ლექსიკონს, კომენტარებს, ძირითად ლიტერატურას. ყოველივე ამას ახლავს რეზიუმე რუსულ ენაზე, ხოლო სარჩევი ქართულსა და რუსულ ენებზეა შედგენილი.

სტ.

**ვაჟა-ფშაველას ხსოვნისადმი მიძღვნილი კრებული  
თსუ გამომცემლობა, თბ. 1966**

კრებული ეძღვნება ვაჟა-ფშაველას გარდაცვალების 50-ე წლის-თავს. მასში წარმოდგენილია ქართველი, რუსი და უკრაინელი ლიტერატურათმცოდნეების, აგრეთვე ხელოვნების სხვადასხვა დარგის წარმომადგენელთა სამეცნიერო და პოპულარული ნაშრომები. კრებული შედგება ექვსი ნაწილისგან. რომელთაც უძღვის გრ. კიკაძისა და ნ. ასათიანის სამეცნიერო წერილები. გრ. კიკაძის ნაშრომში „ვაჟას ფენომენი“ განხილულია ვაჟა-ფშაველას ცხოვრებისეული დეტალები, რომლებიც მწერლის შემოქმედებითი ბიოგრაფიისათვის მნიშვნელო-

ბას იძენს. გამოკვლევაში საუბარია აგრეთვე პოეტური ტარდიციებისა და სტილური საკითხების შესახებ. 6. ასთიანი წარმოადგენს მრავალ-მხრივ სამეცნიერო გამოკვლევას, რომელშიც წარმოდგენილია ფშავის კულტურული, ეკონომიკური, სოციალური, გეოგრაფიულ-ადმინისტრაციული დაქრონიული სურათი.

კრებულის პირველ ნაწილში წარმოდგენილია უცხოელი მეცნიერების რუსულენოვანი სამეცნიერო გამოკვლევები. პ. ბერკოვი თავის სტატიაში მოგვითხრობს საკუთარი დამოკიდებულებების შესახებ ვაჟა-ფშაველას შემოქმედებისადმი. მკვლევარი მიმოიხილავს მწერლის ესთეტიკის მიმართებას ფოლკლორთან, საუბრობს კეთილისა და ბოროტის მარადიული პრობლემის ასახვაზე ვაჟა-ფშაველას შემოქმედებაში. იგი საინტერესოდ აანალიზებს აღაზას განცდებს პოემაში „სტუმარ-მასპინძელი“. „გველისმჭამელის“ განხილვისას მეცნიერი გამოთქვამს მოსაზრებას იმის თაობაზე, რომ მინდიას თვითმკვლელობა, რომელიც მტრის გამარჯვების ფონზე ხდება, არ შეიძლება ცოდვის გამოსყიდვად იქნას მიჩნეული. დ. ბლაგოი საუბრობს კავკასიის თემატიკაზე პუშკინის შემოქმედებაში. იგი ყურადღებას ამახვილებს საზოგადოებისა და პუმანისტი, მარტოსული გმირის დაპირისპირების მოტივებზე პუშკინისა და ვაჟა-ფშაველას თხზულებებში. ამასთანავე, მიმოიხილავს ქართველი მწერლის ცალკეულ გამონათქვამებს პუშკინის შემოქმედების შესახებ. ე. კირილიუკის, პ. მეილახისა და პ. რეიზოვის სამეცნიერო გამოკვლევების განხილული პრობლემები ვაჟა-ფშაველას შემოქმედებით მემკვიდრეობას არ ეხება, თუმცა ისინი მიძღვნილია მწერლის ხსოვნისადმი.

კრებულის მეორე ნაწილში წარმოდგენილია ქართველი მეცნიერების სტატიები ვაჟა-ფშაველას მხატვრული მემკვიდრეობის შესახებ. მ. ზანდუკელის სამეცნიერო გამოკვლევა ეძღვნება სიზმრის ფუნქციას ვაჟა-ფშაველას შემოქმედებაში. მკვლევარი მწერლის შემოქმედებაში სიზმრების სტილისტური ანალიზის საფუძველზე მიიჩნევს, რომ სხვა მწერლებისაგან განსხვავებით, ვაჟა-ფშაველას ტექსტებში სიზმარს არა მხატვრული, არამედ თავისთავადი დატვირთვა აქვს. აკ. განერელიას გამოკვლევა ეხება ვაჟა-ფშაველას ტექსტების ქართულ მი-

თოსთან მიმართების საკითხს. მკვლევარი აანალიზებს მითოლოგიურ ელემენტებს ვაჟა-ფშაველას შემოქმედებაში და საუბრობს მათ გენეზისზე. გრ. კიკნაძე განიხილავს ფრონდის ფსიქოანალიზის გამოყენების მართებულობის საკითხს ვაჟა-ფშაველას შემოქმედების კვლევისას და ამტკიცებს, რომ ამ თეორიის უნივერსალურ ლიტერატურულ მეთოდად აღიარება მეთოდოლოგიურად გაუმართლებელია. პ. ბერაძის სამეცნიერო გამოკვლევის საგანია ვაჟა-ფშაველას სტროფიკა. მკვლევარი საუბრობს რიტმულ და ენობრივ საკითხებზე, აანალიზებს ცალკეულ ტექსტებს და გამოყოფს მათში იმ მეტრულ თავისებურებებს, რომელიც მწერლის პოეზიას განასხვავებს ხალხური შემოქმედებისგან. ლ. მენაბდის წერილში განხილულია ვაჟა-ფშაველას დამოკიდებულება ძველი ქართული მწერლობისა და მწერლების მიმართ, შეკრებილია ციტატები, რომლებიც ვაჟას აქვს დამოწმებული ძველი და ახალი აღთქმიდან, გაანალიზებულია მწერლის შემოქმედებაში ძველი ქართული მწერლობის თემატიკა (გმირები, მოვლენები). დიდი ადგილი ეთმობა მწერლის „ვეფხისტყაოსნისადმი“ დამოკიდებულების საკითხზე მსჯელობას. ც. შარიქაძის წერილში ვაჟა-ფშაველას პოეზია განხილულია აკაკი წერეთლის პოეტური მემკვიდრეობის კონტექსტში. მკვლევარი აღმოაჩენს მნიშვნელოვან მსგავსებებს აკაკის პოეზიასთან, რაც გარკვეულ ეტაპზე ვაჟა-ფშაველას შემოქმედებით გავლენებს წარმოაჩენს. ნ. ტაბიძის გამოკვლევა ეხება ვაჟა-ფშაველას, როგორც პოლემისტის ოსტატობას. მკვლევარი განხილავს მწერლის პუბლიცისტურ მემკვიდრეობას, რის საფუძველზეც მიიჩნევს, რომ ვაჟა-ფშაველა, როგორც პოლემისტი, გამოირჩევა მაღალი პროფესიული ეთიკით. იგი ფოკუსირებულია მხოლოდ პრობლემის და არა ცალკეულ პიროვნებათა კრიტიკაზე. ბ. ფოჩხუას წერილში განხილულია ვაჟა-ფშაველას ლექსიკის წვლილი ქართული ენის განმარტებით ლექსიკონში. მკვლევარი მიიჩნევს, რომ თანამედროვე ქართული სალიტერატურო ენა დაფუძნებულია სწორედ ილიას, აკაკისა და ვაჟა-ფშაველას ლექსიკურ ფონდზე და, შესაბამისად, თვლის, რომ ვაჟა-ფშაველას ლექსიკა ქართული ენის განმარტებით ლექსიკონში სათანა-დოდ არის გათვალისწინებული. კრებულში წარმოდგენილია ალ. ჭინ-

ჭარაულის ორი სამეცნიერო გამოკვლევა. ერთ-ერთი ეხება ხევსუ-რული დიალექტის არსებობის საკითხს ვაჟა-ფშაველას შემოქმედებაში. მკვლევარი მიიჩნევს, რომ მწერლის ეთნოგრაფიულ-პუბლიცისტურ წერილებში მის მხატვრულ ტექსტებთან შედარებით დიალექტი ავთენტურად არის შენარჩუნებული. მეცნიერის მეორე სტატია ეძღვნება მწერლის ზოგიერთი ფსევდონიმის პრობლემას. მკვლევარი განიხილავს მათს წარმომავლობას და გამოარკვევს, რომ რამდენიმე მათგანი რეალურად არსებული პირების სახელებია. თ. ოჩიაურის წერილში გაანალიზებულია ვაჟა-ფშაველას მიერ შეკრებილი მითოლოგიური გადმოცემები, განსაზღვრულია მწერლის ლვანლი ქართული მითოსის შესწავლის საქმეში, რამდენადაც ვაჟა-ფშაველა არა მხოლოდ შემგროვებლის, არამედ რამდენიმე საკითხის მეცნიერულად გააზრების მაგალითსაც იძლევა. ს. ხუციშვილის და ვ. ჟვანიას გამოკვლევებში წარმოდგენილია ვაჟა-ფშაველას ბიოგრაფიული ცნობები. ს. ხუციშვილი ეყრდნობა სამსონ ფირცხალავას „მოგონებათა წიგნს“, ხოლო ვ. ჟვანია — ახლად მოპოვებულ მასალებს, რის შედეგადაც აზუსტებს ზოგიერთ, მანამდე ბუნდოვან საკითხს მწერლის ბიოგრაფიიდან. სტატიებში შეკრებილია მწერლის ცხოვრებისეული და მისი ლიტერატურული საქმიანობის ამსახველი ინფორმაცია.

მესამე ნაწილში წარმოდგენილი სამეცნიერო-პოპულარული სტატიები გვანვდის ინფორმაციას, თუ როგორ არის ათვისებული მწერლის მხატვრული მემკვიდრეობა ქართული თეატრის, მუსიკის, კინოხელოვნებისა და საგანმანათლებლო სისტემის მიერ.

მეოთხე ნაწილში წარმოდგენილია ვაჟა-ფშაველას თარგმანების სამეცნიერო ანალიზი. წინათქმაში თ. ჩხენეველი ზოგადად და სქემატურად მიმოიხილავს მწერლის მთარგმნელობით მეთოდს. სამეცნიერო გამოკვლევებში განხილულია ვაჟა-ფშაველასეული თარგმანების ენობრივი, სტილური, რედაქციული და წყაროებთან მიმართების საკითხები.

მეხუთე ნაწილში წარმოდგენილია ვაჟა-ფშაველას ნაწარმოებების თარგმანების ანალიზი. სამეცნიერო გამოკვლევებში საუბარია თარგმანების ლირსებებსა და ხარვეზებზე; სტილურ საშუალებებზე, ენობ-

რივ ვარიაციებზე, თარგმნის ისტორიებსა და ორიგინალთან მიმართების საკითხებზე.

მექქვსე თავში წარმოდგენილია ვლ. მინაშვილის სამეცნიერო წერილი „ვაჟა-ფშაველას თხზულებათა უკანასკნელი გამოცემების გამო“. მკვლევარი მიმოიხილავს შოთა რუსთაველის სახელობის ქართული ლიტერატურის ინსტიტუტის მიერ მომზადებულ აკადემიურ გამოცემებს (1961 წ., 1964 წ.), რომლებსაც ადარებს ავტოგრაფებსა და პირველნაბეჭდ წყაროებს, შეაქვს კორექტივები როგორც მხატვრულ, ასევე პუბლიცისტურ ტექსტებში.

კრებულს ერთვის ვაჟა-ფშაველას ნაწარმოებების გამოცემებისა და მასზე არსებული ქართული და უცხოენოვანი სამეცნიერო ლიტერატურის ბიბლიოგრაფია, რომელიც დაღაგებულია ქრონოლოგიური პრინციპით (შემდგ.: თ. ნაკაშიძე); აგრეთვე, მწერლის თხზულებათა და მის შესახებ არსებული სომხური და აზერბაიჯანული სამეცნიერო ლიტერატურის ბიბლიოგრაფია (შემდგ.: ლ. მელიქსეთ-ბეგი და ს. ხუციშვილი). კრებულს ახლავს კატალოგი „ვაჟა-ფშაველა ქართულ სახვით ხელოვნებაში“ (შემდგ.: მ. კარბელაშვილი და ლ. შანიძე), ინფორმაცია ვაჟა-ფშაველას კაბინეტის საქმიანობის შესახებ და სტატიების ანოტაციები რუსულ და ინგლისურ ენებზე.

ზ.ც.

კაი ყმა, მოგონებები ვაჟა-ფშაველაზე  
(შეადგინეს მ. ბეჟიტაძემ და ს. ცაიშვილმა)  
თბ., 1986

ქართული ლიტერატურა არცთუ ისე მდიდარია მემუარული ლიტერატურით. ასეთი ტიპის ლიტერატურასთან ახლოს დგას და, სამწუხაროდ, სიუხვით არ გამოირჩევა მოგონებები ქართველ მწერლებსა და საზოგადო მოღვაწეებზე.

ნიგნი ერთ-ერთია სერიიდან „მოგონებანი ქართველ მწერლებზე“, რომელსაც აქვეყნებს გამომცემლობა „მერანი“ და ეძღვნება ვაჟა-

ფშაველას დაბადების 125 წლისთავს. კრებულში შეტანილი მასალები იპეჭდება შემოკლებით.

კრებულს წინ უძლვის ს. ცაიშვილის შესავალი წერილი „ვაჟა-ფშაველა თანამედროვეთა ხსოვნაში“. წიგნში თავმოყრილია თითქმის 6 ათეული მოვონება. მასალა რაოდენობრივად არცთუ ისე ცოტაა, მაგრამ, ცხადია, ყველა თანაბარი ლირებულების არ არის. მოვონებების დალაგებისას უარყოფილია რაიმე სახის თემატური პრინციპი, რადგან ამ შემთხვევაში ბევრი მოგონება თემატური ჩარჩოს მიღმა დარჩებოდა. თითოეულ მათგანს დამოუკიდებელი სახე აქვს და წარმოაჩენს ავტორის დამოკიდებულებას დიდი თანამედროვისადმი. რედაქტორი მოერიდა სწორებას, თუმცა შეხსიერებით აღდგენილ ბევრ მოგონებაში შეიმჩნევა აშკარა უზუსტობა. ზოგი თითქმის ლეგენდური ხასიათისაა, მაგრამ მაინც მიზანშენონილად ჩაითვალა მათი დაბეჭდვა. მოგონებათა ავტორები არიან როგორც ცნობილი მწერლები, მეცნიერები, საზოგადო მოღვაწეები, ისე პოეტის ახლობები, მეზობლები, თანამოკალმენი და, უბრალოდ, თანამედროვენი. ავტორები ანბანის რიგზე არიან განცყობილნი. მკითხველი გაეცნობა აკ. წერეთლის, დავით კლდიაშვილის, ექვთიმე თაყაიშვილის, ნიკო კეცხოველის, არტ. ლაისტის, ი. მანსვეტაშვილის, შ. მღვიმელის, მ. საფაროვას, აკ. შანიძისა და სხვათა მოგონებებს.

კრებულს ახლავს მ. ბეჭიტაძის მიერ შედგენილი მოკლე ცნობარი, რომელშიც მითითებულია პირველწყაროები. კერძოდ, თუ სად ინახება ხელნაწერი ან რომელი ნაბეჭდი ტექსტი უდევს საფუძვლად კრებულში წარმოდგენილ მასალას.

ნ.ფ.

ვაჟა-ფშაველას კრებული, I  
რედ., გრ. კიკნაძე, თსუ, 1970

კრებულის პირველ ნაწილში დაბეჭდილია ჯ. ჭუმბურიძის, ი. ევგენიძის, ლ. სულხანიშვილისა და დ. ნონკოლაურის წერილები. მკითხველი საინტერესო ინფორმაციას მიიღებს ყველა იმ პუბლიკაციისა თუ გამოხმაურების შესახებ, რომლებიც ვაჟა-ფშაველას შესახებ გამოქვეყნდა რევოლუციამდელ ქართულ კრიტიკაში; გაეცნობა მწერლის შემოქმედებით „ლაბორატორიას“, შეიტყობს, როგორ იქმნებოდა საყოველთაოდ ცნობილი შედევრები; თვალს გაადევნებს ვაჟას წერის სტილის თავისებურებებს და შეიტყობს, როგორაა დასმული და გადაჭრილი „ბახტრიონისა“ და „სტუმარ-მასპინძლის“ წყაროთა საკითხი ფოლკლორისტიკაში.

კრებულის მეორე ნაწილში შემოთავაზებულია ნ. აბესაძის, ლ. ავალიანის, ლ. გრიგოლაშვილის, მ. კარბელაშვილის, ნ. კოტრიკაძის, თ. კოპლატაძის, ს. ყუბანეიშვილისა და ნ. წერეთლის წერილები. მათში დაინტერესებული მკითხველი გაეცნობა ვაჟას თარგმანების ავტარებს. სტატიებში დაკვირვების საგნადაა ქცეული ვაჟას პოემების მთარგმნელთა — დერჟავინის, ივნევის, ცვეტაევას, სერებრიაკოვის, ზაბოლოცკის, სპასკისა და სხვათა ღვაწლი.

კრებულის მესამე ნაწილს ხსნის ლ. ჭრელაშვილის სტატია „ვაჟა-ფშაველას მივიწყებული პუბლიკაციები“. აქვეა მოთავსებული ე.ნ. ენობრივი ფორმულების ლექსიკონი. ეს ამ ტიპის მასალის მოძიების პირველი ცდაა. მასალა ამოკრებილია ვაჟა-ფშაველას ხუთტომეულიდან (1961); დალოცვისა და წყევლის ფორმულები ანბანის რიგზე გააწყვეს იზაბელა ზაალიშვილმა და ცისანა წიქარიშვილმა. ლექსიკონს წამდლვარებული აქვს ფარნაოზ ერთელიშვილის წინასიტყვა.

კრებული მიეძღვნა პოფ. მიხ. ზანდუკელის ხსოვნას.

ზ.ც.

**ვაჟა-ფშაველას კრებული, II**  
**თსუ, 1982**

კრებული ეძღვნება ვაჟა-ფშაველას კაბინეტის დამაარსებლისა და ხელმძღვანელის, გრიგოლ კიკნაძის დაბადების 70 წლისთავს. კრებულს წინ უძღვის რედაქტორის, ჯ. ჭუმბურიძის, შესავალი წერილი, რომელშიც საუბარია ვაჟას მუდმივმოქმედი სემინარის მუშაობის შესახებ. შემდეგ კი დაბეჭდილია გრიგოლ კიკნაძის ვრცელი ნაწევევი „ქართული ხელოვნების ნიადაგთან“.

კრებულში წარმოდგენილია ი. ევგენიძის, ვ. მინაშვილის, ს. უორდანიას, ლ. გრიგოლაშვილის. დ. წოწკოლაურის, მ. ბეჟიტაძის, ს. ყუბანეშვილის, ლ. ავალიანის, ალ. ჭინჭარაულის, ფ. მაკალათიას, ნ. კონტრიძის, რ. ხვედელიძის, პ. ხუბუტიას წერილები. მათში ავტორები ეხებიან ისეთ მნიშვნელოვან და აქტუალურ საკითხებს, როგორიცაა ვაჟას „სიმღერათა“ სპეციფიკა და ბუნება, ალექსანდრე ყაზბეგისა და ვაჟას ურთიერთმიმართების საკითხი, პოეტური ხატების საკითხი, ვაჟას პოემათა ფაბულის ორიგინალობა, შურისძიების მოტივები ვაჟას შემოქმედებაში; ვაჟა „ივერიის“ ფურცლებზე — პოლემიკა დავით სოსლანთან; მკითხველი გაენობა ცისფერყანწელთა თვალით დანახულ ვაჟას, მის თხზულებათა ახალ რუსულენოვან თარგმანებს და ა.შ.

კრებული გვაწვდის ცნობებს ვაჟას ზოგიერთი უცნობი ნაწარმოების შესახებ. აქვე წარმოდგენილია მწერლის ერთი პერსონაჟის სახელის ეტიმოლოგია და ჩარგლის ტოპონიმიკა; ორი წერილი ეხება ვაჟა ფშაველას თხზულებათა თარგმანებს რუსულსა და უკრაინულ ენებზე; კრებულს თან ერთვის მოგონებები ვაჟაზე და რეცენზია გრ. კიკნაძის წიგნზე „ლიტერატურის თეორიისა და ისტორიის საკითხები“ (ი. ევგენიძე, ლ. მინაშვილი).

ზ.ც.

**ვაჟას კრებული, III**  
**თსუ, 1991, რედ. ჭ. ჭუმბურიძე (395 გვერდი)**

კრებული ეძღვნება ვაჟა-ფშაველას კაბინეტის დამაარსებლისა და ხელმძღვანელის, გრიგოლ კიკნაძის დაბადების 80 წლისთავს. კრებულს წინ უძღვის რედაქტორის შესავალი წერილი, შემდეგ კი დაბეჭდილია გრიგოლ კიკნაძის ვრცელი ნარკვევი „ვაჟა-ფშაველას შემოქმედება“. მასში სრულიად ახალი არგუმენტაციის საფუძველზე სისტემური სახე აქვს მიცემული ვაჟას შემოქმედებიდან მომდინარე პრობლემებზე მსჯელობას.

კრებულში დაბეჭდილ წერილებში მოცემულია ვაჟა-ფშაველას შემოქმედების როგორც საერთო დახასიათება, ისე მწერლის შემოქმედებასთან დაკავშირებული ცალკეული საკითხების ანალიზი. კერძოდ, დ. წონკოლაურის წერილში განხილულია სინდისის, ხოლო მ. ბეჟიტაძის წერილში — შურისძიების მოტივები ვაჟას პოემებში. ი. ევგენიძის სტატიაში დახასიათებულია მწერლისა და საზოგადოებრივი აზრის ურთიერთმიმართების ზოგიერთი ასპექტი. კ. გენაძე აშუქებს ვაჟას დრამატურგიულ ინტერესებს. ლ. მინაშვილის წერილში საუბარია ვაჟას პოემის, „ივანე კოტორაშვილის“, ეკრანიზაციის შესახებ. გ. ჯავახიშვილის წერილში ახლებურადაა გააზრებული ვაჟას ლექსის, „არჩილიანის“, შინაარსი. ალ. ჭინჭარაულმა თავის სატატიაში გაარკვია ზოგიერთი სიტყვის (ქორბუდიანი, თეთრი ქორა ხარი) ეტიმოლოგია. ლ. თეთრუაშვილმა კი განიხილა ვაჟას თხზულებათა თარგმნის საკითხი გერმანულ ენაზე. ალ. ქუთათელაძე გვთავაზობს მწერლის ფაუნდაციის სამყაროს ნარმომადგენელთა დახასიათებას და თვლის, რომ აუცილებელია მათი სახელების ადეკვატურად გადატანა რუსულ ენაზე.

კრებულში იბეჭდება საარქივო მასალა. კერძოდ, იპ. ვართაგავას „ჩემი დაგვიანებული პასუხი ვაჟა-ფშაველას“, რომელიც ეხება ლიტერატურის თეორიის ზოგიერთ ასპექტს. სერგო ზაქარიაძის არქივიდან ამოკრებილი მასალა კი ვაჟას ცხოვრების ცალკეულ ეპიზოდებს ჰქონის ნათელს.

კრებულში ყურადღებას იქცევს ი. ევგენიძისა და ვლ. მინაშვილის წერილი, რომელშიც დახასიათებული გრიგოლ კიქნაძე, როგორც ვაჟა-ფშაველას მკვლევარი. კრებულის ბოლო ნაწილში დაბეჭდილია ვაჟა-ფშაველას თხზულებათა და მისი შემოქმედების შესახებ არსებული ლიტერატურის ბიბლიოგრაფია (1980-1085), რომელიც და წონკოლაურმა შეადგინა.

6.ფ.

#### IV. ლექსიკონი

**ვაჟა-ფშაველას მცირე ლექსიკონი**  
(შემდგენელი ალექსი ჭინჭარაული, რედ. არნ. ჩიქობავა)  
ეძღვნება თსუ 50 წლისთავს  
თსუ, 1969

გამოცემა განმარტებითი ლექსიკონების ტიპს მიეკუთვნება. ლექსიკონს ერთვის რედაქტორის, არნოლდ ჩიქობავას, წინასიტყვაობა, სადაც მეცნიერი საუბრობს გამოცემისა და შესრულებული კვლევების დიდმნიშვნელოვნების შესახებ. აქვე მიმოხილულია ქართველი კლასიკოსების ლექსიკა-ფრაზეოლოგიის მეცნიერული შესწავლის თანამედროვე მდგომარეობა.

მეორე წინასტყვაობის ავტორია თავად ლექიკონის შემდგენელი, რომელიც მიმოხილავს წინამორბედი მეცნიერების მიერ ამ მიმართულებით წარმართულ საქმიანობას. ა. ჭინჭარაული, ასევე, გაგვაცნობს ვაჟა-ფშაველას ტექსტის დადგენის ისტორიებს სხვადასხვა, პოპულარული თუ აკადემიური, გამოცემების მომზადებისას. წინასიტყვაობაში შემდგენელი საუბრობს იმ ძირითად პრინციპებზე, რის მიხედვითაც არის სისტემატიზებული სალექსიკონო ერთეულები. შემდგენელი აზუსტებს ზოგიერთ გამონაკლისს, რათა მომხმარებელი გაარკვიოს სპეციალურ შემთხვევებში.

ლექსიკონი მოიცავს 6615 სალექსიკონო ერთეულს. მასში გაერთიანებულია ყველა მეტყველების ნაწილი, ზმნები მოცემულია ანმყოდროის მხოლობითი რიცხვის ფუძის სახით. ლექსიკონი დოკუმენტირებულია, განმარტებებს ერთვის თითო ან მეტი წინადაღება შესაბამისი ნაწარმოების კონტექსტიდან, ტექსტის სათაურის მითითებით. შემდგენელი დეფინირებისას ეყრდნობა აკაკი შანიძის, ქართული ენის განმარტებითი ლექსიკონისა და თავად მწერლის განმარტებებს. ლექსიკონში ხშირად დამხმარე საილუსტრაციო მასალებია მოცემული. განსაკუთრებულ ყურადღებას იმსახურებს წეს-ჩვეულებათა, რიტუალების აღმნიშვნელი ერთეულები, რომელთა შესახებ ლექსიკონში საინტერესო ინფორმაციებია შეკრებილი.

ლექსიკონის ძირითად ნაწილს დართული აქვს შემოკლებათა განმარტება, აგრეთვე, ადამიანებისა და ცხოველთა საკუთარი სახელები, გეოგრაფიული სახელები და ბოლოს, ვაჟა-ფშაველას ტექსტების გამოცემების უზუსტონების ჩამონათვალი სათანადო მართებული ფორმებითურთ.

ზ.ც.

## პირთა საძიებელი

- პ. ა. (იხ. არაბული ამირან)**  
აბაშელი ალექსანდრე 250, 258  
აბაშიძე გრიგოლ 249, 307  
აბაშიძე ირაკლი 258  
აბაშიძე კიტა 263, 267, 268, 303,  
305, 309  
აბესაძე 6. 317  
აბზიანიძე გიორგი 249,  
აბზიანიძე ზაზა 39  
აბულაძე ოუსტინე 80, 81, 82  
ავალიანი ლალი 317, 318  
ავაკი (იხ. წერეთელი აკაკი)  
აკერმანი 6. 254  
აკოფოვი აბრამა 211  
ალანიანი ნოდარ 250  
ალექსანდრიელი ფილონ (იხ.  
ფილონ ალექსანდრიელი)  
ალექსი-მესხიშვილი ლადო 60  
ამილაზვარი ოთარ 44, 45  
ამილეჯიბი შალვა 307  
არაბული ამირან 151, 248, 264  
არისტოტელე 110, 111, 299  
არტემიდოროსი 133  
ასათიანი გურამ 71, 103, 118, 119,  
120, 125, 247, 248, 265, 266  
ასათიანი 6. 311, 312  
აფხაძე შოთა 258  
ალნიაშვილი ლადო 42  
ახმატოვა ანა 170  
ახნაზაროვი არტემ 51  
**ბარათაშვილი ნიკოლოზ** 106,  
116, 118, 166, 170, 271  
ბარამიძე ალექსანდრე 304  
ბარბაქაძე თამარ 76  
ბარდაველიძე ჯონდო 150  
ბარნოვი გურამ 306  
ბარნოვი ვასილ 275, 307  
ბარტი როლან 93  
ბაქრაძე აკაკი 173  
ბაქრაძე გიორგი 208  
ბაშლიარი გასტონ 80  
ბაჩანა (იხ. რაზიკაშვილი ნიკო)
- ბეთჰოვენი ლუდვიგ ვან 7, 191  
ბეკონი 112  
ბელიაშვილი აკაკი 307  
ბელინსკი ბესარიონ 297  
ბენაშვილი დიმიტრი 76, 82, 113,  
114, 249, 267ბეჟიტაშვილი მ. 298  
ბეჟიტაძე მარინა 315, 316, 318, 319  
ბერაძე პ. 313  
ბერკოვი პ. 312  
ბეტი უილიამ ბიტლერ 270  
ბეხერი იოპანეს 169  
ბზვანელი ლადო 307  
ბიდერმანი გ. 127, 143  
ბლაგოი დ. 312  
ბოტკოველი ქ. 254  
ბოცვაძე ოსებ 268, 308, 309  
ბოცვაძე ლუარსაბ 309  
ბოჯგუა გ. 249  
ბრეგაძე კონსტანტინე 123  
ბრეგაძე ლევან 169, 172, 177  
ბროეპაუზი 108, 114  
ბუაჩიძე გასტონ 8, 269  
ბუბერი მ. 86, 103  
ბუდა 234, 236  
ბუქურაული ივანე 41, 50
- გაბიდაური 40**  
გაგუა ხუჭა 249  
გამსახურდია ზვიად 81, 82  
გამსახურდია კონსტანტინე 117,  
125, 140, 228, 258, 262, 270, 307  
განდეგილი (იხ. ერისთავი  
დომინიკა)  
გარსევანიშვილი ალექსანდრე 43  
გაფრინდაშვილი ვალერიან 24, 258,  
307  
გაჩეჩილაძე ა. 287  
გაწერელია აკაკი 78, 82, 119, 120,  
121, 125, 173, 271, 307, 312  
გენაძე კლარა 319  
გიგინეოშვილი ივანე 310  
გიორგი (იხ. რაზიკაშვილი გიორგი)

- გოგებაშვილი იაკობ 209  
 გოგოლი ნიკალაი 296  
 გოდერძი 243  
 გოეთე იოანან ვოლფგანგ 117, 118,  
 144, 232, 239, 240, 241, 279, 297,  
 298, 299  
 გოთუა ლევან 307  
 გომართელი ივანე 267, 268, 309  
 გომელაური ივანე 309  
 გორგაძე ო. 252  
 გრიგოლაშვილი ლაურა 317, 318  
 გრიშაშვილი იოსებ 307  
 გრუზინსკი პეტრე 198  
 გულქანი (იხ. რაზიკაშვილი  
 გულქან)  
 გუნია ვალერიან 112  
 გურამიშვილი დავით 185, 300  
**დავით სოსლანი** 318  
 დაწელია სერგი 107, 113, 114, 118,  
 125, 267, 272, 293  
 დემურია მარიამ 52  
 დერჯავინი 317  
 დიდებაშვილი გიორგი 56  
 დიდებაშვილი თამარ 56, 57  
 დიუმეზილი ჭ. 126, 143  
 დობორჯგინიძე ბენო 272  
 დუმბაძე დიმიტრი 208  
 დუტუ მეგრელი (იხ. ხოშტარია  
 დიმიტრი)
- თგორაშვილი ლ.** 254  
 ევგენიძე იუზა 71, 105, 114, 247,  
 257, 258, 274, 275, 306, 307 317, 318,  
 319, 320  
 ევდომშვილი იროდიონ 50  
 ევრიპათ 131, 132  
 ევალაძე ია 307  
 ენდლერი ადოლფ 169  
 ეპიკურე 112  
 ერბი ელევა 169  
 ერთელიშვილი ფარნაოზ 317  
 ერისთავი დომინიკა 161  
 ერისთავი რაფიელ 181, 183, 308  
 ესენინი სერგეი 170  
 ესქილე 131, 132  
 ეული სანდრო 254
- ეფრონი 108, 114  
 ე. ჩ. (იხ. ჩიკვაძე ეკა)  
**ჰაინრიხი ერიხ** 170  
 ვაისკოპფი ფრანც კარლი 170  
 ვაჟა-ფშაველა 7, 8, 11, 39, 40, 41, 42,  
 43, 44, 45, 46, 47, 48, 49, 50, 51, 52,  
 53, 54, 55, 56, 57, 58, 59, 60, 61, 62,  
 63, 64, 65, 66, 67, 68, 69, 70, 71, 72,  
 73, 74, 75, 76, 78, 79, 80, 81, 82, 83,  
 84, 85, 86, 89, 90, 91, 94, 97, 98, 99,  
 101, 102, 104, 105, 107, 112, 113,  
 114, 115, 116, 117, 118, 119, 120,  
 121, 122, 123, 124, 126, 128, 131,  
 137, 138, 141, 142, 143, 144, 146,  
 148, 150, 151, 152, 153, 154, 156,  
 157, 158, 159, 160, 161, 162, 163,  
 164, 165, 166, 167, 168, 169, 170,  
 171, 172, 173, 174, 175, 176, 178, 179,  
 180, 181, 182, 183, 184, 185, 186,  
 188, 189, 190, 192, 193, 194, 195,  
 196, 197, 198, 199, 200, 201, 202,  
 203, 205, 206, 207, 208, 209, 210,  
 211, 212, 213, 214, 215, 216, 217,  
 218, 219, 220, 222, 223, 224, 225,  
 226, 227, 228, 230, 231, 232, 238,  
 239, 240, 241, 242, 243, 244, 245,  
 247, 249, 250, 251, 252, 253, 254,  
 255, 256, 257, 258, 259, 260, 261,  
 262, 263, 264, 265, 266, 267, 268,  
 269, 270, 271, 272, 273, 274, 275,  
 276, 277, 278, 279, 280, 281, 282,  
 283, 284, 285, 286, 287, 288, 289,  
 290, 291, 292, 293, 294, 295, 296,  
 297, 298, 299, 300, 301, 302, 303,  
 304, 305, 306, 307, 308, 309, 310,  
 311, 312, 313, 314, 315, 316, 317,  
 318, 319, 320, 321  
 ვარაზაშვილი შ. 275  
 ვართაგავა იპოლიტი 268, 303, 309,  
 319  
 ვასაძე თამაზ 103, 276  
 ვლ. ბ.-ძე 309
- ზაალიშვილი იზაბელა** 317  
 ზაბოლოცკი 317

- ზანდუკელი მიხეილ 173, 267, 312, 317  
 ზაქარიძე სერგო 319  
 ზ. ც. (იხ. ცხადაია ზოია)
- თ**ათარაძე ეთერ 259  
 თამარი (იხ. რაზიკაშვილი თამარ)  
 თაყაიშვილი ექვთიმე 316  
 თედო (იხ. რაზიკაშვილი თედო), 301  
 თეთრუაშვილი ლეილა 113, 115, 118, 125, 298, 319  
 თვალჭრელიძე თ. 248  
 თვარაძე რევაზ 71, 120
- ი**აკობი (იხ. გოგებაშვილი იაკობ)  
 იაკობი (ბიბლიური) 217  
 იაშვილი პაოლო 39, 62, 208, 307  
 ივნევი 317  
 იზაშვილი თ. 306  
 ილია (იხ. ჭავჭავაძე ილია)  
 იმედაშვილი იოსებ 50, 52, 62, 291, 309  
 იმანაიშვილი ი. 301  
 იესო 65, 69  
 იოანე მოციქული 91, 114  
 იოანე ნათლისმცემელი 69  
 იოანე ოქროპირი 65, 69  
 იოანე ლვისმეტყველი 72  
 ისაკი 217  
 იუნგი კარლ გუსტავ 133
- ჭ**ავთელი ი. (იხ. ჯავანაშვილი  
 ივანე)  
 კალანდარიშვილი გულნარა 145, 149, 150, 173, 300, 305  
 კალანდარიშვილი ელისო 63  
 კანდელაკი ტარასი 202, 204, 205  
 კანტი ემნუილ 112  
 კარტელაშვილი მარიამ 315, 317  
 კასრაძე დავით 309  
 კაშია ჯანრი 277  
 კვატაია მანანა 104  
 კვაჭანტირაძე მანანა 83, 119, 125  
 კვესელავა მიხეილ 117, 120, 125, 279  
 კვიტაიშვილი ემზარ 251, 299, 307
- კეკელიძე კორნელი 271  
 კეცხოველი ნიკო 250, 316  
 კიკნაძე გრიგოლ 71, 104, 114, 115, 120, 137, 143, 153, 173, 257, 280, 281, 282, 283, 293, 306, 310, 311, 313, 317, 318, 319, 320  
 კიკნაძე ზურაბ 71, 148, 149, 150, 273, 291  
 კიპლინგი რედიარ 119, 125  
 კირილიუკი ე. 312  
 კირიონი (იხ. საძაგლიშვილი  
 კირიონი)  
 კირში რაინერ 169, 171, 173, 175, 176, 177  
 კიტსი ჯონ 170  
 კლდიაშვილი დავით 275, 307, 316  
 კონტრიძე ბ. 318  
 კოპლატაძე თ. 317  
 კოტეტიშვილი ვახტანგ 220, 250, 284, 285  
 კოტრიკაძე ნ. 317  
 კუპრეიშვილი ნონა 116  
 კურასპეტიანი ე. 248  
 კურდღელაშვილი ნიკო 50  
 კუსრაშვილი რუსულან 306
- ლ**აისტი არტურ 49, 260, 316  
 ლაიშვილი ბ. 254  
 ლაშა-გიორგი 186  
 ლ. ბ. (იხ. ბრეგაძე ლევან)  
 ლებანიძე მურმან 249  
 ლევანი (იხ. რაზიკაშვილი ლევან)  
 ლევი-სტროსი კლოდ 107, 273  
 ლეთოდიანი ანა 175, 178  
 ლეიტი უილიამ 288  
 ლეონიძე გიორგი 42, 249, 258, 297, 304, 307  
 ლეონიძე ნიკო 42  
 ლესინგი გოტჰოლდ ეფრაიმ 299  
 ლიფშიცი 273  
 ლობუანიძე მიხეილ 210  
 ლომიძე გაგა 73, 75  
 ლონდონი ჯეპ 228  
 ლოსევი ალექსეი 273

- გათიაშვილი** მარიამ 211  
 მათურელი ალექსანდრე 208  
 მაკალათია სერგი 120, 121, 125  
 მაკალათია ფ. 318  
 მანდელშტამი ოსიპ 116, 121, 125,  
 170  
 მანი თომას 228  
 მანია ესმა 195  
 მანსვეტაშვილი იაკობ 49, 62, 198,  
 199, 268, 308316  
 მართა (იხ. რაზიკაშვილი მართა)  
 მარიამ დედოფალი 80  
 მარიამი (იხ. რაზიკაშვილი მარიამ)  
 მარი ნიკო 76, 278, 286, 304, 306  
 მახარაშვილი თ. 248  
 მგალობლიშვილი სოფრომ 42, 258  
 მეგრელიძე დ. 306, 307  
 მეილაზი ბ. 312  
 მელეტინსკი ე. 273  
 მელქისეთ-ბეკი ლევან 315  
 მენაბდე ლევან 313  
 მესხი სერგეი 43  
 მთვარელიძე მურად 251  
 მიდასი 260  
 მინაშვილი ვლადიმერ 288, 289,  
 297, 300, 301, 302, 306, 307, 315,  
 318, 319, 320  
 მირიანაშვილი 51, 303  
 მირიანაშვილი პეტრე 285, 308  
 მიულერი ვილჰელმ 170  
 მიქაბერიძე ალექსანდრე 53  
 მოემი სომერსეგ 210  
 მოლოდინაშვილი ჭრელა 243  
 მოციქული იოანე (იხ. იოანე  
 მოციქული)  
 მრევლიშვილი ნანა 248, 263, 274,  
 287, 290, 292, 302  
 მუჰამედი 112, 234, 236  
 მღვიმელი შიო 42, 50, 161, 208, 316
- ნაკაშიძე** თ. 252, 315  
 ნაკაშიძე ილია 268, 303, 309  
 ნაკაშიძე ნინო 234, 307  
 ნანაძე ვ. 254  
 ნარ-დონი 309
- ნებიერიძე ეკატერინე 44, 45, 48, 54,  
 55, 56, 57, 243  
 ნიკო (იხ. რაზიკაშვილი ნიკო)  
 ნიკშე ფრიდრიხ 123  
 ნ. მ. (იხ. მრევლიშვილი ნანა)  
 ნ. ფ. (იხ. ფრუიძე ნანა)
- ორიანი რ.** 127  
 ორბელიანი ალექსანდრე 79  
 ორბელიანი გრიგოლ 170, 271  
 ორბელიანი საშა 198  
 ორბელიანი სულხან-საბა 8, 105  
 ოქროპირი იოანე (იხ. იოანე  
 ოქროპირი  
 ოჩიაური თინათინ 314
- პავლე მოციქული** 65, 66, 72  
 პაპავა აკაკი 112, 307  
 პარასკევა 40  
 პეტრიანთ ლუკა 243  
 პლატონი 110, 112, 229  
 პრუსტი მარსელ 269  
 პუშკინი ალექსანდრ 297, 312
- შამიერაშვილი** (შამიერაანთ) პავლე  
 243  
 შვანია ვ. 314  
 ჟირარი რენე 130, 143  
 ჟორდანია ს. 318
- რადიანი შალვა** 293  
 რაზიკაშვილი გიორგი 40, 160,  
 რაზიკაშვილი გულქან 55, 62, 165,  
 259  
 რაზიკაშვილი ვახტანგ 261  
 რაზიკაშვილი თამარ 48, 54, 199  
 რაზიკაშვილი თედო 41, 54, 251,  
 რაზიკაშვილი ლევან 54, 55, 199, 209  
 რაზიკაშვილი ლუკა (იხ. ვაჟა-  
 ფშაველა)  
 რაზიკაშვილი მართა 41  
 რაზიკაშვილი მარიამ 54  
 რაზიკაშვილი მიხა 41  
 რაზიკაშვილი ნიკო 40, 41, 43, 56, 57,  
 161, 183, 251, 255, 258, 306

- რაზიკაშვილი პავლე 40, 200, 201,  
 217  
 რაზიკაშვილი სანდრო 41, 50, 208,  
 რამიშვილი კლარა 254  
 რამიშვილი დ. 305  
 რატიანი ირმა 104, 115  
 რაფაელი (არქიმანდრიტი) 275  
 რეიზოვი ბ. 312  
 რობაქიძე გრიგოლ 57, 76, 94, 98,  
 105, 106, 112, 114, 115, 116, 120,  
 123, 125, 219, 220, 257, 262, 293, 307  
 როლანი რომენ 269  
 რუსთაველი შოთა (იხ. შოთა  
 რუსთაველი)  
 რუსო უან უაკ 269  
 რცხილაძე გრიგოლ 291
- საბა** (იხ. ორბელიანი სულხან-საბა)  
 სადალაშვილი ც. 254  
 სავლე (იხ. პავლე მოციქული)  
 საითიძე გელა 251  
 სამონოვი 59  
 სამსონი 218  
 სანაძე ლეილა 307  
 სანდრო (იხ. რაზიკაშვილი სანდრო)  
 საპატოვა ტ. 254  
 საფაროვა მაკო 316  
 საძაგლაშვილი კირიონ 202, 203,  
 204, 205, 206  
 სევერინი 234, 235  
 სემიონოვი დიმიტრი 42, 43  
 სერებრიაკოვი 317  
 სერვანტესი 297  
 სირაძე რევაზ 71, 74, 75, 78, 79, 80,  
 82, 173  
 სიხარულიძე ქსენია 305  
 სოკრატე 109, 112, 252  
 სოსლანი დავით (იხ. დავით  
 სოსლანი)  
 სოფოკლე 131, 132, 148  
 სასაკი 317  
 სულხანიშვილი ლეილა 268, 285,  
 288, 306 317  
 სულხანიშვილი ნიკო 261  
 სტივენსი უოლეს 93, 253
- ტაბიძე** გალაკტიონ 170, 271, 307  
 ტაბიძე ნოდარ 313  
 ტაბიძე ტიციან 120, 258, 275, 303,  
 307  
 ტოლსტოი ლევ 297  
 ტრესიდერი ჯეკ 127, 143
- უ**ლრაიტი ფ. 93  
 ურბნელი (იხ. ხიზანიშვილი ნიკო)
- ფ**ალიაშვილი ზაქარია 271  
 ფარულავა გრივერ 311  
 ფაშალიშვილი სიკო 208  
 ფერაძე ილია 309  
 ფილონ ალექსანდრიელი 111  
 ფირცხალავა სამსონ 296  
 ფოჩხუა ბ. 313  
 ფრობენიუსი ლ. 123  
 ფრონიდი ზიგმუნდ 223, 313, 281,  
 282  
 ფრუნიძე ნანა 247, 252, 253, 254, 255,  
 257, 261, 262, 265, 271, 272, 276,  
 277, 286, 287, 295, 296, 298, 306,  
 307, 310, 316, 320  
 ფურცელაძე ანტონ 198  
 ფურცელაძე ნინო 261  
 ფხიკელაშვილი გულქან 40
- ქ**ავთარაძე ეთერ 207  
 ქიქოძე გერონტი 61, 62, 117, 120,  
 123, 125, 218, 219, 220, 222, 250, 25,  
 271, 286, 293  
 ქუთათელაძე ალექსანდრე 319  
 ქურდოვანიძე თეიმურაზ 147, 150,  
 269, 287  
 ქურიძე სანდრო (ეული სანდრო)  
 ქუჩიშვილი გიორგი 307  
 ქ. შ. (იხ. შენგელია ქეთევან)
- ღ**ვთისმეტყველი იოანე (იხ. იოანე  
 ღვთისმეტყველი)  
 ღვინიაშვილი შაქრო 211  
 ღვინჯილა ჯანსულ 105, 249

- ჟიფიანი** მიხეილ (მიშო) 42  
 ყაზბეგი ალექსანდრე 106, 180, 260,  
 318  
 ყიფშიძე ვრიგოლ 183, 268, 308  
 ყუბანეიშვილი სოლომონ 41, 43, 59,  
 62, 253, 255, 310, 317, 318  
**შანიძე** აკაკი 250, 304, 316, 321  
**შანიძე ლ.** 315  
 შანშიაშვილი სანდრო 190, 208, 307  
 შარაპაძე თამარ 71, 114, 115, 274,  
 292  
 შარიქაძე ც. 313  
 შელი პერსი ბიში 170  
 შენგელაია დემა 258, 307  
 შენგელია ქეთევან 248, 262, 293,  
 294  
 შერვაშიძე გიორგი 307  
 შექსპირი უილიამ 170, 171, 234,  
 236, 297  
 შვაიცერი ალბერტ 277  
 შიძსი იოპან 144  
 შოთა რუსთაველი 8, 76, 78, 79, 116,  
 185, 247, 265, 297, 300, 315  
 შპენგლერი ოსვალდ 106, 123
- ჩახმახაშვილი** ირმა 288  
 ჩერნიშევსკი ნიკოლოზ 297  
 ჩეხოვი ანტონ 233, 234, 235, 236,  
 237, 238  
 ჩეხოვი მიხაილ 236  
 ჩიკვაძე ეკა 248, 258, 259, 260, 266,  
 281, 284, 285  
 ჩილდსი მერი 8  
 ჩიქობავა არნოლდ 285, 302, 303,  
 320  
 ჩიქოვანი მიხეილ 289, 305  
 ჩიქოვანი სიმონ 116, 120, 125, 258,  
 307  
 ჩოლოყაშვილი ქაქუცა 55  
 ჩხეიძე ეკა 144  
 ჩხეიძე ოთარ 228, 240, 242  
 ჩხეიძე როსტომ 148, 150, 214  
 ჩხენელი თამაზ 70, 71, 75, 90, 103,  
 104, 107, 115, 119, 120, 122, 124,  
 125, 141, 143, 146, 150, 155, 173,  
 290, 291, 306, 307, 314
- გახელი** (თვალჭრელიძე პარმენ)  
 191  
 ცაიშვილი ს. 288, 306, 315, 316  
 ცანავა აპოლონ 306  
 ცანავა რუსუდან 126, 127, 132, 140,  
 143  
 ცვეტაევა მარინა 317  
 ცინცაძე თ. 248  
 ცისკარიშვილი ივანე 208  
 ცოცანიძე გიორგი 179  
 ცქიფაშვილი კატი 58  
 ცხადაია ზოია 268, 273, 300, 301,  
 315, 317, 318, 321
- ძიძიგური** შოთა 303
- ცერეთელი** აკაკი 46, 60, 79, 106,  
 125, 170, 188, 193, 209, 210, 256,  
 258, 261, 265, 266, 275, 284, 303,  
 307, 313, 316  
 წერეთელი ბ. 317  
 წიქარიშვილი ცისანა 317  
 წონკოლაური დავით 294, 317, 318,  
 319, 320
- ჭავჭავაძე** ალექსანდრე 15, 170,  
 265, 275  
 ჭავჭავაძე ილია 8, 46, 49, 52, 60, 79,  
 101, 106, 170, 184, 185, 188, 198,  
 206, 209, 210, 255, 284, 292, 300,  
 305, 307, 256, 258, 260, 265, 266, 313  
 ჭეიშვილი ალექსანდრე 99, 103, 295  
 ჭელიძე ვახტანგ 232  
 ჭილაძე თამაზ 258, 307  
 ჭინჭარაული ალექსი 249, 313, 314,  
 318, 319, 320  
 ჭონქაძე დანიელ 297  
 ჭრელაშვილი ლევან 249, 306, 317  
 ჭუმბურიძე ზურაბ 249,  
 ჭუმბურიძე ჯუმბერ 105, 249, 251,  
 267, 306, 307, 310, 317, 319
- ხარანაული** ბესიკ 226, 227  
 ხარაშვილი ნ. 248  
 ხახანაშვილი ალექსანდრე 42, 43,  
 76, 286, 291, 304, 309

ხეხერა 243  
ხვედელიძე რევაზ 318  
ხიზანიშვილი მ. 140, 143  
ხიზანიშვილი ნიკო 308  
ხინთიძიძე აკაკი 310, 311  
ხორნაული გიგი 256  
ხოშტარია დიმიტრი 289  
ხუბუტია პ. 318  
ხუსკივაძე თეოფილე 308  
ხუციშვილი სოლომონ 310, 314, 315  
ხუცურაული ა. 296

**ჯაბადარი ივანე** 123  
**ჯავახიშვილი გიორგი** 319  
**ჯავახიშვილი მიხეილ** 140, 258, 262,  
307  
**ჯალიაშვილი მაია** 173  
**ჯანგირაშვილი ბასილა** 211  
**ჯაფარიძე ვ.** 249  
**ჯაფარიძე რევაზ** 258  
**ჯაჯანაშვილი ივანე** 308,  
**ჯიბლაძე გიორგი** 293, 297

**ჰეგელი** 94  
**ჰერაკლიტე ეფესელი** 107, 108, 109,  
112, 130  
**ჰერცი რ.** 127  
**ჰეროდოტე** 126, 143  
**ჰომეროსი** 39, 239, 298  
**ჰუსერლი** 104